



8

1-F

21

100.

100.

Nathaniel & Papirio
 Sans vid: vitari Lapirij
 Rom' pte Jac: Rig: Thianu.
 ein & de.



5-1-21-21



XV. 4: 1.

100.

GG-4.





FRANCISCI
HOTOMANNI

ICti celeberrimi

FRANCO-GALLIA

JUXTA EDITIONEM

Francofurt: adauctam

Accessit

ANTONII MATHARELLI

Reginæ Galliæ à rebus procurandis
primarii

RESPONSIO

QUÆ DIRECTA AD EDITIONEM

Genevensem, quæ Anno 1573. prodiit, in quâ
deficiunt ea capita, quæ in indice Asterisco
notata reperiuntur.



FRANCOFURTI,

Apud GEORG FICKWIRT.

M. DC. LXV.

EX ELOGIO FRANCISCI
Hotomanni à Petro Neveleto Doscho
J.C. conscripto ad V.C. Jacobum Bon-
garsium Bodrianum, Regium in
Germania Legatum.

Igitur cum instituta majorum tueri
sapientis, & periclitanti patriæ non
succurrere impii esse intelligeret: Sa-
nandis patriæ carissimæ vulneribus
nobilem illam hominumque sermoni-
bus jactatam Francogalliam & quibus-
dam nō impune post paulo impugna-
tam, & à nonnullis etiam post ejus o-
bitum incalumniam, quasi mens ei
fuiſſet ex hæreditario facere regnum
electivum, nequiter contortam, emi-
ſit, quæ certè Gallicani hujus imperii
initia, fundamenta, progresſum, disci-
plinam, leges ſervando & amplifican-
do regno latas ex veterum auctorum
ſcriptis in lucem revocatas ante ocu-
los poſuit omnium, ut quibus artibus
regnum hoc ex parvo maximum eſſet
à majoribus noſtris factum iisdem jam
in ruinæ confinio poſitum conserva-
retur.

FRAN-



FRANCISCI HOTOMANI
in Franco-Galliam suam

P R Æ F A T I O.

Olim ad Illustrissimum Principem ac
Dominum, Dominum Fridericum,
Comitem Palatinum ad Rhenum,
Ducem Bavarix, S. R. I. Electorem,
annis sc. abhinc 91. perscripta, & pri-
mæ illius opusculi editioni præfixa.



ETVS verbum est, Il-
lustrissime Princeps, Pa-
tria est ubicumque
est bene, Teucro Tela-
monis filio attributum, multisque secu-
lis comprobatum. Nam fortis animi ex-
celsique videtur esse, ut cætera incom-
moda, sic etiam exilium, æquo animo fer-
re,

PRÆFATIO.

*re, ingrataeque patriæ, tanquam non ver-
cæ, injurias contemnere. Verùm, ego
longè esse arbitror secus: Nam si paren-
tum mores, atque aded asperitatem ini-
quius ferre, sceleratum, ac propè im-
pium videtur, quanto magis patriæ,
quam sapientes omnes, una & mente
& vocè, semper parentibus anteposue-
runt? Est quidem hominis securi, & de
suis tantùm commodis cogitantis, pa-
triæ caritatem suis opportunitatibus
metiri; sed illa tanta securitas, pars
quædam ejus immanitatis videtur,
quæ propria, vel Epicuræorum, vel Cy-
nicorum fuit, unde vox illa furialis pro-
fecta est, Me mortuo, terra mi-
sceatur incendio. Aqua ne illud
quidem vetus Tyrannicum abhorret:
Pereant amici, dum unà inimi-
ci intercitant. Est in mansuetis in-
geniis*

PRÆFATIO.

*geniis caritas quædam innata patriæ,
quæ deleri, nisi cum reliquis humani-
tatis sensibus non potest. Qualem
caritatem Homerus in Ulyssæ de-
scribit, qui patriam Ithacam sax-
is præruptis & asperis, tanquam
nidulum, affixam, omnibus ta-
men deliciis, atque adeo Regno sibi
à Calypsone oblato anteposuit.*

Nescio qua natale solum dul-
cedine cunctos
Afficit, immemores nec fi-
nit esse sui,

*ut Verè Poeta vetus cecinit: cùm & cœ-
li, unde primum spiritum duximus, &
soli in quo prima vestigia posuimus, &
cognatorum, propinquorum, æqualium-
que nobis in mentem venit. Verume-
nim verò, dicet aliquis, delira interdum*

PRÆFATIO.

patria est, mentisque errore afficitur, ut Plato de sua locutus est. Interdum etiam furore amens crudeliter bacchatur, atq; in sua viscera sævit. Primum cautio est, ne alienam culpam innocenti patriæ ascribamus. Multi Romæ, multi aliis in locis Tyranni immanes fuerunt, hi non modò bonos viros, verumetiam benemeritos de patria ciues omnibus cruciatibus afficiebant. Continuòne verum fuit, illorum insanias patriæ acceptas ferre? Memcratur Imperatoris Macrini crudelitas: quem Iulius Capitolinus Macellinum nominatum scribit, propterea quòd domus ejus, ut macellū sanguine pecudum, sic illa hominum sanguine cruentabatur. Complures alij passim ab historicis commemorantur: quorū alius (ut idem Capitolinus scribit) ab eadem crudelitate Cyclops, alius Busiris, alius

PRÆFATIO.

alius Siron, alius Typhon, alius Gyges nominatus est. Cum illi sic animum induxissent, regna & imperia nisi crudelitatem retineri non posse. Idcircone cura omnis & sollicitudo patriæ, ci-vibus bonis abiicienda fuit? imo verò tanquam oppressæ & miseræ & natorum opem imploranti succurrendum, remediaque modis omnibus conquirenda. Quamquam, ô fortunatas bonis & mansuetis Principibus regiones! ô beatos ci-ves, quibus Principum suorum benignitate, tranquille licet in patriis avitisque sedibus, cum conjugibus & liberis consensescere. Nam plerunque certè usu venit, ut remedia malis ipsis, quibus ea quærentur, deteriora sint. Anni sunt, ut opinor, sexdecim, Princeps Illustrissime, ex quo Deus optimus maximus partem Germaniæ Rhenanæ non exiguam fidei ac

* 4 pote-

PRÆFATIO.

potestati C. T. commendavit. Vix dici potest, quantam ex eo tempore tranquillitatem, & tanquam in pacato mari malaciam toto Palatinatu videre licuerit: quàm pacata semper sedataque omnia, quàm piè, sanctè, & religiosè constituta! Maeste igitur ista mansuetudine esto, Clementissime Princeps! quod ego, quantum & animi & corporis viribus contendere possum, iterum exclamo: Maeste ista virtute esto! placida & mansueta: non quemadmodum Seneca memoriæ prodidit moris apud Romanos fuisse, ut sanguinolentis & ex acie redeuntibus, Macellinis denique cruore madentibus diceretur, Maeste virtute esto! Sed maeste ista Mansuetudine animi, Clementia, Pietate, Iustitia, Facilitate, & imperij ac ditionis tuæ Tranquillitate. Atque hic cum ferè sit vestræ Germaniæ
sta-

PRÆFATIO.

status, quemadmodum qui navigationem instituunt, freta turbulenta, & tumultuosa devitant, sedatos ac tranquillos cursus quærent: similiter quamplurimi hodie regiones latrociniis infestas fugiunt, tranquillas & pacatas quærent. Ac fuit tempus, cum in Francogalliam nostram undique ex omnibus terrarum oris, sese studiosi adolescentes effunderent, & ad nostras Academias, tanquam ad bonarum artium mercaturam conferrent: nunc illas, quasi maria piratis infesta horrent, neque secus quam Cyclopicam barbariem execrantur. Cujus rei meum pectus memoria exulcerat, cum cogito, miseram & infortunatam patriam duodecim jam ferè annorum spatio incendiis civilibus exarsisse. Sed multo me acerbior excruciat dolor, cum considero, non modò tam
* 5 multos

PRÆFATIO.

*multos esse otiosos incendiorum spectatores, (qualem olim Neronem Romæ conflagrantis fuisse memorant) verum etiam flammæ illas impiorum quorundam vocibus ac libellis, tanquam flabel-
lis, excitari: ad eas autem extinguendas per paucos ac ferè nullos accurrere. Mea quidem quam sit tenuis, quamque humilis conditio, non sum ignarus. Sed tamen ut in communi incendio si quis quantumvis abjecta fortuna sitellam aquæ deferat, studium credo ejus nemo repudiet: ita spero neminem patriæ communis amantem, meam hanc in quærendis remediis operam aspernaturum.
(Anno 1572. & 1573.) Superioribus quidem mensibus in tantarum calamitatum cogitatione defixus, veteres Francogalliæ nostræ historicos & Gallos & Germanos evolui, summamque ex eorum*
rum

PRÆFATIO.

rum scriptis confeci ejus status, quem annos amplius mille in Republica nostra viguisse testantur. Ex qua incredibile dictu est, quantam majorum nostrorum in constituenda Republica nostra sapientiam cognoscere liceat: ut mihi quidem nequaquam dubium esse videatur, quin ab illa certissimum tantorum malorum remedium petendum sit. Nam mihi attentius in istarum calamitatum causam inquirenti, sic videbatur: Sicuti corpora nostra vel externo impulsu atque ictu, vel intestinis humorum vitiis, vel senio intereunt: ita Rerum publicarum alias hostili impetu, alias domesticis dissensionibus, alias vetustate confici. Nostræ autem Reipublicæ incommoda, etsi vulgò ex intestinis dissidiis nata existimantur, tamen hanc non causam, sed principium malorum esse animadverti: quod

PRÆFATIO.

quod principium à caussa plurimum discrepare, gravis auctor in primis Polybius demonstrat. Causam autem confirmo esse plagam, quam annis abhinc circiter centum ab illo accepit, quem constat primum omnium præclara majorum nostrorum instituta labefactasse. Quemadmodum autem corpora nostra externo aliquo ictu luxata sanari, nisi membris suum quibusque in locum & naturalem sedem restitutis, non possunt : ita Rempublicam nostram tum denique sanatam iri confidimus, cum in suum antiquum & tanquam naturalem statum di-vino aliquo beneficio restituetur. Et quia C. T. patriæ nostræ semper se amicissimam præbuit, optimum factu judicavi, summam hanc historiæ nostræ Illustrissimo tuo nomini inscribere, quasque consecrare : ut
ejus

PRÆFATIO.

*ejus patrociniſio atque auctoritate
tutior in hominum manus pervenire
poſſit. Vale Illuſtriſſime Princeps, &
Salve. Deum opt. max. oro, ut Il-
luſtriſſimum genus Veſtrum perpetuo
beatiffimum ac florentiſſimum eſſe pa-
tatur. XII. Kalendas Septemb.
MDLXXIII.*

Illuſtriſſ.C.T.

obſequentiſſimus

Franc. Hotomanus.

INDEX

INDEX CAPITVM:

Quorum quæ asterisco notata sunt,
hac editione accesserunt.

CAP.	PAG.
1 <i>De statu Gallia priusquam à Romanis in provinciam redigeretur.</i>	1
2 <i>Quæ priscis temporibus Gallorum lingua fuisse videatur.</i>	10
3 <i>De statu Gallia à Romanis in provincia formam redacta.</i>	25
4 <i>De ortu Francorum, qui Gallia occupata ejus nomen in Franciam vel Francogalliam mutarunt.</i>	36
5 <i>De Francorum nomine, varisque excursionibus, & quo tempore regnum sibi in Gallia constituerint.</i>	52
6 <i>Regnum Francogallia utrum hereditate, an suffragiis deferretur, & de Regum creandorum more.</i>	70
7 * <i>De summa populi potestate, in Regibus caussa cognita condemnandis & abdicandis.</i>	83
8 <i>Pluribus extantibus Regis demortui liberis, quid juris in hereditate observaretur.</i>	94
9 * <i>De Regis dominio, & fratrum ipsius appan-</i>	

INDEX

- appannagio. 99
 10 De lege Salica, & jure mulierum in Regum parentum hereditatibus. 113
 11 De jure Regalis capillitij. 113
 12 Qualis Regni Francogallici constituendi forma fuerit. 128
 13 *De regia Majestate, & annuo gentis Francogallia conventu, placito, curia, parlamento. 162
 14 De sacrosancta publici Concilii auctoritate, & quibus de rebus in eo ageretur. 171
 15 De Praefectis Regiis, qui Majores domus dicebantur. 187
 16 Vtrum Pipinus Papa, an Francogallici Concilii auctoritate Rex factus fuerit. 195
 17 De Comestabulo & Paribus Francia. 207
 18 De continuata sacrosancti Concilii auctoritate sub Carlovingiorum Regno. 225
 19 *De summa inter Regem & regnum differentia. 232
 20 De Capevingiorum familia, & Regno Francogallia in illam translato 239
 21 De continuata Concilii publici auctoritate in Capevingiorum familia. 245
 22 De

I N D E X

- 22 *De publici Concilii auctoritate in maximis religionis negotiis* 255
- 23 *De memorabili auctoritate Concilii in Regem Ludovicum XI.* 267
- 24 * *Alterum ejusdem publici Concilii facinus in signe in Papa Benedicto XIII. damnando ac repudiando.* 273
- 25 * *Regem Francogallia non infinitam in suo regno dominationem habere, sed certo jure certisque legibus circumscriptam.* 283
- 26 *An mulieres, non ut ab hereditate Regni, sic ab ejus procuratione Francogallia jure arceantur.* 301
- 27 *De Parliamentis juridicialibus.* 318

FRAN.



FRANC. HOTOM.
JURISC. FRANCO.
GALLIA.

*De statu Gallia priusquam à Romanis in
provinciam redigeretur.*

CAP. I.

COGITANTI mihi de Francogallia nostrae institutis, quantum ad usum Reipub. nostrae, & horum temporum opportunitatem satis esse videbitur, conscribere: principio exponendum videtur, qui Galliae status fuerit, antequam à Romanis in Provinciae formam redigeretur. Nam quae de gentis origine & antiquitate, de bellicis laudibus eloquentiae studio, regionis situ & natura, privatorumque moribus apud Caesarem, Polybium, Strabonem, Ammianum & reliquos scripta extant, nota sunt omnibus, mediocriter quidem eruditis. Pleraque Gallia

A

(in-

(inquiſbat M. ille Cato Cenſorius in
Originibus) duas res induſtrioſiſſime
perſequitur: rem militarem, & argu-
tiſſime loqui. Intelligendum eſt igitur,
eo tum ſtatu Galliam fuiſſe, ut ne-
que univerſa unius imperio regeretur:
neque ſingulæ civitates vel in populi,
vel in Optimatum poteſtate eſſent:
ſed ita diviſam in Civitates Galliam
univerſam fuiſſe, ut pleræque Opti-
matum conſilio regerentur, quæ Li-
beræ dicebantur: ceteræ Reges habe-
rent: omnes quidem hoc inſtitutum
tenerent, ut certo anni tempore pu-
blicum gentis concilium agerent: quo
in concilio quæ ad ſummam Reipub.
pertinere videbantur, conſtituerent.
Civitates autem quatuor & ſexaginta
Corn. Tacitus numerat lib. 3. hoc eſt,
ut ex Cæſare intelligitur, Regiões, quæ
non modò lingua, moribus, & inſtitu-
tis, verùm etiam iſſdem magiſtratibus
utebantur: quales ipſe multis locis Æ-
duorū, Arvernorū, & Rhemorū civita-
tes præcipuè cōmēorat. Itaq; cū Æ-
duū Dumnorigē Cæſar interficiendū
cu-

curaret, resistere, inquit, ac se manu defendere, suorumq; fidē implorare cœpit: sepe clamitans, liberum se, liberæque civitatis esse. libro quinto, cap.

3. Quapropter in eandem sententiam Strabo lib. 4. ita scribit: ἀριστοκρατική δὲ

ἦσαν ἀπλείστου πολιτειῶν ἵνα δὲ ὑγεμόνα ἤρξαντο κατ' ἐνιαυτὸν τοπαρχοὶ ὥς δὲ αὐτῶς εἰς πόλεμον ἦς ὑπὸ τῶν πλείστοις ἀπιδείκνυτο στρατηγός. Ple-

rxque, inquit, civitates Optimatum consiliis regebantur: unum aut magistratum olim quotannis deligebant: sicut & ad bellum gerendum unus à populo imperator creabatur. Eodem pertinet quod Cæsar lib. 6. cap. 4. his scribit verbis: Quæ civitates commodius suam Remp. administrare existimantur, habent legibus sancitum, si quis quid de Reipub. à finitimis rumore aut fama acceperit, ut ad Magistratum deferat, neve cum quo alio communice: Magistratus quæ visa sunt, occultant: quæque esse ex usu judicaverit, multitudini produnt. De Rep. nisi per concilium loqui non conceditur. De communi verò totius Gentis

concilio pauca hæc ex Cæsare testimonia proferemus. Petierunt, (inquit lib. 1. cap. 12.) uti sibi concilium totius Galliæ in diem certam indicere, idque Cæsaris voluntate facere liceret. Item lib. 7. cap. 12. Totius Galliæ concilium Bibracte indicitur. eodem conveniunt undique frequentes multitudines. Et lib. 6. cap. 1. Cæsar concilio Galliæ primo vere (ut instituerat) indicto, cum reliqui præter Senones, Carnutes, Trevirosque venissent, concilium Lutetiam Parisiorum transfert. Et lib. 7. cap. 6. Quæ ab reliquis Galliis civitates dissentiebant, has sua diligentia (de Vercingentorige loquitur) adjuncturum, atque unum concilium totius Galliæ effecturum, cui concilio ne orbis quidem terrarum possit obistere. Jam verò de regionibus, qui civitatibus quibusdam præerant, loca sunt apud eundem auctorem propè innumera: ex quibus illud memoria dignum intelligitur, moris fuisse Romanis, ut quos Regulos ad suas rationes accommodatos, id est, ad

ad res novas, conturbandasque civitates & inimicitias cum aliis exercendas idoneos judicabant, eos sibi amicitia & societate adjungerent: summi que honoris ac beneficii loco, socios atque amicos suos honorificentissimis decretis appellarent: eumque verborum honorem reges exteri complures magnis largitionibus à civitatis Romanæ principibus comparabant. Reges autem vel Regulos potius, Galli eos nominabant, qui non ad tempus, ut civitatum magistratus: sed in perpetuum, regium imperium quantumvis exiguis finibus obtinebant: quos immutata temporum consuetudo, Duces, Comites, Marchiones appellavit. Earum porrò civitatum aliæ aliis potentiores erant: quarum se in fidem & clientelam, quæ minus per se poterant, studiosè conferebant. Has Cæsar superiorum stipendiarias, vectigales, & earum imperio subjectas appellat. Plerunque tamen in fide aliarum esse scribit. Regnante Romæ Prisco Tarquinio (inquit Livius lib. 5.)

Celtarum penes Bituriges summa imperij fuit : ij Regem Celtis dabant. Adventu Cæsar in Galliam, (qui fuit annus ab urbe condita DCCXCV.) Galliar totius factiones erant duæ. Harum alterius principatum tenebant Ædui : alterius, Arverni : multosque annos de potentatu inter se contenderant. Sed illa contentio ea re magnoperè augebatur, quòd Bituriges Arvernorum finitimi, in fide & imperio Æduorum erant. Sequani contrà, Æduorum finitimi, in Arvernorum fide, lib. 1, cap. 12. lib. 6. cap. 4. Cùm has Gallorum contentiones Romani ad suas rationes, id est, ad suam potentiam amplificandam aptissimas judicarent, studiosè illas aiebant. Itaque Æduos in societatem asciverunt, eosque exquisito verborum honore Fratres consanguineosque suos appellarunt. In Æduorum fide & clientela reperio fuisse primùm Senones, quibus cum Parisij paulò antè suam civitatem fœdere & societate conjunxerant. lib. 6. cap. 1. tum Bellovacos, quorum tamen

men erat civitas magna, & plurimum inter Belgas & virtute, & auctoritate, & hominum multitudine valebat, lib. 2. cap. 4. & lib. 7. cap. 7. Subimpe-
rio Nerviorum Cæsar numerat Cen-
trones, Grudios, Lævacos, Pleumo-
sios, Gordunos. lib. 5. cap. 11. Treviro-
rum clientes idem numerat Eburo-
nes, & Condrusos. lib. 4. cap. 1. Vene-
torum autem civitatis (hi sunt in Ar-
morica) longè amplissimam aucto-
ritatem idem fuisse scribit omnium
oræ maritimæ regionum earum o-
mnesque ferè qui eo mari uti consue-
verant, illius fuisse vectigales. lib. 3. ca.
2. Arvernorum autem tanta erat am-
plitudo, ut non modò se Æduis adæ-
quarent, verum etiam paulò ante Cæ-
saris adventum magnam clientū par-
tem ab illis ad se traduxissent. li. 6. ca.
4. lib. 7. cap. 10. Itaque Strabo lib. 4.
scribit, eos quadringentis hominum
millibus duce Vercingentorige bellū
adversus Cæsarem gessisse. Hi ab regio
imperio abhorrebant. Itaque cum
Celtillus Vercingentorigis pater

summæ potentix atque auctoritatis
 esset, eoque totius Gallix principa-
 rum obtineret, ob eam causam quòd
 Regnum appetebat, ab civitate Inter-
 fectus fuerat, lib. 7. ca. 1. Sequani con-
 trà Catamantaledem Regem habe-
 bant, quem Romani amicum ac sociũ
 appellarant, lib. 1. cap. 2. Sueffiones
 quoq; qui latissimos feracissimosq; a-
 gros possidebant, oppidaq; habebant
 numero XII, & armatoro L, millia con-
 ficere poterant, Divitiacũ totius Gal-
 lix potentissimũ Regẽ paulo antè ha-
 buerant: qui non tantum magnæ par-
 tis Belgarum, verum etiam Britannix
 imperium obtinuerat, Cæsar adven-
 tu Regem Galbam habebant, lib. 2.
 cap. 1. In Aquitania Pisonis cujusdam
 Aquitani avus regnum obtinuerat, &
 à Romanis amicus appellatus fuerat.
 libro 4. cap. 3. Senones quoque, quæ
 fuit civitas in primis firma, & magnæ
 inter Gallos auctoritatis, quodam
 tempore Moritasgum regem habue-
 rant, cujus etiam majores regnum in
 eadem civitate obtinuerant, lib. 5. ca.

13. Item Nitiobriges Olloviconem Regem habuerat, Amicum à Senatu Roman. appellatum, libro 7. cap. 6. In illis porro regnis illud observatione dignum, neque leviter prætereundum videtur: primum quòd hæreditaria non erant, sed à populo propter justitiæ opinionem deferebantur: deinde quòd Reges non infinitum, solum & effrenatum imperium habebant: sed certis legibus ita circumscriptum, ut non minus ipsi in populi, quàm populus in ipsorum ditione ac potestate esset: ut ferè illa regna nihil aliud, nisi magistratus perpetui viderentur. Nam multos Cæsar nominat privatos, quorum tamen parentes ac majores regnum obtinuerant: in his Callicum Catamantaledis filium, cujus pater in Sequanis multos annos regnum obtinuerat, lib. 1. cap. 2. Item Pisonem Aquitanum libro 4. capite 3. Item Tasgetium, cujus majores in Carnutum civitate cum Regio imperio tuerant, lib. 5. cap. 8. De imperii verò & potestatis modo, Ambiorix

rex Eburonum apud eundem auctorem ita loquitur, (lib. 5. cap. 8.) Sua esse ejusmodi imperia, ut non minus haberet in se juris multitudo, quam ipse in multitudinem. Quam optimam ac præstantissimam Reipub. formam esse, propterea Plato & Aristoteles, & Polybius, & Cicero judicarunt, quòd regalis dominatus, si sine freno, ut ait Plato, relinquatur, ubi in tantam omnium rerum potestatem, tanquam in lubricum locum, venerit, facillimè in tyrannidem delabitur. qua de causa, inquit, Optimatum & delectorum auctoritate, quibus eam potestatem populus permittit, tanquam freno coercendus est.

Quæ priscis temporibus Gallorum lingua fuisse videatur.

C A P. II.

HOC loco non prætermittenda quæstio videtur, multorum eruditum hominum tractata disputationib⁹ Gallorum sermo fuerit. Nam quæ

quæ ad religiones, & privatorum mores, ceteraque instituta pertinent, Cæsar (ut antè diximus) copiosè exposuit. Primum autem meminisse oportet, quod idem auctor initio Commentariorum scribit, cum Gallorum alij Belgæ alij Aquitani, alij Celtae essent, omnes non modo institutis, verum etiam lingua inter se discepassent. Quod aperte Stra. lib. 4. testatur, ubi ait eos ὁμογλώτῃς non fuisse, ἀλλ' ἐν ἑαυτοῖς μικρὸν ποικίλ' ἑαίρονταις γλώτῃς. Idemque Ammianus Marcell. lib. 15. confirmat. Quod verò doctissimi complures, ac præsertim nostri populares, disputant, Gallos Græca lingua usos fuisse, vel ex eo solo refelli potest, quod Cæsar li. 5. cap. 12. commemorat, cum Q. Cicero à Gallis obsessus suis in castris teneretur, epistolam ei se Græcis literis scriptam misisse, ne, si interciperetur, sua consilia à Gallis cognoscerentur. item lib. 1. cap. 4. Ubi scribit, se cum Divitiaco Dumnorigis fratre, per C. Valerium Troacillum, principem Galliæ provinciæ, familiarem suum,

suum; remotis quotidianis interpretibus, locutum esse. Nam Troacillus civis R. factus & Latinæ & Gallicæ linguæ usum habebat. Quod si Divitiacus Græcæ linguæ notitiam habuisset, quid Cæsari ad colloquium cum eo instituendum interprete opus fuisset? Eodem etiam illud Ciceronis pertinet in Orat. pro Fontejo : Ubi de Gallis loquens: Hi vagantur, inquit, læti atque erecti, passim toto foro, cum quibusdam minis, & barbaro atque immani terrore verborum. Nam Græcam linguam Ciceroni barbaram atque immanem fuisse, nemo, opinor, existimariæ. Ulpianus in l. Fideicommissa, II. D. de Legat. 3. Fideicommissa quocunque sermone relinqui possunt: non solum Latina vel Græca, sed etiam Punica, vel Gallicana, vel alterius cujuscunque generis lingua. Sed occurritur ab nonnullis, proferentibus Strabonis locum ex eodem lib. 4. ubi scribit, omnium optimarum artium, ac præsertim Græcarum literarum, studia Massiliæ viguisse: usque
cò

eò ut Galli eorum exemplo Græcæ
 linguæ studio caperentur: & jam pacta
 conventaque Græcè scriberent. *Ἐφίλ-
 ῳλως (inquit) κατέσκεύασε Ζοὺς Γράμματα,
 ὥς ἐκ τῶν συμβόλων αἰφύλως ἰγράφειν.* Verùm
 huic objectioni facilis & expedita re-
 sponso est. Primum enim si Galli Mas-
 siliensium exemplo Græcam linguam
 discebant, an non perspicuum est ver-
 naculam illam eorum linguam non
 fuisse? Deinde Strabo eodem loco
 non obscurè ostendit morem illum
 pacta & contractus Græcè scribendi,
 suo demum tempore initium cepisse,
 cùm jam universa Gallia Romanis pa-
 rere didicisset. Præterea de ijs tantum
 præcisè loquitur, qui Massiliensibus
 erant finitimi: quibus in locis non mo-
 dò privati complures, verum etiam
 civitates, inquit, doctos viros Massilia
 publico consilio propositis honorarijs
 juadventutē suam instituendam evo-
 cabant. Cum tamen alijs plerisque in
 Galliæ locis Academiæ florent, in
 quibus sermone Gallico artes ac di-
 sciplinæ juventuti tradebantur, quod
 Hiero-

Hierony. ad Rusticum scribens his ostendit verbis: Mater post studia Galliarum quæ florentissima sunt, misit te Romam, ut ubertatem, nitoremque Gallici sermonis gravitas Romana condiret. Super est locus ille apud Cæsarem, ubi ait, Gallos in publicis privatisque rationibus Græcis literis usos fuisse. Sed videamus ne VOX GRÆCIS eo loco non modò ut supervacanea, verum etiam ut impertuna & adulterina tollenda sit: quippe, cum ad Cæsaris sententiam exprimendam satis fuisset dixisse, gallos in sola Druydum disciplina literis & scriptione usos non esse: in cæteris omnibus, & privatis & publicis rationibus, literis usos esse. Nam *Utiliter*, pro Scribere, locutio est Latinis auctoribus crebrò usitata. Fabius lib. II. cap. II. Quanquam invenio apud Platonem, obstare memoriæ usum literarum. Præterea repugnant, gallos linguæ græcæ imperitos fuisse: (quod Cæsar illo superiore loco dixerat) & vulgo tabulas rationesque suas publicas

ac

ac privatas græcis literis conscripsisse. Quod autem plerique existimant, græcas literas eo loco nō proscriptio-
ne, sed pro formis literarum usurpari:
nobis propterea minus probatur,
quod locis innumeris (ut modò dice-
bamus) veteres scriptores Uti literis
dixerūt pro Scribere: at pro, formas li-
terarū ducere, quantū adhuc observa-
re licuit, nusquam. Neq; enim illos ad-
juvat, quod idem Cōmentario primo
scripserat, repertas in Helvetiorum
castris tabulas, literis græcis conscri-
ptas: quasi verò qui græcis literarum
notis scribere didicerat, nō idem eadē
opera græco sermone scribere didi-
cisset: aut non esse potuerint in Helve-
tia vel sacerdotes, vel adolescentes
nobiles, qui, ut hodie tam multi sunt
qui Latine didicerunt, ita literas
græcas, quæ tum in honore & pretio
erant, perdiscere potuerint. Quam
opinionē vel unica Massiliensis scho-
læ vicinitas refellit. Itaque idem Cæ-
sar lib, 5. ubi de illa sua ad Ciceronem
epistola

epistola loquitur : Hanc, inquit, Græcis conscriptam literis mittit : ne intercepta epistola, nostra ab hostibus consilia cognoscantur. Justin. lib. 20. Facto S. C. nequis postea Carthagenensis aut literas Græcas, aut sermonem studeret, ne aut loqui cum hoste, aut scribere sine interprete posset. Tacitus de moribus Germ. Monumenta & tumulos quosdam Græcis literis inscriptos in confinio Germaniæ Rheticiæque adhuc extare. Livius lib. 9. Vulgò tum Romanos pueros, sicut nunc Græcis, ita Hetruscis literis erudiri solitos. Idem lib. 25. Ibique aram Annibal condidit, dedicavitque cum ingenti rerum ab se gestarum titulo, Punicis Græcisque literis insculpto. Item lib. 40. Literis Latinis Græcisque utraque ara inscripta erat. Ulpianus Jurisc. tit. de institor. act. Proscribere sic accipimus, claris literis, utrum Græcis, an Latinis? Puto secundum loci conditionem: ne quis causari possit ignorantiam literarum. Trebell. Pollio in Æmiliano: Fertur, enim apud

pud Memphim in aurea columna Ægyptijs literis scriptum, tunc demum, &c. Denique non arbitror isto sensu dicturum Cæsarem fuisse, græcis literis scribere: sed potius Græcarum literarum forma, vel figura, vel notis. Velut apud Tacitum lib. II. Novas literarum formas addidit: comperto Græcam literaturam non simul cœptam absolutamque. Et mox: Et formæ literis Latinis quæ veterrimis Græcorum. Item apud Paulum Jurisc. (ub. tit. De oblig. & actionibus. Non figura literarum, sed oratione quam exprimunt literæ, obligamur. Item apud Cicero, Tuscul. I. Aut qui sonos vocis, qui infiniti videbantur, paucis literarum notis terminavit. Ac ne quis nimio opere admiretur vocem GRÆCIS apud Cæsarem irrepsisse, proferam similem casum apud Plinium lib. 8. cap. 57. ubi sic scriptum est: Gentium consensus tacitus primum omnium conspiciavit, ut JONUM literis uterentur. Ex mox, Sequens gentium consensus in tonsogibus fuit.

Et mox: tertius consensus est in horarum observatione. Nam vocem Jonum tollendam esse, quis non videt? non tam quia planè supervacanea est: (nam ad Plinij institutum satistuit dicere, primum Gentium consensum fuisse in scripture & literatura) quàm quia falsum est, Jonum primas fuisse literas ut ipse Plin. superiore primo capite docuit, & Tacitus lib. II. Animadverti tamen apud Gregorium Turon. lib. 5. & Aimoinum lib. 3. cap. 41. locos duos, quibus significari videtur, Gallos Græcarum literarum nostris usos fuisse, nam ubi de Chilperico Rege loquuntur: Addidit (inquiunt) & literas literis nostris: id est ω, ψ, ζ, φ, & misit epistolas in universas civitates regni sui, ut sic pueri docerentur. Apud Aimoinum autem tres tantum ponuntur χ, θ, φ. Verum intelligendum est, Francos istos fuisse, non Gallos: vel potius Francogallos: qui Germanica lingua, id est, patria & nativa, non illa veterum Gallorum, quæ Romanorum dominatu obsoleverat, utebantur.

tur, deinde si Francogalli Græcis literis usi fuissent, quid ita reliquas omnes, his solis exceptis, usurpassent? Verum hæc quidem plus satis. Superest eorum opinio, qui putant Gallos Germanica lingua usos fuisse: quos vel unus ille Cæsar lib. i. refellit locus, in quo scribit, Ariovistum propter longinquam in Gallia consuetudinem lingua Gallica usum esse. Eò accedat Taciti locus ille ex lib. *De moribus German.* Equibus Marigni & Burij sermone cultuque Suevos referunt, Gothinos Gallica, Osos Pannonica lingua coarguit non esse Germanos. Planius autem hoc confirmat Suetonius in Caligula: conversus hinc, inquit, ad curam triumphi, præter captivos & transfugas Barbaros, Galliarum quoque procerissimum quemque, & (ut ipse dicebat) ἀξιολογίσμηντον, ac nonnullos ex principibus legit, ac seposuit ad pompam, coëgitque non tantum rutilare, & submittere comam, sed & ser-

monem Germanicum addiscere, & nomina Barbarica ferre. Ubi planius contrariæ sententiæ testimonium Glareanus, & alij Glareanum secuti protulerint, fidem illis habendam existimabo. Interea duabus de causis mihi eorum probabilis opinio videbitur qui scribunt, veterum Gallorum linguam propriam, atque ab aliarum gentium, præter quàm à Britannorum sermone dissimilem fuisse: primum, quia Cæsar scribit moris fuisse, ut qui Druydum disciplinam diligentius cognoscere volebant, plerumque in Britanniam proficiscerentur. Cum autem libris nullis uterentur, consentaneum est, illos eodem quo in Gallia sermone utos in docendo fuisse. Deinde quia Corn. Tacitus in Agricolæ vita scribit Britannorum & Gallorum sermonem haud multum diversum fuisse. Neque mihi Beati Rhenani conjectura displicet, qui sermonem eorum qui hodie Britones Britonantes appellantur, veteris nostræ linguæ relinguæ reliquias fuisse arbitratur:

cum

cum alijs de caussis , tum præcipuè quia constat Britannos ab Anglis Saxonibus patria pulsos in eam regionem profugisse. Unde illa Eduardi I. Anglorum Regis lex vetus: Britones Armorici , cùm venerint in Regno isto, suscipi debent & protegi , sicut probi cives de corpore regni hujus. Exierunt enim quondam de sanguine Britonum regni hujus. Atque hæc quidem de prisca Gallorum lingua dicta sint. Nostram autem qua jam utimur , non difficile intellectu est , ex varijs variarum gentium sermonibus constata esse. Ac , si breviter dilucideque dicendum est , is quo jam utimur sermo , quadripartitò distribuendus est : ac dimidia ejus pars Romanis accepto ferenda : quemadmodum Otto Frisingensis testatur lib. Chronic. 4, cap. pen. & quivis Latinis literis tinctus potest animadvertere. Nam præterquam quòd ita natura ferebat , ut Galli Romanis subiecti ad eorum se mores & linguam lubenter accommodarent : satis constat , Ro-

manos ferendi sermonis Latini studiosissimos fuisse: ut per omnes gentes venerabilior diffunderetur: quemadmodum Valerius Maximus testatur: eaque de causa ludos literarios passim instituisse: veluti Aug. toduni, Vezontione, Lugduni: quod vel ex Tacito & Aufonio cognosci licet. Hierony. ad Rustic. Ac post studia Galliarum, quæ florentissima sunt, misit Romam, ut ubertatem Gallici nitoremque sermonis gravitate Romana condiret. Itaque tantum in Gallia Latinæ linguæ consuetudo valuit, ut non modo leges ad summam Regni & Reipublicæ pertinentes Latinis literis conscriberentur: (cujus rei cum vetustissima quæque monimenta testimonio sunt, tum etiam Regum antiquorum constitutiones, quarum quædam extant in libro inscripto Stilus curiæ parlamenti: verum etiam Latine & litigaretur, sententiæ pronuntiarentur: ac præsertim litigandi rabiosa quadam consuetudine atque arte ex Pontificum Roman. curia in

in Galliam introducta : potissimum autem ubi de sacerdotijs & eorum optimis vestigalibus litigari cœptum est. quod institutum ad nostramque ætatem servari solitum. Edictum Francisci primi documento est, qui anno 1539. florentibus bonis in Gallia literis edixit, ut Gallico sermone judicia exercerentur. Eodem accesserat Religionis disciplina & ratio. nam cum Latinis ab initio literis tradita fuisset, cujus rei veteres ecclesiastici testimonio sunt : Irenæus, episcopus Lugdunensis; Hilarius, Pictaviensis; Sidonius, Bituricensis; Salvianus, Massiliensis : Gregor. Turo-nensis: postea Rom. ritibus ac ceremonijs in Christianorum ecclesias introductis, multum ea consuetudo crevit. ac præsertim posteaquam Carolus Magnus Gallia regnum Papæ Zachariæ ope consilioque adeptus, in tanti beneficij gratiam edixit, ut Romano more ritus ecclesiæ servarentur, & cantiones haberentur. quæ lex ipsius cum in Capitulari

tum in legibus Francicis his extat ver-
bis : Ut cantum Romanum pleniter
discant ; ordinaliter per nocturnalia,
vel graduale officium peragatur ; se-
cundum quod beatæ memoriæ ge-
nitor noster Pipinus Rex decretavit,
ut fieret, quando Gallicanum tulit ; &
ob unanimitatem Apostolicæ sedis,
& sanctæ Dei Ecclesiæ pacificam con-
cordiam, quod idem etiam Sigeber-
tus sub anno 774. memoriæ prodidit,
quæ res dici non potest, quantam &
gallicis ecclesijs caliginem offuderit,
& pontificibus R. auctoritatem in ne-
gotijs religionis tribuerit. auctoritate
cum illi adversus Galliæ Reges miran-
dum in modum abuterentur, reper-
tus est Rex Carolus quintus, cogno-
mento Sapiens, qui circiter annum
MCCCLXX. tyrannidi Pontificum in-
fensus sacra Biblia in linguâ Gallicam
convertenda curavit, quam transla-
tionem multis etiam nunc locis in
Gallia nostra videre licet, cum hac in-
scriptione : DE MANDATO ET JUS-
SU REGIS CAROLI QUINTI, eamque
memini

memini me in Regia bibliotheca Fontaneblæi, anno 1563: iterumque anno 1567. vidisse. Altera verò ejus qua nunc utimur linguæ dimidia pars ita distribuenda est, ut partem unam priscis gallis attribuamus, alteram Francis, postremam græcorum literis. Nam Francorum, id est (ut paulò post docebimus) germanorum, innumeras in quotidiano sermone nostro voces occurrere, jam pridem à multis demonstratum est. Ex Græcorum verò lingua complura vocabula ad usum traducta nostrum fuisse, multi quoque jam dudum eruditi viri ostenderunt, cujus rei causa non Druidibus (quos græcè non loquutos docuimus) sed Massiliensium institutis ac disciplinæ, de qua superius diximus, tribuenda est. Unde sensim ea consuetudo in reliquas galliæ regiones manavit.

*De statu Gallie à Romanis in provincie
formam redactæ.*

C A P. III.

B 5

GAL.

GAlliam à Romanis diu magnis sæpe cladibus tentatam, tandemque à C. Cæsare decenni propè bello, præliisque compluribus domitam ac subactam fuisse atque ad extremum in provinciæ formam redactam, erudit omnibus notum est. Hoc fortissimæ & bellicosissimæ gentis fatum fuit, ut Magnæ Belluæ (quemadmodum in sanctis literis appellatur) tandem aliquando pareret, cum quatamen ita per annos octingentos (ut Josephus testatur) de imperio certaret, ut illa nullius alterius nationis armis æque terreretur. Itaque Plutarchus in Marcello & Camillo, Appianus in lib. de civilibus bell. 2. Livius libro 8. & 10, memoriæ prodiderunt, Gallos Romanis usque eò formidabiles fuisse, ut lege sancitum haberent, he vacationes à militia, quæ sacerdotibus & senibus permittebantur tumultu Gallico valerent, quod idem & Cicero Philippi. 2. commemorat, itaque Salust. in Jugurth. scribit Romanos omnibus temporibus ita
sta-

statuisse, alia omnia virtuti suæ prona esse: cum Gallis pro salute, non pro gloria certasse. Quin etiam Cæsar lib. 6. testatur, atque ex ejusdem auctoritate Tacitus in lib. de moribus German. commemorat, fuisse tempus cùm Germanos Galli virtute superarent, & ultrò bella inferrent: ac propter hominum multitudinem trans Rhenum colonias mitterent. Tantæ autem virtutis amissæ jacturam, idem Tacitus amissæ libertati tribuit: in libro de vita Agricolæ: Nam Gallos, inquit, in bellis floruisse accepimus: mox segnitia cum otio intravit, amissa virtute pariter ac libertate. Et quoniam amor patriæ non nihil indulgendum est, age, præclarum in super illud de Gallorum virtute, Justinii testimonium proferamus, ex libro 24. Namque Galli, inquit, abundantia multitudine cùm eos non caperent terræ, quæ genuerant, trecenta milia hominum ad sedes novas quærendas velut peregrinantem miserunt. Ex his portio in Italia confedit, quæ & urbem

urbem Romam captam incendit, & & portio Illyricos sinus per strages barbarū penetravit, & in Pannonia consedit: gens aspera, audax, bellicosa, quę prima post Herculē, cui ea res virtutis admirationem & immortalitatis fidē dedit, Alpiū invicta iuga, & frigore intractabilia loca transcendit. ibi domitis Pannonijs per multos annos cum finitimis varia bella gesserunt. Hortante deinde successu, divisis agminibus alij Græciam, alij Macedoniam, omnia ferro proterentes, petivere: tantusque terror Gallici nominis erat, ut etiam Reges non lacessiti ultrò pacem ingenti pecunia mercarentur. Item lib. sequen. Quanquam Gallorum ea tempestate tantę fecunditatis juvenus fuit, ut Asiam omnem velut examine aliquo implerent. denique neque Reges Orientis, sine mercenario Gallorum exercitu, ulla bella gesserint: neque pulsi Regno ad alios quàm ad Gallos confugerint. Tantus terror Gallici nominis, siue armorum invicta felicitas erat, ut aliter neque majestatem suam tutam, neque amissam

sam recuperare se posse, sine Gallica
 virtute, arbitrarentur. Atque hæc
 quidem de Gallorum bellicis laudi-
 bus & virtute dicta sint: quæ tamen
 (quemadmodum ex Tacito modo di-
 cebamus) amissa libertate interijt.
 Nonnullas tamen civitates post for-
 mam provinciæ à Romanis constitu-
 tam libertati suæ relictas, testis est
 Plinius libro 4. capite 17. veluti Ner-
 vios, Sueffiones, Ulbanesses, Leucos:
 nonnullos etiam foederatos: in ijs,
 Lingones, Rhemos, Carnutos, Æ-
 duos, quod etiam Tranquillus in Ju-
 lio his confirmat verbis: Omnem
 Galliam quæ saltu Pyrenæo, Alpibus-
 que, & monte Gebenna, fluminibus-
 que Rheno & Rhodano continetur:
 patetque circuitu ad bis & tricies
 centena millia passuum: præter so-
 cias ac bene meritas civitates, in pro-
 vincix formam redegit: eique in sin-
 gulos annos sestertium quadringen-
 ties stipendij nomine imposuit. Quæ
 verò earum civitatem, quæ in pro-
 vincix formam redactæ fuerant, for-
 ma

ma & ratio extiterit, facile ex Critognati Arverni verbis intelligi potest, apud Cæsarem lib. 7. Quod si ea, inquit, quæ in longinquis nationibus geruntur, ignoratis: respicite finitimam Galliam, quæ in provinciam redacta, jure & legibus commutatis, securibus subjecta, perpetua premitur servitute. Itaque Cic. pro Fontejo, Referta, inquit, Gallia negotiatorum est: plena civium R. nemo Gallorum sine cive R. quicquam negotij gerit. numus in Gallia nullus sine civium R. tabulis commovetur. Triplex autem erat servitus: primum ut imposito præsidio firmarentur, quanquam quæ pacatæ satis & sedatæ provinciæ videbantur, in eas non magnæ copiæ mittebantur. Galliam certè Josephus libro belli Jud. 2. scribit, Imp. Tititempore mille tantum & ducentorum militum præsidio firmatam fuisse: quanquam, inquit, annos fere octingentos de libertate cum Romanis pugnarint: & penè plures civitates, quam Romanos milites

lites præſidarios habeant. Alterum ſervitutis genus fuit, ut Provin-
ciæ Romanis ſtipendiariæ ac veſtiga-
les eſſent, eoque nomine publicanos
apud ſe habere cogerentur: id eſt
harpiyas & hiruſines, quæ provin-
cialium ſanguinem exugebant. Sue-
tonius autem eo quem modo protu-
limus loco, itemque Futropius lib. 6.
memoriæ prodiderunt, Cæſarem
ſubactæ Galliæ tributi nomine impe-
raſſe in annos ſingulos HS. quadrin-
genties: hoc eſt, ſcutatorum, ut nunc
loquimur, decies centena millia. Ter-
tia provincialium ſervitus erat, ut ne
legibus ſuis patrijs uterentur: ſed ma-
giſtratus à populo R. cum imperio &
ſecuribus mitterentur, qui apud eos
jus dicerent. Hanc triplicem ſervi-
tutem cum omnes ferè provinciales,
tum verò Galli noſtri ægerrimè mole-
ſtiſſimeque tulerunt. Itaque non lon-
go poſt Cæſaris victorias intervallo,
imperante Tiberio, Cornel. Tacit.
auctor eſt, Galliæ civitates ob conti-
nationem tributorū, ſævitiam ſceno-

ris, & superbiam præſidentium (hæc enim lib.3. illius verba ſunt) rebellio-
nem feciſſe, poſt etiam Nerone impe-
rante, Suetonius ſcribit, Gallos illius
imperium pertæſos, ab ipſo defeciſſe.
Talem Principem (inquit cap. 40.)
paulò minus per xiii. annos perpeſ-
ſus terrarum orbis tandem deſtituit:
initium facientibus Gallis. Quam ma-
jorum noſtrorum laudem eximiam
ſatis pro dignitate prædicare non poſ-
ſumus, quòd primi omnium in orbe
terrarum tam potentis Tyranni dõ-
minatum à ſuis cervicibus amoliri ſe-
ſeque ex immanis Tyranni ſervitute
in libertatem vindicare cœperunt.
Diviſæ autem ſunt à Romanis Galliæ
omnes in ſexdecim provincias: Vien-
nenſem, Narbonenſem primam, Nar-
bonenſem ſecundam: Aquitaniam
primam, Aquitaniam ſecundam, No-
vempopulanam Alpes maritimas,
Belgicam primam, Belgicam ſecun-
dam, Germaniam primam, Germa-
niam ſecundam, Lugdunenſem 1.
Lugdunenſem 2, Lugdunenſem ter-
tiam,

tiam, Maximam Sequanorum, & Alpes Græcas, quemadmodum Antoninus in Itinerario, & Sextus Rufus tradunt. Subtilius autem singulas enumerat Ammianus Marcellinus lib. 15. Nunc, ut ad institutum revertamur, incredibile dictu est, quàm indignè atque acerbè Galli Romanorum latrocinia tulerint: quamque crebræ ab ijs defectiones rebellionisque numerentur. quanquam cum per se satis virium ad depellendam Romanorum tyrannidem non haberent, vetus institutum tenebant, ut Germanos mercede conductos ad suum auxilium evocarent. Unde Francicarum coloniarum semina primum exorta sunt. Nam Germani sive à Romanis victi, sive (quod probabilius videtur) pretio empti, cœpere sensim in Galliæ finibus sedes collocare. Hinc illud Suetonij in Augusto: Germanos ultra Albim fluvium summovit: ex quibus Suevos & Sicambros dedentes se traduxit in Galliam, atque in proximis Rheno

C

agris

agris collocavit. Idem in Tiberio: Germanico bello quadraginta millia dedititiorum trajecit in Galliam, juxtaque ripam Rheni sedibus assignatis collocavit. Neque verò prætereundum est, quod Flavius Vopiscus de Probi Cæsaris imperio memoriæ prodidit: quo tempore universa propè Gallia, hoc est, sexaginta civitates, ab imperio Romano desciverunt, armaque communi consilio libertatis recuperandæ caussa ceperunt: His gestis, inquit, cum ingenti exercitu Gallias petit, quæ omnes occiso Postumo turbatæ fuerunt, interfecto Aureliano à Germanis possessæ. Tanta autem illic prælia feliciter gessit, ut à Barbaris sexaginta per Gallias nobilissimas reciperet civitates. Etcùm jam per omnes Gallias securi vagarentur, cæsis propè quadringentis millibus, qui Romanum occupaverant solum, reliquias ultra Nicrum fluvium & Albim removit. Quàm crudelis autem & immanis Romanorum dominatus fuerit, quàm acerba latro-

latrocinia , quàm tetra , & obscœna
vitæ consuetudo , quantoque illa o-
dio atque acerbitati Gallis homini-
bus , sed præsertim Christianis fuerit ,
nullius opinor ex scriptis , melius
quàm ex Salviani Massiliensis Epi-
scopi libris de providentia , cognosci
potest. Itaq; incredibile dictu est , quã-
tæ Germanarum gentium copiæ Gallis
non modò faventibus , verum etiam
adjuvantibus , sese in Gallias effude-
rint. Unde illud Latini Pacati ad
Theodosium : Unde igitur exordiar ,
nisi à tuis Gallia malis , quæ ex omni-
bus terris , quas illa pestis insederat ,
haud injuria tibi vindicas privilegium
miseriarum ? Earum autem Germa-
nicarum gentium partem Francos
nostros fuisse , cùm ex Sidonio Apol-
linari , tum verò præsertim ex il-
lius Saluiani locis complu-
rib. planissimè intel-
ligitur ,

*De ortu Francorum, qui Gallia occupata, e-
jus nomen in Franciam vel Franco-
galliam mutarunt.*

CAP. III.

QUare instituti nostri ratio postu-
lat, ut hoc loco de Francorum
ortu, primisque sedib. & tanquam in-
cunabulis inquiramus. Qua in dis-
quisitione illud summè admirandum
videtur, quòd cùm Francorum nomen
per tot annos magnam totius Europæ
partem occuparit, eamque Germa-
niæ gentem fuisse constet, tamen co-
rum mentio neque apud Ptole-
mæum, neque apud Strabonem, aut
Plinium, ac ne apud Cornelium qui-
dem Tacitum ulla reperiatur: qui ta-
men Germanicarum omnium gen-
tium situs & nomina mira diligentia
persecutus est. Nam de Francici qui-
dem nominis amplitudine pauca
hæc ex multis testimonia profere-
mus. Primùm ex Hieronym. in vita
Hilarionis Heremitæ: Namque, in-
quit,

quit, candidatus Constantij Imperatoris, rutila coma, & candore corporis, indicans provinciam: inter Saxones quippe & Alemannos gens est non tam læta, quàm valida, apud historicos Germania, nunc verò Francia vocatur. Et paulò pòst: Et qui Francam tantum & Latinam linguam noverat. Item ex Johan. Nauclero, generat. 27. ubi sic loquitur: Carolus Magnus Rex Francorum dicebatur: quod idem erat ac si nominatus fuisset Rex Germaniæ & Galliæ. Nam clarum est, quòd eo tempore omnis Gallia Transalpina, & etiam Germania, à montibus Pyrenæis usque in Pannonias, Francia dicebatur: illa, id est, Germanica, Francia Orientalis, in quo veræ historiæ consentiunt omnes. Hæc ille. Itaque Abbas Urspergensis in Carolo Calvo Franciam Orientalem Ostrofranciam appellat: Occidentalem autem Neustriam appellatam fuisse, quasi Westriam, annotavit Rhenanus. Unde Sigebert. in Chron. Ebroinum, inquit,

majorem domus Neustriæ. Et mox :
Pipinus sibi Neustriam subjugat. Sic
etiam Aimoinus lib. 4. cap. 27. & ali-
bi persæpe. Chronicum verò Majoris
Monasterij sic habet : Neustria est
quicquid à Parisijs & Aurelianis in-
terjacet inter Ligerim & Sequanam
inferius usque ad Oceanum. Sic e-
nim Abbas Ursperg. Et hac de caussa
Otto Frising. duo Francorum regna
numerat. Nam lib. 4. cap. 3. de dona-
tione Constantini sic scribit : Ex hinc
Romana Ecclesia Occidentalia regna
tanquam sui juris à Constantino sibi
tradita affirmat : in argumentumque
tributum , exceptis duobus Fran-
corum regnis usque hodie exigere
non dubitat. Eguinartus in vita Ca-
roli Magni, Carolus, inquit, regnum
Francorum quod post patrem Pipi-
num magnum quidem & forte susce-
perat, ita nobiliter ampliavit, ut pene
duplum illi adjecerit. Nam cum prius
non amplius quam ea pars Galliæ, quæ
intra Rhenum & Ligerim, Oceanum-
que & mare Balearicum jacet, & pars
Ger-

Germaniæ , quæ intra Saxoniam & Danubium , Rhenumque ac Salam fluvium, postea à Francis qui Orientales dicuntur, incolitur, & præter hæc Alemanni atque Bajoarij ad regni Francorum potestatem pertinerent, ipse per bella memorata primò Aquitaniam, &c. Otto Frisingen. Chronic. 5. cap. 9. Erat autem Francorum jam terminus (loquitur de Dagoberti Regno) ab Hispania usque in Pannoniam, duos nobilissimos ducatus , Aquitaniam & Bajoariam. Sed multo copiosius postea libro 6. capite 17. eumque imitatus Godefridus Viterb. Chronic. parte 17. sub anno 881. Porro, inquit, Arnulphus totam Orientalem Franciam, quæ hodie Teutonicum regnum vocatur, id est Bauatiam, Sueviam, Saxoniam, Turingiam, Phrigiam, & Lotharingiam rexit. Occidentalem verò Franciam Odo tenuit. Idem sub anno 913. Mihi ex multis scriptorum auctoritatibus paruit regnum Teutonicorum , quod Imperator Fridericus nostro

tempore possidet , partem esse regni Francorum, ibi enim primi Franci fuerunt , ciscitraque Rhenum ; quæ hodie Francia Orientalis usque ad terminos Bavarix appellatur. Francia verò Occidentalis, est regnum illud, quod est cis citraque Sequanam & Ligerim fluvios. Et mox : Tempore Caroli Magni regis Francorum, tota Gallia, id est Celtica, Belgica, Lugdunensis, omnisque Germania , quæ est à Rheno usque ad Illyricum , una Francia fuit. quæ omnia ex Ortone, ut dixi , ferè descripta sunt. Viti-chindus Saxo lib. i. Ultimus Carolorum apud Orientales Francos imperantium Lothovicus &c. Notandum etiam est, quod Regino in Chr. anni D LXXVI ita scribit: Mortuo Pipino Rege, Ludovicus ejus filius, qui ad patris obitum fuerat , & funeris ejus obsequia celebraverat, apud Francofurt, Orientalis regni principalem sedem, residebat. Abbas Ursperg. Carolus Magnus duas habuit filias , de Fœstrada uxore, quæ de Orientalium Fran-

Francorum , scilicet germanorum gente erat. Idem de orig. Sax. Theodoricus , cùm Austrasiam accepisset, cujus regni sedes apud Metensem fuit civitatem. Liutprandus Ticin. lib. I. cap. 6. Simul ut Wido , quam Romanam dicunt Franciam , Berengarius Italiam obtineret. Et paulò post : Cumque Burgundionum regna transiens, Franciam, quam Romanam dicunt, ingredi vellet, &c. Romanam autem Franciam iccirco appellabant, primùm quia Galliam quæ Romanis paruerat, Franci occuparant. deinde quoniam Romana lingua in ea regione usitata erat : quemadmodum superius diximus : unde vetus nata locutio, Loqui Romanum, de ijs qui germanicè sive Francicè non loquebantur. Indidemque factum est, ut eadem gallia Romana diceretur. Regi-
nolib. 2. sub anno 939. Interim Ludovicus Rex galliæ Romanæ , filius Caroli , consilio inimicorum Regis Alsatiam invadit. Hinc illud Ottonis Frising. Chron. 4. cap. pen. Videtur

mihi inde Francos, qui in Gallijs morantur, à Romanis linguam eorum, qua usque hodie utuntur, accommodasse. Nam alij qui circa Rhenum, ac in Germania remanserunt, Theutonica lingua utuntur. Et hunc nimium familiariter imitatus multis locis Godfridus Viterb. parte 17. cap. 1. Videntur, inquit, mihi Franci in illis temporibus linguam Romanam, qua usque hodie utuntur, ab illis Romanis, qui ibi habitaverant, didicisse. His ex locis perspicuum est, miram Francorum nominis amplitudinem atque auctoritatem fuisse: quippe, cùm magnam Europæ partem occuparet. Quinetiam videmus Germanos in Neapolitanum & Siculum regnum ab Imp. Frideric. II. traductos, ibique tanquam colonos præsidio collocatos. Francorum nomine appellatos fuisse. Petrus de Vineis libro Epist. 6. cap. 25. Vivens jure Francorum, in eo videlicet, quòd major natus, exclusus minoribus fratribus, in castro ipso succedat. Imp. Fridericus II. Neapol.

pol. const. lib. 2. tit. 32. Ingerentes se casus præsentis materiæ circa Francos, qui personarum suarum, plurimarumque rerum suarum omnium fortunam in monomachiam, quæ Duellum vulgariter dicitur, reponebant. Et mox: Prædictum igitur probationis modum, quo jure Francorum viventes utebantur. Item li. 2. tit. 33. Quod jus inter omnes tam Francos, quàm Longobardos in causis omnibus volumus esse commune. Hæc cum ita sint, tamen gregorius Tunon. Episcopus, qui de Francorum ortu octingentis ab hinc annis scripsit, initio historiæ suæ testatur, se, cum accuratè de Francorum ortu quærivisset nihil tamẽ certi comperisse: quamvis veterem quendam illorum historicum habuerit Sulpitium Alexandrum: quineque de primis illorum sedibus, neq. de Regni primordiis quicquam affirmarit. At nos ex ea regione Francos primùm ortos animadvertimus, quæ inter Albim & Rhenum interjecta, Oceano alluitur: ubi ferè chauci majores & minores collocantur:

po-

populus (ut ait Tacitus) inter Germanos nobilissimus : quique magnitudinem suam justitia tuetur, & Batavorum regioni finitimus erat. Nam primum omnium satis constat, Francos in ora maritima sedes habuisse, locis admodum palustribus ; rei que nauticæ peritissimos, & in bellis maritimis exercitatissimos fuisse. Quorum rerum documenta hæc extant. primum apud Claudianum, qui Stiliconi victorias gratulans, ita scribit :

*Vt jam transfluvium non indignante
Chayco, Pascat Belgæ pecus mediumque in-
gressa per Albin Gallica Francorum mon-
tes armenta percerrent.*

Quo loco Chaycos poeticè appellavit, quos geographi Chaucos nominarunt. De maritima verò illorum regione Panegyricus Constantino Magno dictus, testimonio est, ubi Rhetor ita loquitur : Quid loquar rursus intimas Franciæ nationes, non jam ab his locis quæ olim Romani invaserunt, sed à proprijs ex origine suis sedibus, atque ab ultimis Barbariæ
lito-

litoribus avulsas: ut in desertis Galliarum regionibus collocatæ, pacem Romani imperij cultu juvarent, & arma delectu. Rursus in altero Eumenij rhetoris Panegyrico, ubi sic loquitur: Aut hæc ipsa, quæ modo definit esse barbaria, non magis feritate Francorum, velut hausta defecerat, quàm si eam circumfusa flumina & mare aluens operuisset. Eodemque pertinet Procopij testimonium belli Gothici lib. I. nam ubi eum locum describit, quo Rhenus in Oceanum influit. His, inquit, locis non mediocres sunt paludes: ubi antiquitus Germani habitabant: natio barbaræ nec magnæ existimationis homines, qui nunc Franci nominantur. Quem Procopij locum Zonaras in suum Annual. to. 3. retulit; Zosimus autem in Gothici belli librum primum. Eodem etiam pertinet ille Flau. Vopisci locus, in vita Probi Imp. ubi scribit. Francos à Probo in vijs paludibus profligatos. Testes sunt, inquit, Franci, in vijs strati paludibus. Item illud Sidonij Apollinaris,

Fran-

Francorum & penitissimas paludes

Intrares venerantibus Sicambris. Jam

verò quod de Chaucorum vicinitate diximus, ea planissimè ex collatione locorum, & utrorumque sedum descriptione perspicitur. Chaucorum quidem apud Plin. lib. 16. cap. 1. Francorum verò, apud illum Rhetorem Panegyristem. Nam Plin. quidem ita loquitur: Sunt in Septentrione visæ nobis Chaucorum gentes, qui majores minoresque appellantur, vasto ibi meatu: bis dierum noctiumque singularum intervallis effusus in immensum agitur Oceanus, æternam operiens rerum naturæ controversiam, dubiumque terræ sit, an parte in maris. At Panegyristes: Quamquam, inquit, illa regio divinis expeditionibus tuis Cæsar vindicata atque purgata, quam obliquis meatibus callidis (sic legendum, ut in libris vulgatis, non SCALDIS, ut quidam reposuit) interfuit: quamque divortio sui Rhenus amplectitur, penè, ut verbi periculo

culo loquar, terra non est. ita penitus aquis permaduit, ut non solum quæ manifestè palustris est, cedat adnixum, & hauriat pressa vestigium: verum etiam ubi paulò videtur firmior, pedum pulsu tentata quatitur: & sentire se procul mota pondus restetur. Patefactum igitur arbitramur esse locum, unde Francorum in Galliam natio propagata est: palustris videlicet ea regio, quæ inter Albim & Rhenum Oceanum attingit. Quod eo etiam argumento confirmari potest, quòd Franci maritimarum rerum usum maximum habebant, lateque per eam oram vagabuntur. Nam Eutrop. libro 9. ubi Galliæ Imperatoris historiam percurrit: Post hæc tempora, inquit, Carausius cum per tractum Belgicæ Armoricæ pacandum mare accepisset, quod Franci & Saxones infestabant. Qua eadem de re Paulus quoque Orosius lib. 7. commemorat. Eodè pertinet alter in illo, quæ aliquoties jam protulimus Panegyri-

gyrico, locus, ubi Rhetor ita loquitur: Franci, inquit, præter cæteros truces quorum vis cum ad bellum effervesceret, ultra ipsum Oceanum æstu furoris evecta, Hispanorum etiam oras armis infestas habebat. Itaque Justinianus Imper. lib. Codic. 2. ubi Præfetti prætorio Africæ officium exponit, mentionem facit Francorum, qui in parte quadam Gallix finitima Hispaniæ confederant. Memorabile est autem, & ad bellicæ laudis gloriam insigne, quod alio Panegyrici loco narratur, exiguas Francorum copias, quos Imperator Probus bello superatos in Pontum captivos abduxerat, navibus aliquot interceptis, usque in Græciam & Asiam vagatos esse: Siciliam invasisse: Syracusas cepisse: post onustos præda & spolijs per fretum Herculeum in Oceanum revertisse. Recursabat, inquit, in animos, sub diuvo Probo, & paucorum ex Francis captivorum incredibilis audacia, & indigna felicitas: qui à Ponto usque correptis navibus,

vibus, Græciam, Asiamque populati,
 nec impunè plerisque Lybiæ littori-
 bus appulsi, ipsas postremò navalibus
 quondam victorijs nobiles ceperant
 Syracusas: & immenso itinere per-
 menso Oceanum, qua terras rupit,
 intraverant: atq; ita eventu temerita-
 tis ostenderant, nihil esse clausum pi-
 raticæ desperationi, quò navigijs pa-
 teret accessus. Quam eandem histo-
 riam Zosimus sub finem Histor. i. his
 verbis commemorat: Cùm Franci
 ad Imperatorem accessissent, & ab eo
 sedes obtinuissent, pars eorum quæ-
 dam defectionem molita, magnam-
 que navium copiam nacta, totam
 Græciam conturbavit. In Siciliam
 quoque delata, & urbem Syracusas
 adorta, magnam in ea cædem edidit.
 Tandem cum & in Africam appulisset,
 ac rejecta fuisset, adductis Car-
 thagine copijs, nihilominus domum
 redire, nullum passa detrimentum
 potuit. Hoc quoque Probo imperan-
 te contigit. Et ad hanc disputatio-
 nem ea quoque auctorum loca refe-
 renda

renda sunt, ex quibus intelligitur, Francorum sedes Batavorum finibus propinquas fuisse. Nam Rhetor ille Maximianum & Constantinum alloquens: Multa, inquit, ille Francorum millia, qui Bataviam aliasque cis Rhenum terras invaserant, interfecit, depulit, abduxit. Præterea insignis extat locus apud Corn. Tacit. in lib. 20, ubi de Bataviæ & Frisiæ vicinitate cōmemorans, Caninefates quoque admiscet: quorum eam scribit consuetudinem in Rege creando fuisse, quam posterius verè Francicam fuisse ostendemus. Missi, inquit, ad Caninefates, qui consilia sociarent. Ea gens partem insulæ colit, origine, lingua, virtute par Batavis: numero superantur. Et mox: Brinnio impositus scuto, more gentis, & sustentium humeris vibratus, dux deligitur. Quæ verba haud exigui esse ad nostram disputationem momenti, posterius, cū ad eum locum ventum erit, intelligetur. Quæ cū ita se habeant, satis equidem admirari Adr. Turnebi doctissimi viri iudicium non pos-

possum, qui tam multis veterū aucto-
rum locis pro nihil habitis, scripsit vi-
deri sibi Francos ex Scandinavia ori-
undos: propterea quod apud Ptole-
mæum in illa insula Phirassi collocan-
tur. Quam vocem corruptā, & FRAN-
ci reponendum censet. Neque tamen
præter meram divinationem ullam
hujus opinionis suæ rationem affert,
quæ tamen opinio à veterum scripto-
rum omnium auctoritatibus apertissi-
mè diffidet. De cæteris verò propè o-
mnibus, qui fabulis delectati, Franco-
rum originē ad Trojanos, & Francio-
nem nescio quem Priami filium retu-
lerunt, tantum dicimus, Poëtis illos,
non historicis scribendi argumentum
præbuisse: eoque in numero primum
meritò locum Guilielmo Bellayo tri-
buimus: qui cū omnium optimarum
artium doctrina, summaque ingenij
laude præstaret, tamen in libello de
Galliæ & Franciæ antiquitatibus, non
Francogalliæ historiæ, sed Amadisi-
carum fabularum instituisse tracta-
tionem videtur.

De Francorum nomine, varijsq; excursionibus, & quo tempore, regnum sibi in Gallia constituerint.

CAP. V.

Sed ratio postulat, ut de hoc Francorum nomine paulò attentius consideremus: quod nusquam in Germaniæ descriptione reperiri superius diximus. Ne diutius teneam, necesse est vel Erancorum gentem tenuem obscuramque fuisse, à qua tamen tantarum rerum gerendarum initia nata sunt: quemadmodum in Suittis tenuissimo Heluetiorum pago usuenit, à quo cùm recuperandæ libertatis auctores orti primùm fuissent, Suitzerorum nomen in Helvetios omnes propagatum est: vel, quod mihi verisimilius videtur, fictam ex re & occasione appellationem fuisse: cùm ij, qui se libertatis recuperandæ principes atque auctores profiterentur, FRANCOS se nominassent: qua voce liberos, & servitutis expertes, apud Ger-

Germanos intelligi, satis inter eruditos & literatos Germanos constare video. indeque Francum populari lingua, pro libero & immuni: & Franciam, pro asylo usurpamus: & Francifare, vel affrancire pro in libertatem asserere. Itaque rectissime Johan. Aventinus lib. 4. Francorum nomen, inquit crebrum est in fastis nostris antiquis: deductum à libertate, quæ Teutonum lingua *Freyghait*, & *Freyghun* dicitur. quod cognomen adhuc Franconibus nostris tribui solet. Vocitantur enim vulgo, *die freyen Francken*, hoc est liberi Franci. Item Hieronymus Surita de regibus Aragon. sub anno DCCCXLIV: Carolus Calvus Francorum Rex Barcinonensibus sive Hispani, sive Gothi essent, immunitatem libertatemque elargitur, qua Franci uti assueverant: permittitque, ut Gothicis legibus jura inter se foraque constituent. Immunitas ea à Francis in Hispania FRANKITAS dicta. Francorum enim nationem Germanicam Carolus Magnus

D 3

gnus Germanis reliquis & Frisijs commodiore immunitatis conditione antetulcrat. Item sub anno M.CX. Julio mense, ut oppidum frequentissime coleretur, habitareturque, civibus Excanis Frankitatis (id est, ingenuitatis) ornamenta ab Imperatore præstantur. Item Albert. Krantz. lib. 4. metrop. cap. 13. Nam ex Theutonico vocabulo ortum est. *Francken* enim Germanica lingua liber dicitur, nulli obnoxius servitutis. Ant. Sabellicus Enead. x. lib. III. Francos, inquit, Itali liberos appellant: quippe cum Itali ex Germanorum eluvionibus promanarint. Ejus autem rei primum argumentum est, quod Procopius libro Goth. bell. I. memoriæ prodidit, Francos antiquitus generali nomine Germanos appellatos fuisse, post verò quàm è finibus suis excesserunt, Francorum nomen obtinuisse. Alterum est, quod Corn. Tacitus lib. 20. ubi de Caninefatibus loquitur (quos Francorum finitimos, vel potius populares, atque adeò Francos ipsos nativos fuisse ostendit.

stendimus) eorumque primam adversus Romanos victoriam describit, his utitur verbis: Clara ea victoria in presens, posterum usus: armaque & naves quibus indigebant adepti, magna per Germanias Galliasque fama, LIBERTATIS AUCTORES celebrabantur. Germaniæ statim misere legatos, auxilia offerentes. Valeat igitur omne, ut FRANCI verè proprieque dicantur, qui Tyrannorum servitute depulsa, honestam, etiam sub regum auctoritate, libertatem sibi retinendam putarunt. Non enim regi parere servitus est: neque qui regi parent, continuo servi habendi sunt: sed qui Tyranni libidini, qui latroni, qui carnifici, tanquam pecudes lanioni sese subijciunt, ij demum vilissimo servorum nomine appellandi sunt. Itaque reges semper Franci habuerunt, etiam tum, cum assertores se ac vindices libertatis profitebantur: & cum sibi reges constituerunt, non tyrannos, aut carni-

fices: sed libertatis suæ custodes, præfectos, tutores sibi constituerunt. quemadmodum ex Francogallicæ Reipublicæ forma posterius intelligetur. Sic Claudianus lib. 3. cecinit, *Nusquam libertas gratior ulla est, Quam sub Rege pio.* Sic Salustius: Regem primis temporibus à Romanis habitum scribit, conservandæ libertatis atque augendæ Reipubl. causâ. Vbi verò suam libertatem labefactari Regum insaniis senserunt, tum iis pulsas suam sibi tutandam libertatem judicant. Quæ verò Iohannes Turpinus nescio quis, monachus certè stolidus atq; imperitus, qui Caroli Magni, non vitam, sed fabulam conscripsit, de Francorū vocabulo nugatur, ut qui pecuniam ad Dionysianum templum ædificandum contulisset, *Francus*, id est, liber diceretur: quasi nomen illud Regis illius Caroli tempore demum natum sit: ne memoratu quidem dignum est: non magis quàm reliqua illius omnia, fabulis anilibus ac deliriis referta. Nostram porrò de Francorū nomine conjectu-

jecturam adjuvat, quòd Gregorius Turon. A do Viennensis, Sigebertus, Abbas Ursperg. Godfridus Viterbiensis scribunt, Francos à libertate, & (ut illi ad vocis notionem alludentes loquuntur) à ferocitate nomen invenisse: propterea quod Valentiniani Imperatoris stipendarij esse, tributaque aliarum nationum more pendere recusarent, non quò Francorum nominis mentio non multo antiquior sit Valentiniani Imp. ætate: nam (ut superius demonstratum est) amplius centum antè annis sub Gallienis Imp. usurpata est, sed quia finitimi populi cùm Francorum exemplum virtutemque imitarentur, seseque ex Romanorum tyrannide in libertatem vindicarent, eorundem etiam nomen usurpandum putarunt. Nam quod Hunibaldus ait nominatos à Franco Antharij Sicambrorum Regis filios; idque factum addit Octaviano Augusto imperante, primum ab omnium Romanorum & Græcorum historijs alienum est, apud quos nulla tam antiquis tem-

poribus Francorum mentio reperitur : ut superius demonstratum est. Deinde cùm illi populi Regem sibi crearent, (sicuti & jam prius dictum est, & postea diceretur) perabsurdum est, existimare populum à Rege potius, quàm Regem à populo denominatum. Multo verò absurdius est, eosdem dicere Francos & Sicambros fuisse : propter hemistichium à divo Remigio in Clodoveo baptisando usurpatum : Mitis depone colla Sicamber. Nam alios Francos, alios Sicambros fuisse, versus illi Sido. Apollinaris declarant :

*Francorum & penitissimas paludes
Intrares, venerantibus Sicambribus. Item
illi Claudiani ad Honorium :
Ante ducem nostrum flavam sparsere Si-
cambri Casariem, pavidoque orantes mur-
mure Franci Procubere solo.*

Quare ut illud à Remigio usurpatum hemistichium concedamus, tamen alludendi potius quàm veri nominis designandi causa, id factum esse

esse probabile est. Verùm, ut ad institutum redeamus, illud verissimè dici ac prædicari potest, omen Francorum nominis, hoc est (ut Cornelius Tacitus interpretatur) auctorum libertatis ita faustum, felix, fortunatumque fuisse, ut ex eo victoriæ propè innumerabiles consecutæ sint. Nam postea quàm illo consilio Franci è suis finibus excesserunt, non modò Germaniam, patriam communem, verumetiam Galliam, ad extremum etiam Alpes transgressi, partem Italiæ non mediocrem à Romanorum tyrannide liberarunt. Prima autem & antiquissima hujus illustrissimi nominis mentio reperitur non sub Imperatore Decio, ut quosdam nimium confidenter affirmare video; sed sub Imp. Galliceno, hoc est circiter annum Christianæ salutis cclx. Nam Trebellius Pollio in ejus vita: Cum ludibriis, inquit, & heiluationi vacaret, neque aliter Rempublicam regeret, quàm cum pueri fingunt

gunt per ludibria potestates : Galli, quibus insitum est luxuriosos principes ferre non posse, Postumum ad imperium vocarunt: qui tum Gallieni legatus Gallia cum imperio præerat. Et paulò post : Contra Postumum igitur Gallienus bellum incepit, & cum multis auxilijs Postumus iuvaretur, Celticis ac Francicis, in bellum cum Victorino processit. Quibus ex verbis intelligitur, Gallos ad depellendam Gallieni Tyranni servitutem, Francorum, id est, auctorum libertatis, auxilijs usos fuisse. Quod idem breviter Zonaras significans in Gallieni vita, *ἐπολέμησε δὲ* inquit, *φράγγων* &c. Altera eòrundem mentio rursus occurrit apud Flau. Vopiscum, in Aureliani vita, his verbis : Apud Moguntiacum Tribunus legionis sextæ Gallicanæ, Francos irruentes, cum vagarentur per totam Galliam, sic afflixit, ut trecentos ex his captos septingentis interemptis, sub corona vendiderit. Non enim Franci nostri in illo bello, non magis quàm alij in alijs, quantumvis justis, semper
secun-

secundos præliorum eventus habuerunt. Quinetiam à Constantino, qui postea Magnus dictus est, duo ipsorum Reges capti, & bestiis inspectaculo quodam objecti memorantur. quam historiam Eutrop. lib. 9. & Rhetor in Panegyrico, quem superius aliquoties protulimus, attingunt. Et quoniam alio loco de bellis in Batavorum finibus gestis idem Rhetor commemorat, quos à nostris non longè abfuisse ostendimus, verba ejus subscribemus. Multa, inquit Rhetor, Francorum millia qui Bataviam, aliasque cis Rhenum terras invaserant, interfecit, depulit, abduxit. Et alio loco: Terram Batavorum sub ipso quondā alumno suo à diversis Francorum Regum gentibus occupatam omni hoste purgavit, nec contentus vicisse, ipsos in Romanas transtulit nationes: ut non solum arma, sed & feritatem ponere cogerentur. Quo ex loco non obscure intelligitur, Constantinum Francorum viatque armis coactum, sedes illis in Romani imperij finibus concessisse.

fisse. Quinetiam Ammianus lib. 15. scribit, Francos exorto inter Constantinum & Licinium civili bello, pro Constantini partibus sæpenumero fortiter decertasse. Sed & alio ejusdem libri loco, imperante Constantino, Constantini filio, Francos in Regia quam plurimos fuisse memorat: magnaue apud Cæsarem in gratia atque auctoritate fuisse. Post hæc, inquit, Malarichus subito nactus, adhibitis Francis, quorum ea tempestate in palatio multitudo florebat. Jam verò imperante Juliano, qui Apostata dictus est, iidem Franci coloniam Agrippinam Romanorum servitute oppressam in libertatem vindicare conati sunt: eamque longa obsidione pressam, deditionem facere coegerunt: quemadmodum idem Ammianus lib. 12. commemorat. Cumque ad flumen Salam aliquot è Francis confidissent, ea re, Salij dicti sunt. de quibus idem Ammianus eodem libro: Quibus paratis, inquit, petit primos omnium Francos, eos videlicet quos con-

suetudo Salios appellavit: ausos olim in Romano solo, apud Toxiandriam locum, habitacula sibi figere prælicenter. Item Zosimus lib. 3. Saliorum nationem, profectam à Francis, & vi Saxonum in hanc insulam (de Batavia loquitur) suis sedibus expulsam, ejecerunt. Hæc insula, prius Romanis in universum subiecta, à Salijs hoc tempore possidebatur. Rursus Ammianus libro 20. Regionem à Francis ultra Rhenum occupatam, & Franciam dictam, commemorat. Rheno, inquit, transmissa; regionem subito pervasit Francorum, quos Attvarios vocant, inquietorum hominum, licentius etiam tum percurfantium extima Galliarum. Et libro 30. ubi de Rege Marciano loquitur, quo cum Valentinianus Imperator ad ripam Rheni, prope Moguntiacum pacem fecerat: Perijt autem, inquit in Francia, postquam dum internecine vastando perrumpit avidius, optijt

petiit Mellobaudis bellicosi Regis infidiis circumventus. Hunc autem Francorum Regem Mellobaudem idem auctor lib. seq. fortem & bellicosum fuisse scribit, & ob virtutem militarem ab Imp. Gratiano comitem domesticorum, & Legatum cum Nannieno factum fuisse, ut exercitum adversus Lentiates Germanos educeret. Pòst verò imperante Honorio, propter pactam cum illo Imperatore societatem, Galliæ Romanæ fines adversus Stiliconem tutati sunt. Nam Orosius libro ult. Excitata, inquit, per Stiliconem gentes Alanorum, Suevorum, Vandalorum, multæque cum his aliæ Francos proterunt, Rhenumque transeunt, Gallias invadunt. Post Honorij Imperatoris ætatem perexigua de Francorum rebus gestis extat memoria, nam ad illa tempora referendum est, quod D. Ambrosius epistola 29. ad Imper. Theodosium scribit, Francos & in Sicilia & alijs locis compluribus Maximum Romanarum copiarum ducem superasse. Ille igitur,

igitur, (inquit, de Maximo commemorans) statim à Francis, & à Saxo-
num gente, in Sicilia, Siciliæ, Petavio-
ne, ubique denique terrarum victus
est. Verùm perante *Valentiniano III.*,
hoc est, circiter annum salutis Chri-
stianæ ccccl. illud auctorum omniũ
consensu constat, Childericum Me-
rovei Francorum Regis filium, post
annorum amplius ducentorum con-
tentionem, Galliam è Romanorum
servitute in libertatem vindicasse;
primumque in ea Regni sui sedem
certam stabilemque constituisse.
Nam etsi nonnulli primos Francorum
Reges Faramundum & Clodiocrini-
tum numerant: tamen nemini du-
bium est, alios antea complures Fran-
corum reges fuisse, qui etiam trans-
misso Rheno in Galliam irruerunt;
quorum nemo pacatum in Galliæ fini-
bus imperium obtinuerit. Meroveus
autem, quem vulgò tertium nume-
rant, Francorum quidem Rex fuit:
sed advena, & peregrinus, nō in Gallia
factus, non denique Francogallorum,
E hoc

hoc est, gemellæ & consociatæ gentis
judicio voluntate creatus. Franco-
rum denique Reges illi omnes fue-
runt : non Francogallorum. Primus
Childericus , Merovei (ut diximus)
filius , à Francis & Gallis , publico ge-
mellæ gentis consilio , rex Franco-
galliæ creatus est : posteaquam Me-
roveus pater , Attilino prælio interfe-
ctus est , imperante *Valentiniano III*,
perdito ac libidinoso principe. Quo
tempore Angli & Scoti , Britanniam :
Burgundi Sequanorum , Æduorum ,
& Allobrogum fines : Gothi , Aqu-
itaniam : Wandali Africam atque Ita-
liam , urbemque ipsam Romam occu-
pabant. Hunni verò , Attila duce ,
Galliam cædibus , atque incendijs
vastabant. Quam rei gerendæ facul-
tatem Meroveus Francorum rex non
aspernatus , magnis conjunctis copijs ,
Rhenum transmisit , civitatibusque
compluribus ad eum recuperandæ li-
bertatis causâ confugientibus , tan-
dem interiores Celtarum urbes oc-
cupavit. Attila autem cum exercitum
ha-

haberet hominum circiter quingen-
torum millium, latè per Galliam,
Tholosam usque vagatus est. Erat tum
Galliæ Præses Ætius, qui Attilæ po-
tentiam veritus, Gothos sibi fœdere
ac societate adjunxerat. Horum au-
xilijs instructus, prælium cum Attila
commisit, cecidisseque dicuntur eo
prælio non minus centum & octogin-
ta hominum millibus. At victor Ætius,
cum apud Imperatorem Valentinia-
num in regni appetendi suspicionem
adductus esset, ipsius jussu necatus est.
Aliquantò post Imperator ipse quo-
que opera Maximi, de quo superius
mentionem fecimus, est interfectus.
Meroveo mortuo, cum duæ jam Gal-
lorum & Francorum gentes, dispari
genere, dissimili lingua, alio atque
alio more viventes in unam civita-
tem coaluissent, conjunctis ani-
mis, Childericum Merovei filium
regem sibi deligunt: scutoque de
more impositum, atque in hume-
ros sublatum, ter circum comitia
deportant: & plausu undique

excitato, summisque omnium gratulationibus, regem Francogalliæ con-
salutant: Quarum rerum omnium au-
ctores habemus Sidonium Apollina-
rem, Paulum Diaconum, Gregorium
Turonensem, Ottonem Frisingensem,
Aimoinum, & ceteros: quorum te-
stimonia, nec ita multo post ubi de re-
gis inaugurandi more dicendum erit,
proferemus. De urbium quidem oc-
cupatione, *Ottonis, lib. 4. cap. pen.* verba
hæc sunt: Franci Rheno transmissi,
Romanos qui ibi habitabant, primò
fugant. post captis Tornaco & Came-
raco, Galliæ urbibus, ac inde paula-
tim progredientes, Rhemos, Sueffio-
nem, Aurelianum, Agrippinam, Tre-
verim subjugant. Neque verò præter-
mittendus est insignis Hunibaldi lo-
cus, apud quem scriptum ita est: Me-
rovei tempore Franci penè totam Gal-
liam suo regno adjecerunt: Romano-
rum jam viribus imminutis, ac defi-
cientibus: præsertim post Ætij mor-
tem, quem Valentinianus ex invidia
occiderat. Franci ergo Gallis com-
mixti

mixti de ipsorum filiabus sibi acceperunt uxores: genuerunt filios & filias: qui omnes didicerunt linguā eorum, simul & mores: cum quibus sunt deinceps conversati usque in præsentem diem. Hæc ille. quibus consentanei sunt ij auctorum loci, in quibus per illa tempora Galli & Franci promiscuo nomine appellantur. velut apud Paul. Diaconum, *lib. de gest. Langob. 3. cap. 13.* Galli autem vehementer afflicti: etsi multi capti, plurimi tamen per fugam elapsi vix ad patriam revertuntur. tantaque strages facta est de Francorum exercitu, quanta nunquam alibi commemoratur, indeque nata vulgaris Francigenarum appellatio est, ijs proprie attributa, qui ex illis Francis suscepti in Gallia fuerant: velut in Syn. Triburicensi, &c. 1, ext. De sponsal. De Francia quidam nobilem mulierem de Saxonia duxit, verum quia non ijsdem utuntur legibus Saxones & Francigenæ, &c. Atque hæc quidem de primo Francogalliæ rege, summatim. quibus illud subjungendum est: Cùm hoc Francogalliæ Re-

gnum annos ferè mille ducentos durarit, tres tantùm per id omne tempus Regum familias numerari: Merovingiorum, qui orti à Meroveo stirpem ad annos ducentos octoginta tres propagarunt: Carovingiorum, qui orti à Carolo Magno, sobolem in annos trecentos triginta septem produxerunt; & Capevingiorum, qui ab Hugone Capeto prognati, per quingentos jam & octoginta annos Regnum obtinent.

Regnum Francogallia utrum hereditate, an suffragiis deferretur, & de Regum creandorum more.

CAP. VI.

SEd hoc loco præclara quæstio exoritur, & ad majorum sapientiam cognoscendam aptissima, utrum Francogalliæ regnum hæreditario jure, an verò populi judicio & suffragiis deferretur. Germaniæ quidem Reges (quo ex genere Francos nostros fuisse, superius demonstratum est) suffragiis creari solitos, Cornelius

Ta-

Tacitus in libello de moribus Germanorum testatur. Reges, inquit, ex nobilitate, Duces ex virtute sumunt. Quod institutum etiam nunc Germani, & Dani, & Suevi, & Poloni retinent: ut Reges quidem in Concilio gentis eligant filij tamen demortuorum regum prærogativam habeant: & (ut Tacitus memoriæ prodidit) ceteris præferantur. Quo instituto, haud scio, an quicquam sapientius, aut Reipublicæ salutaris excogitari potuerit. Nam (ut Plutarchus in Sylla luculenter monet) quemadmodum venatores non quod ex generoso canenatum est, sed canem ipsum generosum quærunt: equites non quod ex equo generosissimo natum, sed equum ipsum experunt: eodem modo qui Rempublicam constituunt, magno errore ducuntur, si, quis Princeps sibi nasciturus sit, potius, quàm qualem habituri sint, exquirant. Eò accedebat, quòd parentes successionis illius spe ad suos filios præclare instituendos adducebantur, ne

tanquam paterna successione indigni à populo repudiarentur. Atque hanc majorum nostrorum in Francogalliæ regno constituendo sapientiam fuisse, documento est, primum Caroli Magni testamentum, apud Joann. Nauclerum, & Hen. Mutium editum, in quo clausula hæc extat: Quod si filius cuilibet horum trium filiorum meorum natus fuerit, quem populus eligere velit, ut patri suo in regni hereditate succedat, volumus ut consentiant patrui ipsius: & regnare permittant filium fratris sui in portione Regni paterni. Quinetiam memorabile est, quod *Regino libro Chron. 2.* scribit, anno DCCCVI. cum Carolus Magnus tres filios haberet, quibus maturè in vita sua consulere volebat: Cum primoribus (*inquit*) & optimatibus Francorum de partitione sui regni inter filios suos placitum habuit, & divisione facta in tres partes testamentum de illa fecit, quod per sacramentum interpositum à Francis confirmatum est. Sic Eguinarthus in ejusdem Caroli

roli vita: Evocatum ad se Ludovicum
 Aquitanix regem, qui solus filiorum
 Hildegardis supererat, congregatis
 solenniter de toto Francorum regno
 primoribus, cunctorum consilio con-
 sortem sibi totius regni fecit. quem lo-
 cum totidem verbis scriptor Chroni-
 ci Besnenfis de quo supra commemo-
 ravimus, in suum librum transcripsit.
 Sed superiores videamus. Nam Ai-
 moinus quidem *libro 1. cap. 4.* de Fara-
 mundo, quem vulgò (ut dixi) primum
 Francorum Regem numerant, ita lo-
 quitur: Regem verò cæterarum more
 nationum Franci sibi eligentes, Fara-
 mundum solio sublimant regio. Sed
 multo copiosius Hunibaldus, scriptor
 vetustissimus: Anno, inquit, ccccv.
 omnes Duces, procures & nobiles
 Francorum in mense Martio conve-
 nerunt apud Neopagum, pro novi Re-
 gis electione facienda. *Et mox:* Hi om-
 nes cum ceteris uno consensu Fara-
 mundum de regio genere ortum una-
 nimiter in Regem elegerunt. Rursus
Aimoinus libro 4. capite 51. Franci autem

E 5 Danie.

Danielem quendam clericum cæsariæ capitis crescente, in regnum stabiliunt atque Ghilpericum nuncupant. *Item lib. 4. cap. 67.* Mortuo rege Pipino filij ejus Carolus & Carolomannus consensu omnium Francorum Reges creati sunt. *Et alio loco;* Mortuo Pipino, Franci factò solenniter conventu, ambos sibi ejus filios reges constituunt, ea conditione præmissa, ut totum regni corpus ex æquo partirentur. *Et rursus post alterius è vita excessum :* Carolus autem frater defuncto consensu omnium Francorum Rex constituitur. Atque hæc quidem ex *Aimoino*. Similia autem apud *Gregorium Turonensem* testimonia complura extant, è quibus pauca hæc proferemus. Nam *lib. 2. cap. 12.* Franci, *inquit*, ejecto Childerico Eudonem sibi unanimiter Regem asciscunt. *Item lib. 4. cap. 51.* Tunc Franci, qui quondam ad Childbertum aspexerunt seniore, ad Sigebertum legationem mittunt: ut ad eos veniens, derelicto Chilperico, ipsum per se Regem stabilili-

bilirent. *Et aliquanto post* : Collectus est ad eum omnis exercitus : impositumque super clypeo sibi Regem statuunt. Item alio loco : Sigebertus Francis consentiens, more gentis impositus clypeo, Rex constitutus est, Regnum fratris sui Chilperici adeptus. *Et non ita multo post* : Burgundiones & Austrasij cum reliquis Francis pace facta, Clotharium in tribus totis Regnis super se Regem levaverunt. Quod idem *Abbas Urspergensis* confirmat : Burgundiones, *inquit*, & Austrasij facta pace cum Francis, Clotharium in monarchia totius Regni Regem sublimaverunt. Et paulò post : Franci alterum ejus fratrem Hildericum, qui Austrasiis jam imperabat, super se Regem constituunt. Nuper etiam incidi in *Chronica manuscripta monasterii Besnensis in Burgundia, ubi sub anno DCLVIII, hac reperio* : Clotarius Rex immatura præventus morte, regnum sine herede reliquit. (id est, sine filio, mote Feudistico) cujus obitum dolentes Francorum principes,

pes, geranum ejus Childericum Regem Austrasiorum, in omni sublimant Francorum regno. *Et mox*, Childericus ergo Rex paucis annis, quibus regnum Francorum obtinuit, defunctus est, & germanus ejus Theodoricus in regno fratris loco sublimatus. *Item alio loco & multò antè*: Dagobertus Metis urbem veniens cum consilio Pontificum & Procerum, sed & omnibus primatibus regni sui consentientibus Sigebertum filium suum in regnum sublimavit: sedemque Metis civitate habere permisit. *Itē sub anno D C C L X V I I I*: Franci factò solemniter generali conventu, ambos sibi constituunt Reges, ea conditione præmissa, ut totum regni corpus ex æquo partirentur. Eodem pertinet, quod *Luitprandus Levita Ticinensis libro primo capite 6.* ita scribit: Cumque Burgundionum regna transiens, Franciam, quam Romanam dicunt, ingredi velleret, Francorum nuntij ei occurrunt, se redire nuntiantes: eo quòd longa expectatione fatigati, cum sine rege diutius esse

esse non possent, Odonem cunctis pe-
 tentibus elegerunt. Fertur autem hac
 occasione Francos Widonem sibi re-
 gem non assumpsisse, &c. Sed de hoc
 Odone memorabilis & *Reginonis* &
Sigeberti narratio est, ex qua planius
 etiam de Regis filio repudiato, & alie-
 no ascito cognoscitur. Nam *Regino*
quidem libro 2. sic loquitur, sub anno 888.
 Interea Galliarum populi in unum
 congregati, Ottonem Ducem filium
 Rudperti, cui præ cæteris formæ pul-
 chritudo & proceritas corporis & vi-
 rium sapientiæque magnitudo inerat,
 Regem super se pari consilio & volun-
 tate creant. Sed & *Annalium Rhemen-*
sium scriptor: Quum quotidie, *inquit,*
copijs Roberti crescentibus decresce-
rent Caroli, clam tandem secedens
cum Haganone trans Mosam profici-
scitur, Franci Robertum seniore e-
ligunt, ipsique sese committunt. Itaq;
Rex Rhemis apud S. Remigium, ab E-
piscopis & primatibus regni rex con-
stituitur. Rhegino vero sub anno DCCL:
Pipinus, inquit, secundum morem
 Fran-

Francorum electus in Regem, & unctus per manum Bonifacii Mogontinensis urbis Archiepiscopi, & elevatus est à Francis in regno in Sueffionis civitate. *Sigebertus sub verò anno 890. hoc modo*: Franci verò neglecto Carolo Ludovici Balbi puero, vix decenni, regem sibi præficiunt Odonem filium Roberti Ducis, quem à Nortmannis occisum supra diximus. *Item Otto Frising. Chron. lib. 6. cap. 10.* Occidentales, *inquit*, Franci, Odonem Roberti filium, virum fortem, consensu Arnolphi regem creant. Quæ testimonia eo magnis notanda atque observanda sunt, quòd perspicuè ac dilucidè demonstrant, summum penes populum jus arbitriumque fuisse, non modo Regum deligendorum, verùm etiam, repulsis ac repudiatis demortuorum Regum filiis, alienorum asciscendorum: quod etiam post Caroli Simplicis mortem usu venit. Nam *Rhegino sub anno DCCCXXV.* Carolus Rex, *inquit*, in custodia, qua tenebatur, obiit. qui fertur vir hebetis esse

in-

ingenij, & minus aptus utilitatibus regni. Omnes etiã à filio ejus deficientes, quendam Rodulphum sibi Regem eligunt. Filium autem *Aimoinus* Ludovicum appellat: qui minus commodè illud narrans, scribit: Carolum in cùstodia præcepisse de Francorum procerum consilio, ut Rudolphus Richardi Burgundionum Ducis filius in regem ordinaretur. Sed *Annalium Rhemensium* scriptor planius id exponit. Audito, *inquit*, Franci, quòd Carolus Normannos ad se venire mandasset, ne illi conjungerentur, inter Carolum atque Normannos cum Rodulpho medii resederunt: tumque Carolo trans Mosam refugiente, Rodulphum cuncti, Regem eligunt. *Item in Appendice Gregor. Turonen. lib. 15. cap. 30.* Post Dagoberti decessum, filius suus Clodoveus sub tenera ætate regnum patris ascivit: omnesque leudes (id est, subjecti) eum in Masolano villa sublimant in regnũ. *Item Sigebert. in Chronic. an. 987.* Ludovico

vico Francorum rege mortuo, Francis regnum transferre volentibus ad Carolum fratrem Lotharij regis, dum ille rem ad concilium defert, regnum Francorum usurpat Hugo, &c. Multa ejusdem generis apud *Adonem* testimonia sunt, *velut anno 686.* Clodoveus rex decessit. Franci Clotarium filium ejus regem constituunt. *Et mox:* Clotarius quatuor annos regnans obiit: cujus loco Franci Theodoricum fratrem ejus eligunt. *Item anno 669.* Franci Danielelem quendam clericum post abjectionem tonsuræ, in regno stabiliunt, atque Chilpericum nuncupant. *Et mox:* Franci Theodoricum Dagoberti filium regem super se constituunt. *Item apud Ottonem Frising. Chron. 6. cap. 13.* Ottone, inquit, Francorum rege mortuo, Carolus voluntate omnium rex creatur. *Item Appendix Gregor. Turon. lib. 11. cap. 101.* Mortuo Theodorico rege, Franci Clodoveum filium ejus parvulum elegerunt in regnum. *Et cap. 106.* Franci verò Chilpericum quendam regem constituerunt.

tunt. & cap. 107. Quo mortuo Theodoricum regem statuerunt in sedem regni. Item Godfrid. Viterbiens. Chron. parte 17. capit. 4. Pipinus verò per Papam Zachariam ex electione Francorum factus est Rex Francorum: Hildericus ignavo rege per Francos in monasterium misso. His ex locis, alijsque similibus quamplurimis dilucide patere arbitror, reges Francogalliæ populi potius, hoc est ordinum, & (ut nunc loquimur) statuum iudicio ac studio, quam hereditario jure constitutos fuisse. cuius rei magno etiam argumento est ritus, quo maiores in regibus inaugurandis utebantur. Quod enim paulo superius diximus, Cornel. Tacitum de Caninefatibus, Francorum popularibus, testati, ut designatum regem scuto imponent, sublimemque humeris gestarent: idem in regibus nostris usurpatum animadvertimus. Nam qui populi suffragiis delectus fuerat, hunc scuto positum sublevabant, humerisque sustentatum, ter circum populi comitia, vel,

si in castris id acciderat, circum exercitum, plaudentibus atque acclamantibus universis, gestabant. *Gregor. lib. 2. ubi de Clodovei Regis electione commemorat*: At illi, *inquit*, ista audientes, plaudentes tam palmis, quàm vocibus, cum clypeo evectum, super se regem constituunt. *Item libro 7. cap. 10.* ubi de Gondebaldo loquitur: Ibi que, *inquit*, parmæ superpositus Rex est levatus. sed cum tertio gererēt, cecidisse fertur: ita ut vix manibus circumstantium sustentari posset. Quade re *Aimoinus libro 3. cap. 6. ita scribit*: Evocatum Gondobaldum more antiquorum Francorum, regem proclamantes esse suum, elevaverunt eum clypeo. cumque tertio totum cum eo circuissent exercitum, repente ruens cum rege vix à terra elevari potuit. *Item Ado Viennensis Ætat. 6.* Sigebertus, *inquit*, Francis consentiens, more gentis impositus clypeo rex constitutus est. Ac nimirum ex eo factum constat, ut Scriptores illi, ubi de rege creato commemorant, plerunque

que hanc locutionem usurpent, ut
eum in regem elevatum dicant,

*De summa populi potestate in Regibus caussa
cognita condemnandis & ab-
dicandis.*

CAP. VII.

SEd nunc ad tertium hujus disputa-
tionis argumentum accedendum
est, ut intelligatur, quantum in regi-
bus constituendis, retinendisve, ordi-
num ac populi jus potestasque fue-
rit. siquidem ex omnibus nostris An-
nalibus constat, regum abdicando-
rum summam potestatem penes ordi-
num comitia fuisse. Cujus potestatis
insigne documentū is qui prim⁹ Fran-
cogalliæ rex creatus fuit, nobis præ-
bet: quem cum populus comperisset
flagitijs ac libidini deditū, ætatem in
ganeis & scortationibus consumere,
publico consilio removerunt, Galliæ-
q; finibus excedere coegerunt. quod
anno cccclxix. factum nostri te-

stantur. Quinetiam isquem ipſius in locum ſuffecerunt, Eudo, cū ſua potentia ad ſuperbiam & crudelitatem abuteretur, pari ſeveritate iudiciorum exauſtoratus eſt. Cujus rei teſtes ſunt *Hunibaldus ſub an 467. Gregor. Turon. lib. 2. c. 12. Aimoin. l. 1. c. 7. Godfrid Viterbiens. parte 17. cap. 1. Sigebert. ſub anno 461. & 469.* Childericus verò (*inquit Gregorius*) cum eſſet nimia in luxuria diſſolutus, & regnaret ſuper Francorum gentem, cœpit filias eorum ſtuproſè detrahere. Illique ob hoc indignantes, de regno eum eiſciunt. Comperto autem, quod etiam eum interficere vellent, Thoringiam petiit. *Hunibaldus autem:* Anno, inquit, regni ſui ſexto conſpirantes contra eum principes & proceres Francorum, propterea quòd impotenter & nimis luxurioſè vivens uxores & filias nobilium plures vitiaſſet, voluerunt eum occidere: quòd cū ei innotuiſſet, cum paucis occultè fugit in Thoringiam. Poſt Franci quendam Ægidium ſibi conſtituerunt in Regem: qui

qui regnavit annis octo : quem Franci denuò nimis tyrannifantem, & proceres quosque crudeliter occidentem, tolerare diutius non valentes, ejecerunt. *Abbas autem Vrßpergensis:*

Quem (*inquit*) luxuriosè viventem, & cum filiabus populi fornicantem, interficere nolentes, abjecerunt. *Et*

Sigebertus: Hildericum (*inquit*) insolenter & luxuriosè se agentem Franci de rego deturbant: & Ægidium Regem sibi præficiunt. Atque hoc quidè præclarum ac singulare majorum nostrorum facinus eo diligentius notandum est, quod in primordiis ac propè incunabulis regni gestum, quasi quædam testificatio fuisse videtur, ac denuntiatio, Reges in Francogallia imperio soluto, libero, & infinito constitui. Itaque cùm hoc idem institutum posterì retinere, anno DCLXXIX.

Childericū regem undecimum insolentiùs se in imperio gerentem abdicarunt: cumque nobilem quendam, nomine Bodilonem ad palum alligari, atque indicta caussa virgis cædi ius-

fisset, ab eodem Bodilone paucis pòst
 dieb. interfectus est: *auctoribus Aimoino*
lib. 4. cap. 44. Adone, Ætate 6. Tritenhe-
mio anno 687. itemque Sigeberto anno 667.
 Eiusdemmodi majorum nostrorum
 severitas aliquanto pòst exitit ad-
 versus Theodoricum Regem XII.
 qui cùm iniquo & avaro imperio Re-
 gnum administraret, Franci (*inquit*
Aimoinus) super eum insurgunt, ac eū
 de regno eiiciunt, crinesque capitis e-
 jus vi abstrahentes incidunt. *lib. 4. cap.*
44. Ado Ætat. 6. anno 696. Sigebertus au-
tem sub anno 667. magnam illius culpæ
 partem in præfectum regium Ebroi-
 num conferunt. Theodoricus, *inquit,*
 Rex propter insolentiam Ebroini à
 Francis repudiatur: & frater ejus Hil-
 dericus à cunctis ad regnum evoca-
 tur. *Et Ado: Franci, inquit,* Theodoricū
 de regno abijciunt: Ebroinum Lexo-
 vio monasterio tondent: Childericū
 super se regem levant. *Item Appendix*
Greg. Turon. l. II. cap. 64. Franci contra
 Theodoricum insurgunt: eumque à
 regno deiiciunt, crines capitis ejus
 ab-

abscindentes totonderunt : Ebroi-
numque ipsum tondent. Sed optimè
omnium *Hunibaldi Appendix*: Theodo-
ricus (*inquit*) otio & inertix deditus o-
mnia negotia regni per Comitem
Palatij, quem Majorem domus nun-
cupabant, disponere cœpit. Hujus
major domus fuit Ebruvinus, homo
sceleratus & impius qui multa fecit
mala: quibus commoti proceres Fran-
corum, Theodoricum à regno deijci-
unt, & tam ipsum quàm Ebruvinum,
separatos ab invicē ad duo monaste-
ria intrudunt. *Et mox*: Hildericus duo-
rum præcedentium frater medius, &
Clodovei filius, dejecto à regno Fran-
corum Theodorico fratre juniore,
procerum electione ad regnum de
Austragia vocatus, regnavit annis
paucis: qui cum esset moribus asper, &
multis nobilibus Francorum odiosus,
in venatione occisus est. Eodem acci-
dit *Chronologia Italij nondum in lucem
edita sub anno Christi DCCIII*. Post Lo-
tharium, *inquit*, Theodoricus subro-
gatur in regnum. sed hoc post paucum

tempus, cum Ebroino majore domus
 expulso, Childericum Regem Austras-
 siorum fratrem ejus minorem Franci
 in toto sublimaverunt regno. Similis
 eorundem virtus extitit in Chilperico
 rege xviii. quem cum propter iner-
 tiam tanto imperio indignum cen-
 suissent, regno se abdicare coegerunt;
 atque ad monachatum relegarunt:
auctoribus Aimoino libro 4. cap. 61. Si-
geberto & Tritemio anno 750. & God-
frid. Chron. part. 17. cap. 4. Sextum rur-
 sus ejusdem severitatis exemplum
 extitit in Carolo Crasso rege xxv. qui
 propter similem ignaviam, & quod
 Nortmannis Galliae partem conces-
 sisset, regnumque imminui passus
 esset, ab optimatibus regni (ut *Sige-*
bertus loquitur) repudiatus est anno, ut
idem scribit, 890. quod *idem Godfridus*
part. 17. testatur: sed uberius Otto Frising.
Chron. 6. cap. 9. ubi memorabile illud ad-
scribit: hunc cum post Carolum Ma-
 gnum inter omnes reges Francorum
 maximae fuisset auctoritatis, in brevi
 ad tantam tenuitatem venisse, ut pa-
 nis

s quoque egens, ab Arnolpho jam
 ge facto stipendia miserabiliter exi-
 eret, atque ab ipso paucos fiscos gra-
 inter susciperet: unde humanarum
 erum status miserrimus cognoscitur:
 quod is qui tam Orientalia, quàm Oc-
 cidentalia regna cum Romano susce-
 perat Imperio, ad tantam postremò
 dejectionem venit, ut panis quoque
 egeret. Septimi etiam exempli me-
 moria extat in Odone rege xxvi.
 quem cùm Franci, repudiato Ludo-
 vici Balbi filio Carolo, regem sibi de-
 legissent, quarto post anno in Aqi-
 tania amandarunt, ibique conside-
 re jusserunt: ejusque in locum Caro-
 lum ejusdem Balbi filium suffecerunt.
auctoribus Sigeberto sub anno 894. Aimo-
no lib. 5. cap. 42. Godfrid. part. 17. Sed &
Regino lib. 2. Ottone, inquit, Rege in A-
quitania commorante, Francorum
Principes ex maxima parte ab eo de-
ficiunt: & in Rhemorum civitate Ca-
rolus filius Ludovici in regnum ele-
vatur. In eundem quoque numerum
ascribitur Carolus rex xxvii. propter
 E s stupo-

stuporem ingenii, Simplex cognomento dictus: qui cum stultitia sua regnum pessundaret, Lotharingamque, quam prius recuperaverat, amississet, captus atque in carcerem conjectus est, ejusque in locum Rodolphus suffectus: *auctoribus Aimoino libro. 5. cap. 42. Sigebert. anno 926. Et de eodem Annal. Rhemens. auctor, anno 920. Penè omnes, inquit, Franciæ Comites regem suum Carolum Simplicem apud urbem Sueffionicam, quia Haganonem consiliarium suum, quem de mediocribus potentem fecerat, dimittere nolebat, reliquerunt. Item Rhegino lib. 2. Chr. anno. 938. Ludovicus, inquit, à suis imperio privatur, regni que monarchia Lothario filio ejus per electionem Francorum datur. Item sub anno 922. Et cum quotidie copiis Roberti crescentibus, decreverent Caroli, clam tandem secedens cum Haganone trans Mosam proficiscitur. Franci Robertum SENIOREM ELEGERUNT: ipsique sese committunt. Robertus itaque rex Rhemis apud Remi-*

Remigium ab Episcopis & primatibus regni constituitur. *Idem sub anno 923.* Auditoque Franci, quod Carolus Nortmannos ad se venire mandasset, ne illi conjungerentur inter Carolum atque Nortmannos, super Isaram flumen: tumque Carolo trans Mosam refugiente, Rodolphum cuncti REGEM ELIGUNT. Rodolphus ergo frater Richardi Rex apud urbem Sueffionicam constituitur. Atque hæc quidem post Francogalliæ regnum constitutum majorum nostrorum virtus fuit: cujus exemplum ipsi à suis quoque majoribus acceperant. Nam *Hunibaldus antiquissimus Francorum historicus, apud Iohannem Tritenhemium de Francis & Heleno ipsorum Rege ita scribit: Ann. ejus regni XIII. congregati apud Neopagum Sicambri Helenum regem inertem & inutilem communi omnium sententia deposuerunt à regno: & ad privatam redire vitam compulerunt: in cujus locū elegerunt fratrem ejus minorem.* Quæ cum

cum ita se habeant, perspicuum est, *Agathium, qui lib. 1. scribit*, regum Francorum filios à parentibus regnum successione excipere solitos, vel eorum instituti minus peritum fuisse, utpote Græcum hominem & alienigenam: vel ita intelligendum esse, ut superius diximus; moris fuisse, ut regum filij, regaliter educati atque instituti, prærogativam in commitijs haberent; præsertim cum ea spe parentes adducti summum in filijs bene honesteque instituendis studium collocarent. Sed multo imperitius & absurdus est, *quod Theo. Nehemius in Nemore unionis tract. 6. scribit*, Carolum Magnum constituisse, ut deinceps Franci ex parentum successione reges haberent: cum superius demonstratum sit, eundem Carolum in suo testamento jus Regum constituendorum populo Francico integrum illibatumque reliquisse. *Verba Nebemij hæc sunt*: Porro quia ipse Carolus Rex Francorum extitit, istud regnum fuit ad eum ex successione devolutum.

(Hoc

(Hoc verò quid absurdius dici potuit?) & videns quod ipse factus Imperator, suos hæredes dignitate propria, scilicet regno Francorum penitus denudasset (Et hoc quoque per absurde scriptum apparet) statuit, ut Francigenæ cum quadam regni Francorum portione regem haberent de regali semine, jure hereditario successorem: qui in temporalibus superiorem non recognosceret: videlicet ut Imp. potestati ad homagium, vel aliquod obsequium teneretur. *Hæc ille*: quæ, ut vera essent, tamen illud confirmarent, usque ad Carolum Magnum Francogalliæ regnum non hæreditate, sed populi arbitrio delatum fuisse. Sed hæc à *Nehemio* scripta esse apparet, ad tollendam quorundam veterum Juris Doctorum disputationē, his verbis conceptam, *An Rex Gallia Imperatorem aut alium superiorem recognosceret?* de qua tractatur à *Decretalists inc. per venerabilem, Qui fil. sint legit. Bald. in consil. 49.*

vol. 1. Specul. tit. de feud. §. Super homagium, Guid. Pap. quest. 239.

Pluri-

Pluribus exstantibus Regis demortui liberis, quid juris in hereditate observaretur.

CAP. VIII.

HÆc autem omnia eò pertinent, ut doceamus, regnum Franco-galliæ antiquitus non hereditatis jure, ut privata patrimonia: sed ordinum ac populi judicio & suffragiis deferri solitum fuisse: quo minus illi relictum quæstioni videtur loci, *Si plures regis demortui liberi extarent quæ nam in cujusq; jure constituendo ratio teneretur.* Nam cum penes populi Comitia, & publicum Gentis concilium non modò deferendi, verumetiam adimendi regni summa potestas esset, illud necessario consequitur, in ejusdem arbitrio fuisse, utrum omnibus æqualiter, an uni tantum regni successionem deferret. Quanquam hoc loco quæstio exoritur, si populus filio repudiato alium eligeret, ecquid tamen illi ad suam dignitatem tuendam relin-

linqueretur. Quare intelligendum est, jure quidem Romano earum rerum, quæ in Principis imperio ac ditione sunt, quatuor tantum esse species: aliæ namque ipsius Principis patrimoniales sunt: aliæ Fiscales: aliæ publicæ: aliæ privatæ. Patrimoniales posteriorum Imperat. Romanorum ætate appellatæ sunt, quæ propriæ ipsius Principis erant, non Principatus, sed patrimonii jure: quæ idcirco de propria Principis substantia esse dicuntur: *L. 3. §. 1. C. de quadr. præscriptione*: veluti, si cui è proceribus Imperium à populo delatum esset, certum est, ea bona quæ ante delatum illum honorem propria ipsius erant, in ipsius dominio mansisse: non qua Imperator erat, sed qua Valens, aut Honorius, aut Theodosius, idque in libris nostris Sacrum patrimonium passim appellatur: *L. ult. C. de vectig. L. 1. C. de indictione*. pari ergo ratione, si Dagoberto, puta, vel Lothario Francogalliæ regnum ab ordinibus regni delatum erat, quod ante adeptam illam digni-



dignitatem in bonis habuerat, pleno jure ipsius manebat. Fiscus autem, siue Fiscalia bona dicuntur, quæ Principi ad tuendam dignitatem suam populi voluntate attributa sunt; siue ea in pecunia numerata, siue in prædiis, siue in jure consistant. quamvis enim Fiscus nomen stricte proprieque ad thesauros pertineat: *d. L. 3. C. de quadr. præscript.* (quod etiam origo appellationis ostendit) tamen etiam ad fundos & prædia productum est, quæ in fisci patrimonio esse dicuntur. *L. 2. §. 2. D. ne quid in loc. pub. L. 49. D. locat. L. 38. §. 1. D. ad municip.* quin etiam jura vectigalia, mulctæ pecuniariæ, privilegiaque omnia Principi concessa, eo nomine continentur, uti patet ex *tot. tit. D. & C. de jur. fisc.* Magna igitur inter Patrimonium Principis & Fiscum differentia est: multisque locis inter se distinguuntur. veluti *d. L. 3. §. 1. C. de quadr. præscript. L. 6. & L. ult. C. de vectigal. d. L. 49, D. locat. L. 6, D. de jur. fisc. L. ult. D. qui pot. in pign. hab.*

Nam rerum patrimonialium commercium

mericum non est, nisi voluntate Principis. *L. cum servus, 39. §. ult. D. de legat. 1.* Fiscalium autem usitatum ac legitimum commercium est. *L. si procurator, §. d. jur. Fisc. L. pacta, 72, §. ult. D. de contr. empt.* illæ ad Principis heredes transmittebantur: quamvis imperii successores non essent. *L. quod principi, 56, D. de legat. 2.* hæc verò quia magis Principatus sunt, quàm Principis, ad eum solum, cui principatus defertur, una cum principatu transferuntur. qua de causa *Vlp.* dixit, rex Fiscales, quasi proprias & privatas ipsius Cæsaris esse. *d. L. 2, §. 2. Ne quid in loc. public.* id est, non vere, propriè ac pleno jure, quamvis interdum illud quasi, omittatur, ut in *L. 3, D. de his quæ pro non script. hab.*

Publicas autem res appellamus, quæ civitatis cujusque & proprietate & usu communes sunt: quales sunt, curiæ, fora, arcæ communies, agri publici, veluti compascua & sylvæ communes. *L. 1, §. 1. Quod cujusque univers.* item, (ut ex ætatis nostræ statu exemplum sumamus) tormenta muralia,
G unde

unde illa controversia, quam *And. Triaguellus* quondam loco commemorat, cum civitas quædam Gallie Regi sua tormenta muralia certum ad usum commodasset, ille autem inter homines esse desuisset, civitas ab ipsius successore sua tormenta repetebat. Cui assentatores aulici stolidissime respondebant, novum Regem ex sui decessoris contractibus & obligationibus non teneri: quod absurdissimum esse constat, neque in Franco-gallia usurpatum, ut *Paponius* testatur lib. 20, tit. de testam. art. 14. ubi *Oldradi consilium* 94. in suam sententiam commemorat. Verum est igitur, civitates quamplurimas res proprias habere, à Fiscalibus rebus planè alienas lib. 2. §. publicæ, Ne quid in loc. publ. L. 2, ubi omnes Doctores late hoc tractant. C. de divers. præd. urb. L. civitatibus, 122, D. de legat. 1. L. 1, C. de vend. reb. civit. L. 14. §. ult. D. de servitut. L. 72, §. ult. D. de contr. empt.

Privatæ autem res dicuntur, quæ in cuiusque patrisfam. fortunias ac facultates

cultatibus censentur : *L. I, D. Derer. divis.* cum similibus quæ latiore interpretatione, æquè ut res publicæ, Principis esse dicuntur, sed , (ut ex *Seneca in Quæst. Illustribus* docuimus) imperio, non dominio : ditione , non proprietate : univèrse , non singulatim : sola juris fictione, non possessione & usu. Itaque vendi , donari, legari à privatis res suas videmus Principi, aut Imper. aut Regi : quæ si antea ipsius propriæ fuissent, iterum ipsius fieri non possent.

*De Regis domanio & fratrum ipsius
appannagio.*

C A P. IX.

NUnc ut ad institutum, & quæstionem propositam revertamur, sciendum est, antiquitus institutum fuisse, ut Francorum Regibus non modo Fiscalia illa jura, qualia Romanis Imperatorib. concessa erant, verum etiam certa quædam fruenda prædia ad regiam suam dignitatem tuendam assignarètur, quæ barbaro vocabulo DE-

MANIUM Regium appellantur : plerumque autem DOMANIUM. Est enim Domanium regium quasi *dos regni*, quomodo veteres dicebant Vatem prædij, sive (ut planius loquamur) quasi quadam ususfructus certarum possessionum, Regi ad tuendum dignitatis suæ splendorem attributus. Dixi QUASI ususfructus propterea quod earum possessionum proprietas penes populum manet: neque ulla ejus pars alienari à Rege potest, sine populo auctore: hoc est sine Ordinum & publici Concilij consensu, quemadmodum posterius commodiore loco docebimus: jus tantum utendi fruendi ei conceditur. Addidi autem particulam QUASI: quia permultis in rebus jus illud ab ususfructu discrepat: veluti, ut cautio de fruendo boni viri arbitrio præstetur: ut ne forma & species prædiorum mutetur, & quæ sunt in eodem genere. Ut cunque sit, magnam ex illa definitione patet esse differentiam inter Patrimonium & Domanium Regale. Nam Patrimonium,

nium, ipsius Regis proprium est: Domanium vero, Regni, atque (ut vulgus loquitur) ipsius Coronæ. Illud pleno jure, Regis est: atque ideo plenam & summam ipsius pro sua voluntate alienandi potestatem habet. Hujus nuda proprietas est penes universitatem populi, sive Remp. ususfructus aut penes Regem: qua de causa nullam, ut jam diximus, illius alienandi potestatem habet: ac plane verissima est Doctorum hac de re sententia: Par idemque esse jus Regis in suum domanium: quod est viri, in dotem suæ uxoris. quemadmodum præter cæteros tradunt *Lucas de Penn. in L. quocunque. C. de ann. agr. desert. Paris de put. de syndicat. sub Rub. de excessibus Imper. And. Isern. in tit. Feud. quæ sunt regal.* Inter Domanium aut & Fiscum hoc interest, quod illud ad usum ipsius Regis, hoc est ad annonam, & victum cultumque Majest. Regiæ consentaneum institutum est: hic, ad statum Regni & Reipub. tuendum atque conservandum: qui si forte propter bellorum & aliarum

G 3

rum

rum ejusmodi necessitatum rationem
sufficere non videatur, tum demum
in subsidium tributa de communi or-
dinum sententia in publico Concilio
universæ genti indicuntur. Præterea
domanii commercium nullum est :
Rerum Fiscalium usitatum ac legiti-
mum : ut paulo ante demonstravi-
mus, Illud certum ac definitum est :
harum modus incertus, atque infini-
tus : quia Fisci nomine non modò ea
omnia quæ vulgo præcise Regalia :
plenè autem Jura regalia vocantur,
verùm etiam alia innumera, quæ Re-
giæ Majestati ad Rempublicam tuen-
dam concessa sunt, complectitur. Ac
de Domanio quidem illud accipien-
dum est, quod *Eguinarthus in eo libello*,
quem ad Caroli Magni & Carlovin-
gorum gratiam, & ad imminuendam
Merovingorum existimationem con-
scripsit, *his verbis tradidit*: Cùm præter
inutile Regis nomen & precarium vi-
tæ stipendium, quod ei Præfectus au-
læ exhibebat, nihil aliud proprii pos-
sideret, quàm unum perparui red-
ditus

ditus villam, in qua domum, ex qua famulos sibi necessaria ministrantes, atque obsequium exhibentes paucæ numerositatis habebat. *Hæc ille.* Itaque postquam, recepta sensim consuetudine, Francogalliæ corona hereditaria esse cœpit, & vel filio, vel proximo agnato deferri, quamvis plures ejusdē gradus vel filii vel agnati essent: tamen uni tantum, seniori scilicet, ac natu maximo domanium illud attributum fuit reliquis omnibus ejusdē gradus vel filiis vel agnatis ab illo exclusis; quorum tamen habita ratio est diligenter. Nam ad vitæ cultum & decus familiæ pro dignitate tuendum, institutum fuit, ut iis possessiones quædam assignarentur, quæ vulgo *appannagia* dictæ sunt: ab antiquo & Francico (ut mihi persuasi) vocabulo *Abbannem*, quod Latine valet, excludere: item ut *Ausbannen* & *Forbannen*: quasi ea portione accepta exclusos se à Regni successione intelligerēt: quemadmodum

Otto Frising. Chron. 5. ca. 9. & Godfridus Viterbiensis scribunt, Dagobertum Lotharii filium, regem constitutum, fratri Heriberto urbes & pagos aliquot propè Ligerim fruendos dedisse; quod idem Aimoinus lib. 4. cap. 17. commemorans, ita subjungit: Pactum cum ipso pepigit, ut privato contentus habitu, nil amplius de paterno sperare deberet regno. Et Regino lib. 1. Dagobertus, inquit, monarchiam totius imperii obtinuit, excepto quòd fratri suo Heriberto contra Ligerim & limitem, quòtenditur partibus Vasconix, pagum scilicet Tholosanum, Caturcinum, Aganensem, Petragorium, & Sanctonicum, vel quod ab his versus Pyrenæos montes excluditur, concessit. Ex quibus intelligitur, quod Aimoinus illo loco scribit, Heribertum consortem regni factum, non de regni jure intelligendum esse, sed de regni ditionibus. Itaque paulo pòst scribit, eundem Heribertum illa ditione non contentum, vi & armis regis nomen sibi sumpsisse: bellumque fratri contra

trapactionem intulisse. Similiter autem *idem Aimoinus eo libro quarto cap. 61. de Pipino* scribens, Grifonem fratrem, *inquit*, more Ducum XII. comitatibus donavit. Atque huc illud pertinet *quod Greg. Turonen. lib. 7. cap. 32. ita scribit*: Misit Gondobaldus duos legatos ad Regem, cum virgis consecratis iuxta ritum Francorum, ut scilicet non contingerentur ab ullo. *Et mox*, Gondobaldus dicit se filium esse patris nostri Regis Clotarii, & misit nos ut debitam portionem regni sui recipiat. Nunc ut ad propositam quæstionem redeamus, quantum ad regni successionem attinet: certum hac de re jus Francogalliæ nullum reperio: quippe, cum hereditaria, ut dixi, non esset: ceteris aut in patrimoniis nobilibus, quæ Feuda nominantur, *Otto Frising. lib. Frid. 2. cap. 29.* Mos est, *inquit*, in Burgundia, qui penè in omnibus Galliæ provinciis servatur, quòd semper seniori fratri, ejusque liberis, seu maribus, seu fœminis, paternæ hæreditatis cedat auctoritas: ceteris ad illum

tanquam ad dominum respicientibus. Quibus omnibus ex locis intelligendum est, res eas, quæ Apanagii titulo filiis natu minoribus attribuantur, neque regni, neque regis hereditatis partes, non magis, quàm res certas legati aut hereditatis titulo relictas, hereditatis partes esse intelliguntur, *L. pen. C. de hered. instit. L. quoties, 9. §. heredes. D. eod. L. qui fundum, 87. §. 3. D. ad l. Falcid. L. quadam, 9. §. 1. D. de edend.* non enim hereditas pars propriè in una re intelligitur. *L. quamvis, 14. D. si quis omiss. caus. test.* Atque hoc idem juris in gente Francorum universa fuisse, multis verbis traditur à *Petro de Vineis. lib. Epistol. 25. & aliis nonnullis locis.* Sed in regni successione aliud juris fuit. Nam primum vetus lex fuit, ut quamvis deferendi regni iudicium arbitriumque summum penes Ordinum comitia, publicumque gentis totius Concilium esset, tamen si Regis defuncti filii annis XXIII. minores

nores essent, eos creaturus non esset: atque adeò alium ætatis legitimæ creari necesse esset. Qua ex re de majorum nostrorum sapientia existimare licet: qui Reipublicæ suæ gubernacula ei ætati commitenda non existimarunt, quæ alieni consilii, etiam in privatis rebus suis administrandis, indigeret. Verba autem *Hunibaldi apud Iohann. Tritemium* hæc sunt: Anno Christi cccix. cum Rex Francorum Clogio incautius dimicaret, à Romanis interfectus & occisus est: duos relinquens filios: quorum natu major Helenus annum tunc agebat xx: minor verò natu Richimer xviii. Lege autem Francorum erat interdictum, ne quis promoveretur in Regem, nisi xxiiii ætatis annum completeret. Hinc factum est, quod neuter filiorum Clogionis ad regnum pervenire, sed patruus eorū Clodomer, electione principum, fuit in Regē coronatus. *Hæc ille*: ex quib. perspicuum est, quod superius dicebamus, quod

quod *Agathius scribit*. Regum filios regnum à parentibus excepisse: nequaquam simpliciter & absolutè intelligendum esse: sed ita, si causa eorum. Ordinum comitijs, publicoque gentis Concilio probata esset: in cuius causæ cognitione caput hoc fuit, An *xxiiii* annorum maiores essent. Quâ ætatem si compleverant, tum memoriæ proditum est, antiquis temporibus per sæpe Francogalliæ Regnum Rege mortuo non uni filio ab Ordinum comitijs attributum, sed in viriles partes divisum, atque assignatum fuisse. Itaque defuncto Clodoveo Rege secundo, anno *dxv*, qui libros *iiii* reliquerat, Theodoricum, Clodoveum, Childebertum, Chlotarium, satis constat, Regnum inter eos ita divisum fuisse, ut Theodoricus Metarum, Clodoveus Aureliæ, Chlotarius Suesionum, Childebertus Lutetiæ regnū obtineret, *auctoribus Agathio libro histor. i. Greg. Turon. libro 3. cap. i. Aimoin. lib. 2. cap. i. Reginone sub anno 421.* Rursus post Chlotarii Regis *iiii*, excessum, Regnum

Regnum inter quatuor ipsius filios ita
partitum fuit, ut Cherebertus Lute-
tiæ, Guntrannus Aureliæ, Chilperi-
cus Sueffionibus, Sigebertus Rhemis
regni sui sedem arcemque colloca-
ret: *auctoribus Gregor. libro 4. cap. 22. Ai-
moi. libro 3. cap. 1. Keginone sub anno 498.*
Contrà verò anno circiter DCCC.
mortuo Lothario Rege VII. Otto Fri-
sing. Chr. 5. cap. 9. & Godfrid. Viterb. ita
scribunt: Dagobertus Clotarii filius
solus in Francia regnabat: sed fratri
suo Heribert. circa Ligerim fluvium
paucas urbes & pagos dimiserat: à
Clodoveo enim usque ad id tempus
regnum Francorum inter filios, filio-
runque filios, multifariè diviso con-
fusè regnatum est. Terminus au-
tem Regni Francorum erat jam ab
Hispania usque Pannoniam. Dago-
bertus itaque unicus Rex Francorum
leges Bavaris dedit. *Hæc Godefridus*: ne-
que, ut multi sapientes sæpe judica-
runt, injuria. Nam (*ut est apud Iustinum*
libro 21.) firmitus est futurum regnum,
si penes unum remanserit, quàm si
por-

portionibus inter plures fratres dividatur. Aliquot tamen interjectis annis, cum Francorum Regnum longè lateque propagatum esset, Pipino rege mortuo, alia publico Gallorum consilio sententia placuit: quod valet ad confirmandum quod superius diximus, penes Ordinum & Concilij arbitrium, totum illud jus fuisse. Nam *Eguinartus in vita Caroli Magni, sic loquitur*: Mortuo Pipino, Franci facto solenniter generali conventu, ambos sibi ejus filios Reges constituunt: ea conditione, ut totum Regni corpus ex æquo partirentur: & Carolus eam partem, quam pater eorum Pipinus tenuit: Carolomannus eam, cui patruus eorum præerat, regendam susciperet. *Item Abbas Vrsberg.* Mortuo Pipino, Carolus & Carolomannus filij ejus, omnium Francorum consensu ambo reges creati sunt, ea conditione, ut totum regni corpus ex æquo partirentur. Simillima post Caroli Magni excessum in partiendo regno ratio fuit: quemadmodum ex ipsius testa-

testamento apud *Iohan. Nauclerum, & Eguinarthi libello de ipsius vita*, cognoscilicet : ubi tota propè Europa inter tres ipsius filios ita dividitur , ut tamen filiabus nihil dotis , aut legitimæ portionis caussa tribuatur : sed earum collocandarum, dotisque constituendæ potestas fratrum fidei, charitati & prudentiæ permittatur. Neque injuria: cùm principes , & proceres quibus illæ nuptum collocantur , non tam dotis spe , & magnitudine , quàm generis & familiæ dignitate ad earum matrimonium adducantur. Eandem in Orientali Franciâ partitionem post Ludovici mortem anno DCCCLXIII. fuisse , testatur *Otto Frisingensis Chron. 6. c. 6. & Regino in Chron. anno 877.* Rursus annis aliquot interjectis, post Ludovici Balbi Regis xxxiii. excessum , anno DCCCLXXX. eadem quoque partiendi ratio servata est, quam tamen non in Regum ipsorum, sed in Ordinum ac publici Concilij arbitrio fuisse , faciliè , ex his *Aimoini* verbis cognoscilicet , libero 5. cap.

capite 40. Filij, *inquit*, Ludovici quondam Francorum Regis profecti sunt Ambianos, & sicut fideles eorum invenerunt, Regnum paternum inter se diviserunt. Ex quibus ita disputatis, perspicuum est, nullum antiquitus certum hac de re jus in Francogallia fuisse: sed totam ejus rei potestatem in Ordinum & publico gentis concilio positam fuisse: postea verò Philippo tertio, Rege *XL*. auctore constitutum est, ut ditio aliqua minoribus fratribus attribueretur: sed ejus quoque juris variæ interpretationes fuerunt: multæque natæ contentiones, propter filiarum rationem: ut planè nihil certi hac de re tradi à nobis possit: nisi, si res ad antiquum Majorum nostrorum institutum revocetur, totum ejus rei ius publico Gentis & Ordinum Concilio committendum esse: ut pro liberorum numero certè illis ditiones ad victum & cultum & dignitatem generis tuendam fructus attribuantur.

*De lege Salica, & jure mulierum in Regum
parentum hereditatibus.*

CAP. X.

QUoniam de Regalis hereditatis
jure dicere instituímus non præ-
termittenda legis Salicæ commemo-
ratio videtur: quæ cùm assiduè nostris
hominibus in ore est, tum verò Majo-
rum nostrorum memoria maximam
& periculosam de regni successione
contentionem sedavit. Nam cùm
anno 1328, Rex Carolus Pulcher, Phi-
lippi Pulchri filius, moriens uxorem
prægnantem reliquisset, paucis inter-
missis mensibus agnata filia, Eduardus
Angliæ Rex, ex Isabella Philippi Pul-
chri filia Caroli Regis sorore natus, he-
reditatem aviti regni ad se pertinere
contendit. At ex adverso Philippus
Valesius exortus est, Regis Caroli
Pulchri frater patruelis, qui diceret,
antiquam esse legem Regiæ, Salicam
nominatam, qua lege mulieres à Re-
gni hæreditate arcerentur, Hanc por-

ro legem *Gaguinus* & ejusdem generis scriptores à Faramundo scriptam tradunt : ad nostram , *inquit* , usque ætatem nominatissimam. Et in vita Philippi Valesij , Eduardo , *inquit* , obstabat lex Salica , quæ à Pharamundo Francis data in illos usque dies observantissima habebatur. Ea lege soli virilis , sexus Reges à majoribus Regibus orti regnum administrant : nec ad eam dignitatem fœminæ admittuntur : cujus legis hæc sententia est. Nulla hereditatis portio de terra Salica ad mulierem venito. Terram autem Salicam , Francorum Jurisconsulti eam dicunt , quæ solius Regis est : & à lege Alodii distat , quæ subditos comprehendit : quibus datur per hanc legem rei alicujus liberum dominium , non exclausa Principis majestate. *Hæc Gaguinus.* In eandem autem sententiam Franco-galli omnes non modò Historici , verum etiam Jurisconsulti & Pragmatici usque ad hoc tempus scripserunt : teste *Paponio Arest. lib. 4. cap. 1.* ut jam com-

FRANCOGALLIA. 115

communis error propemodum jus fecisse videatur. Verum illud meminisse oportet, quod superius attigimus, Francorum duas sedes, duoque regnafuisse. Unum in Gallia, quod adhuc usque diem permansit; alterum ultra Rhenum ad flumen Salam unde Salii & Salici Franci conjunctè, plerumque autem Salici præcisè appellati, quorum & regnum & jam prope nomen obsoletum est. De Saliis superius ex *Marc. Ammia. historia* dictum est, demonstratumque, illos Orientales, hos Occidentales appellatos fuisse. Quemadmodum autem duo Francorum regna fuerunt, ita duæ Francorum leges: Salica, quæ ad Saliis: Francica, quæ ad Francogallos pertinebat. *Eguinath. in Carolo Magno*: Post susceptum Imperiale nomen, cum animadvertet, multa legibus populi sui deesse (Nam Franci duas habent leges plurimis in locis valde diversas) cogitavit quæ deerant addere. *Auctor præfationis in Legem Salicam*: Gens Francorum inclita, antiquam

ad fidem catholicam converteretur, dictavit Salicam legem per Proceres ipsius gentis, qui tunc temporis apud eandem erant rectores. Sunt autem electi de pluribus viri quatuor, Wiso-gast, Arbogast, Salogast, & Windogast: qui per tres mallos (id est comitia) convenientes, omnes causarum origines sollicitè discurrendo, tractantes de singulis, iudicium decreverunt hoc modo, &c. Ac fere iisdem verbis utitur *Sigebertus in Chron. anni 422. Otto Frisii. lib. 4. c. pen.* Leges quoque Wisigastaldo & Salagasto auctorib. ex hinc habere cœpere. Ab hoc Salagasto legem, quæ ex nomine ejus Salica usque hodie vocatur, inventam dicunt. Hac nobilissimi Francorum, qui Salici dicuntur, adhuc utuntur. *Atque hæc quidem veteres Chronographi:* ex quibus eorum errorem coargui licet, qui Salicam legem vel à sale, id est, prudentia dictam, vel corruptam vocem traderunt, pro Gallicam: quo dici absurdius nihil potuit. Sed longe majores ex eodem fonte nati sunt errores. Primum

mum quod creditum est, Salicam legem ad jus publicum Imperij, & hereditariæ Regni successionis pertinuisse. Nam illius legis Salicæ tabulæ non multis ab hinc annis repertæ, atque in lucem editæ sunt, ex quarum inscriptione cognoscitur, eas primum circiter ætatem Faramundi Regis scriptas editasque fuisse: deinde omnia & Salicæ legis & Francicæ capita non de publico Regni & Imperii jure, sed de privato tantum constituta fuisse. In iis autem unum hoc caput extat tit. 62. qui inscriptus est DE ALODIS, h. e. de iis rebus, quæ non feudi, sed patrimonii iure à privatis possidentur: quod summè notandum est. DE TERRA SALICA IN MULIEREM, NULLA PORTIO HEREDITATIS TRANSIT: SED HOC VIRILIS SEXUS ACQUIRIT: hoc est, filij in hereditate succedunt. SED UBI INTER NEPOTES AUT PROPOTERES POST LONGUM TEMPUS DE ALODE TERRÆ CONTENTIO SUSCITATUR, NON PER STIRPES, SED PER CAPITA DIVIDATUR. Cujus le-

gis similis extat apud Ripuarios tit. 58. Itemque apud Anglos tit. 7. ubi tantum abest, ut de Regnorum hereditatibus sanciat, ut ne ad feudorum quidem, sed tantum ad alodiorum successiones eæ leges pertineant: ut facillè illorum imperitia coarguatur, qui lege illa aut nunquam lecta, aut non intellecta affirmare ausi sunt, lege Salica cautum fuisse, ne regia potestas ad mulieres transferatur. Utcunque sit, primùm illud constat, etsi nullum nec Salicæ, nec Francicæ legis caput extet, quo mulieres à regni hereditate arceantur: tamen instituta & mores gentis tanto seculorum consensu conservatos, ac præsertim contradictoriis judiciis confirmatos, legis scriptæ vim obtinere. nam Childericus 3. rege mortuo, duabus filiabus superstitibus fratri ejus Clothario regnum, illis exclusis, delatum est. Rursus Chereberto quinto Rege mortuo, tribus filiabus superstitibus, Sigeberto ipsius fratri successio

si delata est. Item, Gontranno Burgundix & Aurelix rege mortuo, non Clotildæ filix ipsius, sed fratri Sigeberto regnum delatum est. Constat præterea multo consideratius & cautius illos Philippi Valesii consiliarios ex feudali jure disputaturos fuisse, quo jure feudorum hereditates liberis posterisque virilis sexus tantummodo deferuntur, neque ad eas mulieres admittuntur. Ubi autem in ea stirpe, in qua feudum versatur, mares defecerunt, tum ad alteram stirpem feudum revocatur, ut illo casu acciderat. Quæ verò feuda depravato jure ad mulieres deferuntur, ea non propriè feuda, sed feudastra potius appellanda esse, alijs libris quos de illo jure scripsimus, abunde demonstravimus.

— 0630 —



De jure Regalis capillitij.

CAP. XI.

HOc loco non alienum videtur, aliud Majorum nostrorum institutum commemorare, de Regio capillitio: nam memoriæ proditum est singulare, quoddam jus capillitii apud majores nostros fuisse, ut qui Reges à populo creati, aut regio genere prognati essent, comam alerent: eamque à fronte discriminatam, unguentisque delibutam, decus atque insigne regium, regiæque stirpis haberent: reliqui cives omnes quamvis illustri loco nati tamen capillitii jus non haberent: sed propter assiduos (ut credi par est) in remilitari labores, raso vel detonso capite incederent: quemadmodum de Iulio Cæsare & plerisque aliis, Romanæ historiæ commemorant. *Aimoin. lib. 1. cap. 4.* Regem verò ceterarum more nationum Franci sibi eligentes, Faramundum solio sublimant regio; cui filius successit Clodion-

diocrinitus: illo enim tempore Francorum Reges criniti habebantur. *Item lib. 3. cap. 61.* Hic Gundoaldus more Regum à matre sua enutritus (uti consuetudo antiquis fuit Franciæ Regibus) capitis comam gerebat profusam. Similiter *Agathius lib. de bell. Goth. 1.* ubi Regem Francorum Clodomirum à Burgundionibus in bello captum commemorat, Ut primum, *inquit*, ex equo lapsus est, Burgundiones conspicati capillitium, quod illi à tergo propendebat, ducem esse hostium animadverterunt. Neq; n. Francorum regibus coma carere licet: sed à pueris intonsi permanent, & profusum capillitium, atque in tergum rejectum habent. Quin etiam multis ex locis licet animadvertere, majoribus nostris in more fuisse ut, si cui vel Regnum abrogarent, vel adipiscendi Regni spem adimerent, ei capillitium abscinderent. *Aimoinus illo eodem loco:* Ille intuitus in eam, incidi ejus præcepit capillos, hunc suum negans filium fuisse. *Item:* Iterum incisis crinibus Colo-

nix in custodiam traditur: unde fuga elapsus succrescentibus capillis, ad Narsetem transiens, &c. quam histor *Gregor. Turonen. l. 6. c. 24.* commemorat. *Item cap. 44.* ubi de Theodorico Rege loquitur: Franci, *inquit*, super eum consurgunt, ac eum de regno ejiciunt, crinesque capitis ejus vi abstrahentes incidunt. *Item lib. 7. cap. 37.* Tū ne es ille, plerumque à regibus Francorum propter has præsumptiones quas propters, tonsoratus, & exilio datus es? *Et mox:* Quod me Chlotarius pater meus exosum habuerit, nulli est incognitum: quod autem ab eo, & deinceps à fratribus sim tonsoratus, manifestum est omnibus. Memorabilis autem ac potius horribilis historia extat apud *Gregor. Turonen.* de Regina matre Chrorilde, quæ duobus nepotibus caput abscindi, quàm comam maluit. Locus est *lib. 3. cap. 18.* Mater nostra (inquibat Rex fratri suo) fratris nostri filios secum retinuit, & vult eos regno donari. Communi consilio pertractare oportet, quid de his fieri debeat:

beat: utrūm incisa cæsarie, ut reliqua plebs habeantur: an his, interfectis regnum germani nostri inter nos dividatur. *Et mox*: Tunc misere Archadiū cum forcipe, atque evaginato gladio: qui veniens ostendit Reginæ utrumque, dicens: Voluntatem tuam, ô gloriosissima Regina, filij tui domini nostri expetunt, quid de pueris agendum censeas: utrum incisus crinibus eos vivere jubeas, an utrumque jugulari. Maluit autem illa interfectos videre, quàm tonsos. Quam historiam *Aimoinus lib. 2, cap. 12.* enarrans, Chrotildem ita loquentem inducit: Sed ut cunq; se res habeat, nullatenus clericos fieri patiar: quasi ad clericatū tonsura puerorum quæreretur. Quod cum à Gregorii verbis alienū est, tum etiam ab illa consuetudine usitata, ut tonsura quasi abdicatio, & à regni hereditate exclusio quædam esset. Quin etiā moris fuisse animadverto, ut cum Reges prælio decertarent, nodatū capillitiū in galeā, quasi cristā erigerent: idq; in signo in præliis haberēt, itaq; *Ai-*

moinus

moinus libro 4. capite 18. ubi de Dago-
berti Regis, cum Bertoaldo Saxonum
Duce acerrimo, prælio commemo-
rat: Rex, inquit, ense percussus inca-
put, decisos cum parte galeæ crines
patri per armigerum mittit, ut sibi in
auxilium properet. Hujus autem in-
stituti causam cum apud me confide-
ro, hanc ferè reperio, quòd cum &
Gallorum & Francorum nationes co-
matæ essent (item ut Sicambrorum,
ac ferè regionum illarum institutum
fuisse constat) Majoribus nostris vi-
sum est, hoc proprium Regiæ dignita-
ti decus atque insigne tribuere. Nam
de Gallis quidem (unde Comata Gal-
lia dicta est) nemo mediocriter eru-
ditus testimonium quærit: memor
præsertim illius Claudiani ex lib. in Ruf-
finum 2.

Inde truces flavo comitantur vertice Galli,
Quos Rhodanus velox, Araris quos tardior
ambit,

Et quos nascentes explorat gurgite Rhenus.
De Francis autem, quos ex Chaucis,
sive Chaycis ortos demonstravimus,
vel

vel unus ille ex *Lucani* primo locus, testimonio esse potest:

*Et vos crinigeros bellis arcere Chaycos
Oppositi petitis Romam, &c.*

Quod cum ita esset, animadvertimus, exteros qui animo in nostros inimico essent, reges capillatos, non modò contumelioso nomine Setatos appellasse: verùm cum setæ leonum, equorum, & suum communes essent, (qui omnes propterea Setosi & Setigeri appellantur) etiam ad suillas setas nomini contumeliam produxisse. Unde & obscæna conficta fabula, & spurcum nomen *τριχοραχάτων*: de quo *Georg. Cedrenus in histor.* ita scribit: ἐλέγοντο δὲ οἱ ἐκ τῆς γένεος ἐκείνης καταγόμενοι κρισάτοι. ὁ ἐρμηνεύεται τριχοραχάτοι. εἶχον γὰρ κατὰ τῆς ῥάχεως αὐτῶν τρίχας ἐκφυόμενας, ὡς χοῖραι: id est, qui regio erant prognati genere, dicebantur Cristati: quod interpretatur, Tergisetosi. Habebant enim in spina dorsi pilos nascentes, quasi porci. Quem tamen locum mendosum, ac depravatum esse arbitror: ac pro ΚΡΙΣΤΑΤΟΙ vel reponendum

ΣΕΤΑ-

ΣΕΤΑΤΟΙ, vel utrunque certè conjungendum: ut à nonnullis festivè Christati, propter erectum in galeam crinium flocculum: à malevolis etiam contumeliosè Setati, vel Setigeri appellarentur. Quod si clausulam illam tam apertè Cedrenus non apposuisset, & Cristatorum nomen retinendum fuisset, dicendi potius *τριχοχάρακτοι* fuissent: ut cuivis perspicuum esse arbitror: pro, Crinibus insignes: quanquam totum illum Cedreni locum animadverti jam ab auctore Historiæ Miscellæ ad verbum ita conversum, lib. xxii. Dicebantur sane ex genere illo descendere Cristati: quod interpretatur, Trichorachati: pilos, enim habebant natos in spina, veluti porci. Utcunque sit, ne illud quidem prætermittendū videtur, circiter Caroli Magni ætatem, consuetudinem quandam increbuisse, ut regis filius ad exterum aliquem principem amicum ac fœderatum mitteretur, qui honoris causa capillos ei præcideret: eoque factò Pater ipsius

ipsius honorarius diceretur. Nam *Paul. Diaconus lib. 6. capite 15.* de Carolo Magno scribens: Carolus, inquit, Francorum princeps filium suum ad Liutprandum Longobardorum Regem misit, ut ejus, juxta morem, capillum susciperet: qui ejus cæsariem incidens, ei pater effectus est: multisque regiis muneribus donatum genitori remisit: quam historiam *Regino libro 1.* sub anno DCLV. commemorat: apud quem pro SUSCIPERET, commodius legi videretur, INCIDERET. Verùm hæc quidem de regalis capillitii jure, hætenus. Quod verò nonnulli fabulantur, regnante Ludovico VII. Petri Lombardi Parisiensis Episcopi consilio atque hortatu institutum fuisse, ut discrimen inter Gallos & Francos tolleretur, cum illi comam tantum hi & comam & barbam colerent: indignū hominib. doctis videtur: quasi verò per annos amplius octingentos (totidē n. à Francogallici regni origine ad Ludovicū VII. numerantur) discrimē ullū inter Gallos & Francos durarit: ac nō
superius

superius demonstratum sit, post Francogalliæ regnum constitutum, unam è duabus quasi gemellam gentem, & unius linguæ & eorundem institutorum ac morum conflata fuisse.

Qualis regni Francogallici constituendi forma fuerit.

CAP. XII.

HIs ita breviter expositis, deinceps qualis regni Francogallici constituendi forma fuerit, exponendum videtur. Ac superius quidem populum in comitiis non modò creandi, verumetiam abdicandi regis potestatem sibi omnem retinuisse, docuimus. Quam eandem regnandi formam constat Gallos nostros, priusquam in Romanorum potestatem redigerentur, habuisse: ut populus non minus (*inquit Cæsar*) in Regem, quàm Rex in populum imperii ac potestatis retineret. Quanquam non à Gallis, sed à popularibus suis Germanis eam Reip. con-

constituendæ formam Francos nostros sumpsisse, consentaneum est: de quibus *Tacitus in lib. de moribus Germ.* ita scribit: Regibus non est infinita aut libera potestas. Hac autem forma nullam à tyrannico dominatu remotiorem esse constat. Nam ut ait *Aristoteles lib. Polit. v. cap. 11.* quanto pauciorum rerum penes Regem potestas est, tantò diutius regnum maneat necesse est. Quinetiam è tribus tyrannidis notis, quas philosophi veteres indicarunt, nullam in regni nostri forma constituenda licet animadvertere. Primùm enim quantum ad coactum imperium attinet, hoc est, ut rex invictis dominetur, docuimus jam antea, summam ordinum publicique Concilii tum in deligendis, tum in abdicandis regibus potestatem fuisse. Quantum ad peregrinam corporis custodiam, quam secundam tyrannidis notam numerant, tantum abest, ut Francogalliæ reges peregrinis & alienigenis mercenariis ad præsidariam cohortem uterentur, ut plerun-

I. que

que ne cives quidem & indigenas ad corporis custodiam adhiberent: quippe, cum omnem in clientum suorum fide & benevolentia præsidii sui fiduciam collocarent. Cujus rei argumentum est, quod *Gregor. Turon. lib. 7. capite 18.* & *Aimoinus libro 3. cap. 63.* scribunt, Regem Gontrannum ab homine quondam tenui Lutetiæ admonitum, ut insidias sibi à Faraulpho paratas vitaret: continuo se armis & custodiis munivisse: ut nusquam, *inquit Gregorius*, ac ne ad loca quidem sacra, nisi vallatus armatis atque custodibus procederet. Quinetiam extat Ludovici cognomento Divi præclara historia, & ab illustri viro *Ioanne Ioannilleo* scripta, qui cum illo rege per familiariter multos annos versatus est: qua in historia nullam planè satellitum, aut stipatorum, aut præsidiariæ cohortis mentionē licet animadvertere: sed tantum lanitorum, quos populari lingua *Husserios*, id est, *Hostiarios*, appellat. Verum, quid hæc tenuia & minuta dilucidæ rei argumenta

con-

conquirimus? cū perspicuum¹ ejus documentum extet, apud *Wilhelmum Neunbrigensem*, libro *Rerū Anglicarum* 4. cap. 2. quod idcirco subscribemus, ne tam insignis Majorum nostrorum sapientiæ memoria intercitat: & canibus aulicis, qui nobis antehac allatrarunt, ora obturemus. Scribit autem *Neunbrigensis* de rege Philippo, Ludovici filio, qui cum Richardo Anglorum rege ad recuperandas Hierosolymas profectus est: circiter annum MCXC. Sanè, *inquit*, postquam percrebuit apud regem Francorum, quod Marchioni acciderat, de amici quidem indigno exitu doluit: sed mox hunc dolorem suscepta cum ingenti gaudio suggillandi Regem Anglorum occasio compensavit. Cūque in propriis esset tam longe finibus à Syria constitutus, illius in Oriente consistentis vel frustra timebat, vel poti⁹ se ad augendam invidiā, timere fingeat infidias: & tanquam ab eo subornati imminerent sicarii, præter morē Majorum suorum non nisi firmata val-

latus custodia procedebat : adeo ut quidam familiari ausu propius accedentes, non sine periculo hoc ausi dicantur. Mirantibus hanc novitatem regiam plurimis, ut pro ea satisfaceret, gentemque suam in regem Anglorum accenderet, Præsulum Procerumque suorum Concilium Parisios convocavit. Ubi allegans contra eundem Regem plurima, tanquam certa, atque inter cetera, quòd virum illum nobilissimum nequiter per diros satellites peremisset, literas quoque protulit à quibusdam potentibus sibi (ut dicebat) transmissas, quibus monebatur propensiores suimet habere cautelam : sciens quòd Rex Anglorum insidiaturus animæ suæ ab Oriente jam direxisset sicarios. Quamobrem, inquit, nemo debet mirari, quod præter solitum diligentiores mei ipsius curam habeam : quam tamen si reputatis vel indecentem, vel superfluum, decernite amovendam. Adjecit etiam, cordi sibi esse de manifesto proditore proprias maturè ulcisci

inju-

injurias. Adhæc plurimi adulatoriè responderunt, bonum honestumque esse, quod pro cautela faciebat: & quod pro ultione disponebat. Prudentes vero dixerunt, Cautelam quidem tuam, Rex, qua tibi contra incertos casus fortè abundantius propicias, non culpamus: præmaturæ verò ultionis propositum minimè approbamus. Nam etsi vera sint quæ de Rege Anglorum dicuntur, non tamen est petulanter & præmature agendum: sed respectum honesti sustinendū, quousq; ad propria revertatur, qui propter Christum peregrinari nescitur. *Hæc Neunbrigensis.* Deinceps alteram Majorum nostrorum in regno constituendo sapientiam consideremus. Nam quæ tertia tyrannidis nota numeratur, ut non ad civitatis & subjectorum, sed ad ipsius dominantis commodum atque arbitrium omnia referantur, ejus nullam in nostra Repub. maculam multas per ætates hæsisse, ex eo intelligetur, quòd paulo posterius docebimus, summam

regni Francogallici administratio-
nem penes publicum & solenne gen-
tis Concilium fuisse : quod posterior
ætas Conventum trium Statuum ap-
pellavit. Cujus appellationis rationē
*Claudius Seyffellus in libello quem Franciæ
monarchiam inscripsit*, ad tres civium
ordines referendam putat : quorum
summum nobilitati, medium juridi-
cis & mercatoribus, tertiū opificib. &
agricolis attribuit. *Verba illius capit. 13.*
hec ferè sunt: Est in hoc regno forma
quædam Reip. magnopere & laudan-
da & retinenda : quoniam plurimum
in ea momenti est ad ordinum o-
mnium concordiam constabilien-
dam : neque dubium est, quin quan-
diu suum cuique ordini jus suaque di-
gnitas servabitur, difficile sit regnum
labefactari. Nam cujusque ordinis
certa est prærogativa : neque : ea
servata, potest alter alterum evertē-
re : ac ne tres quidem simul in Prin-
cipem & Monarcham conspirare pos-
sunt. Horum porrò in ordinum
trium numerum nequaquam repono
Eccle.

Ecclesiasticos: qui per illos permixti sunt: sed tres status sive ordines numero, primùm Nobilitatem: tum medium populum, qui dici Opimus potest: postremò plebem infimam.

Hæc Seyffellius. Sed videamus, ne cum hæc tripartita distributio non ad vitæ communis rationem, sed ad publicum gentis Concilium referatur (qua de causâ Concilium illud vulgo Trium statuum appellatur) (ecquid commodius, ad illa tria genera referri possit, quibus id Concilium constat: hoc est, ad regalem, optimatum & popularem: quippe, cum hujus regni status is fuerit, quem Philosophi veteres, (in his Plato & Aristoteles, quos Polybius & Tullius imitati sunt) optimum ac præstantissimum judicarunt: nimirum qui è tribus generibus Regali, Optimatum, & Populari mixtus ac temperatus esset: quàm Reipub. formam idem Tullius in suis de Repub. libris unam ex omnibus potissimam esse duxit. Nam cum regius &

popularis dominatus natura inter se
dissideant, adhiberi tertium aliquem
oportet intermedium, & utriusque
communem, qui est Principum, sive
Optimatum: qui propter splendorem
& antiquitatem generis, ad regiam
dignitatem accedit: propter clientelam, & (ut vulgoloquimur) subiectionem plebeio genere minus abhorret.
Unum n. eundemq; cum plebe populi
universi Magistrum agnoscunt. Huius autem præclari Reipub. status insignis extat Ciceronis laudatio, ex
Platonis de Repub. libris expressa, quam propter singularem elegantiam
subscribemus: Ut in fidibus inquit, ac tibiis, atque cantu ipso, ac vocibus
concentus est quidam tenendus ex
distinctis sonis, quem immutatum ac
discrepantem aures eruditæ ferre
non possunt: isque concentus ex dissimillarum vocum moderatione
concors tamen efficitur, & congruens: sic ex summis & mediis, & infimis & interjectis ordinibus, ut sonis, moderata ratione civitas, consensu

su diffimillimorum concinit : & quæ
 harmonia à musicis dicitur in cantu,
 ea est in civitate concordia : arctissi-
 mum atque optimum in Republica
 vinculum incolumitatis, quæ sine ju-
 stitia nullo pacto esse potest. Hæc
 Cicero, de Optimo Reip. statu: quem
 ex tribus permixtis generibus tempe-
 ratum, Majores nostri in Francogalliæ
 regno constituendo tenuerunt, quod
 cum alijs argumentis demonstrari
 potest, tum verò vel maximè ex Ora-
 tione Regis Ludovici cognomento
 Pij, ad omnes Francogalliæ ordines
 habita : & ab *Ansegiso in lib. Franc. leg.*
 secundum relata, cujus *cap. 3.* verba
 hæc extant : Sed quanquam summa
 hujus ministerii Regii nostra persona
 consistere videatur : tamen & divina
 auctoritate, & humana ordinatione
 ita per partes divisum esse cognosci-
 tur, ut unusquisque vestrum in suo lo-
 co & ordine partem nostri ministerii
 habere cognoscatur : unde apparet,
 quod nimirum vestrum admonitor
 esse debeo : & omnes vos nostri adju-
 tores

tores esse deberis : nec enim ignoramus , qui unicuique vestrum in sibi commissa portione conveniat. *Item cap. 12.* Et sicut diximus , unusquisque vestrum partem ministerii nostri per partes habere dignoscitur. *Item cap. 6.* Monemus vestram fidelitatem , ut memores sitis fidei nobis permixtae , & in parte ministerii vestri vobis commissi. Hanc igitur mixtam à tribus generibus Reipub. temperationem Majores nostri secuti , sapientissimè constituerunt , ut quotannis publicum totius regni Concilium Kalendis Maij haberetur : quo in Concilio de summis quibusque Reip. negotiis communi ordinum omnium consilio ageretur : sic , ut vetus illa aurea lex valeret : SALUS POPULI SUPREMA LEX ESTO. Cujus instituti sapientia & utilitas tribus maxime rebus cernitur. primum quòd in magno prudentium numero magnitudo consilii ac propter ea salus populi versatur : *Proverb. 11. & 15.* ut Salomoni & aliis sapientibus placuit. deinde quia libertatis

tatis pars est, quorum periculo res geritur, ut illa eorū consilio atq; auctoritate administretur: &, quemadmodū Imp. Justinianus dixit, quod omnes tangit, ab omnibus approbetur: postremò ut qui apud Regem in magna potentia sunt, & magnis imperiis præsumunt, ejus Concilii metu, in quo Civitatum postulata liberè audiuntur, in officio contineantur. Nam quòd regna quædam unius Regis arbitrio ac nutu gubernantur, quale hodie Turcium esse constat, rectissimè *Aristoteles lib. Polit. 3.* animadvertit, non hominum liberorum & lumine mentis ac rationis utentium, sed pecudum potius & brutorum consilii expertium eam gubernationem esse. Sic enim se res habet: ut pecudes, non ab uno è suo genere: ut pueri aut adulescentes, non ab uno è suis æqualibus, sed à præstantiore aliquo reguntur: sic hominum multitudo non ab uno è suo numero, qui minus fortasse, quàm alii complures, videret: sed à mente ex multis conflata, hoc est, conjunctis probatorū virorū cōsiliis, regēda

da & gubernanda est. Nam quòd Senatum assiduum & ordinarium plerique habent Reges, cujus consilio in administranda Repub. sese uti dicunt: primum aliud est regni, aliud Regis consiliarium esse. Ille Reipub. universæ, & in commune consulit: hic unius hominis commodis atque utilitatibus servit. Deinde cum illi Senatores assidui vel uno in loco, vel certè in aula Principis perpetuò maneant, longinquarum civitatum nosse ac videre statum commodè non possunt. Præterea regalis & aulicæ vitæ illecebris inducti, facilè ad libidinem dominandi, ad ambitionem, & opes amplificandas depravantur: ut ad extremum non regni, & Reip. consilarii, sed Regis unius assentatores, & ministri cupiditatum & regiarum, & suarum quoque appareant. Qua de re extat insigne Imp. Aureliani elogium apud *Fl. Vopiscum*, quod subscribemus: Ego (*inquit*) à patre meo audiui, Diocletianum principem, jam privatum dixisse, nihil esse difficilius, quàm bene

ne

neimperare. Colligunt se quatuor vel
 quinque unum consilium ad deci-
 piendum Imperatorem capiunt: di-
 cunt quid probandum sit. Imperator
 qui domi clausus est, vera non novit:
 cogitur hoc tantum scire, quod illi lo-
 quuntur. Facit iudices, quos fieri non
 oportet. Amoveret à Repub. quos de-
 bebat retinere: quid multa? ut Dio-
 cletianus ipse dicebat, Bonus, cautus,
 optimus venditur Imperator. *Hæte-
 nus Vopiscus* apud quem tamen haud
 scio, an non rectius INCAUTUS lege-
 retur. Utcunque sit, hæc incommoda
 veteres Romani metuentes, Regi
 quidem Senatum ordinarium attri-
 buerunt: sed, ut salus populi suprema
 lex esset, summam Reip. non regi, aut
 ejus senatui, sed ipsi populo & comi-
 tiis reservarunt. Quare sub omnibus
 Regibus hæc lex fuit: Ut populus in
 comitiis magistratus crearet, leges
 scisceretur, bella decerneret: quemad-
 modum *Dionysius Halic. lib. 2.* testatur.
 Pomponius quidem Jurisconsultus
 memoriæ prodidit, populum R. pri-
 mis

mis temporibus in triginta partes divisum, quæ Curia dictæ sunt: propterea quod rex Reipublicæ curam (ut ipse ait) per sententias partium earum expediebat, unde leges Curiatæ dictæ, & antiquissima omniū comitia, Curiata: quinetiam *Seneca l. Epistol. 19.* scribit, se ex Ciceronis de Republica libris didicisse, PROVOCATIONEM AD POPULUM ETIAM A REGIBUS FUISSE: quod etiam *Tullius initio libri Tusculanarum Disputationum IV.* his demonstrat verbis: Nam cum à primo urbis ortu regis institutis, partim etiam legibus, auspiciis, ceremoniæ, comitia, provocaciones, & cetera tota res militatis divinitus esset constituta, &c. Sed & in *Oratione quam pro domo sua habuit*: Nego, inquit, potuisse jure publico, legibus iis quibus hæc civitas utitur, quenquam civem ulla ejusmodi calamitate affici sine judicio hoc juris in hac civitate etiam tum cum Reges essent, dico fuisse, ut nihil de capite civis, aut de bonis
sine

sine iudicio senatus, aut populi, aut eorum qui de quaque re constituti iudices sunt, detrahi possit. Quibus ex locis perspicuum est, Romanos, etiam tum cum regibus parebant, hanc tamen sacrosanctam legem habuisse, quam superius commemoravimus: SALUS POPULI SUPREMA LEX ESTO. neque unquam regnum ullum fuisse arbitror, præter Turcicum, aut Turcici simile, in quo cives non aliquam libertatis imaginem retinerent, quæ in unico comitiorum habendorum iure posita est. Itaque legem illam Majores nostri summa sapientia secuti decreverunt, Rempublicam communi omnium ordinum consilio gerendam esse: cujus consilii habendi causa certo anni tempore Rex, & principes & electi ex singulis provinciis conventum agerent. Quod idem institutum, videmus etiam multis in aliis gentibus observatum fuisse. Primum in Gallia nostra antiqua, & libera, quam su-

superiùs ex Cæsaris commentariis ostendimus communi Delectorum Concilio administratam fuisse. Sed quoniam de Regno instituta commemoratio est, satis constat, antiquitus in Græcia Amphyctionum Concilium fuisse ab rege Amphyctione (*ut Suidas & alii testantur*) Deucalionis filio institutum, ut è XII. Græciæ civitatibus certo anni tempore electi ad Thermopylas convenirent, ibique de regni & Reip. summis rebus communi consilio deliberarent. quæ de causa Cicero Commune, Plinius Publicum illud Græciæ Concilium appellat: sic Aristoteles lib. *Ethicorum* III scribit, Homericis temporibus, quæ Reges suscipiebant, de iis prius ad populi Concilium referre solitos fuisse. Sic Herodotus memoriæ prodidit: duodecim Joniæ civitates commune plerunque Concilium habuisse: quod idcirco πανιώνιον appellabant: sicuti Ætolia quoque civitates suum παναιτώλιον habuere: quorum nominum exemplo Budæus noster Francogalliæ nostræ Conci-

Concilium *πανκέλτικον* appellat. Sic Populus Lacedæmonius, etsi regem habebat, tamen de summa Repub. quidnam esset utile & honestum deliberabat: ut ex *Æschine* scribit *Gellius lib. 18. cap. 3.* quinetiam Regibus suis Ephors, tanquam custodes atque observatores, imponebat, qui (quemadmodum Plato scribit) Regibus freni instat essent, quorumq; consilio atque auctoritate Reges Repub. administrarent. Quam eandem in insula Ta-
 probane regni rationem *Plinius* cōmemorat *l. 6. cap. 22.* ut Regixxx. Rectores attribuerentur à populo, quorum cōsilio in gubernanda Rep. uteretur: ne si immensa interminataque Regibus in cives potestas permetteretur, eodem loco ac numero non modò suos cives, sed etiam consanguineos, quo vel mancipia vel pecudes, haberent: quod in Turcico imperio accidisse constat, ubi non modò privatos quosque cives quasi pecudes mactare Tyranno jus est; verum etiam cognatos, propinquos, affines, fratres denique

que confanguineos. Simillimam Germanorum in imperio Germanico constituendo sapientiam fuisse apparet, ubi Imperator, Monarchiæ: Principes, Aristocratix: civitatum verò legati, Democratix speciem obtinent: neque quicquam quod ad summam Rempubl. Germanicam pertineat, nisi in Ordinum convētu constitutum atque complacitum sit, ratum & firmum habetur. Quinctiam eandem apud Anglos Regni administrandi formam esse, testis est *Polyd. Virg. lib. Ang. Hist. II.* ubi sic scribit: Ante hæc tempora, (Regis autem Henrici I. vitam exponit) Reges non consueverant populi conventum consultandi causa, nisi perrarò, facere: adeò ut ab Henrico institutum manasse jure dici possit, quod tam altis defixum, ut etiam nunc, radicibus semper stetit, ut deinceps quicquid ad Rempublicam bene gerendam, ejusque conservationem deliberandum foret, illud ad Concilium deferretur, & si quid aut Regis aut populi jussu decretum

rum factumque esset, id totum pro nihilo haberetur, nisi ejusmodi Concilii auctoritate foret comprobatum. Ac ne imperitiæ vulgi multitudinis, cujus proprium est nihil sapere, judicio Concilium impediretur, certa lege exceptum fuit ab initio, qui ex Sacerdotum cœtu, quive, quotve ex reliquo populo vocari deberent ad Concilium. More Gallico vulgò Parlamentum appellant, quod unusquisque Rex initio sui regni habere solet, qui & deinde, quoties res postulat, suo arbitratu illud ipsum convocat. Hæc Vergilius. Et in eandem sententiam vetus quidam scriptor Angliæ Concellarius in libello cui titulus est, *Alearned. commendation: cap. 36.* Neque Rex, inquit, ibidem per se aut ministros suos tallagia, subsidia, aut quævis alia onera imponit legiis suis: aut leges eorum mutat, vel novas condit, sine concessione vel assensu totius Regni sui, in Parlamento suo expresso. Sed ex his gentium ferè omnium institutis nullum æque

insigne memoratur ut illud Hispanorum, qui cum in communi Arragoniæ Concilio Regem creant, reimmoriaque consignandæ causâ fabulam per agunt: hominemque inducunt, cui Juris Arragonici nomen imponunt: quem Rege majorem ac potentiorẽ esse communi populi decreto sanciunt, tandemque Regem certis legibus & conditionibus creatum his affantur verbis, quæ propter eximiam ac planè singularem gentis illius in frenando Rege fortitudinem proferemus: NOS QUI VALEMOS TANTO COME VOS, Y PODEMOS MAS QUE VOS, VOS ELEGIMOS REY: CON ESTAS Y ESTAS CONDICTIONS: INTRA VOS Y NOS, VN QVEMANDA MASQUE VOS. Id est, Nos qui tanti sumus, quanti vos, & plusquam vos possumus, Regem vos eligimus, his atque his conditionibus. Inter vos & nos unus majore cum imperio est, quam vos. Eoque illud pertinet Johannis Vasseri in *Chronicis Hispan.* sub anno 839.

Ermi-

Ermicus populari suffragio electus Rex, unctus, & coronatus, sed certis conditionibus, nimirum, ut in eos æquis legibus uteretur, atque ut unus iudex esset medius inter Regem & populum, siquid controversiæ orietur, ISQUE ARAGONIÆ IUSTITIA appellaretur. Item *Lucius Marineus lib. 8.* Princeps, *inquit*, eligitur, propositis tamen nonnullis conditionibus, ut in eos æquis legibus uteretur, à quibus etiam iudex qui medius inter eos esset, petebatur, & ARAGONIÆ IUSTITIA vocabatur. Item *Hieronymus Surita*, sub anno DCCCXLIX. Joannes Sime-nius Cerdanus, qui præfecturam, quam vocant Justitiæ Aragonum, plures annos avorum ætate gessit cujus præstantissimi viri magna est apud omnes, & in primis gravis auctoritas, prodit eundem Magistratum, cui nostri summam rerum deferunt, initio regni constitutum: ut quemadmodum apud Lacedæmonios Ephori Regibus oppositi fuerant, sic apud Aragonios is magistratus vim majorem,

rem atque impotentiam Regiæ potestatis coerceret : & quodammodo præses atque custos libertatis haberetur. Inde enim magistratum introductum ferunt, præsidia communī libertati suppeditantem : cujus vis in libertate retinenda emineat : ut nemo jus suum amittere posset, nisi qui eum gerat auctor sit factus : & in posterum certum mansisse perfugium aut intermissæ aut retentæ libertatis : adeoque integrum purumque esse voluerunt, ut ipsius IUSTITIÆ nomine insignitum produxerint, Aragonensium certè legum atque institutorum serie liquido constat, magnis interdictionum præditiis eam præfecturam septam fuisse atque communitam : cum, regno latius patente de libertate retinenda majores paulatim cautum sibi decrevere : ne in posterum extraordinariis potestatibus libertas adimeretur : nevé quid de ejus dignitate minueretur.

Item sub anno M CXLIV, Petrus Simenius præfectus Iustitiæ Aragonum. Is magi-

magistratus primo Major Justitia appellatus fuit: quod supremum jus ac potestatem à Regibus obtineret: postea verò legibus ita sepius fuit, atque munitus, ut libertatis, à supremo dominatu vindicandæ atque tuendæ commune perfugium atque præsidium esset.

Item sub anno M CCCXLIV. Rex proventus omnes & vectigalia Athonis Foccii, militariaque beneficia notari describique decernit: & Foccius Garcix Ferdinandix Castrensis Iustitiæ Aragonum præfecti intercessione atque interdicto notationem eam abrogandam contendit: summaque de jurisdictione controversia suboritur. Regii n. advocati eò actionem intenderunt, ut præfectum Justitiæ Aragonum rejectione interposita, judicem aspernentur, atq; repudient: id jus esse asseverantes, ut in generali conventu, de iis controversiis dijudicet, atq; definiat, quæ cum Rege haberentur: neq; illi jus fasq; esse, extra conventum Regem in judicium deducere: neq; adversus re-

giam dignitatem, pro aliquo iudicium accipere: nisi, in ingenuitatis actionibus: aut in eis litibus, quibus Rex tanquam auctor obstrictus esset: & in his quæstionibus, quæ adversus Regios magistratus, & iudices constituerentur.

Item sub anno MCCCXLVIII. Ex eo magistratus & Præfectura Justitiæ Aragonum stabiliendæ communis libertatis causa, antiquitus legibus septa, atque munita, in eo vires suas exercere cœpit, ne quis contra regionum ministrorum extraordinariam potestatem iussa, atque imperia, auxilii egeret: aut potentiorum injuria premeretur: ac fere de omnibus controverſiis publicis, privatisque ne vis inferatur, constituit. Si quis aut privatus aut publicus ejus decreto non steterit, gravissima pœna afficitur: neque petenti jus redditur, aut ullus honos communicatur: idque legibus habent sancitum. Institutum verò ejus præfecturæ interdictis talis temperamentum fuit, ut tenuiores & qui locum infimum

sum civitatis tenent, cum principibus viris æquari se arbitrentur: & eam sciendarum legum rationem nostri secuti videntur, in eo magistratu muniendo, ut regiis iudicibus opponeretur: quemadmodum Lacedæmone Ephori à Theopompo Spartanis Regibus oppositi fuerant: & apud Romanos Consulibus Tribuni plebis. Sed ne existimatio atque auctoritas ejus magistratus unquam immuni posset, aut popularis fieret, atque omnes iussis supremæ legis obtemperarent, & cum omnibus ea lex semper una atque eadem voce personaret, ut vere populi salus suprema lex esset, ac vinculum & firmamentum libertatis, atque omnes quod dici solet, quasi sacræ legis catenis constringerentur, ea cautio adhibita est, ne ex infimo ordine, aut populari suffragio, quispiam eum magistratum adipisceretur: sed militari decore cohonestatus & à Rege ascitus, atque suffectus. Moderatione quoque ea præfectura, non ad popularem auram propecta, sed tem-

peratior à majoribus instituta est, quam Ephorum magistratus à Lacedæmoniis fertur introductus qui se adeo insolenter efferre consueverant, ut in more institutoque positum esset, ut in tribunali sedentes Regibus ne assurgerent: neve eos venerarentur: & singulis mensibus jurisjurandi religione obstringerentur: Reges se patriis legibus obtemperaturos: Ephori verò se Regum imperio obediētes fore: dum leges, ac scita institutaq; majorū ab illis observarentur. Inde evēit ut nō dissensiōe ac dissidio, sed more institutoq; in uni⁹ Præfecturæ magistratu Resp. regiis magistratibus opposita non imbecilla esset: sed magnū applausum assentiente populo consequeretur: & turbidi concitatiq; motus in posterū comprimerētur: atque intestinæ dissensiones sine ullo tumultu, aut motu sedarentur. *Item anno MCCCCLXXXVI.* Rex Johannem filium procuratione Regni privat: imperatque atque edicit, nequis primogenio pareat. Johan. anxius exploratis in se patris nevercæque odiis, ut adversus regiam

regiam potestatem juris imploraret auxilium, Dominicum Cerdanum summo Justitiæ Aragonum magistratui Præfectum appellat: atque ad eum provocat: eoque perfugio & legum præsidio adversus majorem vim regiæ potestatis munitur. Præfectus, ut est consuetudo, de vi interdicat. Tantum communi libertati tribuitur, ut Princeps de suo jure, & de legibus disceptaturus ad eum potius magistratum venire, necesse habuerit: cum is magistratum gerat, qui à Rege creatus sit. Ejus namque magistratus interdictis appositis, nihil Regii imperii, aut summæ potestatis sit reliqui: quoad magistratus suum de interdicti jure judicium pronunciet, & sententiam ferat: ne dignitatis Regiæ præstantia æquabilitatem cõmunis juris transeat: aut vi oppressos extraordinario imperio coërceat. Cerdanus in caussa populari maximeque plausibili perpetua cõstantia in proposito, susceptoq; consilio permanet, Eam n. vim intercessionum,

num, inhibitionemque Præfecturæ
Justitiæ Aragonum majores esse vo-
luerunt, ut nihil inviolabilius, san-
ctiusve ducant: & ad eam summam o-
mnia referri velint, ut ij restituantur,
qui vi compressi, constricti aut depulsi
dejective fuerint: eaque religione ob-
servant, & in ea positum fuit semper
ratione atque sententia, ut ejus magi-
stratus ea vis sit, ut præscribat Regiis
judicibus, ne quid adversus interdicta
intercessionemque attentent, mo-
lianturve. Inde id pertugium, quasi
præsidium communis salutis, legum,
& institutorum venerantur, obser-
vant, arcte tenent, accurateque tuen-
tur: ac primigenium regni heredem
ad ea legis præsidia decurrisse, civita-
tes omnes gloriantur. Quæ cum ita se
habeant: cum, inquam, gentium ac
nationum omnium commune hoc
institutum semper fuerit, quæ quidem
regio ac non tyrannico imperio ute-
rentur, ut SALUS POPULI SUPREMA
LEX ESSET: perspicuum est non modò
præclaram illam communis concilii
habendi

habendi libertatem esse juris gentium, verum etiam Reges qui malis artibus illam sacro sanctam libertatem opprimunt, quasi juris gentium violatores, & humanæ societatis expertes, jam non pro Regibus, sed pro tyrannis habendos esse. Quanquam quid eos tyrannos appellemus, ac non etiam atrociori vocabulo utamur? cum Fl. Constantinus tyrannus, qui juniore Honorio imperante tyrannidem in Gallia occupavit, vetus istud Galliæ nostræ institutum violare ausus non sit, sed tanquam sacrosanctum conservarit. Nam cum Arelate regni sui sedem fixisset, eamque propterea Constantinam urbem vocari statuisset, publicum gentis Concilium quotannis ex vetere instituto haberi solum, in ea urbe haberi statuit: hoc est, septem provinciarum conventus, Viennensis, utriusque Narbonensis, utriusque Aquitanix, Novempopulaniæ, & Alpium maritimarum: quod ex ipsius Constitutione nuper duorum clarissimorum virorum beneficio in lucem

cem edita, cognoscere licebit. IMP.
CONSTANTINUS AD AGRICOLAM
PRÆFECTUM, PRÆTORIO GALLIA-
RUM. Saluberrima magnificentiæ tuæ
suggestione inter reliquas Reip. uti-
litates evidenter instructi, observan-
da provincialibus nostris: id est, per
septem Provincias mansura in ævum
auctoritate decernimus, quod spera-
ri planè ab ipsis provincialibus debuif-
set. Nam cum propter privatas & pu-
blicas necessitates de singulis civita-
tibus, non solùm de singulis Provin-
ciis vel Honoratos confluere, vel mit-
ti legatos aut possessorum utilitas, aut
publicarum ratio exigit functionum:
maximè opportunum & conducibile
judicavimus, ut servata posthac quo-
tannis consuetudine, in constituto
tempore, in Metropolitana, id est, in
Arelatenſi urbe incipiant septem Pro-
vinciæ habere concilium. In quo pla-
nè tam in singulis quam in commune
consulimus: primum, ut optimorum
conventus sub illustri præſentia præ-
fecturæ, si id tamen ratio publicæ di-
spofi-

positionis obtulerit, saluberrima de singulis rebus possint esse consilia. Tum quicquid tractatum fuerit, & discussum ratiociniis constitutum, nec latere potiores Provincias poterit, ut parem necesse est inter absentes æquitatis formam, justitiæque servari. Hinc planè præter necessitates etiam humanæ conversationi non parum credimus commoditatis accedere, quod in Constantina urbe jubemus annis singulis esse concilium. Tanta est enim loci opportunitas, tanta est copia commerciorum, tanta illic frequentia commeantium, ut quicquid usquam nascitur, illic commodius distrahatur. Neque enim ulla Provincia fructus sui facultate lætatur, ut non nisi hæc propria Arelatensi, soli credatur esse fecunditas. Quicquid enim dives Oriens, quicquid odoratus Atalis, quicquid delicatus Assyrius, quod Africa fertilis, quod speciosa Hispania, & fecunda Gallia potest habere præclarum, ita illi exhibetur affatim quasi sibi nasciatur omnia quæ

quæ ubique constat esse magnifica. Jam verò de cursu Rhodani, & Turo-
ni recurſu, neceſſe eſt, ut vicinum fa-
ciant, & penè conterminum, vel
quod iſte præterfluit, vel ille quod cir-
cuit. Cum ergo huic ſerviat civitati
quicquid habet terra præcipuum: ad
hanc vel navi, vel vehiculo, terra, ma-
ri, flumine deferatur quidquid in ſin-
gulis naſcitur: quomodo non multum
ſibi Galliæ noſtræ præſtitum credant,
cùm in eadem civitate præcipiamus
eſſe conventum, in qua divino quo-
dam munere commoditatum & com-
merciorum opportunitas tanta præ-
ſtatur? Siquidem hoc rationabili pla-
nè, probatoque conſilio jam & vir il-
luſtris Petronius obſervari debere
præceperit. Quod interpolatum vel
injuria temporum, vel deſidia Tyran-
norum reparari ſolita prudentiæ no-
ſtræ auctoritate decernimus, Agrico-
la Parens chariſſime, atque amantiſ-
ſime. Vnde & illuſtris magnificentia
tua & hanc præceptionem noſtram,
& priorem ſedis ſuæ diſpoſitionem per
ſeptem

septem provincias in perpetuo faciet
custodiri: ut ab Idibus Augusti qui-
buscunque mediis diebus in Idus Se-
ptemb. in Arelatensi urbe noverint
Honorati, vel Possessores iudices sin-
gularum Provinciarum annis singulis
Concilium esse servandum, ita ut de
Novempopulonia, & desecunda A-
quitania, quæ Provinciæ longius con-
stitutæ sunt, si eorum Iudices occu-
patio certa detinuerit, sciant legatos
juxta consuetudinem esse mittendos.
Qua provisione plurimum & provin-
cialibus nostris nos intelligimus, utili-
tatisque præstare: & Arelatensis ur-
bis, cujus fidei secundum testimonia
atque suffragia Patritii parentisque
nostri multa debemus, non parvum
adiicere nos constat ornatum. Sciat
autem magnificentia tua, quinisi auri
libris Iudicem mulctandum esse: ter-
nis Honoratos, vel Curiales, qui ad
constitutum locum intra defini-
tum tempus venire di-
stulerint,

*De Regia maiestate & annuo gentis Franco-
gallica conventu, placito, curia,
Parlamento.*

CAP. XIII.

Verum ut ad institutum redeamus, cum illa, quàm superius exposuimus forma, Respub. nostra sapientissimo majorum instituto temperata è tribus generibus fuisset, constitutum est, ut quotannis, atque adeò quoties major aliqua res incideret, solenne & publicum Concilium indiceretur: quod propterea Trium statuum Parlamentum appellatum est: cum eo vocabulo colloquium & conventus hominum intelligeretur, variis ex locis unum in locum còmoni de re deliberandi causa coeuntium. Nam colloquia inter hostes pacis aut induciarum causa instituta, semper in Chronicis nostris vetusto illo Parlamenti nomine appellantur. Huic porro Concilio Rex in aureo tribunali sedens, præerat cui primùm Principes Regnique magistratus, tum inferiore loco Dele-
cti

et ex singulis civitatibus subsidebant:
 quos populari lingua Deputatos ap-
 pellamus. Nam ubi dies Concilii
 venerat, Rex in atrium constitutum,
 quasi in augustissimum & religiosis-
 simum Justitiæ Gallicæ templum, ea
 pompa deducebatur, que magis ad
 popularem moderationem, quam ad
 Regalem magnificentiam accommo-
 data videbatur. Quam etsi perditis
 hisce temporibus aulicis assentatori-
 bus irrisui fore non dubitamus, tamen
 quoniam pietatis pars est, Majorum
 sapientia delectari, ex antiquis moni-
 mentis exponemus. Carpento igitur
 Rex in atrium ac potius in Reipub. sa-
 crarium vehebatur bubus tracto, quos
 auriga stimulo agebat. Ubi verò in
 eum locum ventum erat, tum Princi-
 pes Regem in aureo solio collocabant:
 reliqui; (ut jam diximus) suo quisque
 loco atq; ordine subsidebant. Eoq; de-
 mum in statu atq; sacrario Regia Ma-
 jestas dicebatur: cujus rei etiam nunc
 insigne monumentū animadvertere li-
 cet in typo Regio, & *Magnum Cancellaria*

rie sigillum vulgò nominamus, ubi Rex non equo militari insidens, aut triumphali more quadrigis invehens : sed togatus & coronatus, sedens in solio, dextraque sceptrum regale, sinistra sceptrum Justitiæ tenens, solennique concilio præsidens conspicitur. Et profectò ita est, ut ibi demum Regalis majestas verè proprièque dicatur, ubi de summa Reipub. consilium agitur: non, ut imperitum vulgus hodie usurpare solet, sive rex pila ludat sive saltet ac tripudiet, sive cum mulierculis garriat, ac nugas agat denique, ut semper Majestatem Regiam nominet. Harum autem rerum omnium testimonia è multis pauca proferemus. Primum ex historia *Eguinartbi*, qui Caroli Magni Cancellarius fuit, ejusque vitam conscripsit, & *Hunibaldi Appendice apud Iohan. Tritenhemium*: Quocunque, inquit, eundum erat, carpento ibat, quod bubus junctis & bubulco rustico more agente trahebatur. Sic ad palatium, sic ad publicum populi sui conventum, qui ad Kalendas

das Maii annuatim ob Regni utilitatem celebrabatur, ire, sic domum redire solebat. Quod idem totidem propè verbis *Iohannes Nauclerus in Chronologia Generat. 26.* commemorat. Itemque auctor magni Chronici sub initium vitæ Caroli Magni, fol. 177. Neque verò nimio perè admirandum id videtur: nam hunc temporum illorum morem fuisse, ut & Reges & Reginae, & Regii liberi bubus veherentur, argumento est etiam ille *Gregorii Turon. locus lib. 3. cap. 26.* Deuteria verò (hæc Childeberti regis uxor erat) cernens filiam suam ex superiore marito susceptam, adultam valde esse, timens ne eam concupiscens Rex sibi adsumeret, in basteria positam indomitis bobus conjunctis eam de ponte præcipitavit. Jam verò de Tribunali aureo *Aimoinus lib. 4. cap. 30.* ita scribit, ubi de Rege Dagoberto commemorat: Generale indixit PLACITUM in loco nuncupato Bigargio: ad quod properè convenientibus cunctis Franciæ Primoribus Kal. Maiis Rex folio

residens aureo, hoc apud eos habuit orationis exordium. *Item cap. 41* ubi de Clodoveo Rege loquitur: Medius inter eos solio residens aureo hoc habuit orationis exordium. *Item Sigebertus, in Chron. anni 662.* Francorum, inquit, Regibus moris erat, Kal. Maii præsidere coram tota gente, & salutare, & salutari, obsequia & dona accipere. Quod *Georg. Cedrenus* totidem propè verbis sic exponit: Κατὰ δὲ τὸν Μάιον μῶνα προσκαθίσταται ὅππῃ πάντες ἡ ἔθνος καὶ προσκυνεῖν αὐτοῖς, καὶ αὐτὸς τι προσκυνεῖται ὑπὸ αὐτῶν, δωροδογεῖται τε καὶ σιωπῇ δέχεται, καὶ αὐτὸς δίδόναι αὐτοῖς. Iam verò de popularium, qui ad Concilium convenerant, auctoritate, testimonium hoc extat apud *Aimoinum lib. 4. c. 41.* ubi de Clodoveo secundo loquitur: Quanquam (inquit Rex) Francigenæ cives, terreni nos cura principatus admoneat, publicis vos consultores rebus advocare. *Idem eodem l. c. 74.* Æstatis initio in Saxoniæ eundem, & ibi (in Francia quotannis solebat) generalem conventū quotannis habuit. *Item l. 4. c. 13* ubi de Caro-

Carolo Magno loquitur: Peracta venatione Aquisgrani, rediens generalem populi sui conventum more solenni habuit. *C. 116.* Imperator autem duobus conventibus habitis, uno apud Noviomagum, altero apud Compendium, in quo & annua dona suscepit. *Item c. 17.* Mense Augusto Wormaciam venit, atq; habito generali conventu, & oblata sibi annua dona more solenni suscepit, & legationes plurimas audivit. *Item lib. 5. ca. 31.* Generale PLACITUM Idibus Junii in villa Duziaco tenuit: ubi & annua dona suscepit. Atque hæc quidem de solenni Concilio, quod Historici & Galli & Germani depravata Latini sermonis consuetudine modò Curiam modò Conventum generalem, plerunq; autem PLACITUM appellarunt. *Gregor. l. 7. c. 14.* Igitur adveniente PLACITO directi sunt à Childeberto rege, & c. & *l. 8. c. 21.* Sed cum ad PLACITUM Childbertus cum proceribus suis convenisset, & c. *Aimoinus lib. 4. cap. 109.* Medio mense Conventus generalis apud

Theodonis villam magna populi Francorum frequentia celebravit. *Et mox*: Eminuit in hoc PLACITO piiissimi Imperatoris misericordia singularis. Nam moris fuit, ut in illo Concilio munera undique Regi mitterentur, quod & aliis multis locis traditur; quibus Concilium illud, *Conventus* generalis appellatur. *Aimoi. lib. 4. cap. 64.* ubi de Pipino Rege loquitur; Coëgit ut promitterent se omnem voluntatem illius esse facturos & annis singulis honoris causa ad generalem conventum equos trecentos pro munere daturus. *Item cap. 85.* Saxonum perfidiæ non immemor, conventum generalem trans Rhenum in villa Cuffensten more solenni habuit, Jam verò Concilium illud alio quoque vocabulo Curia dicebatur: unde nata popularis locutio, cum ad aulam & Regiam itur, ut, iri ad Curiam dicatur; propterea quòd rarò ad Regem, nisi indicto publico gentis concilio & parlamento, magnisque de rebus adibatur. *Iuo Carnotens. epist.*
206.

206 Rex concessit, ut eum ad Curiam suam, quæ Aurelianis in Natali domini congreganda erat, securè adduceremus: & ibi cum eo, & cum Principibus regni de hoc negotio, quantum fieri posset salva regni integritate tractaremus. Factum est, ut condictum erat, & convenientes in Curiam petitionem nostram replicavimus. Sed reclamante Curia plenariam pacem impetrare nequivimus, nisi prædictus Metropolitanus per manum & sacramentum eam fidelitatem Regi faceret, quam prædecessoribus suis Regibus Francorum antea fecerant omnes Remenses Archiepiscopi, & ceteri regni Francorum episcopi. Quod persuadentibus omnibus Curia optimatibus factum est. *Aimoin. lib. 5. cap. 50.* Carolus, inquit, Danorum Regis filius Flandriæ Proceres quosdam iudicio Curia convenienter petebat. *Item c. sequenti*: Defuncto Henrico Romanorum Rege, in ea quæ maxima & generalis est habita Maguntia Curia. *Item Otto Frising. libro Frider. I, cap. 40.*

Post hæc Princeps Bavariam ingreditur, ibique mense Februario generalem Curiam celebravit. *Item cap. 43.* Conradus Romanorum Rex, Principes convocans in oppido Orientalis Franciæ Franconofurt generalem curiam celebrat. Posterioribus autem seculis dicta est Franciæ Curia: interdum Curia Parlamenti trium statuum: interdum curia Regis Franciæ: interdum præcisè Parlamentum statuum: ut posterius docebimus. Hinc illud *Speculatoris Iuriscons. sub titulo De feriis, ad finem*: Potest exculari consuetudo CURIÆ REGIS FRANCIÆ, quæ tempore Parlamentorū omni die jus reddit: ut venientes de longinquis partibus citius expediantur. Item illud *Joannis Fabri in Auth. hoc nisi. C. de solut.* Curia Franciæ consuevit statuere, quod quando Rex monetam debilitat, recipitur pro forti: quando fortificat, habetur respectus ad tempus contractus. *Thomas Walsingham Historiæ Angl. sub anno. 1275.* Sub iisdem diebus Gasco de Bierna à Rege Anglorum ob-

obsessus, super eo negotio quod inter Regem Eduardum & ipsum vertebatur, appellationem interponit ad curiam Regis Francorum. cui deferens Rex Eduardus, nolens Regem Francorum (quem nuper dominum suum pro terris in Francia recognoverat) contra se partem facere, ministris suis commisit, ut in curia Regis Franciæ causam prosequerentur contra Gasconem.

*De sacrosancta publici Concilii auctoritate:
& quibus de rebus in eo ageretur.*

CAP. XIII.

DEinceps locus postulat, ut quibus de rebus in illo solenni Concilio ageretur, consideremus: Majorumq; nostrorum in constituenda Rep. sapientiam admiremur. Summatim autem hasterè observavimus. Primū de creando vel abdicando Rege: tum de pace & bello: de legibus publicis: de summis honoribus, præfecturis, & procurationibus Reip. de assignanda patri-

patrimonii parte liberis defuncti Regis, vel dote filiabus constituenda: de re numaria, & monetæ rationibus: denique de iis rebus omnibus, quæ vulgus etiam nunc *Negotia Statuum* populari verbo appellat, quoniam summo multarum ætatum consensu de nulla (ut dixi) Reipubl. parte, nisi in Statuum sine Ordinum Concilio agi juseffet. Ac de creandis quidem aut abdicandis Regibus superius, tum ex Caroli Magni testamento tum etiam ex aliis auctoribus satis multa testimonia protulimus. Neque tamen illud prætermitemus, ex *Reginonis lib. 2. sub anno dcccvi.* ubi de Carolo Magno scribens: Cum primoribus *inquit*, & optimatibus Francorum de pace constituenda & conservanda inter filios suos, & de partitione regni placitum habuit. Quo eodem modo *Aimoinus lib. 5. cap. 17.* ubi de rege Carolo Calvo commemorat: Generali (*inquit*) conventu in Carisiaco habito filium suum Carolum armis virilibus, id est ense, cinxit: corona Regali caput

put insignivit, & Neustriam ei attribuit: Pipino, Aquitaniam. Nam (ut superius dictum est) prærogativam quidem Regis filii magnam in illis comitiis habebant: sed tamen etiam si à parentibus in suo testamento designati heredes erant, à populo tamen eos confirmari oportebat: ex quo intelligitur, nullam Regibus de suo Regno testamenti factionem fuisse: neque ipso jure illam patris institutionem valuisse: sed à populo in communi Ordinum conventu confirmandam fuisse: quemadmodum in jure Romano dicere solemus, quia curator testamento patris inutiliter datur, iccirco datum à Prætore confirmandum esse. Hunc autem morem non modo Occidentales nostri, sed etiam Orientales Franci retinuerunt. cujus rei cùm alia pleraque apud alios testimonia extant, tum illud singulare apud *Vitichindum Sax. lib. 2.* ubi cùm paulò antè scripsisset Henricum Imp. filium suum Oddonem regni sui successorem designasse, ita infert: Defun-
cto

cto Henrico, omnis populus Francorum atque Saxonum jam olim designatum Regem à patre, filium ejus Oddonem, elegit sibi in principem: universalisque electionis notantes locum, jusslerunt ad Aquisgranipaladium. *Et mox*, Ubi Magontini Episcopi, qui cum intulis occursum illius in pompa & processione expectabat, orationem ad populum exponit: En, *inquit*, adduco vobis à domino Henrico olim designatum, nunc verò à cunctis Principibus regem factum Oddonem. Si vobis ista electio placeat, dextris in cœlum levatis significate. Adhæc omnis populus dextras in excelsum levans, cum clamore valido imprecati sunt prospera novo Regi.

Quibus & similibus aliis ex locis facile intellectu est, idem Francorum Orientalium & Occidentalium institutum in suis Regibus deligendis fuisse: quippe, qui & unis ex sedibus patriæque olim profecti, & perquandiu sub iisdem regibus ac principibus iisdem legibus ac moribus uterentur.

Jam

Jam de regni procuratione, insigne illud testimonium apud *eundem auctore* extat, *lib. 5. c. 35.* ubi de eodem Carolo Calvo loquitur: Carolus, *inquit*, Romam proficiscens, Compendii Placitum generale Kalend. Junii habuit: ubi per capitula, qualiter regnum Franciæ filius suus Ludovicus cum fidelib. ejus & regni primoribus regeret, usq; dum ipse Roma rediret, ordinat. *Idem eodem li. cap. 42.* Cujus ætatem (de Carolo Simplicis loquitur) Franciæ primores incongruâ, ut erat, exercendæ dominationi arbitrati, concilium de summis ineunt rebus Franci, Burgundiones, Aquitaniensesque proceres congregati in unum, Odonem tutorem Caroli, regni que elegere gubernatorem, iam verò de legib. & constitutionibus, vel unus ille Gaguini locus in vita Ludovici cognomento Sancti, testimonio esse potest: Cùm Parisium, *inquit*, Ludovicus venisset, conventu generali habito, & emp. reformavit statutis optimis legibus de jure à judici-
bus dicendo, & de officiis non emendis,

dis, &c. Porro de summis honoribus, & præfecturis ad probatos viros deferendis, testimonium apud *Aimoinum* extat, *l. 5. cap. 36.* ubi de Carolo Caluo loquitur: qui cum ante inaugurationem regni præfecturas arbitrato suo distribuisset, Procere solenne Concilium indicere cœperunt, legatosque ad Regem mittere: neque prius Regem coronari passi sunt, quam illorum Concilio atque auctoritate in illis mandandis magistratibus usus esset. Regi primores, *inquit*, indignati, quia quibusdam honores dederat sine illorum consensu, & ob id adversum ipsum conspirarunt, & conventum suum in villam Witmarium conduxerunt: indeque legatos suos ad Ludovicum direxerunt. sed & Ludovicus legatos suos ad illos direxit, &c. *Item Regino lib. 2.* Carolus placitum habuit in Compendio, ibique cum optimatum consilio Rodiberto Comiti ducatum inter Ligerim & Sequanam commendavit. *Item Appendix Gregor. Turon. lib. II. cap. 54.* Eo anno, *inquit*, Clo-

Clotharius cum proceribus & leudibus Burgundiæ Trecaffinis conjungitur: cum eos sollicitasset, si vellent, mortuo jam Warnhario alium in ejus honoris gradum sublimare: sed omnes unanimiter denegantes, se nequaquam velle Majorem domus eligere, Regis gratiam obnixè petentes, cum Rege transigere. *Et cap. 101.* Mortuo Theodorico rege, Franci Clodoveum filium ejus paruulum elegerunt in Regem, quo non multos post annos mortuo, Childebertus frater ejus in regnum resedit: Grimoaldus autem cum Childeberto Rege Major domus palatii super Francos electus est. Ad eundem numerum referendæ sunt Principum contentiones, quæ Reip. perniciosæ futuræ videbantur, de quibus in eodem illo Concilio disceptabatur. Nam *Aimoinus lib. 4. cap. I.* ubi de Clotario Chilperici filio commemorat, à quo Brunechildis Austrasiæ regnum postulabat, *ita loquitur:* Clotarius respondit, conventum nobilium debere eam aggregare Franco-

rum, & communi tractatu de communibus consulere rebus: se verò iudicio illorum in omnibus pariturum, nec præceptis promisit obstaturum. Quod idem *Appendix Gregor. l. 11.* commemorans: Clotarius, *inquit*, respondebat, iudicio Francorum electorum quicquid procedente domino à Francis inter eosdem iudicabitur, pollicitū esse implere. Eodemq; modo apud *eundem Gregorium l. 8. c. 21.* Boso Gunthranus sepulchri violati in publico Francorū Concilio accusatus damnatusque dicitur. Cum ad placitum, *inquit*, Childebertus cum proceribus suis convenisset & Gunthranus de his interpellatus clam aufugisset, ablatæ sunt ei omnes res, quas in Aruernō de fisci munere promeruerat. *Itē Aimoi. l. 5. c. 12.* ubi de rege Ludovico Pio loquitur, quem filii odiis & contentionibus exagitant: Cū autem instaret Autumnalis temperies, ij qui Imperatori contraria sentiebant, alicubi in Francia conventum fieri generalem volebant. *Itē ca. 13.* In Theodonis villam convenire
gene-

generaliter suum populum præcepit. Et paulò post: Sed post paucum tempus idem ad festum Sancti Martini populum convocavit: filiumq; Pipinum fugientem ad se quoquomodo revocare voluit: sed ille id refugiebat. Eademq; ipsa de re *Gaguinus* commemorans. At conjurati, *inquit*, cum intelligerent absq; procerum conventu Regem se deicere non posse, magnis viribus enituntur Concilium in Francia habere. Repugnabat tamen Ludovic⁹ quòd sciret Francos ab inimicis adversum se persuasos esse, Maguntia^e propterea conventum indixit: mandatque neminem in Concilio cum armis admitti. At ne publico auctoramento conjurati adversus patrem filii destituerentur, coacto apud Compendium ex toto regni Episcoporum Procerumque Concilio, Lotharius educatum de custodia patrem Compendium perduxit. Rursus *Aimoinus* li. 5. c. 38. ubi de rege Ludovico Balbo scribit, qui Concilium Marsuæ agebat, & de pace cum suo consobрино cõferebat: In ipso qui-

dem placito, *inquit*, hæc quæ sequuntur inter eos consensu fidelium suorum servanda convenerunt. Nunc cetera videamus. Nam illud præterea reperio moris fuisse, ut si quis Princeps atque illustriore loco natus criminis alicujus insimularetur, in judicium ad illud Concilium vocaretur, ibique causam dicere cogeretur. Itaque regis Clotarii tempore cum Brunehildis multorum capitalium criminum accusata & damnata est, Rex Concilio Francogalliæ indicto, ita cum ordinibus loquitur, apud *Aimoinum lib. 4. cap. x.* Vos dulcissimi commilitones, & præeminentes Franciæ primores, discernite cui subiaceat supplicio tanti obnoxia sceleris. Et *Ado Ætat. 6. sub anno 583.* In præsentia, *inquit*, Regis judicantibus Francis, indomitæ equis religata discinditur. De regalis verò patrimonii partitionib. & appannagiis, testimonium extat apud *Aimoin. l. 5. c. 94.* ubi de Carolo Magno commemorans ita loquitur: Illis absolutis conventum habuit Imperator cum primori-

moribus & optimatibus Francorum de pace constituenda, & conservanda inter filios suos, & divisione regni facienda in partes tres, ut unusquisque illorum suam partem tueri & regere debuisset, si superstes illi eveniret. Item eo loco ubi de partitione inter Ludovici liberos facta loquitur, *lib. 5. cap. 40.* Profecti Ambianos, & sicut fideles illorum invenerunt, regnum paternum inter se diviserunt: *Item cap. 41.* ubi de Carolomanno scribit, qui Wormaciæ Concilium agebat. Ad quod Placitum Hugo profectus pro petitione partis regni, quam frater suus Ludovicus in locarium acceperat. Quinetiam ex aliis locis licet animadvertere, si quando Rex majores sumptus facere instituisset, velut in templis ædificandis & monasteriis fundandis, his de rebus ordinum consilium exquirebat. Nam *Aimoinus lib. 4. cap. 41.* ubi de Clodoveo secundo loquitur, qui in tribunali pro solenni Concilio sedebat: Hoc habuit, *inquit,* sermonis exordium: Quanquam

Francigenæ cives, terreni nōs cura principatus admonet, publicis vos consultores rebus advocare, Atq; hæc quidem hætenus. Ex quibus perspicuum esse arbitramur, quod initio diximus, Majores nostros, qui verè Franciæ libertatis custodes fuerunt, non Tyrannum sibi aut carnificem imposuisse, qui suos cives in pecudum loco ac numero haberet: sed ab omni tyrannica & Turcica dominandi libidine abhorruisse: divinumq; illud præceptum arcte retinuisse: SALUS POPULI SUPREMA LEX ESTO: quippe, qui omnem planè regni administrandi potestatem penes maximum comitiatū, & ordinum Concilium collocarunt: quod, ut ante diximus. Placitum appellabant, velut apud *scriptorem Chronici Besnensis: Anno DCCCLXIII* Pipinus Rex placitum magnum habuit cum Francis apud villam Carisiacum. Hujus autem vocabuli origo hinc fluxit, quod Latina consuetudine Placitum id propriè dicitur, quod re in multorum consilio quæsitæ & deliberatæ, tan-

tandem inter ipsos convenit: unde Placita philosophorū apud Ciceronē & alios auctores dicta sunt. *Gellius* l. 1. s. c. 3. Populus, *inquit*, Lacedæmonius de summa Rep. quidnam esse utile & honestum deliberabat. *Et mox*: Consiliū quod dabat acceptum ab universis & complacitum est. Sic Romę quæ Senatus de majoris Senatorum partis sententia decreverat, his perscribebantur verbis: PLACERE SENATUI: ut cum ex aliis veteribus S. C. cuius notum est, tum etiam ex iis quæ in libris nostris extant: velut in *l. item veniunt*, 20. *S. præter hac. D. de hered. petit. & l. 2. D. ad Vellejan.* neque quicquam in iisdem libris frequentius est, quàm Placitum appellari, quod inter aliquos convenit, velut in *l. ult. C. de pignorib.* Protenote communis militantium placiti unde Placitum, pro conventionem in *l. 33. C. de transact. l. j. C. de pact. l. 4. D. de servitut.* & aliis sexcentis locis. Quę cum ita se habeant, non absurda, opinor, conjectura nostra videbitur, quam aliis jam quibusdam in libris nostris

exposuimus , vulgatam formulam, qua etiam nunc regii scribæ in legum & constitutionum clausulis utuntur, ex illo PLACITI vocabulo, natam esse: QUIA TALE EST NOSTRUM PLACITUM. Nam cùm illæ Latinis litteris scriberentur (quod ex *Aimoino & Capitulari Caroli Magni*, & omnibus archiis , monumentisque Gallicis satis constat) postea scribæ regii, ubi populari sermone uti cœperunt , ita vel ignorantia, vel malitia potius converterunt: *Car te lest nostre plaisir* : Quoniam ita nobis placet. Nam de populi quoque potestate argumentum in Caroli Capitulari hoc extat: Ut populus interrogetur de capitulis , quæ in lege noviter addita sunt: & postquam omnes consenserint , subscriptiones & manufirmationes suas in ipsis capitulis faciant. Quibus ex verbis patet, populos Franciæ, iis demum olim legibus astringi solitos, quas in comitiis suffragiis suis sanxerant, quod ei legis definitioni consentaneum est, quam juris consultus *Marcianus*

cianus ex Demosthene protulit in lib. 2. D. de Legibus νόμος ἐστὶ πόλεως συνθήκη κοινή: lex est pactio & conventio civium, Reipubl. bonoque publico consulenti-
 um. Eodemque illud pertinet in fine *Legatis Alemanica*: Hoc decretum est apud Regem, & Principes ejus, & apud cunctum populum Christianum, qui infra regnum Merovingorum consistunt. *Item apud Aimoin. lib. 5. cap. 38.* In ipso Placito hæc quæ sequuntur, inter eos consensu fidelium suorum servanda convenerunt. Conventio quæ inter gloriosos Reges &c. & ipsis & communibus fidelium ipsorum faventibus & consentientibus facta est. Sed nullum certius ejus rei documentum est, quam quod superius ex libro Legis Francicæ II. protulimus: ubi Ludovicus Pius universos Regni sui Ordines sic affatur: Quamquam summa ministerii Regii in nostra persona consistere videatur, tamen & divina auctoritate, & humana ordinatione ita per partes divisum esse dignoscitur, ut unusquisque ve-

strum in suo loco & ordine partem ministerii nostri habere cognoscatur. *Item cap. 12.* Unusquisque vestrum partem ministerii nostri per partes habere dignoscitur. *Item cap. 22.* In nostro Capitulari de hac re communi consultu fidelium nostrorum ordinavimus. & *cap. 24.* Volumus etiam, ut capitula quæ nunc & alio tempore consultu fidelium nostrorum à nobis constituta sunt, à Cancellario nostro Archiepiscopi & Comites accipiant. Postremò ne illud quidem præmittendum est, tantam hujus Concilii apud exteras gentes auctoritatem fuisse, ut etiam Principes exteri si quid controversiæ haberent, id interdum illius Concilii judicio permitterent. *Appendix Gregor. Turon. l. II. c. 37.* Anno XII. regni Theodorici cum Alsfaciones, ubi fuerat enutritus, præcepto patris sui Childeberti tenebat, ad Theodebertum barbarico ritu pervaditur: unde placitum inter hos duos Reges, ut Francorum judicio finiretur, Saloisso castro instituunt.

De Præfectis Regiis, qui Majores domus dicebantur.

CAP. XV.

PRiusquam de continuata Publici Concilii auctoritate plura exponamus, non prætermittenda commemoratio est de Regiis Præfectis, qui Merovingicis temporibus Majores domus, hoc est, Magistri Palatii dicebantur: qui cum regiam potestatem aliquandiu obsedissent. aliquando tandem facultatem nacti, eam pro sua occuparunt. Eorum video eandem propè apud Reges nostros dignitatem fuisse, qualis quondã apud Imperatores Romanos erat Præfectorum Prætorio: qui etiam Aulæ præfecti dicebantur. Creari autem eodem in Concilio & conventu, quo Reges ipsi solebant: publicique postea consilii auctores ac principes erant. Itaq; passim apud Historicos nostros illa occurrunt: In principatum Majoris domus elegerunt. *Item*: Herchinoldo Majore domus de-

defuncto, Franci Ebroinum in hac dignitate, ut Major esset in Aula regia, constituunt. *Item*: Hilderichum super se regem levant, Majorem domus, Wolfoldum. Quod ad superiorem proximam tractationem pertinet, ubi docuimus majores quosque magistratus non à Rege pro suo arbitrio mandari, sed in solenni Concilio fidelissimis & probatissimis viris deferri solitos fuisse. Verùm in hoc magistratu idem planè usuvenit, quod *Plutarchus* in *Lyfandri* vita tum accidisse scribit, cùm *Agésilau*s à *Lacedæmoniis* ad exercitum Imperator missus est: *Lyfander* autem legatus: Ut in tragædiis, *inquit*, plerunque usuvenit histrionibus, ut qui nuncii vel famuli personam sustinent, pluris fiant, primasque partes agant: illius verò qui sceptrum & diademagestat, ne vox quidem exaudiatur: sic penes legatum *Lyfandrum* majestas imperii versabatur: penes Regem verò, nudum atque inane nomen manebat. Quod eodem modo in *Francogallia* nostra
tum

rum accidit:oblata videlicet occasione, & crescendi facultate ex Regum aliquot inertia, defidiaque: in quibus Dagobertus, Clodoveus, Clotarius, Childericus & Theodoricus numerari possunt. Nam *Paulus Diaconus libro de gestis Langobardorum 6. cap. 5.* Hoc tempore, *inquit*, apud Gallias Francorum Regibus à solita fortitudine & scientia degenerantibus, ij qui Majores domus regalis esse videbantur, administrare Regis potentiam, & quicquid Regibus agere mos est, cœperunt. Et in eandem sententiam *auctor historiae Francorum, quem Venericus Vercellensis aliquoties, sine nomine tamen, profert*, ita scribit: Tempore Clotarij patris Dagoberti regnum Francorum regi cœptum est, & administrari ab his, qui Provisores aulae regiae, vel Majores domus esse videbantur. Quod idem *Godfridus Viterbien. parte Chronic. 16. testatur. Itemque scriptor Chronici Besnensis monasterii: In illo tempore, inquit*, deficientibus jam à pristino vigore Regibus, cura totius regni administra-

nistrabatur per duces & Principes domus. Itaque dum illi Magistri Palatii omnia Reipub. munera obirent, & si quod gerendum esset bellum, exercitiis præessent, hi dominudo atque inani Regum nomine contenti, propter desidiam in otio vivebant. Tandemque eò progressa res est, ut Childerico rege XVIII. regnum obtinente, Pipinus Magister Palatii, qui Regis nomine magna diuturnaue bella gesserat, Saxones devicerat, suamque in potestatem redegerat, oblatam regii nominis occupandi facultatem non repudiavit: exercitu præsertim eoque victore & glorioso instructus: Quarum rerum apud Auctores testimonia hæc extant. Primum apud *Ottomem Frisingensem Chronic. 5. c. 12.* & imitatore[m] ipsius *Godfridum Viterbiensem, part. 16.* ubi sic scribunt: Reges Franciæ ante tempora Pipini Magni, qui Major domus erat, expertes omnis administrationis & regiminis, solo nomine regnabant: sed Majores domus universam regni administrationem habebant.

habebant. In eandem sententiam *Sigebertus* sub anno 662. & Lothario Clodovei filio ita loquitur: Ab hinc Francorum Regibus à solita fortitudine & scientia degenerantibus, regni potentia disponebatur per Majorem domus, regibus solo nomine regnantibus: quibus moris erat principari quidem secundum genus, & nil agere: vel disponere. Quanquam in hac commemoratione cautio adhibenda est: nam cum & Pipinus & ejus filij ob ereptum regi Childerico Regnum invidia (ut credipar est) laborarent, reperti sunt homines ingeniosi, qui & Childerici, & superiorum Regū desidiā verbis majorem facerent: inertiamq; gravius accusarent. In his *Eginarthus Caroli Magni Cancellarius*, qui suo Imperatori strenuā in eare operā navavit. Nam *initio sui libri* ita scribit: Gens Merovingorū, de qua Franci Reges sibi creari soliti erant, usque in Childericum Regē, qui iussu Stephani Rom. Pontificis depositus ac detonsus, atq; in monasterium trusus est, durasse putatur:

tatur: quæ licet in illo finita possit videri, tamen jamdudum nullius vigoris erat, nec quicquam in se clarum, præter inane Regis vocabulum, præferebat. Nam & opes & potentia Regni penes Palatii Præfectos, qui Majores domus dicebantur, & ad quos summa imperii pertinebat, tenebantur: neque aliud Regi relinquebatur: quàm ut Regio tantum nomine contentus, crine profuso, barba submissa, folio resideret, ac speciem dominantis effingeret; legatos undecunque venientes audiret, eisque abeuntibus responsa, quæ erat doctus, vel etiam iustus, ex sua velut potestate redderet: cum præter inutile Regis nomen & precarium vitæ stipendium, quod ei præfectus Aulæ, prout videbatur, exhibebat, nihil aliud proprii possideret, quàm unam præparvi redditus villam: in qua & domum, ex qua famulos sibi necessaria ministrantes, atque obsequium exhibentes paucæ numerositatis habebat. His *Eguinathi* verbis, quæ in *Appendice* quoque *Hunibaldi* apud

pud *Tritenhemium* reperio, inductus
Sigebertus sub anno 662. eadem propè
verborum contumelia superiores Re-
ges insectatur: Quibus, *inquit*, moris
erat principari quidem secundum ge-
nus, & nihil agere vel disponere,
quàm irrationabiliter edere & bibere,
domique morari. Quasi verò hæc ea-
dem Regum superiorum ratio, atque
inertia fuerit: ac non potius virtus ac
fortitudo animi singularis, qualem
scriptores omnes in Clodoveo com-
memorant, qui non modò innumera-
biles Germanorum copias, in Gal-
liam irrumpentes, prælio propè Tol-
biacum commisso, profligavit: verùm
etiam Romanorum reliquias è Gal-
liæ finibus propulsavit. Jam verò quid
de Childeberto, & Clothario dice-
mus, qui Wisigothos & Ostrogothos
è Provincia & Aquitania, ubi sedes
fixerant, exterminarunt? Quorum
omnium in historiis nulla Magistri Pa-
latii, ne minima quidem mentio fit:
nisi tortè cursim atque obiter, & tan-
quam unius è Regii Imperii admini-
N stris:

stris: velut apud *Gregor. lib. 5. cap. 18.* ubi de Gucilio loquitur: & *lib. 6. cap. 9. & cap. 45. & lib. 7. cap. 29.* itaque honos ille non tantum in Regis, verum etiam in Reginae aula & comitatu versabatur. Nam *idem Gregor. lib. 7. cap. 27.* Wadonem quendam nominat Majorem domus in aula Reginae Rigunthæ: aliisque locis compluribus *idem Gregor. & Aimoinus* Magistros aulae domusque Regiae commemorant. Tantæ autem illorum Regionum præfectorum potentiae initium (ut modò diximus) cœpit tempore Clotharii II. circiter annum Christo DLXXXVIII. idest, circiter cxxx. annis post Regnum Francogalliae constitutum. Quod ex eo, quem *Venericus* aliquoties profert, historico licet cognoscere. Sunt tamen alii duo historici, sed nequaquam tantæ auctoritatis, *Sigebertus & Tritememius*, qui tantæ potentie initium ad Clotharii III. Regnū referunt: cujus Magister Palatii Ebroinus nominatur, homo nequitia & crudelitate insignis. Utcunque sit, Historici

rici aliis quoque nominibus præfectos illos appellabant: nimirum Magistros Regii palatii, Comites domus Regiæ, Præfectos aulae, Comites Palatii, Duces & Principes domus: quinetiam aliquot post seculis Seneschalli Franciæ appellati sunt *Sigebertus sub anno MCLXX.* In purificatione beatæ Mariæ fuit filius Regis Anglorum Parisiis, & servivit Regi Francorum ad mensam, ut Seneschallus Franciæ, Hanc Seneschalciam, vel (ut antiquitus dicebatur) Majoratum domus Regiæ Robertus Rex Francorum dedit Gaufrido, &c.

Vtrum Pipinus Papa, an concilii Francogallici auctoritate Rex factus fuerit.

CAP. XVI.

Quoniam superius dictum est, Pipinum ex magistro Palatii Regem esse factum, exacto Childerico Rege stupido, in eoque Childerico Merovingiorum stirpem defecisse: non

alienum est, hoc loco exquirere, cuiusnam auctoritate Regnum illi delatum fuerit. Nam *Gelasius Papa in can. alius. 15. quest. 6.* Alius, inquit, Romanus Pontifex, Zacharias scilicet, Regem Francorum non tam pro suis iniquitatibus, quàm pro eo quòd tantæ potestati erat inutilis, à regno deposuit: & Pipinum Caroli Imperatores patrem in ejus locum substituit: omnesque Francigenas à juramento fidelitatis absoluit. Neque ferè quisquam est, qui non illud Papæ de semetipso testimonium approbarit: *Ado, Lambertus, Regino, Sigebertus, Aimoinus Landolphus.* Quinetiam *Venericus Vercellensis*, in eo, quem superius protulimus libro, verba hæc ex episto. Gregorii Papæ VII. ad Hermannum Metensem Episcopum profert. Quidam Romanus Pontifex Regem Francorum non tam pro suis iniquitatibus, quam pro eo quòd tantæ potestati non erat utilis, à regno deposuit, & Pipinum in ejus loco substituit, omnesque Francigenas à juramento fidelitatis, quam illi

illi fecerant, absoluit. *Hæc ille.* Quod idem *Otto Frising.* commemorans *libro Chronic. 5. cap. 23.* itemque *Godfrid. Chronic. parte 17.* ita exclamant: Ex hoc facto Romani Pontifices Regna mutandi auctoritatem trahunt. Sed videamus, ne hujus historiæ veritas non satis constet: nam primum omnium ex tanto Regum Francorum numero, quos vel creatos, vel abdicatos docuimus, neminem esse constat, Papæ auctoritate vel creatum, vel abdicatum: contra verò docuimus, jus illud omne & creandorum, & abdicandorum Regum, penes solenne gentis Concilium fuisse: ut planè incredibile videatur, Francos in hoc uno jus illud suum neglexisse. Quid verbis opus est? *Venericus ille Vercellensis* testimonium proferat *historici veteris*, qui de gestis Francorum conscripserat: quo tota illa narratio mendacii coarguitur: dilucideque affirmatur, & Childericum & Pipinum usitato Francorum more, veterique instituto, illum abdicatum: hunc autem in illius locum suffectum fuisse:

hoc est, solenni gentis concilio: cujus solius tantum fuisse potestatem superius demonstravimus. *Illius autem historici verba hæc sunt:* Quòd unà cum consilio & consensu omnium Francorum missa relatione ad sedem Apostolicam, & auctoritate percepta, præcellus Pipinus electione totius gentis sublimatus sit in sedem Regii, cum consecratione Episcoporum, & subjectione Principum. Quibus ex verbis satis patet, Pipinum non à Papa, sed à populo ipso & Ordinibus ac Statibus Regni delectum, inauguratumque fuisse. Quod etiam paulò ante dilucidius idem *Venericus ex eodem Historico* sic exponit: Pipinum Majorem Palatii cum ad illum spectaret summa Regiæ potestatis & officii, electum fuisse primum ex præfectis palatii in Regem, atque ordinatum fuisse: prius super hoc experto Zachariæ Papæ iudicio: quia consensus & auctoritas Romani Pontificis necessaria huic videbatur negotio. *Et mox:* Quorum legatorum postulationem cum æquam
atque

atque utilem Zacharias Papa judicasset, ad ea quæ postulabant consensit, & Pipinus factus est Rex communi suffragio Principum. In eandem sententiam *Ado Viennensis Æt. 6. sub. anno 727.* ita scribit: Missi legati ad Zachariam, ut interrogarent eum, si ita manere deberent Reges Francorum, cum penè nullius potestatis essent, jam solo Regio nomine contenti. Quibus Zacharias Pontifex responsum dedit, Regem potius illum debere vocari, qui Remp. regeret. Reversis legatis, abjecto que Childerico, qui tunc Regium nomen habebat, Franci per consilium legatorum & Zachariæ Pontificis electum Pipinum Regem sibi constituunt. Præter illos superiores extat *Aimoini* testimonium in eandem sententiam *l. 4. c. 61.* ubi ad extremum ita cõcludit: Hoc anno Pipinus Rex Francorum appellatus est, & more Francorum elevatus in solium Regni, in Suesfionum civitate. Sed & *Godfrid. Viterbien. Chr. part. 17. c. 4.* Pipinus, inquit, per Papam Zachariam ex electione Francorum

rex factus est Francorum, Hildrico ignavo Rege per Francos in monasterium misso. Horum similia dilucidè scripserunt *Sigebertus sub anno 752. auctores historia Miscell. lib. 22. Item Otto Frising. lib. 5. cap. 21. 22. 23. & auctor libri, cui titulus est, Fasciculus temporum*: Ex quibus omnibus facile intellectu est, Nam si Franci Pipinum exquisita Papæ sententia Regem crearunt, iccirco illum Papæ imperio atque auctoritate creatum fuisse. Aliud est enim Regem creare, aliud creandi consilium dare; aliud jus creandi habere, aliud jus consilii dandi: quanquam consilii in hujusmodi rebus dandi jus nemo habet, nisi is à quo petitur. Proferam etiam testimonium insigne, quod mihi ex *veteri quodam manuscripto incerti auctoris libro* missum est, in quo hæc Archiepiscopi Maguntinensis ad Pipinum oratio profertur: Galli omnium ordinum consensu hoc diadema regium cum oneris, tum honoris insigne capiti tuo mea manu inferunt: teque spoliis Childerici exornant, cujus
non

non familiam aut majorum memoriam , sed perditissimos mores oderunt, tuæ virtutis lucem suspiciunt & amant. Quod si tantum lumen in te extingui superbia, aut obscurari ignavia senserint, quid de te illos facturos putas, quorum beneficio stabis, qui incum, qui suo jure, non alieno beneficio regnum obtinebat, tam severum exercuerunt judicium? Disce igitur Pipine, alieno exemplo, atque periculo, Regem agere, hoc est omnem curam & cogitationem in salute populi tui collocare. Denique nemo dilucidius totam hanc rem explicat *Marsilio Patavino*, qui imperante Ludovico Bavaro *librum de translatione imperii* conscripsit: in quo, cap. 6. ita loquitur: Pipinus filius Caroli Martelli, vir in rebus bellicis strenuus, legitur à Zacharia Papa in Regni Francorum excellentiam sublimatus. Sed *Aimoinus in Gestis Francorum* scribit, & verius, Pipinum per Francos legitimè in Regem electum, & per Regni Proceres levatum. Childericus verò, qui tum sub nomi-

ne Regio in delitiis marcescebat, fuit in monachum conforatus. Unde non illum Zacharias deposuit, sed deponentibus (ut quidam ajunt) consentit. Nam talis depositio Regis, & alterius institutio, propter rationabilem causam, non ad Episcopum tantummodo, neque ad clericum aliquem, aut clericorum collegium pertinet, sed ad universitatem civium inhabitantium regionem, vel nobilium, vel ipsorum valentio rem multitudinem. *Hæc Marsilius.* Quibus consentaneum postea reperi locum in *Appendice Hunibaldi*, apud Iohann. *Tritenheimium*: ubi scriptum ita est: Eodem anno proceres totius Regni convenientes in unum super abrogatione Regis Hilderici inutilis, cœperunt habere consilium, placuit autem in commune omnibus, ut Regem Hildericum nullam regnandi vel peritiam, vel potestatem habentem deponerent: & Pipinum, penes quem totius regni summa manebat auctoritas, in regem sublimarent. Sed Pipinus in hanc rem consenti-

sentire noluit, nisi prius consilium Romani Pontificis Zachariæ inquiratur, causas allegans se monentes. *Hac ille.* Paparum igitur commentum impudens de jure Regum vel creandorum, vel abdicandorum, perspicuum omnibus esse arbitror. Sed præter commentum, quod improbitatis & impudentiæ documentum est certissimum, operæ pretium est, insignem quandam Stephani Papæ epistolam ad hanc fabulam accommodatam proponere, ex qua de veteratoris illius stoliditate & vesania existimare liceat. Extat autem apud *Reginonem, monachum ordinis Benedictini, Abbatem Pruniacensem*, testem in hoc genere irrefragabilem: *in Chronic. anni DCCLIII.* STEPHANUS Episcopus, servus servorum Dei sicut nemo se debet jactare de suis meritis, sic non debent opera Dei, quæ in illo per suos sanctos fiunt, sine suis meritis fileri, sed prædicari: sicut angelus admonet Thobiam. Unde ego pro op-

pres-

pressionē sanctæ Ecclesiæ à Rege atrocissimo & blasphemō & nec dicendo Haistolpho, ad optimum & Sancti Petri fidelem Dominum Pipinum, Christianissimum Regem, in Franciam veni: ubi ægrotavi usque ad mortem: & mansi aliquod tempus apud pagum Parisiacum, in venerabili monasterio Sancti Dionysij martyris: quem, cum jam medici desperarent, fui sicut in oratione in Ecclesia ejusdem beati martyris subtus campanis: & vidi ante altare Dominum Petrum, & Magistrum gentium Dominum Paulum: & tota mente illos recognovide illorum furcariis: & tunc Beatum Dominum Dionysium ad dextram Domini Petri, subtilem & longiorem, dixitque bonus Pastor Dominus Petrus: Hic frater noster postulat sanitatem: & dixit beatus Paulus: Modò sanabitur: & appropinquans misit manum suam ad pectus Domini Dionysij amicabilem, respexitque ad Dominum Petrum: & dixit Dominus Petrus ad Dominum Dionysium hilariter:

riter: Tua gratia est sanitas ejus. Et statim Dominus Dionysius thuribulum incensi, & palmam in manu tenens cum presbytero & diacono, qui in parte stabant, venit ad me, & dixit: Pax tecum frater, noli timere: non morieris donec ad sedem tuam prosperè revertaris: Surge sanus, & hoc altare in honorem Dei & Apostolorum Petri & Pauli, quos vides, dedica: missas gratiarum agens, moxque factus sum sanus: & volebam implere, quod mihi præceptum erat, & dicebant, qui ibi aderant, quod dementabam. Quapropter retuli illis & Regi, suisque omnibus ex ordine quæ videram, & quomodò sanatus fuerim, & implevi quæ visa sunt mihi omnia. Gesta sunt autem hæc anno ab incarnatione Domini DCCCLIII. v. Id. Aug. quo Christi roboratus virtute, inter celebrationem consecrationis præfati altaris, & oblationem sacrificii unxi in Reges Francorum Regem Pipinum & duos filios ejus, Carolum & Carolomannum, Sed & Bertrandam conjugem

jugem ipsius Regis, indutam cycladibus regiis, & gratia spiritus sancti sepriformis consignavi in Dei nomine: atque Francorū proceres Apostolica benedictione sanctificans, auctoritate S. Petri sibi à Christo tradita obligavit, & obtestatus est, ut nunquam de altera stirpe per succedentium temporum curricula, ipsi vel quique ex eorum progenie orti, Regem super se præsumant aliquomodo constituere nisi de eorum progenie: *Hæc Papa Stephanus*: cujus cum ridicula bonis omnibus vesania videri debet, tum etiam detestanda illa execratio, qua in eorum caput utitur, qui non ex Caroli Magni stirpe prognati regnum obtinerent: ut vel unicus ille locus insignem ejus libelli stoliditatem coarguat, quem *Matharellus* nescio quis, rabula impudens & impurus, adversus hanc nostram Francogalliam nuper edidit: & in quo stultissimam illam Papæ Stephani epistolam comprobabat, dignissimumque & illum & alterum nescio quem *Papirium Massonum*,
iesui-

Iesuitam Bardocucillum, & Sycophantam mercede conductum ostendat, qui in Mathurini Parisiensis fano, ubi ejusmodi fanatici curantur, flagris ad necem cedantur.

De Comestabulo, & Paribus Francia,

C A P. XVII.

PRæter illam Magistri Palatii dignitatem, de qua superius dixim⁹, fuit & altera, de qua iccirco dicendum hoc loco est, quia nō multis ab hinc seculis, sed prope Majorum nostrorum memoria, videtur in illius locum successisse. Erant n. Comites stabuli Regii, unde Comestabuli, ad extremum Connestablii postea, corrupto nomine, dicti sunt. Comites autē posteriorū Imperatorum Romanorū ætate vulgò dicebantur omnes, qui amplissimos quosque honores in Regia obtinebant: & Rempublicam pro parte administrabant: à qua consuetudine veteres non abhorruisse, aliis quibusdam libris nostris docuimus. Sic enim

Cice-

Cicero Callisthenem Alexandri Magni Comitem non uno loco appellat. Erat autem Comes stabuli, ferè is, qui apud Romanos Magister equitum dicebatur: hoc est, qui equitatu præerat: cui custodes regionum equorum suberant, quos vulgo Scutieros appellamus. *Grægor. Turon. lib. 5. cap. 39.* The-
saurarius Clodovei à Cuppane Stabuli comite de Biturigo retractus, vinctus Reginæ transmissus est. *Etrur-
sus capite 48.* ubi de Leudaste loquitur: Quæ libenter cum colligens provo-
cat, equorumque meliorum deputat esse custodem. Hinc jam obsessus va-
nitate, & superbiæ deditus, Comitatum ambit stabulorum: quo accepto, cunctos despicit ac postponit. Qui-
bus ex locis apparet, custodiam equo-
rum præfecturâ fuisse honestissimam, sed multo ampliorem Comitatum Stabulorum, Cujusrei *Aimoinus* quo-
que auctor est *lib. 3. cap. 43.* ubi de eo-
dem Leudaste loquitur: Reginæ fa-
miliarissimus factus, custos equorum efficitur. Inde Comitatum super ce-
teros

teros nactus custodes, post mortem
 Regina Comitatum Thuronicum à
 Chariberto percepit. *Et rursus cap. 70.*
 Leudegisilus Regalium præfectus e-
 quorum, quem vulgo Conestabilem
 vocant, quemque Rex ei præfecerat
 expeditioni, machinamenta deduci
 imperat. *Item libro quarto capite 95.* ubi
 de Carolo Magno loquitur: Eodem-
 que anno Burchardum Comitem Sta-
 buli sui cum classe misit in Corsicam.
 Quod *Reginol. 2.* cōmemorans: Eodem
 anno, *inquit*, Burchardum Comitem
 Stabuli sui, quem corruptè Constabu-
 lum appellamus, cum classe misit in
 Corsicam. Hunc autem *Appendix Gre-*
gorii Comestabulum appellat, *libro II.*
 Brunechildis, *inquit*, ab Erporre Co-
 mestabulo de pago producitur. Quod
 cū ita esset, *Albert. Krantzius lib. Suet.*
5. ca. 41. ausus est Conestabulum affir-
 mare, eundem esse, quē Germani Mar-
 schallum appellant. Gubernatorem,
inquit, appellavere ex Optimis mili-
 tem, qui convocandis Regni cœti-
 bus & omnia vice Principis gerendi
 habeat potestatem. Mareschalcum

nostri vocant: Galli Connestabulum.
Hac ille: quæ fortassis eo probabiliora
videri possunt, quod Mareschallorum
nullam in Francogallia nostra men-
tionem antiquitus animaduerto: ut
verisimile sit, Regum posteriorum in-
stitutum illud fuisse, ad Germanorum
consuetudinem accommodatum. Ut-
cunque sit, vetus hoc verbum esse pa-
ret etiam ex *Annalib. Anglicis Thomæ
Walsinghamii*: ubi sub anno 1293. ita scri-
bit: Moxque Rex Francorum præcepit
constabulario Franciæ, ut in manu ar-
mata ducatum Aquitanix regis Fran-
corum nomine occuparet. Hunc au-
tem stabulorum Comitatum non du-
bito à Romanorum Imperat. instituto
natum fuisse: etsi ex parvis initiis tan-
dem moribus nostris ad præfecturæ
prætorix dignitatem excrevit. Erat
autem per illa tempora dignitas hæc
tanquam militaris Tribunatus. *Am-
mia. lib. 2.* ubi de Imp. Valentiniano
loquitur: Nicomediam itineribus
certis ingressus, Kalen. Martiis Valen-
tem fratrem stabulo suo cum Tribu-
natus

natus dignitate præfecit. Ejus dignitatis in *Cod. Iustiniani* mentio fit lib. I. C. *de comitibus & tribunis schol.* ubi magni honoris loco illis tribuitur, ut Imperatoris epulis præesse, & purpuram ejus adorare possint. *Itemque in lib. 3. C. Theodos. de annon & tribut. & l. perpensa, 29. Cod. Theodos. de equor. collat. & lib. I. C. Theo. qui à præbit. tyron.* ubi jus illis conceditur sportulas exigendi à provincialibus, qui militares equos ad usum Imperatoris conferebant. Superest, ut de iis magistratibus disseramus, qui vulgo PARES FRANCIAE nominantur: quanquam nobis quidem non studium, sed monumentorum facultas deest. Nam ex tanto librorum numero, qui Francogalliæ Annales & Chronica dicuntur, ne unus quidem adhuc editus est, in quo probabilis aliqua illius instituti ratio proferatur. Quod n. *Guaguinus* & *Italus* quidā *Paulus Æmilius* non tam Regū Galliæ historicus, quam Paparum assentator mercenarius, & alij nescio qui vulgo scribūt, magistratus illos vel à Pipino, vel à

Carolo Magno institutos fuisse: id planè absurdum esse, vel hinc licet intelligatur, quòd ex tam multis Germanis Historicis, qui regum illorum ætate, aut paulò infra eorum ætatem historias scripserunt, nullus planè Magistratum illorum mentionem vel tenuissimam interponit. Quinetiam *Aimoini de Francorum institutis & rebus gestis historia, usque ad Ludovici Pii, ejusque Appendix ad Ludovici Junioris Regis 37. ætatem perducta*, nusquam horum Parium mentionem facit. Quare tantisper dum certius aliquid afferatur, institutum ad illud Hugonis Capetti regnum referendum arbitror: qui cum remoto herede legitimo regnum occupasset, procures aliquot novo quodam honore ac beneficio sibi devinciendos putavit. nam ejusmodi aliquid ab illo factum omnes consentiunt. Ejus autem instituti exemplum facilè intelligitur ex Feudali jure sumptum fuisse: quo jure Vassalli qui ab eodem Seniore ac patrono feuda receperunt, Pares inter se, hoc est quasi

δμοτίμοις

ἀμύτιμοι, appellantur, quorum triplex
 hæc potestas est: primum, ut qui in vas-
 fallorum ordinē cooptantur, pro eo-
 rum collegio cooptentur: *lib. Feud. 2.*
titul. 2. tum ut rogati testimonium de
 investitura dicant: *lib. 2. titulo 19.* po-
 stremò, ut si qua vel inter ipsos, vel in-
 ter Seniorē & inter ipsos controversia
 exoriat, ipsi judiciū & civile & crimi-
 nale exercent. *l. 2. tit. 46. & tit. 52. tit.*
655. Et profectò ita est, ut Pares Fran-
 ciæ hoc jure sint: primum ut neq; inau-
 gurari, nisi pro collegio, neq; abdicari,
 nisi causa in consilio cognita, neque
 ad aliud ullum nisi ad collegarum ju-
 dicium, vocari possint: quanquam
 Parisiensis Senatus hanc sibi auctori-
 tatem ascivit, ut Pares causam apud se
 dicere jubeat. Ac *Budaus quidem vir*
longè doctissimus, Pares illos Patritio-
 rum nomine appellat: scribitque vi-
 deri sibi ab uno aliquo Rege institu-
 tos, ex eorum numero, qui Germani-
 cum Imperium obtinuerunt: propter
 ea quod Justinianus Patres eos ab im-
 peratore delectos esse ait, quasi Rei-
 publ.

publ. patronos, tutoresque. Ego vero doctissimi viri sententiam non aspernor: præsertim à Parium dignitate non alienam. Fuit enim Romanorum Imperat. posteriorum ætate Patritiatus, dignitas ab illa Parium non admodum dissimilis: partim quòd Reipublicæ quodammodo patres erant, ut *Swidas* testatur: & de summis quibusque rebus ab Imperatore consulebantur: insignibusque iisdem, quibus Consules, utebantur: ac maiorem quidem Præfecto Prætorio, minorem autem Consule, honorem atque auctoritatem habebant. Quod ex *Iustiniani Novellis*, & *Sidonio Appollinari*, & *Claudio*, & *Cassiodoro* præsertim cognosci potest. Sed translato in Germanos Imperii nomine usurpatum hunc honorem non arbitror: neque verisimile est, ullos ejusmodi Patritios ab aliquo Germanico Imperatore, qui idem Francogalliæ Rex esset, institutos fuisse, ut nō aliquis ex Germanis historicis ejus mentionem fecisset. Denique idem *Budaus*, eodem loco hæsitans,

com-

commemorat ejusmodi Parium dignitatem apud ceteras quoque vicinas gentes fuisse : atque in Regiis Commentariis scriptum esse , anno MCCXXIII. Joannem quendam Niggellanum Flandrū, cui contrōversia in Flandria illata esset à Comitissa Flandriæ , ad Pares Franciæ appellasse : quòd æquo judicio apud Pares Flandriæ certare se non posse jurasset. cumque à Comitissa ad Parium Flandriæ judicium revocaretur , tandem certis de causis decretum fuisse , ut ea contrōversia ad Pares Franciæ introduceretur. Causa autem translati judicii cujusmodi fuerit , neque *Budaus* exponit ; & qui in jure feudali versatus fuisset , nunquam prætermisisset. Verū ut jam hujus magistratus institutum paulo planius ac certius exponamus; primum omnium, ut jam antè dixi , constare inter omnes arbitror , nullam Parium nominis , neque apud Germanos , neque apud Gallos historicos ante Capevingiorum regum men-

tionem inveniri. Sed quoniam eruta quædam nuper vetustatis monimenta video, atque in lucem edita, in quibus illorum Parium jura non minima ex parte designantur, operæpretium esse arbitror, quæ ex illis commentariis observavimus, breviter exponere: idque eo lubentius, quod ab eo ipso, à quo illi commentarii nuper evulgati sunt, in aliam partem ac veritas & ratio postulat, contorquentur. Ergo eorum quidem instituendorum causam duplicem video fuisse: primum, ut Regis inaugurationi atque (ut tum loquebantur) investituræ præessent: hoc est, ut regem imperij sui insignibus, atque infulis, sollemniter in Principum atque Optimatum conventu exornarent: deinde ut si quis è Potentium & Principum Franciæ numero fraudis capitalis reus fieret, judicium illud exercerent: nam cum antiquitus ea judicia in publico Gentis Concilio exercerentur (ut superius copiosè demonstratum est) atque is mos Majorum paulatim Capevingio-

vingiorum instituto ad iudiciale parlamentum (de quo posterius dicemus) traduci cœpisset: neque Principes regni facile illi parlamento suas fortunas committendas putarent, Regibus illis ad suas rationes commodissimum fore visum est, præter illius parlamenti curiam, suum hunc Parium confectum instituere, quæ Parium curia vocitata est: quorum tamen ordo ac numerus aliquandiu varius fuit. neque enim Duodecim viri semper fuerunt, ut eos ipsos à quibus hæc monimenta prolata sunt, ariolari video: sed interdum plures, interdum pauciores erant: prout Regi, à quo in summi honoris ac beneficii loco magistratus ille deferabatur, commodum videbatur. Id quod ex infra scriptis monumentis cognoscere licebit: quorum antiquissimū est sub anno 1216. hoc est sub Rege Ludovico Crasso: Judicatum est à Paribus Regni nostri, videlicet à Rhemenſi Archiepiscopo, Wilel. Lingonen. Guillelmo Cathalaunensi, Ph. Beluacensi, Stephano Noviomenſi episcopis, & Odo-

ne Duce Burgundiæ, & à multis aliis
Episcopis & Baronibus nostris, vide-
licet Altisiod, R. Carnot. G. Silvanect.
& I. Lexoviensi Episcopis, & Comite
Pontivi, R. Comite Drocarum, B. Co-
mite Britannix, C. Comite S. Pauli,
Wil. de rupibus. Senesc. Andeg. Wil.
Comite Juvigniæ, I. Comite Belli-
montis, & R. Comite Alencon, nobis
audientibus, & judicium adprobanti-
bus, &c. Quibus ex verbis cognosci
potest, non eosdem fuisse per id tem-
pus Pares Franciæ, qui posteriorib. tem-
poribus fuerunt: magnamque illorum
partem, pro illorum temporum super-
stitione, Archiepis. & Episcopos fuisse.
Nam cum Episcopales sedes iis in lo-
cis constituerentur, quibus opima &
fructuosa prædia & tanquam latrapiæ
attributæ Regum liberalitate fuerant,
facile cum illis opibus superbia Sacer-
dotum crevit: ac tum præsertim cum
sacerdotia & Episcopatus non propter
muneris Ecclesiastici functionem, sed
propter opum & potentix magnitudi-
nem ad homines illustri familia natos
deferri

deferri cœpti sunt. Hinc illud *Sigeberti*
sub anno D. Collatis à Clodoveo Rege
multis prædiis Ecclesię Rhemenſi, Re-
migius multa eorum parte data Eccle-
ſiæ Laudunenſi ſedem Episcopatus ibi
eſſe conſtituit. Sed ad Parium institu-
tum redeamus: nam ex aliis commen-
tariis aliud Parium iudicium adverſus
Petrum Mauclerum, (id eſt, maledo-
ctum) Armoricę Britannię Princi-
pem, his profertur verbis: Ex anno
MCCXXX. Galterus Dei gratia Seno-
nenſis Archiepiſcopus, Galterus ea-
dem gratia Carnotenſis & Guillemus
Parieſiſis Episcopii, Comes Flandrię,
Th. Comes Campanię, Comes Ni-
vernēſis, Comes Bleſenſis, Comes
Carnotenſis, Comes Montifortis, Co-
mes Vindocinenſis, Comes Rociacę,
Matthæus de Montmorencio Franciæ
Conſtabularius, Johannes Sueſſio-
nenſis, Stephanus de Sacrocęſare, Vi-
cecomes Bellimontis, &c. notū facim⁹
quòd nos corā chariſſimo domino no-
ſtro Ludovico Rege Franciæ iudicavi-
mus unanimiter, q̃ Petrus quondam
Bri-

Britanniæ Comes, propter ea quæ eidem domino Regi fors fecerat, Baillium Britanniæ per justitiam amisit, & quod Barones Britanniæ & alii qui ei fecerunt fidelitatem vel homagium ratione illius Baillii, sunt penitus absoluti, & quicquid ab illa fidelitate & homagio, &c. sed aliud insignius proferitur, ex anno MCCCXV. sub Rege Ludovico Hutino. ex quo intelligitur, primum quàm sæpe Parium dignitas variis Principibus attributa fuerit: deinde ad illorum judicia nonnullos insuper alios è Franciæ proceribus & satrapis Episcopis adhiberi solitos: postremò in illorum numero interdum etiam Reges ac principes exteros fuisse, siquidem satrapiam aliquam ex iis, quibus Pariatus dignitas attributa fuerat, possidebant. Verba autem illius Commentarii hæc sunt: Nos Pares supradicti ad requestam & mandatum Regis venimus in suam curiam Parisiis, & fecimus & tenuimus curiam cum duodecim aliis personis, prælatis, & aliis altis hominibus,
Archi-

Archiepiscopo Rothomagi, Episcopis
 Briocensi & Macloviensi, Philippo fi-
 lio Regis Franciæ, Comite Pictavien-
 si, Ludovico Ebroicarum Comite,
 Carolo Comite Marchiæ, Guydone
 Comite S. Pauli, Gaucherio dom.
 Castellionis: & Portiani, Comeſta-
 bili Franciæ, primogenito Comitibus
 Claromontis, Jo. dom. Claromontis
 & Carolesij, dom. de Marcueil, &
 Milone dom. de Noyers, à nobis ele-
 ctis ad judicandum nobiscum, tan-
 quam curia Paribus munita Regis au-
 ctoritate: qui dixit se non posse plures
 Pares habere: quia Dux Aquitaniæ,
 nempe rex Angliæ, qui vocatus fue-
 rat, se excusavit ob bellum Scotorum:
 Dux Burg. quoque excusavit se pro-
 pter certam exoniã: Episc. Novio-
 duni mortuus erat: & Cathalaunen.
 Episc. pro certis causis in carceri-
 bus detinebatur, &c. His insignibus
 vetustatis testimoniis accedat etiam
 illud, quod ex commentariis anno
 MCCCLX. prolatum est: unde intelli-
 gi potest, primum quod jam aliquo-
 ties

ties diximus, certum quidem ac definitum Patium numerum fuisse, sed ejus arbitrium summum penes regiam potestatem fuisse deinde honorem illum non *Patriciatus*, ut Budæus & Budæum secuti crediderunt: sed *Pariatus* nomine appellatum fuisse: quanquam posterioribus seculis Paritatis quoque & ex Gallicæ linguæ consuetudine *Perria* nomen illi tributum est. Verba autem illius commentarii hæc sunt: Et cum hujusmodi Ducatus dignitatis nomine, honorem superaddentes honori, Parem Franciæ ipsum fecimus, statuētes auctoritate prædicta ut ipse, quādiu vixerit in humanis, & dicti ejus heredes masculi de matrimonio legitimo procreati, post ejus obitum Duces Bituricenses & Aruerniæ ac Pares Franciæ nominentur, omnique Ducatus & Pariatus honore cum nomine, jure, & quacunque alia prerogativa latentur, &c. Eiusdemmodi ferè illud diploma est Regis Johann. sub anno 1363. ubi honos ille non *Patriciatus* sed *Pariatus* appellatur: Ducatum Burg.

Burg. in Pariatu, & quicquid juris & proprietatis habemus in eodem, nec non in Comitatu Burg. ex successione Philippi ultimi, ducis consanguinei nostri, charissimo Philip. filio nostro concessimus tenenda & possidenda per eum & heredes suos in legitimo matrimonio, ex proprio corpore procreandos perpetuò, hereditariè pacificè & quietè. Sed posterioribus temporibus *Paritatis & Perria* verbum (ut superius diximus) ex popularis linguæ consuetudine usurpari cœpit: ut ex commentariis anni MCCCXIII. cognosci potest, in quibus ita scriptum est: Eundem Iohannem consanguineum nostrum ampliori volentes fulgere dignitate, & Comitum titulum supradictum in maiorem excelsioremq; mutant, dictum Iohannem consanguineum nostrum, in Ducem tenore præsentium sublimamus: dictumque Comitatum Alenconii erigimus in Ducatum, volentes ut prædictus Ducatus in Perria seu Paritate nobis teneatur: sub forma tamen & modis qui-

quibus antea idem Johannes sæpeditum tenebat Comitatum. Atque hæc quidem ex Commentariis Gallicis, ut dixi, prolata sunt: in quibus illud quoque notatione dignum est, quod dici & commemorari video: sed tamen sine teste: cum Dux Armoricus læsæ majestatis reus factus esset, magnopere quæsitum, à quibus judicium illud exerceretur: ac tandem cum Philippus Audax Burgundus idem ex Rege quæsisset, Regem de consilii sententia pronunciasse, Parem nonnisi in Parium judicium adduci posse. VI. Non. Mart. ann. MCCCXXXVI. ac rursus Regi Carolo septimo quærenti à Senatu Parisiensi, apud quos Pares rei capitalis rei fieri possent, idem responsum fuisse: XII. Kal. Maij, anno. MCCCCLVIII. quòd (ut superius diximus) juri feudali plane consentaneum est. Sed jam tempus est ad institutum nostrum redire.

De continuata Sacrosancti Concilii auctoritate sub Carlovingiorum Regno.

CAP. XVIII.

CUjusmodi regnantibus Merovingiis Reip. nostræ forma fuerit, quantaque Concilii publici auctoritas, satis jam explicatum arbitramur: nunc consequens est, ut qualis sub Carlovingiis fuerit, exponamus. Quantum enim ex omnibus & nostris, & Germanicis historiis existimare licet, eadem prorsus Ordinum, sive Statuum auctoritas conservata est: ut non penes Pipinum aut Carolum, aut Ludovicum, sed penes regiam Majestatem summum rerum omnium judicium arbitriumque esset: cujus Majestatis veram propriamque sedem ummo multarum ætatum consensu in solenni Concilio fuisse, superius demonstravimus. Hujus autem rei documento est, primum, *Regino lib. 2. bron. 2.* sub anno DCCCVI. ubi de Carlo Magnolovens: Imperator, *init*, cum primoribus & optimatibus

P Fran-

Francorum, de pace constituenda & conservanda inter filios suos & de partitione regni placitum habuit. *Et mox*: De hac divisione testamentum interpositum fecit, quod per sacramentum à Francis confirmatum est. Eiusdemmodi est *Eguinarthi* testimonium, *in eo quem aliquoties jam laudavimus libello*: ubi cùm ea quæ post Pipini mortem acciderunt exponit, ita loquitur: Franci siquidem facto solenniter generali conventu ambos sibi Reges constituunt: ea conditione præmissa, ut totum regni corpus ex æquo partirentur: & Carolus eam partem quam pater eorum Pipinus tenuerat, Carolomanus verò eam cui patruus eorum Carolomānus præerat, regendi gratia susciperet, &c. Quibus ex verbis perspicuum est, quam potestatem antea trecentis paulò minus annis sub Merovingiis regni ordines habuerant, eandem post illius interitum sibi retinuisse: ut quamvis defuncti Regis filii extarent, tamen non tam hereditario jure, quàm ordinum judi-

judicio & voluntate ad regnum pervenirent. Itaq; si Regis filius impubes relictus erat, Tutor ei in populi comitiis creabatur. *Aimoin. lib. 5. c. 42.* Ludovico, *inquit*, diem suum obeunte, Carolus filius ejus, qui Simplex postea dictus est, in cunis ævum agens parte orbatus remansit. Cujus ætatem Franciæ primores incongruam (ut erat) exercendæ dominationi arbitrati, consiliū de summis ineunt rebus. Ibi Odonem Franci, Burgundi Aquitanienesesque proceres congregati in unum, tutorē Caroli pueri, regnique elegere gubernatorem. Iam verò cetera quoq; majora regni negotia ad illud idem Concilium referri solita, testimonio est *Regino l. Chr. 2. Anno, inquit, DCCCLXIII* Rex Pipinus habuit placitum suum in Nivernis. *Et mox: Anno 864.* Rex Pipinus habuit placitum suum in Wormacia. *Item anno. 866.* Rex Pipinus habuit placitum suum apud Attinicum. *Et mox.* Habuit placitum suum in Aurelianis civitate. Sed & *Aimoinus lib. 4. cap. 71.* ubi de Saxonum bello loquitur: Rex, *inquit*, prima veris

aspirante temperie, Noviomagum profectus est, & ad locum, qui Pada-bruno vocatur, generalem populi sui conventum habiturus cum ingenti exercitu in Saxoniam profectus est. *Et rursus cap. 77.* Transacta tandem hyeme publicum populi sui conventum in loco qui Padabruno vocatur, more solenni habuit. *Item, cap. 79.* Et cum uxorem suam Wormaciæ invenisset, generalem populi sui conventum ibi habere statuit. Quo loco & aliis superioribus perpetuò de Carolo Rege loquitur: qui cum Europæ ferè totius regnum magnis suis rebus gestis adeptus esset, Magnique cognomentum gentium omnium consensu consecutus, Francis tamen pristinum illud suum jus ac libertatem eripere non potuit: ac ne conatus quidem unquam est, majorem ullam rem sine populi judicio & Optimatum auctoritate suscipere. Iam verò post Caroli Magni è vita excessum, non dubium est, quin Ludovicus ejus filius eadem conditione regnum administravit. Nam

Appendix Aimoini lib. 5. c. 10. Mortuo, inquit, Carolo Ludovicus Imperator concilium populi generale, quasi quoddam indixerat præfagio, in loco Theotuarii. *Rursus cap. 38.* ubi pactionem pacis commemorat factæ inter Ludovicum Regem, & Ludovicum ipsius consobrinum: Condixerunt, inquit, placitum, & in ipso placito hæc quæ sequuntur inter eos consensu fidelium suorum servanda convenerunt: in quo placito communi consensu inventum est, ut ipsi reges redirent cum scara, &c. *Item cap. 41.* ubi de Carolomanno Ludovici Balbi filio loquitur: Et sic, inquit, reversus Wormaciam placitum suum Kal. Novemb. habiturus à Nortmannis recessit. *Item auctor Annalium Rhemensium, sub anno dccccxxxv.* Hoc Rege Rudolpho Laudani degente tumultus ipso die sancti Paschæ inter Regios & Episcopi milites exoritur: ubi nonnulli non modo laici, verum etiam clerici vulnerati, & interempti. Unde Rex placitum Sueffionis cum Regni prima-

tibus habuit. Sed multo planius sub anno DCCCCXLVI. cum de Rege in Regnum restituendo ageretur: Edmundus, *inquit*, Anglorum Rex legatos ad Hugonem principem pro restitutione Ludovici Regis dirigit: & idem princeps proinde conventus publicos cum nepotibus suis aliisque regni primatibus agit. *Et paulò post*: Hugo Dux Francorū ascito secum Hugone filio Richardi, ceterisque regni primatibus, Ludovicum Regem, qui ferè per annum sub custodia detinebatur in regnum restituit. Quin ne illud quidem prætermittendum est quod *eorundem Annalium auctor* PLACITUM REGALE hoc publicum Gentis Concilium appellat: *veluti sub anno 961*: Otto filius Hugonis quondam Principis ad Regem Lotharium in ipsis festis paschalis diebus Laudunum venit. sed & à nonnullis tam Franciæ quàm Burgundiæ PLACITUM REGALE, diversorumq; conventus principum Suesfionis habetur: ad quod impediendum (si fieri potest) Richardus filius Wilhel-

Wilhelmi Nortmanni accedens, à fidelibus Regis quibusdam pervasus, & interemptis forum nonnullis in fugam conversus est. Sed singula testimonia persequi laboris esset infiniti, & ut opinor, supervacanei. Nam ex iis quæ usque adhuc protulimus patere cuivis arbitramur, judicium arbitriumque summæ Reipub. usque ad Carolum Simplicem, hoc est, per annos amplius quingentos & quinquaginta penes populi comitia, & (ut nūc loquimur) statuum sive Ordnum conventum fuisse: idq; Majorum nostrorum institutum pro sacrosancto habitum tot seculis fuisse: ut jam Scriptorum quorundam recentium satis admirari judicium non possim, quos non est puditum, suis in libellis tradere, Concilii publici institutū Pipino Regi accepto ferendum esse: cū Eguinartus, Caroli Magni Cancellarius tam dilucidè testetur, Merovingiorum omnium institutū fuisse, ut quot annis Kalend. Maij publicū populi sui conventum agerent, ad eumq; conventū carpento bobus tracto veherentur.

De summa inter Regem & Regnum differentia.

C A P. XIX.

Verum ut majore in argumento operam ponamus, atque in illo instituto majorum nostrorum sapientiam, tanquam in speculo contemplerur, an non ex iis quæ hætenus dicta sunt perspicuum est, quantam illi inter Regem & regnum differentiam constituerint? Etenim sic se res habet; Rex, princeps est unus ac singularis, ac tanquam caput Reipublicæ; Regnum verò ipsa civium ac subjectorum universitas, & quasi corpus Reipublicæ, quam distinctionem Jurisconsulti quoque observant. Nam perduellem *Ulpianus* definit, qui hostili animo adversus Rempublicam vel Principem animatus est. Item in *Instit.* ult. lex Julia majestatis in eos qui contra Imperatorem vel Rempublicam aliquid moliti sunt, vigorem suum ostendit. *Paulus lib. Sent. 5.* Qui de

de salute Principis, vel de summa Reipub. vaticinatores consulit, cum eo qui responderit, capite punitur. Sic in *legibus Saxonis titulo 3.* Qui in Regnum, vel in Regem Francorum consiliatus fuerit, capite punitur; præterea Rex eandem cum Regno rationem habet, quam Pater cum familia: Tutor, cum pupillo: Curator, cum adolescente: Gubernator, cum navigante & vectoribus onusta nave: pastor cum grege: Imperator, cum exercitu. Ut igitur non pupillus tutoris, non navis gubernatoris, non grex pastoris, non exercitus imperatoris: sed contrà hi causæ illorum instituti sunt: ita non populus Regis, sed Rex populi causæ, quæ situs ac repertus est. Potest enim populus sine Rege esse, veluti qui optimatum aut suo ipsius consilio paret, itemque in interregno. At sine populo ne fingi quidem cogitando Rex potest: non magis quam pastor sine grege. Quamobrem (inquit apud *Xenophontem* Socrates ἀπομν. γ.) existimas Homerum appellasse Aga-

memnonem ποιμένα λαῶν? id est pasto-
 rem populorum: an non ideo, quia si-
 cuti pastor curare debet, ut oves suæ
 sint incolumes, neq; iis quicquam de-
 sit: ita Regis officium est, curare ut sui
 cives beati ac fortunati sint. Agè, cete-
 ras differentias videamus. Rex æque
 ut quivis privatus, mortalis est: Regnū
 perpetuum, & certè (vel ominis caus-
 sa) immortale: ut *Isocrates in Oraz. de pa-
 ce*, de Civitatibus locutus est: Iuriscon-
 sulti autem de collegiis & universita-
 tibus: Rex mentis errore, insaniaq; af-
 fici potest, ut noster Carolus VI. qui te-
 mere Regnum suum Anglis donavit:
 neq; ulli sunt homines, qui facilius vo-
 luptatum blanditiis & muliercularū
 illecebris infatuentur, atque adeo de
 statu mentis deturbentur. At regnum
 suam habet in suis Senioribus & Opti-
 matib⁹, & usu rerum petitis propriam
 certamq; tanquam in capite civitatis,
 sapientiam. Rex uno prælio, uno in-
 quam die, vinci, capi etiam, atque in
 hostium potestatem cadere, & vincit⁹
 in eorum fines abduci potest: quod in
 Ludo-

Ludovico Sancto, & Iohanne & Francisco primo, usuvenisse nemo ignorat. Regnum amisso Rege incolumetamē manet: tantoque accepto incomōdo repente publicum Concilium indicitur, primores conveniunt: & cōmuni consilio præsentibus incommodis remedium ac subsidium quærunt: quod etiam illis casibus factum constat. Rex vel ob ætatis infirmitatem, vel ob ingenii levitatem, non modò ab uno & altero consiliario avaro, rapaci, libidinoso: non modò à lascivis aliquot adolescentibus æqualibus induci ac depravari potest: verumetiam à muliercula infatuari, sic ut omnem prope administrandi regni potestatem ei committat: cuius mali exempla quàm sæpe acciderint, pauci, ut opinor, in nostris Annalibus versati ignorant. At regnū, Seniorum suorum consilio & sapientia, perpetuò fretum est. Salomon sapientissimus, tamen è mulierculis, etiam in summa senectute corruptus est. Roboamus ab adolescentibus: Ninus à matre Semiramide: Ptolomæus,

Au.

Auletes cognomento dictus, à tibicinibus & citharædis, majores nostri Regibus suis privatos suos consiliarios, qui privata ipsorum negotia curarent, reliquerunt. Seniores, qui Rempubl. administrarent, & in commune consulerent, Regique administrandi Regnirationem ostenderent, ad conventum publicum reservarunt. Anno MCCCXVI. cum Rege Johanne capto ab Anglis, & in Angliam abducto, publicum Regni Concilium Lutetiæ haberetur: eoque nonnulli ex Regis consiliariis convenissent: jussi sunt è conventu excedere: denuntiaturque illis fuit, publici Concilii delectos non amplius conventuros, nisi illi ad augustum illud Regni sacrarium adire desinerent: cujus rei testimonium extat in *Magno Chron. Gallicè scripto vol. 2. sub Rege Johanne, fol. 169.* Neque verò ulla unquam ætas fuit, quæ non certam illam atque animadvertendam inter Regem & Regnum differentiam notaret. Rex Lacedæmoniorum (ut Xenophon testatur) & Ephori qui

qui tanquam custodes & observatores ipsius erant, singulis mensibus iurjurando fidem inter se dabant: Rex, se ex legum præscripto regnaturum: Ephori, se Regium dominatum conservaturos, si modo ipse iusjurandum servasset. *Cicero in Epist. ad Brutum*, Scis mihi semper placuisse, non Rege solum, sed regno liberari Remp. *Idem lib. De legib. 3.* Sed quoniam Regale Civitatis genus probatum quondam, postea non tam Regni quam Regis vitiis repudiatum est, nomen videbitur tantum Regis repudiatum, &c. *Idem Philipp. II.* Si enim affuissem, non solum Regem, sed etiam regnum de Rep. sustulissem. Sed ejus differentia nullum nobis planius Majores nostri documentum reliquerunt, quam in Magistratuum jure & appellatione: nam qui à Rege dignitatem aliquam in Regia obtinent, & Regis ministri appellantur, & eo vel mortuo vel abdicato, repente dignitatem amittunt, Regis denique arbitrio sua illis dignitas, quasi precario tantum concessa, adimi-

adimitur. Cujusmodi sunt, qui vulgò Magistri Hospitii REGIS appellantur, & Camerarii REGIS & Magnus venator Regis & alii aulæ regiæ officiales. At qui regni & Reipubl. universę magistratus erant, eos Majores nostri adjecto amplissimo FRANCIAE nomine designarunt: quem morem etiam nunc retinemus: ut cùm dicimus Comestabulum FRANCIAE: Amiralium FRANCIAE: Cancellarium FRANCIAE & cum antiquitus non à Rege, sed à populo eas dignitates acciperent, neque ipsius morte aut mutatione desinebant: neque ipsius arbitrio abdicabantur: itaque ne nunc quidem magistratus illi summi, quos vulgus CORONÆ OFFICIALES appellat, Rege mortuo magistratus esse desinunt: neque iis adimi dignitas, nisi cum vita, hoc est, nisi rei capitalis damnatis potest. Quin ne illud quidem summæ populi potestatis argumentum prætermittendum est, quòd quibus tribus in rebus Reip. summa consistit, re militari, jurisdictione, & ærario, iis rebus

rebus qui cum summo imperio præfetti sunt, non à Rege, sed à Regno & Francia denominantur: nam ut modo diximus, is ad quē rei militaris summa pertinet, Comestabulus, aut Marescallus, aut (ut Sigebertus testatur) Seneschallus FRANCIAE dicitur: qui verò classi & maritimis copiis præest, Amiralus FRANCIAE: qui jurisdictioni, Cancellarius FRANCIAE: qui tributis & ærario, Quæstor generalis FRANCIAE.

De Capevingiorum familia, & Regno Francogallia in illam translato.

C A P. XX.

DEmonstratum est superius, Regnum Francogallia his mille ducentis annis in tribus tantum familiarum nominibus versatum esse: quarum prima Merovingia, altera Carolovingia, ex auctorum & capitum nominibus appellata est. Nam etsi non hæreditate (ut jam sæpe docuimus) sed Concilii iudicio regni successio defer-

deferretur , libenter tamen Franci Germanorum suorum institutum retinebant , ut Reges ex nobilitate , (quemadmodum *Tacitus* loquitur) Duces ex virtute sumerent : ac plerumque Reges eos sibi deligerent , qui Regali sanguine prognati , regaliter instituti , educatique fuerant : sive illi ex liberorum , sive ex propinquorum numero & gradu essent. At anno 987. mortuo Ludovico v. Rege Francogalliæ xxxi. & ex Carlovingiorum stirpe , xii. migratio sceptri , regnique mutatio contigit. Nam cum ex illa familia Carolus Lotharingiæ Dux superesset , Regis de mortui patruus , ad quem instituto Gentis regni successio deferenda videbatur : exortus est Hugo Capetus , Imper. Ottonis I. sororis Havuidis nepos , Hugonis Comitis Parisiensis filius : vir militari laude insignis , qui se præsentem absenti : bene de regno meritum , alieno , ut ipse loquebatur , præferri voluit : nam cum inter Germaniæ imperium & regnum Galliæ controversiæ aliquot
exti-

extitissent, Carolus partium se imperii studiosum, & à Gallia regno alieniorem ostenderat. Qua de causa calorū complurium animos ac voluntates ab se abalienaverat. Itaque Carolus comparato exercitu, in Galliam irrupit, civitatesque aliquot deditio-
ne accepit. Capetus Francorum Principum favore atque amicitia fretus, ad Laudunum oppidum, quod est in Campaniæ finibus, coactis quibus potuit copiis, progressus est: neque ita multò post prælium atrox committitur: quo Capetus superatus, in interiorē Galliam profugit bellumque novis coactis copiis, redintegrare instituit. Carolus interea in oppido Laudano cum uxore, dimisso exercitu, quiescebat. Anno insequenti circumventus à Capeto, magnisque copiis ibidem circumfessus est. Erat in oppido Anselmus quidam, ejus civitatis Episcopus. Hunc Capetus præmiis & pollicitationibus ad Regis & oppidi prodicionem induxit. Ita oppido & victoria potitus, Carolum cum uxore

comprehensum Aureliam mittit : custodesque utrique attribuit. Cùm in ea custodia Rex biennium retentus esset, duo ei filii, Ludovicus, & Carolus, nati sunt, neque longo interjecto tempore omnes interierunt. Ita Capetus liberè ac sine controversia totius Galliarum regno potitus, Robertum filium regni consortem ascivit : eumque sibi successorem designandum curavit. Atque hoc factò Carovingiorum familię dignitas memoriaque interiit : anno ab ipsorum regni primordio ducentesimo trigesimo septimo : quam historiam *Sigebertus in Chron ann. 987.* commemorat. *Itemque appendix Aimoini lib. 5. ca. 42. & c. 45.* ex quibus cognosci potest, Hugonem Capetum, Hugonis magni Francorum Ducis filium, ex Roberto natum, Odonis illius filio, cui superius diximus Francos Carolo Crasso mortuo, regnum extra ordinem detulisse, pronepotem Roberti Andium Ducis fuisse, clari & magni principis. Ex quibus etiam & ex Viti-chindo Saxone intelligitur, Hugonem Ca-

Ca-

Capetum non sordida & obscura (ut Italici quidam scriptores tradunt) sed illustrissima familia natum fuisse: nam Roberti Andegavorum comitis abnepos fuit, quem *Aimoinus* Saxonici generis fuisse scribit. Ex eo natus Odo, siue Otto, tantæ virtutis fuit, ut cum à Rege Carolo Crasso Dux Francorum exercitus adversus Danos creatus, hostium centum millia uno prælio delevisset, Franci ei, repudiato Crassi filio, Carolo Simplice puero, regnum detulerint: quemadmodum alio loco superius demonstratum est. Hujus Odonis filius fuit Robertus: ex quo Hugo magnus Dux quoque Francorum natus est: cujus filius Hugo Capetus dictus, regnū eo quem superius diximus modo adeptus est. Memorabile est autem quod idem *Virichindus* scribit, cum Odo Carolo Simplici regnum restituisset, Arnulphum Imperatorem armis Galliæ regnum occupasse: eique Odoni (sic legendum, non ODA) diademata & sceptrum & cetera regalia ornamenta obtulisse, & Odonem impe-

rium domini sui, gratia Arnulphi Imperatoris obtinuisse. Unde (*inquit Vitichin.*) usque hodie certamen est de Regno Carolorum stirpi & posteris Odonis. Nam Hugo, cujus pater Robertus filius Odonis ab exercitu Caroli occisus est, dolo eum cepit, posuitque in custodia publica, donec vitam finiret. Neque verò silentio prætereundum videtur astutum Capeti in novo regno constabiliendo consilium. Nam cum Magistratus & dignitates regni, quos Ducatus & comitatus appellant, ita mandari antiquitus in populi comitiis, certis ac delectis viris solerent, ut in beneficii tantum loco, & (ut Jurisconsulti loquuntur) precario tenerentur: quemadmodum in exponenda concilii publici auctoritate demonstratum est: primus Hugo Capetus ad conciliandos retinendosque sibi Procerum animos, has, quæ temporariæ erant, dignitates, fecit perpetuas: constituitque, ut qui eas obinebant, patrimonii jure retinerent: atque ad suos liberos posterisque,

rosque, cum reliqua hereditate, transferrent: teste *Francisco Connano Iurifcons. Com. 2. cap. 9.* quo facinore non minimam publici concilii auctoritatem ab ipso imminutam constat: quam tamen imminui ab ipso, sine concilii ipsius consensu potuisse, temporum illorum rationem consideranti consentaneum non videtur.

*De continuata Concilii publici auctoritate
in Capevingiorum familia.*

CAP. XXI.

NAm quemadmodum ex *Frossardo, Monstrelletto, Guagnino, Cominio, Gillio*, & aliis historicis omnibus cognosci licet, nihilo propè minor in Capevingiorum familia, quàm in superioribus duabus, publici concilii auctoritas fuit: valuitque apud illos præceptum illud, tam sæpe & tam valde, nunquam tamen satis commemoratum: SALUS POPULI SUPREMA LEX
ET SO: neque ullum tam tyrannicum

dominatum unquam post homines
natos fuisse arbitror, præter unum
Turcicum, in quo cives pro pecudi-
bus, non pro hominibus haberentur.
Neque satis eorum hominum imperi-
tiam admirari possum, qui cum primo-
ribus labris jus civile degustassent, &
in libris nostris legisent, lata lege Re-
gia populum Imperatori omne suum
imperium & potestatem concessisse:
continuò liberam quandam & infini-
tam Regum omnium potestatem
commenti sunt, quam Absolutam
barbaro & inepto nomine appellant:
quasi verò non etiam Romani Reges
Reipublicæ curam (*ut Pomponius Ju-
risc.* loquitur) per Curiata comitia ex-
pedirent: aut, si liberam Imperatores
Romani potestatem habuerunt, con-
tinuò verum sit Regibus omnibus
eandem à populo potestatem tribu-
tam esse: neque enim ex uno particu-
larirectè de universis concluditur: &
hac ætate longè dissimillimam esse
Regum Poloniæ, Daniæ, Sueciæ, Hi-
spaniæ rationem, nemo nisi rerum o-
mnium

mnium imperitus ignorat. Regibus Germanorum (*inquit Tacitus*) non est infinita, aut libera potestas. Rex Angliæ (*inquit lib. 4. Cominaus*) tributa exigendi nullam habet sine Ordinum & Statuum consensu potestatem: quod idem de ceteris omnibus affirmat *l. 5. c. 18.* denique, satis constat, nullam esse Galliæ regionem, sive (ut vulgus loquitur) provinciam, quæ Regis serva aut dedititia sit, omnemque in se (ut quondam populus Romanus Imperatoribus) potestatem ei permiserit, quinimo nulla est, quæ non jura quædam sua propria habeat, iis conditionibus & conditionibus retenta, quibus se in Regis fidem ac ditionem commisit: cujus rei insigne illud argumentum est, quod unaquæque Regio, cum usus & publicæ utilitatis ratio postulat, sua comitia indicit, quæ ad universæ provinciæ commodum pertinent, publico consilio provideat: Itaque cum generale universi Regni ac patriæ totius Concilium indictum est, cum ex illo conventu unus

aut alter deligatur, qui cum Provinciæ suæ mandatis eò ad dicendam sententiam proficiscatur. Exemplo erimus contenti uno, quod ex celeberrimi Doctoris Theolosani verbis profereamus. *Willelmi* nimirum *Benedicti*, qui *inc. raynutius*, ad verbum, & uxorem, num. 499. ita scribit: & laudatur à *Nicol. Boerio* nobili Juriscon. & Prætorè *Burdegal. Decis. 126.* De unione, inquit, comitatus Tholosani, & patriæ Occitanæ cum Regno Franciæ habetur plenè in documentis inter chartas statuum dictæ patriæ repositis: in qua unione tria fuerunt, inter Regem & patriam in forma contractus passata: primo quod omnia privilegia patriæ & jus commune illibata servarentur: secundo, quod nunquam Rex gubernatorem instituet, nisi qui sit de sanguine regio: tertio quòd Rex tallias vel alia subsidia indicare patriæ non poterit SINE CONSENSU STATUUM EIUDEM: prout nunquam fecit, neque facit: quinimo annis singulis commissarium ad partes mittit, necessita-

tem

tem Regni toti patriæ explicaturum, ut pro modo negotiorum Regno pro tempore emergentium subsidium præbeatur: quod obediens patria annuere consuevit, in servando per Regem privilegia patriæ, & cetera in dicta unione contenta, & pro illa vice duntaxat: ita quod non trahatur in consequentiam. Sed quoniam persequi testimonia singula nimis laboriosum, ac planè infinitum esset, pauca quædam illustriora è magno numero, quasi exempli loco, subscribemus. Primum exemplum sumi licet ex anno MCCCXXVIII. quo tempore, mortuo (ut superius diximus) Rege Carolo Pulchro, qui sine liberis virilis sexus, atque postuma filia relicta decesserat, Angliæ Rex Eduardus tertius natus ex Isabella Caroli sorore, Galliæ Regnum ad se hereditate reddisse contendebat. Qua controversia nulla neque major, neque illustrior ad publicum Concilium deferri potuit. Quinetiam quò ad publicum Concilium introducta est, perspicuo

argumento esse potest, majorem Concilii, quàm Regis auctoritatem esse: cum ejus se judicio atque arbitrio ambo illi Reges subjecissent: quod non modo historici nostri omnes testantur, verumetiam *Polyd. Vergilius Angl. Histor. li. 19. & Thomas Walsinghamius in historia Anglic. sub Eduard. 3.* Eduardo & Philippo de successione contententibus (*inquit Guaguinus*) Conventus Francorum habitus est, quem TRIUM STATUUM COMITIA vulgo vocant, ibi de contententium jure diu multumq; disceptatum est: ad extremum ii qui communi auctoritate concilium habebant, multis rationib. edocti Philippo regnum adjudicaverunt: cui judicio nec Eduardus Rex detraxit: fide post paucos annos Philippo de Aquitaniz feudo præstita. Quinetiam *Claudius Seyssellus, Massiliensis Archiepiscopus, in libello, quem Francia Monarchiam inscripsit*, affirmat, utrumque Regem in eo Concilio præsentem affuisse. Cum res in contentionem propè adducta esset, Optimatum consilio,

filio, populi atque Ordinum comitia
indicta sunt. De majoris partis senten-
tia placuit, præferri agnatum: præ-
gnantisque reginæ custodiam Valesio
attribui. Et, si filiam pareret, eidem
Valesio regnum adjudicatum est: quā
historiam *Frossardus* exposuit *vol. I. cap.*
22. Paponius Arest. lib. 4. ca. I. artic. 2.
Guagrinus in Philippo Valesio: sed co-
piolissimè omnium *Seyffellus*, in eo
quem modo nominavi libello. Alte-
rum exemplum suppeditat annus
MCCCLVI. quo tempore Rex Iohannes
commisso cum Anglis prope Picta-
vium prælio captus, atque in An-
gliam abductus fuit. Tanta calamita-
te accepta, unica in Concilii auctori-
tate spes erat reliqua. Itaque comitia
continuò Lutetiam indicta sunt: &
quanquam tres Regis filii extarent,
Carolus, Ludovicus, & Iohannes quo-
rum natus maximus justā administran-
di etatē haberet: tamē delectalii sunt,
ex unoquoq; ordine duodeni probati
viri, quibus regni procuratio manda-
ta est: decretaque in Anglam legatio
de

de pace cum Anglis reconcilianda, auctoribus *Frossardo vol. I. cap. 170. Iohanne Bucheto lib. 4. fol. IIS. Nicol. Gillio in Chronicis regis Iohannis.* Tertium suppeditat annus MCCCCLXXV. cum Caroli V. cognomento Sapientis testamentum prolatum est: quo testamento filiorum suorum tutorem instituerat Philippum Ducem Borbonium, uxoris suæ fratrem: Regni autem procuratorem, Ludovicum Ducem Andicum, fratrem suum: tantisper dum Carolus ipsius filius in suam tutelam veniret. Concilium enim Lutetiæ nihilominus actum est, irritoque habito testamento, decretum est, ut regni administratio Ludovico pueri patruo committeretur: ea lege, ut eam administrationem de certorum virorum in eo Concilio probatorum sententia gereret: pueri autem tutela & educatio Borbonio permitteretur: simulque lata regia lex est, ut qui regni heres annum ætatis XIII. impleffet, ei corona imponeretur, homagiaque & fidelitatum iuramenta præ-

præstarentur: auctore *Fross.* vol. 2. cap. 60. *Buchet.* lib. 4. fol. 124. *Chron. Brit.* cap. Quartum suppeditat annus MCCXCII. cum idem ille Rex Carolus VI. repentino mentis errore affectus, primum Cenomanum, tum deinde Lutetiam delatus est: ibique Concilium habitum: Ordinumque auctoritate decretum, ut Bituricæ & Burgundiæ Ducibus regni administratio deferretur: auctore *Frossardo* vol. 4. c. 44. Neque vero prætermittendum est, quod *Paponius Arest.* lib. 5. tit. 10. artic. 4. nostra memoria in parlamento Parisiensi commemoratum testatur, cum Rex Franciscus primus domini sui partem alienare vellet, omnes ejusmodi alienationes à superioribus Regibus factæ eo solo nomine irritas fuisse, quòd sine Concilii & (ut ipse loquitur) trium Statuum auctoritate factæ fuissent. Sextum exemplum extitit anno MCCCCXXVI. cum Philippus Dux Burgundiæ, & Hanfredus Dux Cloestræ capitales inimicitias magno Reipub. detrimen-

to perquandiu exercuissent: tandem-
que inter eos convenisset, ut contro-
versis omnibus finem duello com-
misso imponerent. Nam in ea conten-
tione Concilium se interposuit: de-
crevitque, ut arma uterque depone-
ret, deque suis controversis jure apud
se potius, quàm ferro disceptarent:
quam historiam copiosè exponit *Pa-
radinus in Chron. Burgund. libro 3. anno
MCCCCXXVI. Septimum exemplum
suppeditat annus MCCCCLXVIII. cum
dissidio inter regem Ludovicum XI.
& Carolum ipsius fratrem exorto,
Concilium publicum indictum est
Turones, ad Kal. Decembr. quo in
Concilio decretum est, ut Rex fratri
suo Apannagii nomine Ducatum ali-
quem cederet: cujus annui fructus
non minoris essent, quam XII. millium
libellarum: insuperque Rex è suo fisco
LX. libellarum millia quotannis ei ad-
numeranda curaret: quam historiam
copiose auctor Chron. Britan. Armor.
commemorat, lib. 4. fol. 200. O-
ctavum exemplum editum est
anno*

anno MCCCCLXXXIII. cū Ludovico XI. mortuo superſtite Carolo filio annorum XIII. Concilium Turonibus habitum eſt, decretumque ut pueri educatio Annæ ſorori Regis committeretur: Regni verò procuratio certis viris in eo Concilio, probatis & delectis mandaretur: quamvis Ludovicus Dux Aurelianus proximus agnatus eam poſtulare. Cujus rei teſtimonium extat in actis ejus Concilii Lutetiæ impreſſis, & apud Philipp. Comineum lib. 5. cap. 18. itemque in Chron. Britan. lib. 4. & apud Iohan. Bucchetum lib. 4. fol. 167.

De publici Concilii auctoritate in maximis religionis negotiis.

CAP. XXII.

HActenus demonſtratum eſt, ſummam in graviffimis quibuſque Reip. noſtræ negotiis ſummoſq; ſenatorum ſeculorum conſenſu Concilii publici poteſtatem fuiſſe. Deinceps videamus, ecqua ejuſdē in Religionis nego-

negotiis auctoritas fuerit. Cujus rei documentum nobis præbent Annales nostri, sub anno mccc. quo Bonifacius octavus, Papa Romanus, missis ad Regem Philippum Pulcrum legatis, ei denuntiavit, se non modò spirituales, (verba hæc Historici sunt omnia) verumetiam temporalem omnium regnorum ac ditionum, quæ in orbe Christiano sunt, dominum esse: pro eo jure postulare, ut Rex Philippus eum pro domino ac Principe summo agnosceret: eique suum regnum acceptum ferret, ac fateretur, se illud ipsius beneficio & liberalitate obtinere: si id facere recuset, futurum, ut eum hæreticum pronunciarer, & sacris suis interdiceret. Qua legatione audita. Rex publicum Concilium Lutetiam indicit: in eo Concilio Papales literæ recitantur, his verbis: Bonifacius Episcopus, servus servorum Dei Philippo Francorum Regi: Deum time, & mandata ejus observa. Scire te volumus, quod in spiritualibus, & temporalibus nobis subes:

subes : beneficiorum atque præbendarum ad te collatio nulla spectat : & si aliquorum vacantium custodiam habeas, usum fructum earum successoribus reserves : & si quas contulisti, collationem haberi irritam decrevimus : & quatenus processerit, revocamus. Aliud credentes, fatuos reputamus. Datum Laterani, 1111. Non. Decemb. pontificatus nostri anno vi. His literis recitatis, auditaque procerum sententia, ac deliberata re, primum decretum est, ut Epistola Papæ in area Palatii Parisiensis coram ipsius legatis & nuntiis cremaretur : tum ut legati mitellati, turpificati, sordidati, & à carnifice in illam æteam lutulentum plauastro advecti, plebis totius ludibrio & conviciis exponerentur : postremò ut Regis nomine literæ ad Papam his verbis scriberentur : Philippus Dei gratia Francorum Rex Bonifacio se gerenti pro summo pontifice, salutem FATUITAS, in temporalibus nos alicui non subesse : aliquarum Ecclesiarum & præbendarum

R

va-

vacantem collationem ad nos jure regio pertinere, & percipere: fructus earum contra omnes possessores utiliter nos tueri: secus autem credentes fatuos reputamus, atque dementes. Cujus historię testes sunt *auctor Chronic. Brittan. Armor. lib. 4. cap. 14. & Nicol. Gillius in Chron. Gallic.* quibus adjungendus est pragmaticus *Paponius in lib. Arestorum l. tit. 5. art. 27.* sed multo magis *Iohannes Tiliannus Parisiensis Parlamenti scriba*, homo ceteroqui ab hoc historiarum genere alienissimus. Cardinalis quidam, inquit, pag. 172. denunciavit inducias imperatas à Papa Bonifacio octavo inter Philippum Pulchrum, & Reges Romanorum atque Anglorum: adjecta pœna sive comminatione censurę Philippus Pulcher anno 1297. consilio suorum Principum & consiliariorum, respondit se paratum esse, Sedi Apostolicę parere, in iis rebus quę ad suam animam & spiritualitatem pertinerent: sed neminem præter Deum agnoscere superiorem se in iis quę ad
res

res sui regni temporales pertinerent: neque velle se in rebus sui regni temporalibus cuiquam mortali subiicere. Quibus rebus cognitis Bonifacius bulla Regi Philippo missa, denuntiavit eum sibi subiectum esse æque in temporalibus, ut in spiritualibus: simulque pronunciavit hæreticos esse, quia litere crederent: cui denuntiationi fortiter reclamatum est: simul bulla Lutetiæ combusta, in præsentia Regis, & Principatum atque consiliariorum. Quæ, malum, ista est hodie Principum & summorum Magistratum, ut ita dicam, Papimantes? qui cum tantam ac tam nefariam illius Tyranni superbiam atque arrogantiam videant, tamen, quasi Circæo poculo dementati, nihilominus sese ad illius exosculandos pedes provoluunt, quasi deum aliquem de cælo delapsum intuerentur. Sed nemo totam hanc historiam commodius exponit, quàm *Tho. Walsinghamius, Angl. Historicus*, monachus ceteroqui papisticis superstitionibus addictissimus, & ad tuendam Paparum

R 2

rum

rum amplitudinem præter ceteros devotissimus. Itaque cum is liberventalis (ut audio) in Gallia nostra non reperiatur, operæ pretium fore arbitror, totam illam historiam ejusdem illius monachi verbis exponere. Celestinus Papa, vir vitæ anachoriticæ, subdole à Benedicto Cajetano inductus est, ut ei Papatum cederet: & constitutionem ederet, ut Papa quilibet cedere suum Papatum posset: quam tamen constitutionem Benedictus ille (postea Bonifacius Papa factus) revocavit, de quo vere Celestinus prophetavit in hunc modum; Ascendisti ut vulpes: regnabis ut leo: morieris, ut canis. Bonifacio Papæ creato Rex Francorum Philippus in multis resistebat. Papæ favebat Gallus Appamensis Episcopus, qui propterea de conspiratione contra Regem Franciæ accusatus, & ad Regis vocatus curiam, in custodia detentus est. Mense verò Februario ad mandatum Domini Papæ liberatus, jubetur unà cùm nuncio domini Papæ regnum

gnum evacuare. Papa talibus novis exasperatus, omnes gratias à se, vel suis prædecessoribus Francorum regibus concessas revocavit: & in eundem Regem cito post excommunicationis sententiam fulminavit. Quam tamen Regi nemo est ausus nuntiare: vel in regno Franciæ publicare. Fecit etiam citari prælatos omnes de regno Franciæ, necnon & omnes magistros in Theologia, & in jure, tam canonico, quam civili, ut coram eo Romæ Kalend. Novemb. comparerent. Rex vero Franciæ publico prohibuit edicto, ne quis aurum, vel argentum seu merces quascunque Romam asporteret de regno suo: fecit etiam omnes exitus & introitus diligentissime custodiri. Prælati Franciæ, missis ad Papam tribus Episcopis, de non veniendo ad diem citationis præfixum, se per eosdem excusarunt. Papa verò Prælati Franciæ non comparentibus, misit in Franciam Iohannem Monachum Cardinalem, qui convocatis prælati Parisiis, secretum consilium

habuit cum eisdem. Postea circa festum S. Ioann. Baptistæ milites quidam in præsentia cleri & populi Parisiis congregati, Papæ Bonifacio multa imposuerunt enormia, puta hæresim, simoniam homicidia, propter quæ per Regem Franciæ appellatum est contra eum, ad illum cuius interest: donec, convocato consilio, se à criminibus purgaret objectis. Circa festum nativitatis beatæ Virginis, videlicet in vigilia nativitatis ejusdem, venit summo manè magnus exercitus hominum armatorum missus ex parte Regis Franciæ repente ad portas civitatis Anaguinæ, in quam Papa confugerat pro tutela; quia ibidem natus fuerat. Invenientes igitur portas apertas ingressi sunt civitatem, & mox dederunt insultum Palatio domini Papæ. Communitas verò villæ comperito, quòd Willelmus de Longaretto, (legendum est Nogaretto) seneschallus Regis Franciæ advenisset, ut Papam deponeret, vel necaret, statim pulsata communicampana, & tracta-

tu habito, elegerunt sibi capitaneum quendam Adnolphum, qui quidem illis ignorantibus extitit domini Papæ capitalis inimicus. Hi omnes communibus votis tantum irruerunt in Papam, & nepotem suum, & tres Cardinales (qui à tergo per latrinam evaserunt) quod diu (ut putabatur) eis resistere non valerent. Ob quam causam Dominus Papa timēs sibi, treugas petiit. Quibus finitis, exercitus per vim ad Papam est ingressus, quem tunc permulti verbis contumeliosis sunt aggressi. Cum autem ad rationem positus esset, an vellet renuntiare Papatui, constanter respondit, Non: imò citius vellet perdere caput suum, dicens in suo vulgari: *Ecco il collo: Ecco il capo*: quod est dicere, ecce colum, ecce caput. Et statim protestatus est coram omnibus, quod Papatui nunquam renuntiaret, quandiu posset habere vitam: exercitus vero postquam irrupit palatium, mox despoliavit Papam, & ejus cameram, atque thesauriam suam, & asportavit venti-

menta cum ornamentis, & aurum atque argentum, cum omnibus aliis rebus inventis ibidem. Et revera creditur, quod omnes Reges mundi non possent tantum de thesauro reddere, infra unum annum, quantum fuit de Papali palatio asportatum. Remansit autem Papa sub custodia militum & custodum usque ad diem tertiam: sed populus Anagum, facta convocacione secreta usque ad decem millia hominum concurrunt, & Papam deliberaverunt. Sed ante hæc omnia sciendum, quod cum illi primò Papam comprehendissent, in equum posuerunt effrenem, facie ad caudam versa, & sic coegerunt discurrere, fere ad novissimum halitum, & tandem penè fame necaverunt: donec eum populus Anagum (ut præmittitur) liberasset. Tunc populus fecit Papam deportari in magnam plateam, ubi Papa lacrymando populo prædicavit: & tandem in fine sermonis dixit: Boni homines & mulieres, constat vobis, qualiter inimici mei venerunt, & abstulerunt

luerunt omnia bona mea, & non tantum mea, sed etiam bona Ecclesiæ, & me ita pauperem, sicut Job fuerat, dimiserunt: propter quod dico vobis veraciter, quod nihil habeo ad comedendum vel bibendum, & jejunos remansi, usque ad præsens. Et si sit aliqua bona mulier, quæ me velit de sua iuvare eleemosyna, in pane vel vino, & si vinum non habuerit, de aqua permodica, dabo ei benedictionem Dei & meam, & omnes qui quicquam portaverint, quantulumcumque modicum, absolvo eos ab omnibus peccatis suis. Tunc omnes hæc audientes ex ore Papæ, clamabant, VIVAS PATER SANCTE. Et mox cerneret mulieres currere certatim ad Palatium, ad offerendum sibi panem, vinum, vel aquam: in tantum, quod statim camera Papæ victualibus repleta fuit. Et cum non invenirentur vasa ad capiendum allata, fundebant vinum & aquam in area cameræ Papæ, in maxima quantitate. Et tunc potuit quisque ingredi, & cum Papa loqui, sicut cum

alio paupere, qui volebat. Tunc Papa exiens absoluit omnes existentes in civitate ab omniibus peccatis eorum. His itaque gestis, Papa subito & inopinatè, recessit de villa Anagum, progrediens versus Romam: cum maxima multitudine armatorum. Et cum pervenisset ad sanctum Petrum, ex timore, quem conceperat, quando fuit captus, & mærore rerum inæstimabiliū perditarum, cito defecit: & sic completa est prophetia prædecessoris sui, quæ dixit: Ascendisti ut vulpes: regnabis ut leo: morieris, ut canis. Hæc *Walsinghamius*, totidem verbis: primū in *Historia sub Eduardo primo*, deinde in *Annalib.* quinetiam sub anno 1307. hæc adscribit: Rex Franciæ per hoc tempus petiit per suos nuntios à domino Papa Benedicto, os prædecessoris Bonifacii, ad comburendum, tanquam hæretici.

—(o)—



*De memorabili auctoritate Concilii in
Regem Ludovicum XI.*

CAP. XXIII.

Magna igitur ac planè sacrosancta Concilii & Ordinum coactorum vis & potestas ex superioribus testimoniis apparuit. Sed quoniam hoc in argumento & quasi campo versamur, non prætermittenda videtur ejusdem Concilii auctoritas, patrum nostrorum memoria interposita contra Regem Ludovicum XI. qui superiorum regum omnium versutissimus & callidissimus est habitus: ex quo intelligi facile poterit, quod jam sæpe diximus, majores nostros non sibi ferum aliquem tyrannum aut carnificem imposuisse, qui suos cives in pecudum loco ac numero haberet: sed Regem juris ac libertatis suę custodem asciuisse, qui justitię præses esset. Anno igitur MCCCCLX. cùm ita regnum ab illo Ludovico gereretur, ut multis in rebus boni Principis & patriam amantis officium desideraretur, cœpta est
Con-

Concilii auctoritas requiri, ut in co-
Boni publiciratio haberetur. Et quo-
niam ei Rex minimè sese subiecturus
putabatur, Proceres regni, assiduis
plebis querimoniis & expostulationi-
bus incitati, manus cogere, exercitus-
que comparare instituerunt: ut Bo-
num publicum procurare, & Regi
perditam Reipub. administrationem
(*verba sunt Philippi Cominii lib. 1. cap. 2.*)
vi demonstrare possent. Instructi enim
& parati cum exercitu esse volebant,
ut si Rex consulere Bono publico, &
bonis consiliis parere detractaret, vi
cogere invitum possent: qua de caus-
sa bellum illud Bono publico susce-
ptum dicebatur, vulgoque Bellum bo-
ni publici appellatum est. Procerum
nomina idem *Cominius, Gillius Lamar-*
cus hæc prodiderunt: Dux Borbonius,
Dux Biturigum Regis frater, Comi-
tes Dunensis, Nivernensis, Armenia-
cus, Albretius; & is ad quem sum-
ma imperii respiciebat, Dux Caro-
lensis. Quacunque autem iter fa-
ciebant, pronuntiari jubebant, se bel-

bellum illud Bono publico instituere, tributorumque & vectigalium immunitatem indicebant (*qua omnia Gillii verba sunt lib. 4. fol. 152.*) legatosque & literas Lutetiam ad Parlamentum, Ecclesiasticos & Academiae rectorem miserunt (*verba hac ejusdem Gillii sunt fol. eodem*) ne putarent exercitum illum in Regis perniciem comparatum fuisse: verum ut illum ad boni Regis officium revocarent, sicuti boni publici ratio postulabat. Verba autem *Annalium*, qui *Chronica Ludovici XI.* inscripti sunt, *Lutetia à Gallio impressa*, hæc ferè sunt, *fol. 27.* Primum & summum Postulatorum caput hoc fuit, ut Trium ordinum conventus haberetur: quippe, quod unicum omnibus seculis, malorum omnium remedium fuisset, vimque semper ejusmodi incommodis medendi habuisset. *Rursus pag. 28.* Procerum legatis Senatus datus est Lutetiae, die XXIII. in Curia quæ Domus civitatis dicitur, in quo affuerunt delecti ex Academia, ex parlamento, & ex Magistratibus.

Re-

Responsum est, eorum postulatam æquissimum videri, conciliumque Trium ordinum indictum est. Hæc, inquam, Historici verba sunt, *fol. 28.* ex quibus verissimum istud M. Antonii vetus verbum esse apparet: Etsi omnes molestæ semper seditiones sunt, justas tamen esse nonnullas, & propè necessarias. Eas verò justissimas, maximeque necessarias quis non dicet, cum populus Tyranni sævitia oppressus, auxilium à legitimo Civium conventu implorat? Quid? deteriore Civium conditio esse debet, quam olim servorum fuit? qui sævitia dominorum pressi ad urbis præfectum confugiebant, & de suis dominis verecundè (*ut ait Vlpianus*) expostulabant. Itaque *Guaguinus* in vita ejusdem Ludovici, ubi responsum Caroli Burgundiæ Ducis ad Regis legatos exponit: his utitur verbis, *pag. 265.* Audivit, *inquit*, Carolus legatos: verùm ad pacem nihil commodius esse respondit, quam trium Ordinum conventum: ubi tantas animorum & belli discordias

dias componi oporteret: quod postquam per nuntios Legati Ludovico retulerunt, ipse in dilatione spem reponens, concilium apud Turones ad Kal. April. anni MCCCCLXVII. indixit. Conventionis definito tempore, affuere ex toto regno, &c. Quod idē totidem verbis traditur in iis quæ diximus *Annalibus*, fol. 64. & in *Magno Chron. vol. 4. fol. 242.* ubi etiam illud additum est, quod memoria dignum & summopere observandum videtur, placuisse in eo concilio, ut certi probatique viri ex singulis ordinibus deligerentur, qui Remp. constituerent, & (ut ad verbum interpretemur) juri ac justitiæ providerent. At N. *Gillius*, eo quem ostendimus loco: Post prælium, *inquit*, Montlerinum, delecti sunt complures egregiè cordati & prudentes viri, qui boni publici curatores essent: quemadmodum inter regem & supradictos Procures convenerat: primusq; in eo numero fuit Comes Dunensis, qui primus discessiōis illius auctor fuerat. Erat autem (ut superius di-

dictum est) antiquæ consuetudinis, postquam Ecclesiasticorum opes in tantam potentiam excreverant, ut populus in tres ordines describeretur, quorum unum Ecclesiastici obtinerent: cumque Reip. curatores constituerentur, duodeni ex unoquoque ordine deligerentur. Itaque in eo Concilio constitutum fuit, ut xxxvi. Reipubl. curatores crearentur, qui communi consilio publicis incommodis mederentur. Quæ de re *Monstrelletus vol. 4. fol. 150.* ita scribit: Principio decretum est, ut ad Rempub. constituendam, plebemque tributis & detrimentis sublevandam xxxvi. viri auctoritate regia deligerentur: duodeni ex clero, totidem ex equitibus, & totidem juris & justitiæ periti: quibus potestas permetteretur videndi, quibus vitis atque incommodis regnum laboraret iisque vitis remedium adhibendi: fidemque Rex regali dicto promissoque dedit (ad verbum, *Et promisit Rex in verbo Regis*) ratum se habiturum, quicquid illi xxxvi. viri

con-

constituerent. Hæc *Monstrelletus*: cui *Oliverius Lamarcus Belga*, in *historia sua* cap. 35. totidem propè verbis subscribit, eundemque xxxvi. Curatorum Reipubl. numerum prodit: simulque ascribit, cùm Rex ei dicto promissoque non stetisset, fidemque publicam & publicè juratam violasset, miserimum in Francogallia bellum exarsisse, quod annos propè xiii. duravit. Ita Regis periurium cùm ipsius infamia, tum etiam populi perniciæ expiatum est. Vt cunque sit, perspicuum est, nondum centesimum annum abiisse, ex quo Francogalliæ libertas, solennisque Concilii auctoritas vigebat: & vigebat adversus Regem, neque ætate, neque animo imbecillum: sed & jam annorum xl. majorem, & tanta ingenii magnitudine præditum, quantum nunquam in ullo Rege nostro fuisse constat. Ut faciliè intelligatur, Remp. nostram libertate fundatam & stabilitam, annos amplius centum & mille statum illum suum liberum & sacrosanctum, etiam vi armis adver-

sus Tyrannorum potentiam, retinuisse. Neque verò præclarum hac de re *Philippi Cominæ* clarissimi viri & ornatissimi historici elogium præmittendum videtur: qui *lib. Hist. 5. ca. 18.* in hanc scribit sententiam, quam ad verbum convertemus. Quare ut in instituto sermone pergamus, ecquis est in orbe terrarum Rex, aut Princeps, cui jus si tributum unius teruncii subjectis suis sine ipsorum consensu & voluntate imponere? nisi violentia & tyrannide uti velit. At enim (dixerit aliquis) potest tempus incidere, cum publicum populi concilium expectandum non est: neque tantam moram res patitur. Sanè in bello suscipiendo nihil tanta celeritate est opus. satis ad eam rem temporis suppeditat. Addo etià illud, cum Reges & Principes bellum civium suorum consensu suscipiunt, multò & potentiores sunt, & hostibus suis formidabiliore. *Et rursus aliquantò post:* Regem Galliæ minimè omnium decet his uti verbis: Habeo potestatem exigendi à meis civibus, quantum mihi libet.

libet. Nam neque ipse, neque quisquam alius eam potestatem habet. Qui verò his utuntur verbis, nullum ei honorem tribuunt: neque illius auctoritatem & existimationem apud exterarum nationes augent, verum ex contrario, terrorem finitimis iniiciunt: qui nulla conditione dominatum illius subire velent. At si Rex noster, aut ii qui potentiam ejus prædicant, ita loquerentur: Habeo subjectos ita mansuetos & obsequentes, ut nihil eorum quæ impero facere detrectent, neque quisquam Princeps subjectos habet æque obsequentes, quique calamitatum & incommodorum suorum facilius obliviscantur: hæc oratio magnæ illi laudi atque ornamento esset. Verum illa Regem non decet: Exigo, quantum volo: ejusque rei potestatem habeo, quam mihi conservatam volo. Rex Carolus quintus hac oratione non utebatur. Neque sanè Regem ullum nostrum illis utentem verbis audiui: sed quosdam ipsorum comites & ministros: qui sibi bonam Regibus

navare operam videbantur. Verùm meo iudicio adversus illos peccabant: & tantum assentandi causa ita loquebantur: neque satis quid dicerent, considerabant. Atque ut certius mansueti Gallorum ingenii argumentum proferamus, consideremus concilium trium Ordinum Trionibus, post Regis nostri Ludovici XI. excessum, habitum: anno nimirum 1484. Existimari per id tempus poterat, bonum illum Ordinum conventum periculosum esse, dicebantque nescio qui, non magni pretii homines, sæpiusque post id tempus dixerunt, crimen esse læsæ majestatis, si quis de trium Ordinum concilio convocando verba faciat. Id enim ad minuendam Regis auctoritatem pertinere. Verùm illi ipsi sunt, qui crimen illud adversus Deum, & Regem & Remp. committunt. Neque verba ejusmodi aliis profunt, quàm iis, qui nullo suo merito gradus honorum & dignitatum obtinent: neque ad illos obtinendos sunt idonei: sed assentari & servire auribus didicerunt,

runt, & nugatoriis de rebus verba facere : magnosque conventus hominum reformidant, ne quales sunt, tales agnoscantur : eorumque opera vituperentur. Hęc *Comineus* ex quibus aliisque quæ superius de re publica publici concilii in Ludovicum XI. auctoritate diximus, perspicuè intelligitur, etiam usque ad id tempus nobile illud præceptum, à Turcica tyrannide alienum viguisse : SALUS POPULI SUPREMA LEX ESTO. Sed hanc conventus publici libertatem palpatores aulici, Regum assentatores, & qui malis artibus honores adepti sunt (ut *Comineus* scribit) omni studio & contentione averfantur. Quade re *Budaus* quoque libro de Assensu sic scribit : Quare, si moribus jam nostris, qui rerum summam tenent, tenebuntque in posterum, IN DISQUISITIONEM CONVENTUUM aliquando vocentur, nonnulli sæpe qui sese nasutos videri volunt, haud dubie (quod ajunt) apprime simi, atque ea parte deformes ab omnibus cerne-
S 3 rentur.

rentur. Hæc Budæus : circiter illud tempus , quo Rex Franciscus primus ex Hispania (quò captivus abductus fuerat) reversus, ut redemptionis suæ nomine pecuniam conficeret , tributum Ordinibus sui Regni non pro suo jure imperavit, sed (ut auctores omnes affirmant) ab iis bona sine gratia , sine venia impetravit : qua de re *Nic. Boerius Decis. cxxvi.* ita scribit: Anno Domini *MDLXXVII.* Princeps noster in mense Decemb. convocavit prælatos, nec non nobiles de ejus sanguine , & alios regni sui , & ex quolibet Parlamento unum præsentem , & duos consiliarios : qui omnes ita REGI ANNUERUNT TALLIAM , USQUE AD SUMMAM DUORUM MILLIONUM, pro redemptione sua, imponere & levare posse.

Alterum ejusdem publici Concilii facinus in signe in Papa Benedicto XIII. damnando & repudiando.

C A P. XXIII.

HAtenus quanta publici Franco-
gallix concilii auctoritas in dam-
nanda

nanda Papæ Bonifacii VIII. insania fuerit, satis explicatum arbitramur. Nunc alterum ejusdem auctoritatis exemplum in Papa Benedicto XIII. damnando ac repudiando proponamus. Quo tempore Rex Carolus VI. Galliarum gubernacula tenebat, circiter illud tempus mirificum quoddam Antipaparum aliquot certamen extitit, quod annos amplius xxx. factionibus exitiosis, summa cum omnium rerum perturbatione & piorum animorum cruciatu, mœrore ac prope desperatione duravit: neq; ullus in orbe Christiano Princeps fuit, neque Rex neque Imperator, qui non omne suum studiū in illa funesta & calamitosa Antipaparum contentione sedanda interposuerit, quam historiam *Platina*, *Krantzius* & *Guaguinus* memorię prodiderūt: sed omnium copiosissime is, qui assiduus tragœdiarum illarum spectator fuit, *Theodor. Nyhemius*, l. de schismate 3. Sed quoniam hanc operam Gallis nostris potissimum navamus, commodius fore arbitramur, unius *Enguerrantii*

Monstreletti, qui Gallorum prope omnium manibus teritur, testimonium sequi, totamque ipsius hac de re narrationem breviter comprehendere. Sic enim fere ad verbum *sub. cap. XL* & aliquot insequentibus scriptum reliquit: Rex Carolus VI. per legatos denunciavit Petro de Luna, Bonifacio XIII. per papificationem nominato, nisi intra tempus illud, quod de communi Christianorum Principum sententia præstitutum erat, finem illi funesto certamini imponeret, ac de papatu cum æmulo suo transigere, fore, ut ipse, sui que omnes Galliarum populi sibi consilium caperent: ac neutri Antipaparum obedientiam præstarent. Hac denuntiatione Papa Benedictus graviter indignatus, animi tamen offensionem vultu atque oratione regens, blanda oratione legatos dimisit, confirmans se propediem responsum per certum hominem ac nuntium Regi missurum. Pauculis post diebus diploma quam Bullam appellant, Regi per emissarium quem-

quemdam misit, qua & Regem & omnes ipsius imperio subiectos excommunicabat, sacrisque omnibus tanquam impios ac profanos arcebat. Ea bulla perlecta, ejusque rei fama per universam Galliam disseminata, Rex Concilium publicum Lutetiam Parisiorum indicit: quo in conventu de communi ordinum sententia decreta hæc fuerunt: primùm ut Benedictus Papa deinceps pro schismatico, hæretico, & Ecclesiæ Christianæ perturbatore haberetur: neve illi obedientia ulla præstaretur: utique acta illius omnia irrita essent: tum ut bulla Regi missa pronuntiaretur impia, scelerata, & in regiam Majestatem contumeliosa: atque iccirco palam inspectante populo laceraretur: postremò, ut tam atrox illata Regi & regno injuria tum adversus Papam, ipsius auctorem, tum etiam adversus omnes ipsius factionis socios vindicaretur. His decretis palam in conventu pronuntiatis confestim Rector Academiæ Parisiensis è sella exsurgens bul-

lam cepit, eamque inspectante Rege in procerum delectorumque omnium conspectu suis manibus discidit. Nuntius autem Papæ qui eam attulerat, atque alter quidam ejusdem Pontificis emissarius talaribus amicti togis, in quibus inversa Papæ insignia depicta erant, mitra capitibus imposita, in qua grandibus literis elogium hoc scriptum erat: **HI SUNT IN ECCLESIAM ET REGEM PERFIDI: è carcere usque ad palatii Parisiensis arcem advecti sunt: atque in contabulato ex tempore extructo destituti, summa cum Papæ infamia ac dedecore catamidiati, omnium irrisui ac ludibrio expositi, ioculari Parisiensibus spectaculum præbuerunt. Tertio denique post die iterum in plaustrum impositi ac per urbis vias circunvecti, convitiis, sibilis, clamoribus omnium vexati, vix è populi insultantibus manibus effugerunt.**

Regem Francogallia non infinitam in suo regno dominationem habere, sed certo jure certisque legibus circumscriptam.

C A P. XXV.

Satis igitur demonstratum esse arbitramur, Regibus Francogalliæ nō immensam atque infinitam potestatem à suis civibus permissam fuisse: ut legibus omnibus soluti dici possint: sed eos certis legibus & pactiōibus obligatos esse; quarū primam esse summam hanc fuisse ostendimus. Ut publici Concilii auctoritatem sanctam inviolatamque servarent; eumque conventum, quoties utilitas Reip. postularer, sua præsentia concelebrarent. Ac leges quidem, quibus Reges astrictos esse cōstat, permultę sunt. Verū nos eas solas de quibus nemo nisi amentissimus, nemo nisi patriæ, parentum ac liberorū suorū hostis ambigit, ut quæque memoratu dignæ videbuntur, exponemus. Prima igitur hæc esto: Ut ne quid quod ad statū Reip. in universum pertineat, Regi sine publici
Con-

Concilii auctoritate statuere liceat, cujus rei cum antea certissima testimonia protulimus, tum etiam expressissimum & evidentissimum usque ad hanc ætatem nostram vestigium illud manet, quòd senatus Parisiensis, qui veteris illius Parlamenti auctoritatem sibi magna ex parte ascivit, nullas Regis constitutiones, nulla edicta rata esse patitur, nisi quæ apud se pro consilio cognita, & consiliariorum suorum sententiis comprobata fuerint: ut non incommodè dici possit, similem hoc quidem in genere videri Senatus illius auctoritatem veterum Tribunorum plebis potestati, quos *Val. Maximus* scribit, in vestibulo Senatus expectare solitos, dum ad se decreta ejus ordinis afferrentur, quæ ipsi pro Concilio cognoscerent: ut si plebi utilia viderentur, literam T quasi assensus sui notam atque indicem subscriberent: sin minus, vetarent, atque intercederent: quanquam *Budeus*, vir doctissimus, aliunde similitudinem sumit: sicuti populo R. (inquit) sci-

sciente

sciente aliquid, Senatum auctorem fieri oportebat, quod nunc verbo Græco *Homologare* dicimus, ita Principum nostrorum constitutionibus, ut vim sanctionum habeant, hujusmodi actis ad Remp. pertinentibus auctorem Curiam fieri hodie necesse est, easque in curia promulgari. *Et paulo post:* In hac curia præfecti provinciarum ac juridici, quos Ballivos, Seneschallos, & hujusmodi nominibus vocamus, in leges jurare soleat. In hujus acta re-terri diplomata, regiaque beneficia solent, ut perpetua esse possint, ac nunquam antiquabilia. Hujus auctoritate rata irritave Principum acta, ne ipsis quidem recusantibus, fiunt. una hæc curia est, à qua sibi jus dari Principes (legibus soluti) civili animo ferunt: quam auctorem fieri sacrandis promulgandisque sanctionibus suis volunt. Cujus concilii censuræ constitutiones suas eximi, edictaque sua nolint, imò cujus decretis acta sua consecrari æternitati velint. *Hac Budæus.* Ut igitur hanc sibi potestatem Sena-
cus

tus ille tyrannicè utrupavit, ut Regiis edictis atque imperiis intercederet: quod certe credibile non est: aut illud fateamur necesse est, Regibus non liberam & infinitam rerum omnium potestatem permissam antiquitus fuisse, quod etiam *Auffrerius*, *Boerius Montanius*, *Chassaneus* alique summæ apud Gallias auctoritatis pragmatici, una voce, sine ulla varietate, attestantur.

Age, reliquas leges regias videamus: atque hanc in primis, Ut Regi jus non sit neque filium adoptare, neque de suo regno, vel inter vivos, vel per testamentum disponere: sed in regni successione majorum instituta & antiqua consuetudo servetur. Nam *Ioannes de terra rubea tracta*, 1. *concil.* 9. ita scribit: Reges Franciæ non potuerunt unquã, neque posset Rex modernus facere testamentum de regno, nec primogenitum aut alterum hæredem facere in illo. Item, adeo ex vi consuetudinis in regno Franciæ succeditur, quòd sicut nec ex voluntate dispositiva, & testamentaria Regis successio defertur ejus
succes-

successori, nec deferri potest: sic nec tacita voluntate, ejus ab intestato dispositiva ei succedi potest: sed solum Consuetudo succedenti defert regnū. *Hac Terrirubius.* Cujus sententiā cum omnis cōprobat antiquitas, tum vero vel maxime historia hęc memorabilis, quam subiungam. Anno cio cccc cxx. cū Rex Carolus vi. Henrico Angliæ Regi suum regnū mortis causā donasset, eumq; sibi successorē designasset, repente populus ad publicum gentis concilium provocavit: in quo summa omnium consensione pronuntiātū est, donationem illam ipso jure nullam inutilem atq; irritam fuisse: neque Regi Galliæ fas esse, ullam sui regni partem sine publico gentis suæ consensu alienare. cujus rei auctores sunt *Enguer. Monstrel. cap. hist. 225. & aliis in seqq. itemque Guill. Benedict. in cap. Raynut. in verb. nume. 188.* Cum Carolus sextus, inquit, ex matrimonio justo filium haberet, cui regnum debebatur, non potuit Regem Angliæ adoptare in filium, in præjudicium filii sui legitimi, & natu-

naturalis : nec adoptiq valuit , nec tenuit : quinimo regnum dicto Carolo septimo delatum fuit. *Item in verb.* In eodem testamento : *numer. 151.* Ex quibus, *inquit*, confutatur, & penitus confunditur, ut ipso jure nihil valuerit ille tractatus pacis, quem Angli prætendunt passatum fuisse inter Carolum sextum, Francorum Regem, & Henricum quintum, Regem Angliæ, per quem dictus Carolus dominam Catharinam filiam suam nuptui dedit præfato Henrico, eumque sibi adoptavit in filium : nec non sine proceribus solus existens declaravit coronam Franciæ eidem pertinere, & post sui decessum totum Franciæ regnum ad ipsum perventurum. Sed dictus tractatus à proceribus regni reprobatus fuit, qui Carolum ejus filium ungi & coronari fecerunt. *Hæc Bened.* Secunda igitur Regni Francogalliæ illa lex esto. Deinceps tertiam videamus, quam esse constat hujusmodi : ut Rege mortuo regni hereditas filio ipsius natu maximo deferatur, neque regi

regi vel natu minorem majori anteferre, vel alium sibi successorem instituere liceat. Cujus hæc ratio est certissima: quoniam parentes ea demum adimere suis liberis possunt, quæ ab ipsis proficiscuntur: quæ vero vel natura, vel lege atque institutis majorum iis addicta sunt, in iis parentes jus nullum habent, *lib si arrogator. 22. D. de arrogat. lib. 3. D. de interd. & releg.* Filius autem natu maximus suitatem & spem hereditatis, non parentis sed legis communis beneficio adeptus est: neque illam suo patri acceptam ferre debet, sed legibus atque institutis majorum: itaque rectissime doctores omnes uno consensu affirmant, Regem Francorum non posse auferre primogenito jus primogenituræ, sine spe regni, & dare secundo genito, vel alteri. *Ioan. Andr. in c. licet, de voto. Bald. de prohib. feud. alien. per Frid. §. illud Panorm. cons. 3. nitar in presenti, lib. 2. Iason. in l. nemo potest, Delegat. 1. Bald. in c. 1. De feud. March. ducat. sed præcipue Ioan. Terrirubius tract. 1. concl. 9. ubi sic scribit:*

T

bit:

bit: Reges Franciæ nunquam consue-
verunt de regno testari, sed solum ex
vi consuetudinis defertur successio
primogenitis maribus ex linea recta
eorum, quibus succeditur: & illa desi-
nente succedunt mares transuersales
juxta gradus prærogativam. *Item, concl.*
9. 10. 11. & 12. ubi sic loquitur: In regno
Franciæ non habetur successio here-
ditaria sive patrimonialis, sed simplex
successio, sive subrogatio primogeniti,
vel proximioris agnati, cui regnum
debetur ex sola lege vel consuetudi-
ne regni, à qua sola jus accipit, & non à
patre vel alio prædecesore: & sic jus
primogenituræ, quantum ad tale re-
gnum non habetur à patre, sed à lege
regni: unde nec est hereditarium, nec
patrimoniaie, sed mero jure filiationis,
vel sanguinis competit. Ita quod non
posset Rex de regno testari, etiam pri-
mogenitum vel proximiozem, cui re-
gnum debetur, instituendo: quia nul-
lo modo posset institutus capere re-
gnum vi testamenti, vel alterius dispo-
sitionis paternæ, quæ non valuit: sed
solum

solum virtute legis immutabilis regni
 à qua vocatur. Et in eandem senten-
 tiam *Guill. Benedict. in c. Raynutius, in*
verb. In eodem testamento: num. 148. ita
 scribit: Natura regni Franciæ, inquit,
 requirit, & exigit, ne de eo fiant testa-
 menta, legata, vel aliæ dispositiones.
 Unde *Ioan. de terra rub.* in quodam li-
 bro, quem intitulavit *Vinea Ecclesiæ,*
tract. 1. q. 9. concludit, dicens, quia re-
 gnum Franciæ debetur primogenito
 ex sola regni consuetudine, nunquam
 consueverunt Reges de ipso regno
 testari: quod vi & medio consuetu-
 dinis defertur primogenito. Nam Re-
 ges Franciæ nunquam potuerunt, ne-
 que posset Carolus octavus Rex no-
 ster modernus testamentum facere
 de regno, etiam heredem instituendo
 dominum Delphinum ejus primoge-
 nitum, quia regnum Franciæ non de-
 betur primogenito, ex successione te-
 stamentaria, vel ab intestato, sed solū
 ex lege & consuetudine regni. Igitur
 Rex ipsum dare non potest primogeni-
 to, neq; auferre per alienationes inter

vivos, testamenta, neque debita voluntaria, legata exheredationis, ex causa: quia primogenitus Franciæ non habet regnum à patre, sed ab ipsa regni lege & consuetudine: & sic pater potestatem non habet ipsum gravare: & de tali dignitate testamento disponi non potest, vel alius in præjudicium primogeniti, qui cum jus illud habeat, non patris iudicio, sed legis beneficio, per eum gravari non potest, à quo beneficium non habet, nec commodum sentit. Hæc ad verbum *Bened.* Sequitur quarta lex regni, de qua tamen superius cap. 10. differuimus. Ne virgo, neve mulier ad regni hereditatem admittatur, sed agnatus defuncto Regi proximus, quavis gradu fœmina posterior, ei tamen præferatur: qua de lege nobilis Pragmaticus *Jacob. Petr. in sua Pract. cap. 63.* ita scribit: Carolo, qui rex Franciæ & Navarræ fuerat, mortuo, filia Ludovici, sui quondam fratris successit in regno Navarræ, quia illud regnum vene-

venerat per fœminam : sed in regno Franciæ non successit : quia non admittitur fœmina , quamdiu masculus de genere invenitur : successit ergo Philippus filius Caroli , qui erat ei in quarto gradu : quamvis dicta fratris filia tantum esset in tertio. *Item Guill. Bened. in verb. duas habens, num. 78.* unde restat, *inquit*, neque filias, neque masculos ex ipsis descendentes in regno Franciæ secundum ipsius leges & consuetudinem succedere, quinimo liberis masculis non existentibus reliqui parentes & consanguinei in regno succederent, servata gradus prærogativa. *Hæc Bened.* quæ multo copiosius confirmat *num. 119. & 120.* *Item Cosm. Guim. in præmio pragmat. sanct.* ubi sic scribit: Regnum Franciæ est ita nobile, & clarum, quod in eo nunquam succedit fœmina, licet bene in regno Navarræ, & hujusmodi quæstio orta fuit post mortem Phillippi Pulchri, Regis Francorum, qui habuit unam filiam, nomine Isabellam, & tres filios: dictam Isabellam duxit in uxorem

Eduardus Rex Angliæ, ex qua habuit unum filium, qui similiter dictus est Eduardus, qui successit in regno Angliæ, defuncto dicto Philippo. Tres ejus filii fuerunt reges Franciæ sigillatim: qui tandem decesserunt sine liberis: quibus successit in regno Franciæ Philippus, filius Caroli de Valesio, fratris dicti Philippi, de consensu & approbatione XII. Parium Franciæ, qui noluerunt dare regnum dictæ Isabelle, Regine Angliæ, nec filio ejus Eduardo: unde ortæ sunt magnæ guerræ, inter Reges Angliæ & Franciæ, & injuste: quia sicut filia Regis non succedit in regno Francorum, ita nec natus ex ea. *§. hoc autem qui feud. dar. poss. De gradib. success. in feud. c. 1. §. ad filias.* Excluse enim ascendente, excluduntur descendentes ex persona ascendentis, *li. fin. C. de natur. lib. l. si viva, C. de bon. matern.* Ideo non potuit dictus Eduardus filius dictæ Isabellæ prætere ali quod jus in regno Franciæ: dicit *Bald. in repet. l. 1. C. de summa trinit.* Sed nemo uberius hanc historiam exponit,

nit, quam *Claudius Seyffellus*, archiepisc.
Taurin. in l. de lege Salica: ubi utriusque
Regis Angliæ & Franciæ iusta copio-
se exponit: & ad extremum publici
concilii, sive trium statuum iudicium
subjungit.

Quinta lex ad Regis domanium
pertinet de qua superius suo loco
commemoravimus. Ne videlicet Regi
jus sit, ullam domanii sui partem sine
publici Concilii auctoritate alienare,
quippe, quod ei ad tuendam tantum
regiam dignitatem fruendum datum
est ut parem in eo potestatem habeat,
atque marito in uxoris dote concedi-
tur. Itaque anno c^{io} cccxcix. cum
Rex Carolus vi. Comiti Sampauli-
no particulam quadam sui domanii
sive donasset, sive alia ex causa cessis-
set, Senatus Parisiensis pro vetere ve-
teris Parlamenti jure intercessit: ac
pronuntiavit alienationem regii do-
minii nullius esse momenti, nisi cujus
author Senatus ille Parisiensis fuisset,
quod decretum *Paponius* inter Aresta
sua retulit. l. 5. tit. 10. ubi alia complura

generis ejusdem senatusconsulta commemorat: quibus omnibus definitum hoc jus est, alienationem domini à Rege, sine causa in illo Senatu cognita & probata, factam, ipso jure nullam esse: qua in cognitione hæc potissimum exquiruntur. At non aliunde confici pecunia possit? ecqua necessitas urgeat? an pretium sit idoneum? & auctione constituta summum illud ac postremum oblatum. Sed operæpretium est *Claudii Seyssellii* testimonium in hanc rem exponere: cujus verba ex *lib. de monarch. Franc. l. cap. 10.* sic convertimus. Tertium frenum, quo Reges Franciæ coercentur, est politia, hoc est instituta & mores regni multas per ætates comprobati, & longinqua consuetudine retenti: quorum abrogationem non suscipiunt: & si forte susciperent, frustra id tentarent: quoniam eorum imperio non pareretur: quod vel ex dominio & patrimonio regali cognosci licet, cujus alienandi jus, sine causis magnis & necessariis, non habent, quas causas cogno-

cognosci & probari oportet in consilio & curia parlamenti & Rationalium : qua in cognitione ita caute & diligenter, tantaque cum disquisitione proceditur, ut pauci admodum reperiantur, qui ejusmodi alienationes expetant. Et si autem Reges jus habent disponendi de fructibus & redditibus regni pro sui arbitrio, quandiu regni administrationem obtinent: tamen ratio sumptuum tum ordinariorum tum extraordinariorum ad Rationalium curiam & notionem revocatur. Hi rationales sumptus illos regios, si inconsultè facti videntur, coercent. Quæ sanè lex Reipub. perquam utilis est, ad Regii dominiî conservationem : quia tum demum ad tributa & indictiones extraordinarias, quibus plebs oneratur, decurri tanquam ad subsidium solet, cum illud dominiî regium exhaustum est: ut omit-
tam, quod hac præclara Regni lege nimia Principis liberalitas quæ ad prodigalitatem accedit, coercetur,
Hæc Seyffellus. sed lib. 11. cap. 11. insuper

hæc addit: Iterum dico: Regem non posse gratius obsequium Deo præstare, aut suorum civium utilitati, aut suæ dignitati atque existimationi melius consulere, quam illas Regni leges observando. Tum enim boni & Christianissimi Regis & Patris patriæ cognomentum acquirit: ceteraque omnia nomina, quæ sibi magnus aliquis & gloriosus Princeps potest acquirere. Ex contrario verò simulatque limites & fines illos sibi præscriptos egreditur, & voluntate pro ratione uti instituit, habetur ac numeratur improbus, tyrannus, crudelis, & intolerandus, quibus de causis in Dei & civium suorum odium incurrit. Hætenus *Seyffellus Taurinensis Archiepiscopus*, & Regis Ludovici XII. intimus consiliarius. In eandemque sententiam, de Rege Franciæ, cui non licet urbes Regni sui alienare, scribunt *Hosti. & Io. Andr. in c. dilecti, De major. & obed. Martin. Laud. in trac. de confæd. q. 13.*

Sexta Regni lex numerari hæc potest, ut Regi abolendi criminis & capita-

pitalis pœnæ, sine parliamenti auctoritate, remittendæ jus non fit in hoc regno, *inquit Boerius*, criminofus deferens literas remissionis aut abolitionis, five pardonii, debet incarcerari, & suas literas offerre Parlamento, &c. *Hac ille Decif. Burdegal. 65.*

Septima est, ut Regi non liceat magistratum aliquem Regni, five Reip. Franciæ, nisi caussa in Parium consilio cognita & probata, exauctorare. Quæ lex ita passim tota Gallia nota & decantata est, ut testimonii non egeat.

Octava Regni lex numerari hæc potest, Ne Regi sine publici concilii auctoritate monetæ mutandæ jus sit. Nam *Guill. Budæus l. de Asse 3. & 5.* testatur ex antiquis omnibus quæ viderat monumentis constare rei nummariaæ jus, hoc est potestatis nummorum vel augendæ vel imminuendæ semper penes populum fuisse. Quinetiam *Carol. Molin.* diligentissimus monetalium ratiociniorum investigator, *extremo commentario de contract. & usur.* scribit, se in archivis parlamenti & mo-

monetalium præfectorum quamplurimas leges Francicas reperisse, quibus sancitum erat, ne qua rei nummariæ mutatio sine populi consensu fieret: semperque in ejusmodi mutationibus populi consensum (quippe cujus plurimi intererat) intervenisse. quemadmodum à Jurisconsultis dici solet. Quorum quid fieri interest, eorum in eo negotio gerendo requiritur assensus: vel hoc modo, quod aliquos tangit, debet ab iis approbari. Quinetiam *Hostiensis* Canonista celebris & magnæ inter suos auctoritatis, in *summa de censibus*, ita scribit. Quæritur, nunquid Rex Franciæ habeat privilegium concedendi pedagia, vel mutandi novam monetam. Respondeo, sicut Papa in simili quæstione, sic videretur aliquibus. *c. per venerabilem, qui fil. sint legit.* Mihi verò non videtur, nisi populus ei potestatem illam dederit: quæ & Imperatori data est *argu. l. 2. §. deinde, D. de orig. jur.*

*An mulieres, non ut ab hereditate Regni, sic
ab ejus procuratione, Francogallico
jure, arceantur.*

CAP. XXVI.

Sed quoniam de regni procuratione
& summa Reip. administrandæ in-
stituta disputatio est, non prætereun-
da quæstio videtur, An mulieres non
ut ab hereditate Regni, sic etiam ab
ejus procuratione arceantur. Primùm
autem illud apertè testatum volumus,
nos neque de Romanorum, neque de
aliarum gentium jure, sed tantùm de
hujus nostræ Francogalliæ institutis
differere. Nam, ut notum omnibus
est, Romanorum institutis mulieres
propter infirmitatem consilii in per-
petua tutorum potestate fuisse, atque
ab omnibus non modò publicis, ve-
rùm etiam civilibus negotiis exclusas
esse: ita nonnullis aliis ingentibus mu-
lieres summam imperii vetustis mori-
bus obtinent. Britanni sexum in im-
periis non discernunt: *inquit Tacitus in
Agric.*

Agric. vita. Hoc igitur constituto, & testificatione nostra planè ac dilucidè proposita, deinceps ad quæstionem accedamus. Nam ei causam præbuisse superiorum aliquot temporum exempla videntur: quibus constat, Regnum Francogalliæ à Reginis, præsertim viduis, & Regum vel puerorum vel absentium matribus administratum fuisse. In quibus haud scio an ullum ad muliebrem audaciam insignius commemorari possit, quàm illud reginæ Blancæ, Ludovici Transmarini matris, de qua posterius dicemus: quæ Rege filio in Africam ad bellum gerendum profecto, summam sibi potestatem non modò in Reip. sed etiam in Ecclesiarum & Episcopatum administratione ascivit: quemadmodum ex veteribus quibusdam monumentis nuper in lucem editis cognosci potest: *Nos charissima Domina nostra & matri Regina concessimus, & volumus, quòd ipsa in hac nostræ peregrinationis absentia plenariam habeat potestatem recipiendi & attrahendi*

hendi ad regni nostri negotia , quos sibi placuerit , & amovendi quos viderit amovendos : Baillivos etiam instituere valeat , castellanos , forestarios , & alios in servitium nostrum & regni nostri ministros ponere & amovere : dignitates etiam & beneficia ecclesiastica vacantia conferre , fidelitates Episcoporum & Abbatum recipere , & eis regalia restituere , & eligendi licentiam dare capitulis & conventibus vice nostra. Et contrario tamen pugnat primum ratio disputandi usitata , ut cui per se Reginam esse jus non est , eidem regendi jus ac potestas non sit. Per se autem Reginam esse mulierem non posse , neque Regni hereditatem ei ex eave prognatis deferri : sed si Regina appellatur , per accidens , & propter Reges maritos id fieri : superius ex antiquis MCC. annorum monumentis demonstratum est. Eo accedit , quod superius docuimus , quemadmodum omnis & creandorum & abdicandorum Regum potestas penes publicum conciliū erat : ita curatoris

Reip.

Reip. five moderatoris diligendi jus summum penes idem Concilium fuisse. Quinetiam creatis Regibus, tamen summam imperii administrandi potestatem ab eodem Concilio retentam fuisse: neque centesimum adhuc exisse annum cum regnante Ludovico XI. quantumvis astuto & callido, xxxvi. Reipub. curatores, tanquam Ephori, ab eodem Concilio constituti sunt. Quod si majorum nostrorum auctoritatem quærimus, extat insignis apud *Aimoin. lib. 4. c. 1.* ubi de Brunechilde, Regina matre Childeberti Regis commemorans ita loquitur: Simul, *inquit*, quia Brunechildis summam regni sollicitudinem sibi reservare velle intelligebatur, & primates Franciæ tanto tempore fœmineo dominatui dedignabantur subiici, &c. Itaque *Fran. Connanus Senator Parisiensis l. 1. c. 8.* Quod *Panormitanus* putat (*inquit*) Reginis more nostro jus esse in Gallos, multum fallitur, nulla enim gens minus passa est fœminarum imperium, cum lex Saliorum, id est Gallorum, cas

eas regni successione excludat. Itaque
 videmus Reginas viro mortuo redigi
 fere in ordinem: sic ut ne umbram qui-
 dem Regiæ dignitatis retineant. *Hæc*
Connanus. Et profecto ita est, ut si
 quando regni procurationem apud
 majores nostros mulieres adeptæ
 sunt, semper ea res mitas in Rep. no-
 stra tragædias, summa denique mise-
 riarum incendia excitarit. Cujus rei
 non alienum videtur exempla quæ-
 dam proponere. Dominata est quon-
 dam Chrotildis, Regina, mater Chil-
 deberti & Clotarii regum, quæ cum
 alterius filii nomine Chlodometis de-
 mortui filios infano quodam amore
 prosequeretur, summam contentio-
 nem abhūbit, ut nepotes remotis fi-
 liis in regiam dignitatem perduceren-
 tur. Itaque capillitium eorum, pro eo
 instituto, de quo superius diximus,
 summa cum cura & diligentia nutrie-
 bat. Cujus rei Reges fratres certiores
 facti, confestim Arcadium quendam
 ad eam miserunt, qui nudum gla-
 dium simulque forcipem ei ostentans,

optionem illi faceret, utrum illorum nepotum suorum capiti admoveri mallet. At illa, *inquit Gregorius Turon.* nimium felle commota, præcipuè cum gladium cerneret evaginatum ac forcipem, amaritudine præventa, respondit: Satius mihi est, si ad regnum non eriguntur, mortuos eos videre, quàm vivos. Ita nepos uterque in ipsius conspectu interfectus est. *Auctore eodem Gregor. lib. 3. cap. 18.* ubi tamen subjungit, Reginam hanc liberalitatibus & donationibus in monasteria collatis plebis & vulgi benevolentiam conciliafle. Date frenos (*inquiebat Cato*) impotenti naturæ, & indomito animali, & sperate ipsas modum licentiæ facturas. Quid? quàm effrenatum illud fuit animal, illa, inquam, Theodorici Regis filia natione Itala, quæ servi sui amore insana, ubi matris jussu illum interfectum cognovit, per speciem reconciliatæ cum matre gratiæ sacramentum se dominicæ cœnæ cum illa communicare velle ostendit, venenoque in calicem in-

infuso impietate simul & crudelitate
nefaria matrem sustulit. Verba *Grego-
rii Turonensis lib. 3. c. 33.* hæc sunt: Erant
sub Ariana secta viventes: & quia
consuetudo eorum est, ut ad altarium
venientes de alio calice Reges com-
municent, & de alio populus minor
(notanda consuetudo calicis cum ple-
be communicati) venenum in calice
illo posuit, de quo mater communica-
tura erat: quo illa hausto protinus
mortua est. Age, reliquas videamus.
Dominata est quondam Fredegunda,
Regina mater, Chilperici primi vidua,
Hæc marito superstite cum Landerio
quondam adulterii consuetudinem
habuerat. Ubi Chilpericum id sensisse
animadvertit, interficiendū eum cu-
ravit: confestimque Regni procura-
tionem filii sui Regis Clotharii nomi-
ne, tanquam Regina, mater suscepit:
eamque annos XIII. sustinuit. Primū
Childebertum filii sui patrum, ejusq;
uxorem veneno sustulit: tum Hunnos
adversus ipsius filios concitavit: bel-
lumque civile in Remp. immisit: fax
V 2 deni-

denique illorum incendiorum fuit, quibus Francogallia multos annos exarsit, *auctore Aimoino lib. 3. c. 36. & lib. 8. ca. 29. & scriptore Chronici Besnensis.* Dominata est Regina mater Childeberti, Brunehildis, Sigeberti Regis vidua. Hæc Italum quendam nomine Protadium in delitiis habebat, eumque omnibus honoribus amplificabat: eademque filios suos Theodebertum & Theodoricum adolescentes in eam vitæ flagitiosæ consuetudinem adduxit, ut tandem capitales inter se inimicitias gererent, belloq; diuturno conflictati prælium atrocissimum committerent. Meroveum nepotem suum Theodeberti filium sua manu interfecit. Theodoricum veneno sustulit. Quid amplius? Date frenos (*inquibat Cato*) impotenti naturæ, & indomito animali: & sperate ipsas modum licentiæ facturas. Decem principibus Regis necis causam attulit. Cumque ab Episcopo quodam objurgata esset, rogataque ut se ad frugem converteret, illum in profluentem præcipitari iussit.

fit. ad extremum concilio Francorum
indicto, in iudicium vocata, damnata,
& ab equo currente distracta mem-
bratimque dilaniata est. Auctoribus
Greg. Turon. lib. 5. cap. 39. & lib. 8. cap. 29.
& Adone Ætat. 6. Ottone Frisingens. Chron.
parte 16. & Aimoino lib. 4. cap. 1. itemque
Appendice Gregor. Turon. li. 11. cujus hæc
verba sunt: Reputantes: ei quòd v. Re-
ges Francorum per eam interfecti fuis-
sent: id est, Sigebertus, Meroveus, &
genitor suus Chilpericus, Teobertus
& filius suus Clotharius, item Mero-
veus filius Clotharii, Theodoricus,
ejusdemque tres qui ad præsens extin-
cti fuerant: per triduum eam diversis
tormentis afflictam jubet prius came-
lo per omnem exercitum sedentem
perducere: posthæc comam capitis
uno pede & brachio ad ferocissimi e-
qui caudam ligare: à quo calcibus &
velocitate cursus membratim disrum-
pitur; quam eandem historiam repe-
rio in *Chronico Monasterii Besnensis ma-*
nuscripto his verbis: Nam camelo su-
perpositam girari fecit per exercitum:

quam cū omnes inclamando horruissent, velut sub carnis vel animæ zabulum iterum iussit reduci: & inter equos quatuor indomitos ligari, ad quorum primam erumpentium fugā partibus rupta, postea igne combusta cum satellitio peccatorum ab ipsis interioribus est immersa. *Item alio loco,* Tanta mala effusiones sanguinū Brunehildis consilio in Francia factæ sunt: ut prophetia Sibyllæ impleretur, dicentis, *Veniens, Bruna de partibus Hispania, ante cuius conspectum gentes peribunt: hæc verò equitū calcibus disrumpetur.* Age, de ceteris videamus. Dominata est Plectrudis non Regis, sed Regii præfecti Pipini vidua, qui tum regium imperium obtinebat, dum inane regium nomen Dagobertus secundus sustineret. Hæc Plectrudis propter adulterii & flagitiosæ vitæ turpitudinem à Pipino repudiata, marito mortuo multarū in Gallia seditionum auctor fuit. Carolum Martellum Palatii magistrum, fortissimum virum abire Magistratu: coegit, aliumque Theobaldum impurum

purum & nefarium hominem in ipsius locum suffecit : tandem funestum civile bellum inter Francos ipsos excitavit, qui variis præliis, & ut (*ait Aimoinus*) durissimis cædibus sese mutuo prostraverunt. *lib. 4. cap. 50. & cap. seq.* Quinetiam auctor libelli cui titulus est, *Status regni Francia, sub Dagoberto II.* his utitur verbis : Cum Franci Plectrudis furores atque insanias ferre non possent, neque in Dagoberto Rege spem ullam reliquam viderent, Daniele quendam sibi Regem delegerunt, qui antea monachus fuerat, eumque Chilpericum nominarunt : quam historiam superius quodâ loco perstrinximus. Sed reliquas videamus. Dominata est Regina mater Caroli Calvi, nomine Juditha, Ludovici cognomento Pii conjux : qui non modò Francogalliæ Rex, verum etiam Italiæ & Germaniæ Imperator fuit. Hæc miserum fataleque bellum inter Ludovicum & ipsius filios privignos suos excitavit ; unde nata horum adversus parentem tanta conjuratio, ut

illum imperio se abdicare, suamque illis dignitatem cedere magno totius propè Europæ incommodo cogerent. Quorum incommodorum culpam Historici omnes magna ex parte in illam Reginam matrem Juditham conferunt: *Abbas Vrsperg, Michael Ritiſius & Otto Friſing. Chron. 5. ca. 34.* Ludovicus, inquit, propter mala opera uxoris suæ Judith regno pulsus est. Itemque *Regino in Chro. anni DCCCXXXVIII.* ubi sic scribit: Ludovicus à suis imperio privatur, & privatus custodiæ traditur, Regnique monarchia Lothario filio ejus per electionem Francorum datur. Fuit autem hæc dejectio pro maxima parte facta propter multimodā fornicationem Judithæ uxoris ejus. Aliquot post sæculis dominata est Blanka Regina, mater Ludovici cognomento Divi, natione Hispana. Ut primum gubernaculum arripuit, concurre ad arma Galliæ proceres cœperunt, Duce Philippo, Comite Bolonico, Regis patruo: qui (ut summus auctor scribit *Joan. Ionuilleus cap. histor. 4.*)

feren-

ferendum non esse clamitabant, tantum Regnum à muliere, eaque peregrina, administrari. Itaque Comitem Philippum proceres illi, repudiata Blanca, Regni procuratorem delegerunt. At Blanca nihilominus instituto perseverare, & auxilia undique accerere: Ferdinandum denique Hispanæ Regem fœdere sibi atque amicitia adjungere instituit. Cùm Duci Philippo Dux Britannix & Comes Eboracensis ipsius frater sese conjunxissent, de improvviso oppida aliquot interceperunt, eaque præsidiis firmarunt: quod *Jonuillaus cap. 5.* commemorat: atque ita gravissimum in Gallia bellum, propter occupatam à Regina matre Regni procurationem, exarsit. Forte tum accidit, ut Rex Stampas à matre armorum causa missus, proficisceretur. Eò confestim multis ex partibus Proceres advolarunt, Regemque obsidere cœperunt: non lædendi (*inquit Jonuillaus*) aut violandi illius consilio: sed (*ut idem testatur*) ut eum à matris potestate abducerent. Quare ad illā

perlata, quæ tum Lutetiæ permanſerat, celeriter armari Pariſienſes, & Stampas proficiſci jubet. Vix eæ copiæ Montlerium pervenerant, cùm Rex obſidione liberatus, ad eos accedit: Lutetiamque una cum iſſis revertitur. Vbi ſe Philippus domeſticis copiis minus inſtructum animaduertit, Regnam Cypri, quæ in regno controverſiam quandam habebat, ſubſidio accerſit. Hęc magnis copiis in Campaniã ingreſſa, latè regionem illam populatur. Blanca nihilominus in ſententia permanet. Itaque Anglorum auxilium Proceres ad extremum in Regni fines introducunt. Hi magnis incommodis Aquitaniam, ceterasque maritimas regiones afficiunt: quæ incommoda omnia ex Reginæ illius matris impotentia atque ambitione nata fuiſſe, *Jonuillaus* multis verbis commemorat: *cap. 6, 7, 8, 9, & 10.* Et quoniam longe alia de Blanca ingenio & moribus noſtrorum hominum opinio eſt, propter eorum (ut credi par eſt) qui per ea tempora ſcripſerunt, aſſentationes

tiones (nam Reginis matribus Scriptores ferè vel supplicii metu, vel propter Regum filiorum existimationem parcunt) non prætermittendum videtur , quod idem *Ionuillaus cap. 76.* commemorat, illam usque eò filium in potestate sua habuisse, usque adeò illum timidum abjectumque redegisse, ut cùm ipsius uxorem, nurum suam, Margaretam odio haberet, rarò admodum Regem cum illa versari pateretur. Itaque cùm Rex iter faceret, Blanca metatorib. imperabat, ut hospitium Reginæ separatim à Rege assignarent. quinetiã si quando Rex noctu furtim ad conjugem accedebat, tum hostiarios in speculis collocabat: & si fortè Blancã adventare intelligerent, tum fuste canes ab illis cædi imperabat: quorum clamore de sese occultando commoneretur. Quid amplius? Die quodam (inquit *Ionuillaus*) cùm Regina Margareta è puerperio agrotaret, Rexque pro amicitia ad illam venisset, repente Blanca intervenit, Rex clamore canum admonitus, sese

fese in lectuli angulum abdidit, cortinisque involuit. Illa nihilominus inventum Regem manu, inspectantibus omnibus,prehendit, ac simul è cubiculo eduxit: Tu hîc,inquiens,nihil agis. Egredere. At puerpera cùm tantam contumeliam acerbius tulisset, dolore exanimata est: coactique sunt cubicularii Regem revocare, cuius adventu puerpera recreata est, animumque recepit. Atque hæc quidem *Jonullæus, cap. hist. 76.* totidem propè verbis commemorat. Rursus aliquot intermissis annis dominata est Isabella Caroli VI. dementis vidua. Prius enim quàm Concilii auctoritate Regni procuratio certis ac delectis viris mādari posset, multæ ab hominibus ambitiosis contentiones exortæ sunt. Sexies denique controversiæ renovatæ, sexies interpositis pactionibus sedatæ sunt. Tandem Isabella Parisiis exacta, Carnutum se recepit. Ibi Philippum Moruillerium veteratorem nacta, Senatum sibi, & Prætorem, & Cancellarium Moruillerium illum instituit
ejus-

eiusdemque consilio Typum regium
 (quod Cancellariæ Sigillum vulgò
 appellant) insculpi iussit, suamque
 in eo imaginem demissis brachiis
 imprimi: cum in diplomatibus hac
 præfatione uteretur: Isabella Dei
 gratia Regina Franciæ: quæ pro-
 pter incommodam Regis valetudi-
 nem Regni procurationem obtinet.
 Verum ubi Respub. multis affecta in-
 commodis, ac prope jam ad interitum
 adducta videretur, publico consilio
 Turones amandata est: quatuorque
 illi tutores attributi: qui belluam il-
 lam indomitam domi continerent:
 viderentque ne quam rem agere, ac
 ne literam quidem ullam sine ipsorum
 permisso scribere posset. Cujus rei
 extat apud *Monstrelletum* copiosa hi-
 storia *cap. 161. & cap. 168.* Multoque ve-
 tutius ejusdem severitatis exemplum
 extat in Placidina Childeberti Regis
 matre quam propter impietatem &
 nimiam in episcopo Quintiano vexan-
 do & ecclesiæ pace conturbanda in-
 faniam, in oppido Cadurco compre-
 hen-

hensam, & rebus omnibus spoliatam
ac nudatam Franci exilio damnarunt.
ut testatur *Gregor. Turon. lib. 3. cap. 12.*

De Parliamentis juridicialibus.

CAP. XXVII.

SUbeadem Capevingiorum familia
exortum est in Francogallia Re-
gnum Rabularium, de quo nobis pro-
pter incredibilem artificum indu-
striam, & inauditam seculis omnibus
solertiam dicendum videtur. Domi-
natur hoc tempore passim in Gallia
genus hominum, qui Juridicia non-
nullis, Pragmatici ab aliis, itemq; Ra-
bulæ appellantur. Horum tanta tre-
centis ferè abhinc annis fuit solertia,
ut non modò publici concilii auctori-
tatem (de qua superiùs diximus) propè
jam oppresserint, verùm etiam omnes
Regni Principes, atque adeò Majesta-
tem regiam amplitudini suæ patere
coegerint. Itaque quibus in oppidis il-
lius Regni sedes positæ sunt, in iis tertia
ferè civium & incolarum pars tantis
excitata præmiis ad illius se artis Ra-
bula-

bulariæ studium ac disciplinam applicavit : quod vel Lutetiæ , quæ ceterarum civitatum omnium princeps numeratur , cuius licet animadvertere. Quis enim vel triduum in illa urbe versatus, non animadvertit, tertiam civium partem, artem istam rabulariam & litigatoriam facit? Itaque summus in ea Pragmaticorum conventus (qui Purpuratus Senatus dicitur) tantarum opum, tantæque dignitatis est, ut quemadmodum de Senatu Romano quondam dictum est, non jam consiliariorum, sed Regum ac satraparum confessus videatur quippe, cum plerique in illum allekti, quantumvis abjecto loco nati, tamen paucorum annorum spatio regales propè opes sibi concilient. Qua de causa civitates aliæ complures omni contentione pugnarunt, ut ejusdemmodi confessus juridiciales apud se haberent: jamque celeberrima hæc Parlamenta numerantur: Parisiense, Tholosanum, Rhotomagense, Gratianopolitanum, Burdegalense, Aquense, Di-

Divionense: quæ omnia stataria & sedentaria sunt. Octavum verò mobile & ambulatorium, quod Grande Consilium appellatur. Fuit & nonum Armoricis attributum, edicto Henrici regis anno MDLIII. In horum regnorum finibus sunt & aliæ, ut sic dicam, Sattrapiæ, quæ superiorum illorum amplitudinem, quoad possunt, imitantur: & vulgò Sedes præsidiales nominantur: tantaque hujus morbi vis, atque contagio est, ut quemadmodum olim Ægyptiorum bona pars, Tyrannorum tuorum imperio, in pyramidibus, & ejusmodi molibus extruendis occupata erat, sic maximus gentis Gallicæ numerus in litibus & calumniis exercendis, & forensibus scriptitationibus operam consumat. Extat *Claudii Seyssellii Archiepiscopi Massiliensis libellus Gallicè scriptus, cui titulus est, De Monarchia Franciæ*: cujus in cap. 15. verba hæc sunt: Opinione mea, plures sunt in una Francia scribæ, procuratores, advocati, & similes circumforanei, quàm in universo orbe Chri-

Christiano: si alii omnes unum in locum conferantur. Neque dissimilis illa est *Philippi Cominaei* querimonia lib. 6. cap. 6. ubi de rege Ludovico XI. scribens: Habebat, *inquit*, in animo leges de publico & privato jure, Gallico sermone scriptas, unum in volumen conferre: quò facilius captiones & præstigiæ advocatorum vitari possent: quorum numerus tantus est in hoc Franciæ regno, ut par in mundo non reperiatur; id Nobilitas Francica jam pridem sensit, atque experta est. Hæc ad verbum *Cominaeus*. Nomen autem Parlamenti (antiqua nostrorum hominum lingua) colloctionem significat, multorum variis ex locum convenientium, ut de communibus rebus inter se conferant, ac sermocinentur. Itaque in Chronicis veteribus, si quando principes legative principum de pace, aut bellicis pactionibus convenerunt, semper condictum illud colloquium, Parlamenti nomine appellatur. Eademque ratione publicum ordinum Concilium vetusta lingua

qua nostra Parliamentum dicebatur, quod nomen adhuc in Anglia retinetur. *Thom. Walsinghamius in hist. Angl. sub anno 1287.* Hoc anno Rex Angliæ in Gallias transiens, Ambianos pervenit: & fecit homagium Regi Franciæ, pro terris quas de eo in regno Franciæ tenebat Parisius: & interfuit parlamento, quod Rex Francorum tenuit. Itaque *Philipp. Cominaus lib. 4. cap. 1.* Rex Angliæ, *inquit*, tributa suæ genti imperandi jus non habet, sine consensu atque auctoritate sui Parlamenti, quod apud nos Trium statuum Concilium appellatur. Eodemq; nomine conventus ordinum Britannicæ Armoricæ, quandiugens illa Regem proprium habuit, semper appellatus est: quemadmodum ex *illius Annali.* cognosci licet: multis quidem locis, sed præsertim *lib. 3.* ubi Ducis Maliclerici, hoc est indocti indocta cum Franciæ Rege pactio profertur: ex ann. MCCXXX. Item Dux in signum submissionis prædictæ, voluit quòd à suo parlamento de cetero appellaretur ad parlamentum

tum Franciæ, in duobus tantum casibus. *Et mox*: A falso & pravo judicio sui parlamenti Britannicæ appellabitur de cetero ad Franciæ parlamentum. Dicebatur etiam Curia parlamenti trium statuum: ut *Stephanus Aufrerius Burdegalensis Prætor*, nobilis pragmaticus, testatur in *Commentario stylicurie Parlamenti*. Quinetiam video *Bartolum* aliosque *Doctores Italos* hac eadem voce passim pro publico regionis alicujus concilio sive comitiis, usurpare. Nam *Bartolus* in lib. 2. C. de *legation. lib. 10.* Præses provinciæ, *inquit*, convocat parlamentum in provincia, & in eo proponit quod respicit utilitatem publicam. *Et mox*: Nota, quòd præsides provinciarum coadunant universale parlamentum provinciæ: quod intellige non quòd omnes de provincia debeant ad illud ire, sed de omnibus civitatibus deputantur ambasiatores, qui civitatem repræsentant. *Et in eandem lib. Ioan. de Platea*: Ubi super aliquo, *inquit*, providendum est pro utilitate totius

provinciae, debet congregari generale concilium seu parlamentum: non quod omnes de provincia vadant: sed de qualibet civitate aliqui ambasiatores vel syndici, qui totam civitatem repræsentent, in quo concilio seu parlamento petitur proponi sanum & utile consilium. *Item Lucas de Penna:* Modus proponendi in consilio generali, seu parlamento est, ut petatur proponi sanum & utile consilium. *Budæus* autem in *Pandect.* Nihilo secius (*inquit*) curiæ Parisiensis originem à conventibus juridicis manasse, haud dubia conjectura crediderim: quibus olim Principes interesse, præesseque solebant: quoniam indictivi erant, nec loco, nec tempore stati. Vagamenim Parlamenti rationem fuisse constat, quasque prætorianum Principis concilium. Cum autem in Gallia nostra summam illam Publici concilii auctoritatem imminuere Capevingii molirentur, & certorum Senatorum numerum in ejus concilii locum substituere, augustum illud parlamenti

no-

nomen in illum pragmaticorum & judicum confectum transtulerunt: eique hanc auctoritatem tribuerunt: primum ut nulla regia Lex, nulla constitutio rata esset, nisi cujus illi consilarii auctores comprobatoresque fuissent; deinde ut nullus tota Gallia Magistratus, non modò urbanus, verum etiam militaris esset, quem non ab illo confectu inaugurari, & apud eundem in leges jurare oporteret: tum ut ab eorum judiciis appellandi jus non esset: sed ut eorum decreta rata & fixa essent. Is qui Princeps est senatus (*inquit Connanus lib. I.*) cum jus dicit, nemini, præterquam Regi ipsi, honore sedendi cedit: quo tamen loco *Connanus* Cancellarii oblitus est, cui Princeps ille senatus loco cedit, quasi (*ut Budaus scribit*) magistratum omnium antistiti. Postremò quicquid potestatis imperii, auctoritatis penes publicum Concilium & Statuum parlamentum per tot annos fuisse docuimus, id totum Senatus ille subdititius sibi usurpavit: in quem Reges cooptandos curabant, quos ad suas rationes

accommodatos fore judicabant, ea-
que tum Curia Parlamenti vocata est:
ut in *Anglico libello*, cui titulus est *Aleat-
ned* commendatum: *cap. 52.* sunt quip-
pe in regno Franciæ, in curia ibidem
suprema, quæ Curia Parlamenti vo-
citur, processus quidam, qui in ea
plus quam triginta annis pepend-
runt. Et novi ego appellationis cau-
sam unam quæ in curia illa agitata fuit
jam per decem annos, & adhuc verifi-
mile non est, eam infra annos decem
alios posse decidi. *Item cap. 48.* Omnes
advocati in Francia etiam in curia par-
lamenti solent placitare causas suas
in lingua Gallica. Quare quibus ini-
tiis ac radicibus in tantam amplitudi-
nem excreverit, paulisper consideran-
dum est. Primum igitur Basilica regia
Lutetiæ opere magnifico extructa est,
imperio, ut plerique affirmant, regis
Ludovici Hutini, quo nomine prisca
lingua nostra Turbulentus significa-
tur: vel, ut nonnulli disputant, regis
Philippi Pulchri, circiter annum
MCCXIII. studio certè atque opera
Enguer-

Enguerrantii Marignii, comitis Longuevillii, qui aliquot interjectis annis in patibulo Parisiensi propter peculatus crimē recte suspensus est. Utcunq; sit, quod ægyptii Reges fecisse narratur, ut imperio suo subjectos in pyramidib. extruendis occuparent, in quibus rex Chemnis præcipuè memoratur, qui hominum trecenta sexaginta millia ad pyramidem extruendam conduxit: idem tum Francogalliæ Reges in arte rabularia tradenda fecisse dici possunt. *Guaguini* autem *Historici* in *Hutini* regis vita, verba hæc sunt: Hic Ludovicus instituit Parlamenti Curiam Parisiis stabilem esse, & loco non moveri, ne litigatores crebris circuitionibus vexarentur. *Hæc ille.* Nam quòd nonnulli ad Pipinum vel Carolum Magnum institutum illud referunt, quàm absurdum id sit, facile ex iis quæ mox docebimus, constabit. Quinetiam ejusdem Caroli Magni leges & constitutiones complures extant, quarum in nulla neque parlamenti, neque majoris illius Senatus

mentio interponitur: sed tantum sancitur, ut certis locis forum à Juridicis agatur, & conventus habeantur, quæ ille usitata consuetudine Placitum, & Mallam appellat: *veluti legis Francicæ lib. 4. cap. 35.* Ut in anno tria solummodo generalia placita observare compellat: nisi fortè quilibet aut accusatus fuerit, aut alium occupaverit, aut ad testimonium perhibendum vocatus fuerit. Multæque aliæ in eandem sententiam ejusdem Regis leges extant, ex quibus de litium paucitate existimare licet. Ac planè verissimum arbitror, quòd video è nonnullis hominibus nostris traditum, tantam litium, calumniarum, & sycophantiarum sementem factam primùm à Papa Clemente v. qui Philippi illius Pulchri tempore Papatus sedem Avenionem transtulit: cumque magna ipsius aulici & pragmatici consuetudine cum hominibus nostris implicarentur, semina Romanæ artis rabulariæ in mores nostros sparsisse. Nam *Eguinartus in vita Caroli*

Caroli Magni sic scribit: Cum calcia-
retur, aut amiciretur, non tantum a-
micos admittebat: verum etiam si co-
mes palatii lirem esse aliquam dice-
ret, quæ sine ejus jussu definiri non
posset, statim litigantes introduci jus-
sit, & velut pro tribunali sederet, lite
cognita, sententiam dixit. Itaque ejus-
dem *Caroli Magni* in Capitulari hæc
lex extat: Hoc missi nostri notum fa-
ciant comitibus & populo, quod nos
in omni septimana unum diem ad caus-
sas audiendas sedere volumus. Age,
ceteros videamus. Regnavit cum ceter
annum MCCXXX. Ludovicus cogno-
mento Divus: cujus vitam *Ioan. Ionuil-*
laus, de quo superius aliquoties memi-
nimus, conscripsit. At ex hujus com-
mentario quanta per id tempus litium
& calumniarum esset raritas, vel hinc
licet intelligatur; quod Rex ipse Lu-
dovicus vel controversias discepta-
bat, vel disceptandi negotium non-
nullis è suo Comitatu mandabat. Ita-
que cap. 94. ita scribit: Solebat, inquit,
imperare Domino Nellio, Domino

Suessionensi, & mihi, ut judiciis quæ ad portam appellantur, operam daremus. Tum mittebat qui nos ad se accerferet: quærebatque ex nobis, quo statu res esset, ecquod esset iudicium, quod sine ipso exerceri non posset: ac sæpe accidit, ut re per nos ad ipsum delata, litigatores ipsos accersiri ad se imperaret, causamque ex bono & æquo disceptaret. Sæpenu-
merò in saltum Vicennam animi causa exhibat, viridique in cespite ad quercus alicujus radicem confidens, sibi nos assidere, & si quis negotii quid habebat, cum ad se vocari jubebat. Quinetiam ipse clarè pronuntiabat, si quis litem & adversarium haberet, ut accederet, & iusta sua exponeret. Tum si quis accedebat, Rex attentè ipsum audiebat, ac re cognita, sententiam ex bono & æquo pronuntiabat. Interdum negotium dabat Petro Fontanio, & Godefrido Vilettio, ut litigatoribus operam darent, & causas disceptarent. vidi etiam aliquoties, cum bonus ille Rex Lutetiæ in hortum subur-

urbanum exiret, tunica mediocri indutus: ibique mensam tapeto in sterni imperabat. Tum silentio facto introduci ad se litigatores jubebat, causasque suas agere; jusque ex tempore reddebat. *Hac Ionuillius*. Ex quibus existimari potest, quanta litium & litigatorum illis temporibus esset paucitas: quantaque Regum illorum in aver-tendis litiū molestiis sollicitudo. Quin ne illud quidem prætermittendum est, quod scribit *Speculator sub tit. de Fe-ris*, cum suo tempore, hoc est circiter annum M CCLXX. graviores causæ ac lites in Concilio publico, (quod, ut jam antè dictum est, Parlamentum appellabatur) agi solerent, atque illuc omnibus ex regni partibus in jus adiretur, moris fuisse, propter eos qui longinquis ex regionibus venerant, ut etiam festis diebus judicia exerce-rentur: Potest, *inquit*, excusari consuetudo Curia Regis Franciæ, quæ tempore Parliamentorum omni die jus reddit: ut venientes de longinquis partibus citius expediantur. At successu tem-

temporis, arte rabularia, sensim, gangranæ modo, serpente, institutum est, ut & sæpius & pluribus locis iurisdiclio exerceretur. Itaque Philippi III. cognomento Pulchri constitutio hæc extat, ex anno MCCCII. Præterea propter subjectorum nostrorum commodum, & causarum expeditionem proponimus ordinare, quòd duo Parlamenta Parisiis, & duo Scacaria Rhotomagi, Diesque Trecenses bis tenebuntur in anno: & quòd Parlamentum apud Tholosam tenebitur, sicut teneri solebat temporibus retroactis, si gentes terræ consentiant. Item, quia multæ causæ magnæ in nostro Parlamento inter magnas & notabiles personas aguntur, ordinamus & volumus, quòd duo Prælati & duæ aliæ personæ sufficientes, Laicæ, de nostro consilio, vel saltem unus prælatus, & una persona Laica, causas prædictas audiendi, deliberandiq; gratia continuè in nostris Parliamentis existant, Quibus ex verbis

bis intelligi potest, primùm quàm raro per ea tempora judicia exercerentur: deinde quàm pauci iudices in illo Parlamento sederent. Nam quantum ad ceteras præfecturas Regnique provincias, extat ejusdem Philippi Pulchri constitutio, in eodem libello his verbis edita, anno MCCCII. Præcipimus insuper, quod Seneschalli & Ballivi nostri teneant suas assisas in circuitu Seneschallarum & Balliviarum summarie, de duobus mensibus in duobus ad minus. Quinetiam *Budens* eodem quem superiùs notavimus loco scribit, anno MCCXCIII. ab eodem Rege Philippo constitutum fuisse, ut in Parlamento trifarii generis sederent Prælati, Barones, & mixti Clerici cum Laicis. Cùm laici, *inquit*, partim ex equitibus, partim ex promiscuo genere hominum deligerentur. *Item*, ut Prælati & Barones ex illo tertio genere statuerent, qui ad quancunque jurisdictionem exercendam idonei viderentur: simul ut tres viros deligerent, qui in eas regiones mitterentur, quæ jure scripto

scripto utebantur : ut in iis jus dicē-
rent, & si qua capitalis quæstio habenda
esset, literatissimos quosque adhi-
berent. Quo loco *Budaus* horum tem-
porum corruptelam deplorans, simul-
que vilissima rabularum capita foren-
sia, togatosque vulturios (*ut Apulejus
loquitur*) detestans, ex *Juvenalis versu*
sic exclamat: Quondam hoc indige-
næ vivebant more: simulque ita sub-
scribit: Ita enim nobis exclamate in
mentem venit: Antiquioribus illis se-
culis, florente tamen hoc Regno (quod
ex numismatis apparet, auro obryzo
percussis) simplicem & facilem jus red-
dendi rationem, raræsq; lites, nec diu-
turnas, ut nunc, aut etiam seculares
fuisse: cū nondū ista turba interpre-
tum Juris Remp. invasisset: nec dum
scientia juris latissime, atque etiam in
infinitum patere crederetur: sed æ-
quum bonūque & iudex prudens
integritate atque innocentia prædi-
tus, instar sexcentorum voluminum
essent. Nunc verò quò res reciderit,
nemo quidem non videt: sed omnes
dice-

dicere musant. Haftenus *Budaus* gravissimus ubiq; & acerrimus artis tabulariæ adversarius. nunc ut ad nostram historiam redeamus, doceamusq; quibus initiis ac fundamentis Regnum istud litigatorium excitatum fuerit: quemadmodum *Cicero* scribit, Pontifices veteres propter sacrificiorum multitudinem, tres viros Epulones instituisse, quamvis essent ipsi à Numa, ut etiam illud ludorum epulare sacrificium facerent, instituti: eodem modo ex illo perexiguo Iudicum Parlamentariorum numero, crescente litium multitudine, incredibilis Iudicium & Conciliariorum soboles propagata est. Ac primum Basilica ingens, sumptuosa, magnifica, Regis, ut superius diximus, Ludovici Hutini, vel Philippi Pulcri imperio ædificata est: tum ex mediocri iudicum numero tres decuriæ factæ, Magnæ Cameræ, Inquisitionum, & Postulatorum: quam partitionem *Budaus* eodem illo loco: sed copiosius *Gaguinus in Regis Hutini vita* commemorat. Video tamen, qui ad Stilum curiæ

curiæ parlamenti ubi *Stephanus Auffre-*
rius eundem numerum servat, hanc
notam ascripserit: Imo initio duæ tan-
tùm camerae fuerunt: quia Camera
Requestarum est tribunal inferius:
postea addita est tertia: quæ parua
Camera Inquestarum appellatur. Sed
anno MDXXII. rex Franciscus, ut cor-
raderet sexaginta millia aureorum
quartam Cameram è viginti novis
consiliariis creavit: à singulis capiens
ter mille aureos, unde curia valde de-
turpata fuit: postea præsidentiam
quoque numerus pretio auctus est.
Rursus idem Rex ann. MDXLIII. alios
xx. quæstus causa creavit. Quin ne il-
lud quidem prætermittendum vide-
tur, quod & *Guaguinus* & *Budaus* co-
dem loco memoriæ prodiderunt, at-
que insigne est ad omnem memoriam
documentum, illum judicum conven-
tum non perpetuum & perennem (ut
hoc tempore) sed indictivum fuisse,
nec nisi certo Principis mandato exer-
ceri solitum: quod quotannis ineunte
mense Novembri edictum Regis pro-
poni

poni oportet, ut eum renovari liceat. Atque ut hujus, *inquit eodem loco Guaguinus* coitionis Regem auctorem esse certum sit, regia singulis quibusque annis rescripta eduntur, quibus ad D. Martini diem festum, id est, II. Id. Novem. Parlamentum inchoandi judici- bus à Rege auctoritas datur. De mira- bili autem & celeri hujus regni incre- mento etiam illud argumento esse po- test, quòd circiter centum post annis, hoc est, anno MCCCCLIII. regnante Carolo VII. hæc ab illo constitutio promulgata est: A festo Paschæ, usque ad finem Parlamenti, Præsidentes & Consiliarii hora sexta de mane de- bent in suis cameris esse congregati, à festo S. Martini, post horam prædi- ctam, Et aliquantò post: Pernecessa- rium est, ut Præsidentes & Consiliarii Curiae post prandium veniant ad Par- lamentum judicandi & expediendi causa. Hæc Carolus VII. At Caroli Magni tempore, qui regnum triplo majus obtinebat, quam dissimilis judi- ciorum ratio fuerit, velex hac ipsius

Y

lege

lege facile intellectu est: *Legis Franciæ lib. 4. cap. 74.* Ut comes placitum non habeat, nisi jejunos. Jam de voce Parlamenti ac nominis etiam auctoritate illud argumentum extat, quod cum in ea parte Allobrogum, quæ Delphinatus dicitur antiquitus Senatus institutus fuisset, cum summa auctoritate, quod concilium Delphinale dicebatur: tam Ludovicus VI. qui bene de se meritis Delphinatibus benignè facere studebat, nomen concilii in Parlamentum mutavit: quamvis nihil ad jus atque auctoritatem adderet: cujus rei *Guidopapius* testis est, q. *Gratianop. 43. & rursus q. 554.* Cum autem in his juridicialibus parlamentis, regnisque rabulariis permulta sint, quæ boni & cordati viri graviter & acerbè ferunt, tum verò quatuor hæc in primis numerantur, quòd publica jurisdictionis nundinatio exerceatur, quòd magistratus publico perjurio ineantur, quòd parlamenta litium seminaria sint, postremò quod tertia propè Galliæ pars rabulariam

riam artem exerceat. Nam quod ad primum attinet, quotusquisque hodie numerari potest, qui judicandi munus non & præsenti pecunia sit mercatus, & præsenti pecunia venditet? ut verissimè *Alexander Caesar* dixisse videatur, necesse esse ut qui magistratum emit, vendat, nec sine rubore puniri posse, qui quod emit, vendit. Et nummarium tribunal (*inquit Seneca lib, de benefic. I.*) audita utrinque licitatione alteri addici, non mirum. quando quæ emeris, vendere gentium jus est. Hanc boni viri Gallicæ jurisdictionis nundinationem, hoc commercium, hoc forense latrocinium appellant: quod res, quæ humanarum rerum sanctissima esse debuit, promercalis facta sit, pretioque & vendatur, & ematur: neque quicquam æquè Galliæ existimationem apud exterarum nationes onerat, quàm quòd, sicuti Janii bovem opimum uno pretio emptum, pòst in macello per pares venditant: ita magistratus uno

Y 2 pretio

pretio comparatur, cujus administra-
tio singulis postea jus postulantibus
divendatur. De quo Deum immorta-
lem, Solemque, & cælum, & genus
hominum qui hodie vivunt, quique
posthac victuri sunt, contestor, si non
optimo jure ac meritissimo tam fœ-
dam patriæ labem, infamiam, dede-
cus, ac turpitudinem deploro: neque
me *Matharelli*, aut *Massoni*, aut nescio
cujus ejusmodi rabulæ scabiosi ac sy-
cophantæ meretricia impudentia, aut
cujusquam palpatoris aulici pretio
conducta calumnia de hoc juvandæ
patriæ studio, (si Dei voluntas ferat),
dimovebit. Quid? an quisquam est, qui
cogitare illud sine lachrymis possit,
quod non modo clientes & benefi-
ciarii Romani Pontificis, & clerici ju-
rejurando ei devincti, & opimis sacer-
dotiis præditi, magnam illorum magi-
stratuum partem obtinent: verume-
tiam ij. qui se Laicos appellari volunt,
istiusmodi beneficiis in suos liberos
conferendis ejusdem Pontificis ty-
rannidi se, suamque fidem ac religio-
nem

nem venditant? Jam verò, de periurio passim toto Gallia usitato, quid dicemus? Vetus *Imp. Theodosij* lex est, gentium, ut opinor, omnium usu ac moribus comprobata, ut qui magistratum ineunt, publicè iusiurandum dent, se nihilo eo nomine neque per se, neque per alium dedisse, aut promississe. *l. ult. C. de repetund.* Hoc quidem iusiurandum, in Gallia quoque, omnibus magistratuum mercatoribus in Pariensi aliove Parlamento defertur: at quid dixi defertur? Imò verò confidenter accipitur, conceptisque verbis præstatur, cum tamen admodum pauci ac prope dicam nulli, tota Gallia numerari possint, qui non præsentinumerata ad manum quæstoris pecunia suum Officium, ac jurisdictionem sit mercatus. atque is primus sacris istis initiantibus aditus in Gallia patet. Age, reliqua videamus. Nam complures istiusmodi iudicium conventus qui ad dirimendas lites, ad cives judicialibus molestiis liberandos instituti sunt, meras esse litium officinas & ergastula,

quis ignorat? aut cui tandem notum in Gallia non est, litem semel institutam hominum istorum artificiis non modò immortalem reddi, sed etiam in alias complures propagari? Quod verò postremo loco positum est, cui non miserum atque indignum videatur, gentem Gallicam, omnium quas Sol videt ad bonas quasque artes, ac præsertim ad literarum, addo etiam ad pietatis studium aptissimam, tamen in calumniis litium, in sycophantiis exercendis, in sordibus denique rabulariis, quasi in cloacis ac latrinis exhauriendis ætatem consumere? quæ natio trecentis abhinc annis litium propè experta, Reipub. & (ut tum loquebantur) boni publici curam in annuis comitiis gerebat, eam in istis lutulentis sordibus occupatam, totam Reipub. curam paucis aliquot asseclis atque assentatoribus regiis permittere? Atque hujus ego morbi Rabularii (quam verissimè scabiem Gallicam appellare possumus) quo magis magisque

gisque originem investigo: eo magis in illa quam superius protuli, opinione confirmor, ut superstitionum lues ut alia complura, ex Romanorum Pontificum officina profluxerunt, sic rabulariæ artis disciplinam ex eorundem curia & jurisdictione ad nos defluxisse: quod peradmodum paucis poe Decretalici juris promulgationem annis contigisse constat. Nam in *Gratiani Decretum* (c. vides. 10. dist.) relata est *Epistola Leonis Papæ* (quem illi in Deorum suorum numerum retulerunt) ad Ludovicum I. utriusque Franciæ Regem & Imperatorem scripta, qua testatur, se Imperatorum legibus, & constitutionibus, & juri ab illis constituto parere. & in c. ult. ab eodem Imp. pro sua clementia petit, ut juris Ro. leges ubique observari velit, quinetiam exstat *Papæ Honorii III. Decretalis in c. 1. Ext. de Iuram. cal.* ubi dilucide ostendit, Papales clericos usque ad illud tempus Ro. juris legibus & Christianorum Impp.

constitutionibus , quæ in Codice Justiniani exstant , paruisse : iisque etiam in iurisiurandi controversiis usos esse. Ecquòdnam igitur (dicer aliquis , tantis malis remedium afferemus ? Causam quidem illorum omnium constat esse partim impietatem , partim incredibilem gentis nostræ superstitionem , quæ per eadæ illa tempora ex eodem illo fonte ad nos fluxit , quibus immensa caligo universum orbem Christianum obtexerat , & unico Christianæ religionis lumine extincto , sacris scilicet Bibliis obrutis ac sepultis , omnia densissimis superstitionum tenebris oppressa tenebantur. Quare si per nostros Alastoras , si per furias civilium bellorum incentrices licebit , vel (ut verius loquamur) per singularem Dei benignitatem dabitur , ut sacrorum Bibliorum auctoritas in Gallia valeat , & juvenus in iis studiis exerceat , non dubium est , quin , ut exorto Sole tenebræ fugantur , sic artes rabulariæ unà cum superstitione.

FRANCOGALLIA. 345

stitionibus ex eodem fonte deductis,
depellantur. quod ut Deus optimus
maximus propter Christi filii sui & E-
manuelis nostri gloriam nostræ
huic ætati concedat, toto
pectore ab eo precor,
quæsoque.

F I N I S.

Y s IN.

INDEX RERVM ET VERBORUM QUÆ HOC Libello continentur.

A

Abdicandorum Re-
gum jus penes po-
pulum 83

Adr. Turnebi opi-
nio in disquisitio-
nem vocata 50

Ædri à Romanis
consanguinei di-
cti 6

Æduorum potentia
6

Ægyptii in molibus,
Galli in litibus &
calumniis occupa-
ti 320

Amphictionum Con-
cilium 144

Anglorum regni ad-
ministratio qua-
lis 146

Anglicum parlamen-
tum 147

Anselmus Episcopus
Regis sui proditor

241

Apannagium 99

Aruernorum vete-
rum potentia 6

Attila victoria im-
manes 67

Attuarii Franci 63

B

Batavi Francis pri-
mi finitimi 50

Bellum boni publici
nominatum 268,

269

Bellorum justorum
non semper secun-
di eventus 60, 61

Blanca regina ma-
tris insana domi-
natio, & in-
fausta

I N D E X.

- | | |
|--|---|
| <p> <i>fausta</i> 302,
 312, 313, 314, 315
 <i>Bonifacii Papa ad</i>
 <i>Philipp. Franc. re</i>
 <i>gem litera</i> 256
 <i>Brunechildis regina</i>
 <i>matris insana do-</i>
 <i>minatio</i> 308
 <i>Brunechildis hor-</i>
 <i>rendum suppli-</i>
 <i>cium</i> 310
 <i>Baudilo regis inju-</i>
 <i>riose interfecto</i>
 86
 <i>Britones Britonan-</i>
 <i>tes veteris lingua</i>
 <i>Gallica reliquia</i>
 20, 21
 <i>Budei opinio de Pa-</i>
 <i>ribus Francia</i> 222
 <i>Budaus rabularum</i>
 <i>hostis infestissi-</i>
 <i>mus</i> 34
 <p style="text-align: center;">C
 <i>Casaris locus emen-</i>
 <i>datus</i> 13, 14
 <i>Calicis in Cæna ple-</i> </p> </p> | <p> <i>bi communicandi</i>
 <i>mos vetus</i> 307
 <i>Caninefates Franco-</i>
 <i>rum populares</i> 50
 <i>Capillitii Regalis jus</i>
 120
 <i>Capilli honoris caus-</i>
 <i>sa filio regis praci-</i>
 <i>debantur</i> 126
 <i>Carolus Magnus liti-</i>
 <i>gantes audiebat,</i>
 <i>& lite cognita,</i>
 <i>sententiam dice-</i>
 <i>bat.</i> 329
 <i>Caroli Magni filii re-</i>
 <i>ges à populo electi</i>
 72
 <i>Carolus Simplex à</i>
 <i>Francis abdicat-</i>
 <i>us</i> 90
 <i>Carolus Crassus rex</i>
 <i>à Francis abdicat-</i>
 <i>us</i> 88
 <i>Chauci & Chayci</i>
 <i>Francorum popu-</i>
 <i>lares</i> 44
 <i>Chil-</i> </p> |
|--|---|

INDEX.

<i>Childericus primus</i>	<i>Comes stabuli qualis</i>
<i>Francorum rex</i>	207
<i>abdicatus</i> 56. al-	<i>Comestabilii digni-</i>
<i>ter</i> 85	<i>tas</i> 208
<i>Childericus Mero-</i>	<i>Comines domus re-</i>
<i>vei filius primus</i>	<i>gia, Comites Pa-</i>
<i>Francogallia rex</i>	<i>latii</i> 195
65	<i>Cominii testimoniū</i>
<i>Chilpericus rex à</i>	<i>de Concilii auto-</i>
<i>Francis abdicatus</i>	<i>ritate</i> 274. <i>in</i>
88	<i>Concilio quibus</i>
<i>Chrotildis regina</i>	<i>de rebus agatur</i>
<i>matris insana do-</i>	174, 175, 177.
<i>minatio</i> 305	<i>Concilii auctoritas</i>
<i>Cicero differentiam</i>	<i>in Religionis ne-</i>
<i>statuit inter re-</i>	<i>gotiis</i> 230
<i>gem & regnum</i>	<i>Concilii auctoritas</i>
237	<i>in regem Ludovi-</i>
<i>Civitas, Regioque</i>	<i>cum XI.</i> 267
<i>magistratu eodem</i>	<i>Concilii jurisdictio</i>
<i>utitur</i> 2	<i>in controversiis</i>
<i>Colonia Agrippina à</i>	<i>de regno</i> 249
<i>Francis liberata</i>	<i>Concilii auctoritas</i>
62	<i>rege capto</i> 251
<i>Comati reges Fran-</i>	<i>Concilii Francogal-</i>
<i>cogalli</i> 115	<i>lici auctoritas</i>
	<i>quanta</i>

INDEX.

<i>quanta & qualis</i>	D	
144, 173, 174, 176	<i>Difficilius</i>	<i>nihil</i>
<i>Concilium quò refe-</i>	<i>quàm bene impe-</i>	
<i>ratur à Seyssello</i>	<i>rare</i>	140
126, 127	<i>Druyda scriptura nò</i>	
<i>ad Concilium voca-</i>	<i>utebantur</i>	14
<i>batur Princeps</i>	E	
<i>criminis insimu-</i>	<i>Edictum de ritibus</i>	
<i>latus</i> 179, 180	<i>Ecclesie Romano</i>	
<i>Concilium prisca Gal-</i>	<i>more servandis</i>	
<i>lie publicum</i> 4	<i>in Gallia</i>	23
<i>Consiliarii alii regis,</i>	<i>Elevare regem</i>	81
<i>alii regni</i> 140, 236	<i>Ephori regum custo-</i>	
<i>Criniti reges Fran-</i>	<i>des & observato-</i>	
<i>cogalli</i>	<i>res</i>	145
<i>Cristati Francorum</i>	<i>Ephorum jusju-</i>	
<i>reges</i>	<i>randum</i>	237
<i>Curatores regni</i>	<i>Eudo secundus Fran-</i>	
xxxvi. 272	<i>corum rex abdi-</i>	
<i>Curia regis, qua</i> 200	<i>catus</i>	94
<i>ire in curiam</i> 167,	F	
168, 169	<i>Faramundus à Fran-</i>	
<i>Curia ppl. R. Curiata</i>	<i>cis rex electus</i> 73	
<i>leges, Curiata co-</i>	<i>Faramundus Fran-</i>	
<i>mitia</i>	<i>corum non Fran-</i>	
246	<i>cogal-</i>	

I N D E X.

cogallorum rex 65	Franci Gallis com-
Fæmineo sexui Fran-	mixti 68, 69
ciolim subiici no-	Francorum jus in
lebam 304	primogēitura 105
Francus, id est, liber	Francogallica lingua
53	confusio quadru-
unde Francisia	plex 21
pro asylo ibid.	Francorum vete-
Franci à Papa male-	rum incunabula
dicti, si regem nō	44, 45.
Caroli Magni de	Francorum prodi-
stirpe habeant 206	giosa navigatio
Franci maritima-	& victoria 47,
rum rerum periti	48
44, 47.	Francorum nomen
Francica Lex 115	unde 56, 57, 58
Francogallorum gens	Francorum nomen
gemella, & unde	quam late propa-
nomen 65	gatum 36, 37,
Francogallia regnū	38, 39
non hereditarium	Francorum nomen
70. à quibus inter	antiquiss. 59
quatuor fratres	Franci & Galli pro-
divisum 108	miscuo nomine
Franci, id est, liber-	appellati 69
tatis auctores 55,	Fredegonda regina
59.	ma-

INDEX.

matris insana do-
minatio 307

G

Gallia totius factio-
nes dua 6

Gallia felicitas ante
parlamenta insti-
tuta 334

Galli prisci cum Ro-
ma. octingentos
annos pugnarunt
26

Galli prisci Romanis
formidabiles 27

Gallia prisca sub opti-
matibus 2

Gallica gentis virtus
ab antiquis de-
scripta 1

Galli prisci Germa-
nis formidabiles
27

Gallia prisca civita-
tis 2

Gallia comata 124

Gallia omnes in quot
provincias à Ro-
manis divisa 31,
32

Gallico sermone ju-
dicia exercere, quis
jussit 22

Gallis unde Latina
lingua consuetu-
do, & quid inve-
xit 21, 22

Gallorum priscorum
virtus militaris
27, 28, 29

Gallorum a Roma-
nis defectio 32,
33

Gallorum priscorum
Lingua 10. non
Graeca II, 12, 13,
non Germanica
19

Germanorum re-
ges non heredita-
rii 70

Gracia

INDEX.

Gracia veteris ad-
ministratio 143,
 144

Guill. Bellayi fabula
de Francorum o-
rigine 51

H

Heluetii quidam
Græcæ lingua non
ignari 15

Heluetii cur Suitti
vocati 52, 53

Hispanorum virtus
in rege coercendo
 148

Hugo Capetus qua
familia natus
 240, 241, 242.

Hugo Capetus regni
occupator 241. e-
jus astutum faci-
nus 244

I

Ioannis Turpini mo-
nachi libellus nu-

gatorius 56
Isabella regina insa-
na dominatio

316, 317.

Iuditha regina ma-
tris insana domi-
natio 311

K

Kal. Maii solennes
concilio Franco-
gallico 165

L

Lacedæmoniorū Res-
publ. qualis 145

Leges Francorum à
populo jubentur
 184, 105.

Lex verè regia à Ca-
rolo Magno lata
 329

Lex Salica 113, 114
 & deinceps

Lingua Francogal-
lica confusio 21

Litera Græca in
Fran-

INDEX.

- Franciam inve-* *Majores domus* 187,
ſta 18 188.
Litium propagatio *Maſſilienſium vete-*
ex Parlamentiſ *rum doctrina* 13
 335
Litium paucitas o- *Meroveus rex Fran-*
lim in Gallia in- *corum non Fran-*
credibilis 329 *cogallorum* 65
Loqui Romanum 41 *Mortuus rabularius*
Ludovicus rex con- 318
troverſiones di- *Mulieres an à procu-*
ſceptabat 329 *ratione regni ar-*
Ludovici Transma- *ceantur* 301
rini ad matrem *Mulier animal indo-*
reginam Blancam *mitum Catoni*
litera. plenaria 306, 307
potestatis 302 *Mulieres ſub tutela*
Lutetia rabularia 301
artis magiſtra 319

M

- Magiſtri Palatii* 187
Majeſtas regia, quæ
 163. *Ejus ſedes*
propria in conci-
lio publico 163

P

- Palatii Pariſienſis*
auctores 326, 335
Papa non abrogavit
regnum Childeri-
co, ſed popul. 197
Paparum auctoritas
in regibus abdi-

Z

can-

INDEX.

- candis unde nata* 195
Papa Stephani Epi-
stola mirifica 203
Papa Stephani som-
nium insigne 204
Pares Francie 211.
caussa instituen-
dorum 216
Pares à quo instituti
212
Parium potestas quo-
tuplex 213
Parium Curia 217,
219
Parium numerus
217, 218
Pariatus honor 222
Pares ad quorum ju-
dicium adduci pos-
sint 223
Parlamentorū mul-
tiplicatio ex liti-
bus 335
Parlamenti vocabu-
lum 321, 322
Parlamentum octo 320
Parlamentum pro-
prie colloquium
bellicum 162
Parlamentorum au-
ctoritas summa
323, 324
Parlamentum An-
glicum 147
Philippi Franc. regis
litera ad Papa fa-
tuitatem 257
Placidina Childeber-
ti mater exilio
damnata 317
Placitum quid 182
Plectrudis insana do-
minatio 310, 311
Plinii locus emenda-
tus 18
Populi Francici jus
in legibus sciscen-
dis 184, 185.
Populi & regis par
potestas olim in
Gallia 142
Pra-

INDEX.

Praefecti Aula 195

Principum contentiones concilii auctoritate componuntur 255

Provinciarum Romanarum servitus triplex 30

R

Rabularium regnum 318

Rabularia unde in Galliam introducta 328

Regalis capillitii jus 120

Regina mater pænis meritis affecta 310

Regina matris facinus atrox 204, 122, 139. *impium* 308, *crudele* 310, 311

Reges facillimè o-

mnium voluptatibus infatuantur 233

Reges Francogallia in bello capti 236

Regis perjurium calamitate populi expiatum 273

Reges suos Franci creabant 73, 74, 77, 79, 85, 110. & *regno se abdicare cogebant.* 55, 83, 84, 85, *eiiciebant ibidem.* 86, 87

Regum potestas 246, 247

Regere non debet, quæ regina esse nõ potest 303

Regna prisca Gallie non hereditaria 8 *eadem certis legibus astricta* *ibid.*

Regnorum contro-
Z 2 *ver-*

I N D E X.

<i>versia ad concilium delata</i> 249,	<i>inter fratres di-</i>
250	<i>visum</i> 109
<i>Regina custodes appositi</i> 317	<i>Regis alij consilarii,</i>
<i>Reges cum infinita potestate sunt Reges pecudum Aristoteli</i> 139, 307	<i>Alii regni</i> 140
<i>Regis carpento & bubus vehendi mos vetus</i> 163, 164	<i>Regis & Regni differentia</i> 232
<i>Regis libexis pluribus quid juris in ipsius hereditate</i> 93, 96, 97, 98, 105, 108.	<i>Regi curatores imponuntur</i> 272, 273
<i>Regnorum hereditates periculosa</i> 71	<i>Regum Francogallorum tres stirpes</i> 70
<i>Regi parere & servire diversa sunt</i> 55	<i>Reges prisca Gallia quales</i> 5
<i>Regis creandi mos Francorum vetus</i> 74, 75, 76, 77, 81, 82, 83	<i>Rex sine freno facile tyrannus evadit</i> 10
<i>Regnum Francorum</i>	<i>Rex dominium alienare sine concilii auctoritate non potest</i> 253
	<i>Rex Francogallia à populo eligebatur</i> 80, 81
	<i>Rex Francorum inedia laborat</i> 88
	<i>Rex à suis consiliariis vendi solitus</i>

INDEX.

END 140,141

Reipubl. forma præ-
stantissima quæ

134, 135, 136

*Rerum quæ in regis
dominio sunt qua-
drupartita divisio*

95

Romanum loqui 41

Romanorum tyrannis Gallis intolerabilis 34

*Romanorum artes in
exteris nationi-
bus inescandis 4*

S

Salii Franci 62

Salii & Salici Fran-
ci 115

Salici Franci ibidem

Salica lex *ibid.*

*Satellites priscorum
Regum Franco-
rum nulli* 130,

131

Scuto imponebatur

rex novus à Fran-
cis 81, 82, 83

Seditiones quædam

justæ quamvis
molestæ 270

*Stipendium Gallie à
Romanis imposi-*

14773 30

T

*Tacitus Francos li-
bertatis auctores
nominat 59*

Taprobanici Reges
frenati 145

Theodoricus rex à
Francis abdica-

tus 86
Τειχοχάρακτοι *reges*

Francorum 126

Trojanorum fabula
de Francorum

stirpe 51

Tyrannidis nota

Z 3 tri

INDEX.

<i>triplex</i>	129	<i>Virga consecrata</i>	
<i>V</i>		105	
<i>Venenum in calice</i>		<i>Utiliteris, id est, scri-</i>	
<i>Cæna dominica</i>		<i>bere</i>	15
306			

FINIS.







Ad

FRANC. HOTOMANI
FRANCO-GALLIAM

ANTONII MATHARELLI, RE-
gina Matris à rebus procurandis pri-
marii, Responsio.

In qua agitur de initio Regni Franciæ,
successione Regum, publicis negotiis,
& politia, ex fide Annalium nostrorum,
Germaniæque, & aliarum gentium,
Græcisque & Latinis Scriptoribus.



FRANCOFVRTI
Apud GEORG FICKVVIRT.

Anno M DC LXV.

THE UNIVERSITY OF CHICAGO

PHYSICS DEPARTMENT

RECEIVED

1964

1964



HENRICO III. CHRI-
stianiss. & invictiss. Fran-
ciæ & Poloniæ
Regi

ANTONIUS MATHARELLUS
Fœlicit. & Immortalit. optat,

CUM sæpius apud
me cogitarem
(Rex Christianis-
sime, Regumque
invictissime & optime) quo ge-
nere officij mandata Procura-
tioni tue generali, qua me di-
gnatus eras, satisfacere possem,
) (2 testa-

testarique non futurum Maje-
statì tuæ servum inutilem: non
potui ob temporis angustias per-
ficere quæ optabam, & spera-
bam, auspiciis clarissimi viri
Huraldi Chevernii, sacri scri-
pti tui magistri. Statim enim,
tanquam tibi foret destinatus
orbis, uno fermè momento, duo
Regna (quod nemini antè acci-
dit) ultrò sese offerunt, Poloni-
cum scilicet, cum totius Europæ
& Asiæ, imò orbis, desiderio &
expectatione: alterum, a virorum
tuorum, &, ut Plato ait, secun-
dum genus, Carolo Rege fratre
amantissimo & charissimo fatis
fun-

functo. Quod me ab instituto
aliquantulum revocavit, utpo-
te mandato munere cessante. Li-
cet enim non deesset animus, at-
tamen praecepta mihi quodam-
modo occasio videbatur aliquid
audendi. Præterea quid homun-
cio poteram dignum tanto Re-
ge? Proinde in his angustiis ad
Hotomani Francogalliam con-
vellendam, & latratum exulis
vinciendum, qui Regnum tuum
& Regni hujus politias subuer-
tere contendit, animum adjeci,
& tot doctis viris oscitantibus,
munus hoc lubens suscepi: eò fa-
cilius, quò adversus mendacia,

)(3 . qui-

quibus libellus ille scatet, veritatem pugnare sciebam: qua duce non dubitavi hostem illum profligatum iri. Itaque responsum adversus libellum hujusmodi, Majestati tuae (cui me totum addixi) dicare ausus, ea humilitate, qua debeo, offero. Accipe ergo, Rex Christianissime, munus hoc quantulumcunque servi tui, qui, si majores forent vires, majora erat oblaturus. Dominus noster Jesus Christus Majestatem tuam incolumen, Regnumque tuum conservet.

E Lutetia Parisiorum, 8. Id. Martij,
Anno à Christi nativitate, 1575.



IVDICIVM PAPIRII MAS-

soni de libello Hotomani.

IN famoso libello Francisci Hotomani plus iracundię est quàm scientiæ: & qui Jurisconsultum se esse profitetur, graviter in eo peccat, quòd jus suum tribuit nemini: nisi fortè antiquato veteri jure, novum nomen & adhuc inauditum Hotomanię scientiæ civibus suis exul mittit. Exulem esse turpe est, & patrię nihilominus desiderio teneri, cujus mores, ritus, leges, instituta plurimùm damnes. Multa ex Annalium monimentis de Francis & Francogallia ad mendacii sui defensionem, & oppugnationem sacrosanctę veritatis profert, malignè simul & impudenter aliquid falsi singulis capitibus addens de suo. *Gregorii Turonensis, Aimoini, Reginonis, & Sigeberti* monachorum testimonia probans, facit contra decus & dignitatem Geneuensis doctrinę, quę talium hominum, propter dissimilitudi-

nem religionis; Annales, quasi viliores Volusianis, improbare consuevit, Multus in eo est ut doceat, Reges in Gallia, spreto successionis jure, electos vocatosque ad regnum: quod si factum est, & rarò accidit, & exemplo, non jure factum constat. Quod enim exemplo fit, non etiam jure fit, Annis ab hinc sexcentis perpetua serie nostri Reges ad hæredes suos regnum transmisere: quod instar optimæ legis esse potest, ne tricennii præscriptionem aut centenariam opponam Jurisconsulto, cujus beneficio posteritas satis tuta esset. Neque novum est, propter ætatem, vel propter sacordiam paucorum Regum, jura successionis violata esse, ut sub Childerico accidit, quem gratia Pipini, Regni opibus apud Pontificem Zachariam, & Galliæ Proceres quæsitæ, dignitate & sceptro spoliavit, Rege illo natura imbelli, & ad omne genus otii relegato, cùm Reges toto anno in gurgustis portarent, & Calendis Maiis similes pinguibus porcis sese populo spectandos com-

FRANCOGALLIA.

committerent, ut Hotomanus ex *Cedreno* annotavit. Cujus orationem illam nescio an legerit, Reges Francorum *ἔγχεος* succedere parentibus suis solitos. Sed ille locus ad mendacii defensionem peti non debuit. Hoc violati juris exemplum in Childerico, renovatum est, & mox damnatum à Concilio Francorum, Carolo Simplice Rege, qui posthumus patri desertus est ab Aulicis infido hominum genere: & Reges dicti, Crassus urgente Normanico tumultu; post eum Odo, qui ipse supremis verbis proceres hortatus est, ut Carolum tandem agnoscerent legitimum hæredem, uti factum est. Sed vis iterum & carcer jura violavit, electo Rodulfo, bene judicantibus Superis, qui brevem tot falsis regibus vitam, diuturnam autem Carolo, modò Regi, modò privato, semper tamen afflicto, concessere: ut quod juris erat ad Ludovicū filium hereditatem transmitteret. Et ista pessimi nominis exempla Jurisconsultus proferre audet qui apud *Instinianum*

)(5 legit,

legit, non exemplo, sed legibus judicandum? Hugoni verò Capeto, fato funditis Caroli magni nepotibus, auctoritatem & gratiam, qua sibi Proceres, qua plebem & omne genus hominum devinxerat, iter ad regnum fuisse constat: cùm hominem clarissimis natalibus in Gallia natum majores nostri extraneis præferendum judicarent. Quod eventus docuit huic regno prodesse, nunquam tot seculis mota super judicio gentis querela. Nec satis erat Hotomanum, ut majestatis reus esset, fulminasse adversus Regiam potestatem, quam homines malenati ferre non possunt, Senatum Parisiensem jaculis veneno delibutis lacerare ausus est, qui in illo suo exilio (in quo æternum pereat) neque vidit neque unquam videre poterit quicquam augustius. Quid enim simile habent tabernæ Heluetiorum aut Germanorum popinæ vino madentes? Et quidem affirmare non dubito, in Basilica Parisiensi sola plures esse doctissimos homines & juris peritissi-

FRANCOGALLIA.

tissimos , quàm in altera patria magni hujus Catonis, qui non, ut ille, sapiens: sed, ut ille, potus in aliquo ænopolio, fortè hunc libellum furoris & insanix plenum evomuit : ut verissimè *Cujacius* dixisse videatur, quod penè præterieram, scripta Hotomani scutica egere. Hoc est judicium meum de Franco-gallia : quod nomen malus Grammaticus parùm apte junxit. Ad illos mendaciorum acervos. Vir clarus *Antonius Matharellus* ita respondit, ut possit cæteros à refutando deterre- re: nec rogati sumus ut responsioni ejus hanc brevissimam orationem ve- luti præviam insereremus. Quod fe- cimus , sponte factum est : ut sciat Hotomanus esse in Gallia Tyrones qui cum Æternino certare audeant. Tametsi quid necesse est hunc Æser- ninum dicere, qui Romani Marforii aut Pasquilli, nomen potius sibi vindicare debeat.



ANTON. MATHARELLVS
LECTORI S.


Libellum cui titulus est,
Hotomani Franco - gallia,
cùm percurrissem, inspe-
cto titulo existimabam, motus
quodammodo viri eruditio-
ne, quòd inter eruditos partes
non vulgares obtineret, aliquid
ad Iurisprudentiam intelligen-
dam, vel certè ad historiæ no-
stræ cognitionem, allaturum.
Nam Primum Caput eò spe-
ctare videtur, quo disputat de
statu Galliæ priusquam à Ro-
manis in provinciam redigere-
tur. Verùm cùm aliud agere, a-
liud simulare authorem com-
perissem, perculsit illico ani-
mum,

num, inani ista narratione fuc-
cum fieri. Sed ne opinio mea te-
mere concepta videretur, con-
sului doctissimos quosdam,
eosque acerrimi iudicii: quibus
cùm nihil huiusmodi lectione
viderint doceri, quàm Imperii,
legum, & politiarum nostra-
rum antiquarum solutionem,
plebisque adversus Regem &
magistratus suos secessionem
& rebellionem, idem fuit judi-
cium. Itaque detecta fraude,
placuit lectorem monere, ut le-
ctione illa penitus abstineat:
facile enim talibus libris mores
corrumpi possunt, potissi-
mùm si artificio & suavitate o-
rationis errores tegantur, ut fa-
cere solent qui veritati bellum
indixerunt: cùm tamen, si fu-
cum

cum verborum detrahas, nihil
præter nugas & mendacia eli-
cere possis. Cujus artificii tota
est Hotomani oratio, licet non
conviciis agat ut author libri de
furoribus Gallicis: neque vitu-
perando, sed laudando, quo
magis timendus est. Nulle enim
sunt occultiores insidiæ, quàm
eæ quæ latent in simulatione
officii, aut in aliquo necesitu-
dinis nomine. Nam cum qui
palam est adversarius, facile,
cavendo, vitare possis: hoc ve-
rò occultum, intestinum ac
domesticum malum, non mo-
dò non existit, verum etiam op-
primit, antequam perspicere
atque explorare potueris. Pro-
inde adversus hujusmodi libel-
lum Responsionem medita-
tus,

tus, in lucem emittere volui, ut
tandem patefactis & detectis
hujusmodi infidiis & menda-
ciis, sola nominis fama, qua tu-
mescere videtur author, non
adeò insultet, neque sibi solus
sapere videatur : lector autem
benignus comparatione possit
judicare quid inter veritatem
& mendacium intersit. Cæte-
rùm quid sibi velit Hotoma-
nus, & ad quam Rempub. nos
revocare contendit, ex se-
quentibus sciri po-
terit,





AD FRANC. HOTOMANI FRANCO-GALLIAM, ANTONII Masharelli, Reginae Matris à rebus procurandis primarii, Responsio.

PRIMO Capite, ut diximus, Hotomanus differit, quo in statu esset Gallia priusquam à Romanis in provinciam redacta fuisset, idque luculenter cettè, non tamen adeò latè, & ab origine, ut nihil desideretur: plurà enim de gentis antiquitate, & præclaris Gallorum gestis dicenda erant, prætermisissis quæ de eorum origine Berosus, Manethon, Metasthenes, Philo, Iustinus & alii veteres scripserunt. Nullus enim scriptorum fere inveniri poterit, quin eorum aliquam mentionem faciat: tanta erat ejus gentis belli gloria, quæ orbem fama nominis im-

a

ple-

plevit. Licet de nostris Gallis dici possit, quod *Salustius* de suis Romanis, illis nunquam copiam scriptorum fuisse. Quia prudentissimus quisque maxime negotiosus erat, ingenium nemo sine corpore exercebat, optimus quisque facere quam dicere, & sua ab aliis benefacta laudari, quam aliorum ipse narrare malebat. Constat tamen Galliam (antequam à Romanis petita armis fuisset) tam opulentam, tam validam, tamque populosam urbibus, civitatibus, vicisque refertam, & ornatam, ut nulla alia gens, populus, aut natio se illi æquare ausa sit, quemadmodum testantur historiographi & Græci & Latini. Quibus autem legibus & institutis vixerunt, in citatis ab Hotomano locis, nihil præter umbram & conjecturas quasdam invenies. Notum est tamen urbes primarias sui juris fuisse, nulliusque addictas imperio: easque populi & gentis nomine dictas & vocatas, licet in Gallia, ut *Cæsar* testatur, reguli plurimi fuerint, qui multos habebant clientes, quos

quos ambactos vocat. Sed hoc veritati eorum quæ dicta sunt nihil detrahit, nempe urbes & civitates sui juris fuisse, neminique (nisi illi cui à totius gentis conventu summa rerum permittebatur) paruisse. Solebant enim Galli quoties de totius gentis commodis, utilitate vel negotiis agebatur, conventum indicere, ad quem confluebant, ut *idem Caesar* refert, principes civitatum. Itaque non ineptè & insulsè diceremus, Gallias tunc fuisse, ut nunc sunt, in tres divisas ordines. Primus erat eorum qui sacra tractabant, quos Druydas vocabant, quorum tanta erat authoritas, *authore Casare, & Strabone lib. 4. Geographia*, ut nihil sive in bello, sive in pace, his nolentibus, & non suadentibus, tentatum extiterit. Ii enim, ut ait *idem Strabo*, præter cognitionem rerum & causarum naturalium, moralem exercebant disciplinam, qui & justissimi omnium erant opinione. Ideo & privata & publica judicia fidei eorum mandabantur, adeò ut rem bellicam indicarent, & martem

collaturi illis jubentibus desisterent, quibus capitis judicia permittebantur, & animas esse immortales existimabant. Secundus, nobilium regulorum: Tertius plebis nullius ferme pretii, ut *idem Caesar* testatur, & suo loco dicetur. Quæ certè egerent altiore indagazione, & longiore oratione, si locus hic pateretur, & non essent à quorum laboribus & vigiliis ista sciri possint. Dicam tamē de veteris gentis nostræ excellentia, magnitudine, rei militaris peritia, urbium & civitatum frequentia, quod Agrippa Rex apud *Iosephum l. 2. belli Iudaici, cap. 17.* Veruntamen, *inquit*, si aliquos magnæ causæ, ad defectionem incitare deberent, Gallos potissimum oporteret assurgere, quos videlicet tantis munimentis natura cinxisset: ab Orientali plaga, Alpium montibus: à Septentrionali, Rheno flumine: à Meridie, Pyreneis montibus: ab Occidente verò, Oceano. Sed tali munitione gaudentes, cccxv. gentibus numerosi, fontes autem, ita ut dixerim, felicitatis domesticæ

sticę habentes, omnibusque bonis penę totum orbem irrigantes: & quę sequuntur. Et ipse *Strabo* eo loci de Gallia sic loquitur: Nulla pars ipsius inculta jacet, excepto duntaxat, si quid paludes, ac sylvę coli prohibeant. Atqui magis hominum frequentia, quàm cura incolitur, aut diligentia: mulieres fœcunditate & educandi studio optimę, viri bellorum magis, quàm agricolendi studiosi. Quibus tamen addere dignum judico, ut notum omnibus sit, Gallos veteres insignes & fortissimos viros fuisse, unum aut alterum eorum fortitudinis exemplum. Primum est, quòd bello Cæsaris Africano, xxx Galli (dictu mirum) dicuntur duo equitum millia loco pepulisse & fugasse. Secundum refert *Strabo lib. 4.* nempe, Alexandrum Magnum Gallos quosdam milites interrogasse, quidnam maximè timerent: cùm ille existimasset, se, dicturos, (tunc enim Darium vicerat) responsum accepit; Nil aliud, nisi ne super ipsos cælum ueret. Et *Cæsar lib. 5. Commentariorum*

testatur, causas odii Gallorum adversus Romanos has fuisse : Tum maximè, *inquit*, quod ij qui virtute belli omnibus gentibus præferebantur, tantum ejus opinionis se deperdidisse, ut populi Romani imperia perferrent, gravissimè dolerent. Sed de his satis : ad secundum Caput venio.

IN CAP. II.

QUo quærit Hotomanus, quæ pri-
scis temporibus Gallorum lingua
fuisse videatur, & non planè solvit :
locus enim hic plenus est conjecturis,
cùm nulla horum temporum extant
illius idiomatis volumina. Sed ut nobis
ac illi liceat conjectari ac divinare,
existimo non multum differre ab hac
nostra vulgari qua hodie utimur, ut ex
eo apparet, quòd nomina earum re-
rùm quæ immutabiles dici possunt, ut
puta nationum, provinciarum, civi-
tatum, urbium, montium, sylvarum &
fluminum, videmus etiam hodie reti-
nuisse antiquum nomen, iisdemque
nuncupari nominibus, quibus olim,
pau-

paucis immutatis. Sic apud *Ammianum Marcellinum*, *Annalium lib. 15.* legimus, Ararim, quem incolæ Sauconam vocant: ut etiam hodie vulgari sermone dicitur. Præterea illius idiomatis apud antiquos scriptores extant nonnulla vocabula, quibus etiam hodie Galli utuntur, veluti apud eundem *Marcellinum eodem libro*, Exinde non millenis passibus, sed leucis itinera Galli metiuntur. *Suetonius in Vitellio, c. ult. in fine.* Cui Tholozæ nato cognomen in pueritia Beco fuerat: id valet, inquit ille, gallinacei rostrum. Et *Tacitus l. 3.* Quibus more gentis continuum ferri tegimen, Crupellarios vocant. Cacumina autem montium hodie etiam Burgundi, Arverni, & plerique Gallorum vocant Croupet, ut inde tractum dici possit. Plura apud *Gregorium Turonensem* exempla illius idiomatis legantur, veluti *l. 4. ca. 51.* Quos vulgo Scramafaxos vocant, & *l. 9. c. 28.* Cum duabus pateris ligneis, quas vulgo bachi-num vocant, & *appendix ad Aimoinum lib. 5. cap. 38.* Purprisiam pro villa. *Ibi,*

Et si aliquis nostrorum fidelium de regno patris sui purpream habet, jussu nostro illud dimittatur. Longè plura licet videre apud *Casarem*, veluti *Soldurios*, & hujusmodi. Alia in legibus & capitulis *Caroli Magni*; quæ, qui volet, quærat; ista sufficiant, cum nihil *Hotomanus* in contrarium adferat. Sed cum verum sit, quod ipse *Casar*, *Strabo*, & post eos *Marcellinus eodem libro* ajunt, Gallos, Celtas, Aquitanos & Belgas, lingua, institutis, legibusque discrepare, difficile est quæstionem istam solvere: cum etiam hodie discrepent, & dissentiant, ut vix invicem sese intelligant. Itaque viderit lector quid sequendum judicet. Non tamen placet, quod idem *Hotomanus* ex *Beato Rhenano* probare videtur, Britonum nostrorum linguam, idioma vetus esse Gallorum, cum nullum proferat præter *Rhenani* testimonium, & id sine ratione aut demonstratione. Imo verò non est probabile, illis solis permissum fuisse tum à Romanis, tum à Francorum Regibus, à quibus sub jugum missi

fuc-

fuere, & leges acceperunt, idioma Gallicum retinere, remotioribus scilicet Vasconibus, Aquitanis, & aliis non item. Præterea illorum historiæ eos profugos Britannos asserunt, tantum quisque sibi placet in mentienda origine, licet à vilissimis latronibus, piratis & hujusmodi, genus & originem jactent, hoc gloriosius ducentes, quàm proprium solum in quo sati, educati & nati sunt, authorem profiteri. Labet addere Britones penuria dictionum cogi miscere integras voces & dictiones gallicas, & eas præcipuè, quæ asserendi vim habent, veluti Certainement, Veritablement, & similes. Quantum verò attinet ad Britannos, quos Anglos vocamus, tantum abest idioma quo nunc utuntur, vetus nostrum fuisse gallicum, ut plerique volunt. Nam & ipsi leges patrias habent sermone Gallico scriptas, non multum dissimiles à Northmanorum legibus municipalibus, acceptas & atas, scilicet, à Guillelmo notho duce Northmanorum Regis Francogallici

a 5 clien-

cliente , postquam regnum Angliæ subegit , circa annum Domini 1068. Quod ait Hotomanus ex *Turonensi & Aimoino* , Francogallos usos literis & notis Græcis, nihil detrahit de hujusmodi opinionis veritate. Simile de Gallis *Cæsar in suis Commentariis lib. 6.* videtur annuere: *Ait enim ille*, cum in reliquis fere rebus , publicis privatisque rationibus, Græcis literis utuntur : qui tamen sibi ipsi non constat, imò dissentit. *lib. enim 5.* dicit, se ad Ciceronem epistolam misisse Græcis conscriptam literis, ne intercepta ab hostibus consilia sua cognoscerentur. Ego verò existimo, debellatis Gallis per Cæsarem, & ipsa Gallia vectigali facta, cum indicia & magistratus à Romanis acciperent, in judiciis & contractibus coactos Gallos Romana lingua uti: id enim ad conciliandos animos, in fideque retinendos provinciales, magnum sciebant habere momentum, ut *Plato lib. 4. de legibus.* Nam, *inquit ille*, quod genus unum est, unius linguæ, earundemque legum cum sacrorum & hu-

& hujusmodi communionem habet
 amicitia quidem inter se copulantur.
 Et *Cicero l. I. Officiorum* ait, plures gradus
 esse societatis hominū: ut n. *inquit ille*,
 ab illa infinitate discedatur, proprior
 est ejusdem gentis, nationis, linguæ,
 qua maximè homines conjunguntur.
 Inde à Romanis aliquando sancitum
 fuisse existimo, decreta latinè fieri in
 toto Romano Imperio. Quod observa-
 tum fuit in Gallia, donec Franciscus
 rex, hujus nominis primus, id vetuit,
 anno Domini 1539. Cujus adhuc fre-
 quens est usus in foro ecclesiastico, &
 eo utitur Ecclesia Catholica, nullo al-
 io admissio & recepto. Non esse maxi-
 ma observatione dignum quod Ho-
 romanus ait, nostrum idioma mixtum
 esse ex pluribus Latino, Græco & Ger-
 mano, melius si Germani loco (cu-
 us nullus planè unquam, aut saltem
 exiguus, usus in Gallia fuit) adjecisset
 italicum, Hispanū & Lusitanum. Sed
 nihil ex eo interri potest, Gallis, quem-
 admodū & Latinis, & cæteris propriū
 non fuisse idioma: idem n. dici posset
 de

de Latino, & quovis alio, cùm nullum sit, quod nō (sive à vicino, sive peregrino) aliquid sit mutuatum, si de crant nativa & propria. Non fuisse autem frequentem usum Gallis linguæ Græcæ, velex eo probari potest: Favorinus enim philosophus Arêlatensis cantatissimus apud *Aulum Gellium* gloriabatur, sibi tria contigisse. Primum, quod Gallus literas Græcas didicerat. Non tamen magis verum esse Gallos lingua Germanica aut Germanorum usos unquam fuisse, ut vult Hotomanus, manifestum fit ex ipsius *Cesaris Commentariis, lib. i.* Ait enim, se ad Ariovistum Germanorum regem misisse Marcum Valerium Procillum, propter linguæ Gallicæ scientiam, qua multa jam Ariovistus consuetudine utebatur. Non ergo erat idem sermo Germanicus ac Gallicus: nam si idem fuisset, non erat mittendus Valerius ob linguæ Gallicæ peritiā, quam non habebat Ariovistus Germanus propriam, imò ea tantum multa consuetudine utebatur. Extant hujus opinio-

opinionis duo gravissima & indubitata testimonia, *Lupi Ferrerensis* Archimandritæ in agro Senonensi, qui *epistola ad Immonem* sic loquitur, Simpliciter vobis aperio, principem operam me in Germania destinasse lectioni, & ad oblivionis remedium & eruditionis augmentum libros pauculos paravisse, nec Germanicæ linguæ caprum amore, ut ineptissimè quidam jactaverunt, sarcinam subiisse tanti tamque diuturni laboris, & alia ejusdem ad Marcuadum Prumiensem Abbatem, Inter alia quæ nobis jam plurima præstiti, linguæ vestræ pueros nostros fecistis participes, cujus usum hoc tempore nemo nisi tardus ignorat. Vixit enim Lupus temporibus Caroli Calvi Francorum & Germaniæ Imperatoris, ob id ait illo tempore linguæ illius cognitionem per necessariam ob commune commercium quod intercedere poterat inter Germanos & Francos. Aliud est exemplum *Sidonii Apollinaris l. epistolarum 6. epistola 5. ad Sisagrium*, quem Burgundio-

num

num vatem ridens vocat (Burgundi Germani erant, ut notum est) Velim dicas, *inquit ille*, unde subito hauserunt pectora tua euphonia gentis alienę. Ex quibus satis manifestum fieri omnibus existimo, Gallis proprium fuisse idioma, quo nunc utimur, licet corruptius, non Græcum, minus Germanicum aut Germanum, ut vult Hotomanus, qui nos etiam Germanos faceret, si posset.

IN CAP. III.

CApite Tertio de statu Galliarum Romanis in provincię formam redactę tractat Hotomanus, sed & ille locus pluribus egeret: extant enim apud *Tacitum*, *Suetonium*, *Lampridium*, *Spartianum*, *Dionem Cassium*, *Capitolinum*, *Pollionem*, *Vopiscum*, *Eutropium*, & ipsum *Marcellinum*, Imperatorum Romanorum, adversus Gallos magna & multa tyrannidis exempla. Cùm omnibus notum sit, Cæsare illum dictatore, milite Romano Gallias subegisse, Romanos autē milite Gallo, eorum-

mque operâ fidelissima & fortissima
 um semper fuisse adversus Pompeiũ
 samque rempub. ut satis ipse fatetur
 suis Commentariis; non tamen ita
 begisse, quin posteris multæ bello-
 m reliquæ superfuerint. Tandem
 osteri Imperatores coacti fuerunt
 omanum illud Imperium dividere,
 rtem unam Orientem vocantes, al-
 ram Occidentem: Occidentis partẽ
 illias vocantes ad continendos in fi-
 : provinciales, comprimẽdos & pro-
 bendos Alemannos, qui tunc irru-
 ionibus crebris Gallias vexabant.
 alliaẽ autem statum fuisse miserri-
 um dubitare non oportet, utpote
 t avarissimis & nequissimis domi-
 s, vel potius monstribus, coactam mul-
 seculis servire. Nam si observes,
 os principes Romanorum habuit
 perium, paucis exceptis, non ho-
 nes, sed immanissimas belluas & fe-
 , crudelissimosque tyrannos inve-
 is. De quibus probẽ *Vopiscus in Aure-*
lio. Vides quæso, *inquit*, quam pauci
 : principes boni, ut benẽ dictum
 fuit

fuit à quodam Claudii Scurra , In uno annulo bonos principes posse præscribi atque depingi. At contrà, quæ series malorum ? ut enim omittamus Vitellios, Caligulas & Neronas, quis ferat Maximinos & Philippos, atque illam ineruditæ multitudinis faciem, in quo numero ipsos , Commodum , Domitianum, Ottonem, Galbam, Heliogabalum, Triginta tyrannos, & similia monstra , comprehendere videtur. Ex quibus satis constat Hotomanum, cùm temporibus istis miserrimè Galliam afflictam & cruciatam sciat, non probare statum illum in quo tunc erat : neque ad rempub. horum temporum nos velle deducere, cùm patriæ suæ sit, ut ipse asserit, amantissimus.

IN CAP. IIII.

DE ortu verò Francorum, qui Gallia occupata ejus nomen in Franciam vel Francogalliam mutarunt, differit cap. 4. Hotomanus. Sed neque hac

hac parte satisfacere videtur. Nam quod ex *Nauclero* de Carolo Magno Rege Francorum ait, idem esse, ac si nominatus fuisset Rex Germaniæ & Galliæ: quod eo tempore, omnis Gallia transalpina, & Germania etiam à montibus Pyrenæis usque in Panthonnias, Francia dicebatur: illa quidem Germanica, Francia Orientalis: hæc, id est Gallica, Francia Occidentalis: non mihi videntur ad ortum Francorum aptandum. Certum enim est multis, ante Carolum magnum, temporibus, Regnum Franciæ satis stabilitum, multosque Reges habuisse, toti Galliæ & magnæ parti Germaniæ imperantes. Itaque ortum Francorum inde quærere nihil absurdius. Sed quia locus ille lubricus est, & non desunt auctores non contemnendi, qui Francos ipsos ascitos & extraneos dicunt à Germanis vel profugis Trojanis: Ego aliunde testimonia esse petenda existimo, in qua questione, ut in re incertissima, non consentiunt auctores, nec invicem satis sibi constanter

stant : Nam ut illa de Francione Hectoreo Troiano narratio tanquam fabulosa reiiciatur , in disputationem cadit , an Franci Germani sint , an verò Galli : an id nomen gentis sit , an verò factionis, eorum scilicet, qui pro libertate nomen illud sumpserint, quod vernacula lingua liberum etiam hodie significat. Quæ opinio non est vana, nec ab authore improbatur : licet primæ videatur assentiri , nempe Francos Germanos fuisse, ex illo *Naucleri* loco, & aliis ab eo citatis (credo ut in Germania jus civitatis facilius posset consequi.) Quæ tamen opinio improbari potest. Aliud enim est Francis & Germanis imperare, aliud Germaniæ & Franciæ, aut alterius vocabulo, alteram complecti; Nam & si verum sit, sub regno Pipini, Caroli Magni, Clotarii, & aliorum qui Franciæ & Germaniæ jura dederunt, unius vocabulo (Francorum scilicet) quicquid eorum parebat Imperio contineri : non tamen idem erat Gallia & Germania, alioquin dicendū esset, totum orbem

orbem qui Romano patebat Imperio, isto dici & nuncupari nomine, proprio provinciarum & nationum antiquato, quo nihil ineptius. Illud certe magis probarem, quod *Connanus*, vir doctissimus, in suis *Commentariis Iuris Civilis*, lib. 2. cap. 9. asserit, Francos non aliam quàm Gallicam habuisse originem, non Germanicam, aut Troianam, idque ex *Cesaris* lib. 6. *Livii* lib. 5. & *Beati Rhenani ad Tacitum*, à qua opinione multi, iique gravissimi viri non abhorrent. Certe non fuisse Germanos, quos *Ammianus* Alemannos vocat, mover me auctoritas tanti viri, & ipsius *Ammiani* fides constans qui Alemannorum & Germanorum seorsum à Francis crebram mentionem facit, nempe lib. 15. ubi sic ait: Alemannicis pagis, id est, Germanicis indictum bellum, Conlimitia sæpè Romana latius irrumpentibus. Et paulo post eodem lib. Ob quæ Alemanni sublati animis. De Francis verò eodem lib. ita: Hæc Malatichus subito nactus, etiam tunc squalens &

mœstus, suamque & popularis Sylva-
ni vicem graviter ingemiscens, adhi-
bitis Francis, quorum ea tempestate
in palatio multitudo florebat, erectius
jam loquebatur: ex quo solo loco fa-
cilè judicari potest, Francos Gallos
fuisse, inter Palatinos & milites præ-
torianos numeratos, & in castris Ro-
manis militasse, quod de Germanis
Alemannis, quibuscum bellum sem-
per fuit, non dicit *Marcellinus*, imò eos
ut hostes tunc Romani persequaban-
tur. Germanos autem Alemannos à
Marcellino dici, eumque his nomini-
bus promiscuè usum, probatur ejus-
dem *Marcellini* lib. his verbis: indica-
bat autem Coloniam Agrippinam
ampli nominis urbem in secunda Ger-
mania, *Et lib. 16.* Alemannicam aggre-
di plebem, *Et statim*, Eique adventan-
ti Germanorum manus. *Et paulò pòst*,
Hoc comperto residui Germani. *Ibi-*
dem, Quo ædificato constabat ad inti-
ma Galliarum, ut consueverant, adi-
re arceri Germanos. *Mox*, Quo dispa-
lato fœdo terrore, Alemannorum re-
ges

ges Chonodomarius & Vestralpus, quos *eodem lib.* Germanorum Reges vocat, in ea gravissima & memorabili pugna, cujus *circa finem ejusdem lib.* meminit, Juliani tunc Cæsaris mox Imperatoris adversus eos Reges : *ubi sic ille* : Hoc comperto Chonodomarius (quem paulò antè pluribus locis regem Alemannorum vocarat) jumento ac statim desiluit : & secuti eum residui idem fecere, nihil morati (nec enim eorum quisquam ambigebat partem suam fore victricem) dato ænactorum cantu, solemniter signo ad pugnandum, utrinque magnis concursus est viribus populi, propilabantur missilia, & properantes cito quàm considerato cursu Germani, telaque dextris explicantes, involavere nostrorum equitum turmas. *Ibidem*, Et cùm cornu sinistrum altius gradiens, urgentium tot agmina Germanorum vinimia propulisset. *Et paulò pòst*, Proinde Alemanni pulsus disjectisque equitibus nostris (de Germanis id dictum liquet, quos in principio initi

certaminis, equitum turmas Romanorum aggressos dixerat) sicque promiscuè istis nominibus, pro eadem re eodemque populo utitur. Aliter de Francis, quorum aliquos in comitatu fuisse Imperatoris dicit, & ideo populum fuisse à Germanis, sive Alemannis, separatim, nemo posthac ibit inficias. Quibus libet addere testimonium *Flavii Vopisci* in vita *Proculi*. *Ibi*: Nam Alemannos, qui tunc adhuc Germani dicebantur. Extat aliud *eiusdem Marcellini*, eodem lib. 16. circa principium, his verbis: Igitur Agrippinam ingressus, non antè motus est exinde, quàm Francorum regibus, furore mitescente, perterritis, pacem reipub. firmaret: Francos autem à Germanis sive Alemannis fuisse, ut nunc sunt, omnino distinctos & discretos, docet *idem author* l. 17. circa principium. *Ibi*: Severus magister equitum, per Agrippinam petens & Iuliacum, Francorum validissimos cuneos in sexcentis velitibus, ut postea claruit, vacua præsidii loca vastantes offendit: hac
oppor-

opportunitate in scelus audaciam erigente, quod Cæsare in Alemannorum secessibus occupato, nulloque vetante *Mox* : Ad quos eximendos periculo, multitudo Francorum egressa, cum captos comperisset & asportatos, nihil amplius ausa, repedavit ad sua castra. Ex quibus verbis verum esse quod diximus constat. Nempe, cum *Marcellinus* dicat Francos bellum Cæsari movisse, occupato in Alemannorum secessibus: Si Franci germani aut Alemanni erant, non ita loquutus fuisset Cæsarem occupatum in Alemannorum secessibus. Distinguit ergo author & separat eo loco Francos à germanis aut Alemanis, non facturus, si unus esset populus. Hæc opinio, clarius probatur *eodem lib. 17.* At Cæsar, *inquit ille*, hyemem apud Parisios agens, Alemannos prævenire studio maturabat ingenti, paratisque quæ necessaria videbantur, petit primum omnium Francos: Eos videlicet, quos consuetudo Salios appellavit, ausos olim in Romano solo apud Toxandriam
b 4 locum,

num vatem ridens vocat (Burgundi Germani erant, ut notum est) Velim dicas, *inquit ille*, unde subito hauserunt pectora tua euphonia gentis alienæ. Ex quibus satis manifestum fieri omnibus existimo, Gallis proprium fuisse idioma, quo nunc utimur, licet corruptius, non Græcum, minus Germanicum aut Germanum, ut vult Hotomanus, qui nos etiam Germanos faceret, si posset.

IN CAP. III.

CApite Tertio de statu Galliæ à Romanis in provinciæ formam redactæ tractat Hotomanus, sed & ille locus pluribus egeret: extant enim apud *Tacitum*, *Suetonium*, *Lampridium*, *Spartianum*, *Dionem Cassium*, *Capitolinum*, *Pollionem*, *Vopiscum*, *Eutropium*, & ipsum *Marcellinum*, Imperatorum Romanorum, adversus Gallos magna & multa tyrannidis exempla. Cum n. omnibus notum sit, Cæsare illum dictatore, milite Romano Gallias subegisse, Romanos autē milite Gallo, eorum-

rumque operâ fidelissima & fortissima
usum semper fuisse adversus Pompeiū
ipsamque rempub. ut satis ipse fatetur
in suis Commentariis: non tamen ita
subegisse, quin posteris multæ bello-
rum reliquiæ superfuerint. Tandem
posteriores Imperatores coacti fuerunt
Romanum illud Imperium dividere,
partem unam Orientem vocantes, al-
teram Occidentem: Occidentis partē
Gallias vocantes ad continendos in fi-
de provinciales, comprimēdos & pro-
hibendos Alemannos, qui tunc irru-
ptionibus crebris Gallias vexabant.
Galliæ autem statum fuisse miserrimi-
um dubitare non oportet, utpote
tot avarissimis & nequissimis domi-
nis, vel potius monstris, coacta mul-
tis seculis servire. Nam si observes,
quos principes Romanorum habuit
Imperium, paucis exceptis, non ho-
mines, sed immanissimas belluas & fe-
ras, crudelissimosque tyrannos inve-
nies. De quibus probè *Vopiscus in Aure-
liano*. Vides quæso, *inquit*, quam pauci
sint principes boni, ut benè dictum
fuit

fuit à quodam Claudii Scurra , In uno annulo bonos principes posse præscribi atque depingi. At contrà, quæ series malorum ? ut enim omittamus Vitellios, Caligulas & Neronas, quis ferat Maximinos & Philippos, atque illam ineruditæ multitudinis faciem, in quo numero ipsos , Commodum , Domitianum, Ottonem, Galbam, Heliogabalum, Triginta tyrannos, & similia monstra , comprehendere videtur. Ex quibus satis constat Hotomanum, cùm temporibus istis miserrimè Galliam afflictam & cruciatam sciat, non probare statim illum in quo tunc erat: neque ad rempub. horum temporum nos vellet deducere, cùm patriæ suæ sit, ut ipse asserit, amantissimus.

IN CAP. IIII.

DE ortu verò Francorum, qui Gallia occupata ejus nomen in Franciam vel Francogalliam mutarunt, differit cap. 4. Hotomanus. Sed neque hac

hac parte satisfacere videtur. Nam quod ex *Nauclero* de Carolo Magno Rege Francorum ait, idem esse, ac si nominatus fuisset Rex Germaniæ & Galliæ: quod eo tempore, omnis Gallia transalpina, & Germania etiam à montibus Pyreneis usque in Panthonias, Francia dicebatur: illa quidem Germanica, Francia Orientalis; hæc, id est Gallica, Francia Occidentalis: non mihi videtur ad ortum Francorum aptandum. Certum enim est multis, ante Carolum magnum, temporibus, Regnum Franciæ satis stabilitum, multosque Reges habuisse, toti Galliæ & magnæ parti Germaniæ imperantes. Itaque ortum Francorum inde quærere nihil absurdius. Sed quia locus ille lubricus est, & non desunt authores non contemnendi, qui Francos ipsos ascitos & extraneos dicunt à Germanis vel profugis Trojanis: Ego aliunde testimonia esse petenda existimo, in qua questione, ut in re incertissima, non consentiunt authores, nec invicem satis sibi con-

stant : Nam ut illa de Francione Hectoreo Troiano narratio tanquam fabulosa reiiciatur , in disputationem cadit , an Franci Germani sint , an verò Galli : an id nomen gentis sit , an verò factionis, eorum scilicet, qui pro libertate nomen illud sumpserint, quod vernacula lingua liberum etiam hodie significat. Quæ opinio non est vana, nec ab autore improbatu: licet primæ videatur assentiri, nempe Francos Germanos fuisse, ex illo *Naucleri* loco, & aliis ab eo citatis (credo ut in Germania jus civitatis facilius posset consequi.) Quæ tamen opinio improbari potest. Aliud enim est Francis & Germanis imperare, aliud Germaniæ & Franciæ, aut alterius vocabulo, alteram complecti; Nam & si verum sit, sub regno Pipini, Caroli Magni, Clotarii, & aliorum qui Franciæ & Germaniæ jura dederunt, unius vocabulo (Francorum scilicet) quicquid eorum parebat Imperio contineri: non tamen idem erat Gallia & Germania, alioquin dicendū esset, totum orbem

orbem qui Romano parebat Imperio, isto dici & nuncupari nomine, proprio provinciarum & nationum antiquato, quo nihil ineptius. Illud certè magis probarem, quod *Connatus*, vir doctissimus, in suis *Commentariis Iuris Civilis*, lib. 2. cap. 9. asserit, Francos non aliam quàm Gallicam habuisse originem, non Germanicam, aut Troianam, idque ex *Casaris* lib. 6. *Livii* lib. 5. & *Beati Rhenani* ad *Tacitum*, à qua opinione multi, iique gravissimi viri non abhorrent. Certè non fuisse Germanos, quos *Ammianus* Alemannos vocat, movet me auctoritas tanti viri, & ipsius *Ammiani* fides constans qui Alemannorum & Germanorum seorsum à Francis crebram mentionem facit, nempe lib. 15. ubi sic ait: Alemannicis pagis, id est, Germanicis indictum bellum, Conlimitia sæpè Romana latius irrumpentibus. Et paulo post eodem lib. Ob quæ Alemanni sublati animis. De Francis verò eodem lib. ita: Hæc Malatichus subito nactus, etiam tunc squalens &

mœstus, suamque & popularis Sylva-
ni vicem graviter ingemiscens, adhi-
bitis Francis, quorum ea tempestate
in palatio multitudo florebat, erectius
jam loquebatur: ex quo solo loco fa-
cilè judicari potest, Francos Gallos
fuisse, inter Palatinos & milites præ-
torianos numeratos, & in castris Ro-
manis militasse, quod de Germanis
Alemannis, quibuscum bellum sem-
per fuit, non dicit *Marcellinus*, imò eos
ut hostes tunc Romani persequaban-
tur. Germanos autem Alemannos à
Marcellino dici, eumque his nomini-
bus promiscuè usum, probatur ejus-
dem *Marcellini* lib. his verbis: indica-
bat autem Coloniam Agrippinam
ampli nominis urbem in secunda Ger-
mania, *Et lib. 16.* Alemannicam aggre-
di plebem, *Et statim*, Eique adventan-
ti Germanorum manus. *Et paulò pòst*,
Hoc comperto residui Germani. *Ibi-*
dem, Quo ædificato constabat ad inti-
ma Galliarum, ut consueverant, adi-
re arceri Germanos. *Mox*, Quo dispa-
lato fœdo terrore, Alemannorum re-
ges

ges Chonodomarius & Vestralpus, quos *eodem lib.* Germanorum Reges vocat, in ea gravissima & memorabili pugna, cujus *circa finem ejusdem lib.* meminit, Juliani tunc Cæsaris mox Imperatoris adversus eos Reges : *ubi sic ille* : Hoc comperto Chonodomarius (quem paulò antè pluribus locis regem Alemannorum vocarat) jumento ac statim desiluit : & secuti eum residui idem fecere, nihil morati (nec enim eorum quisquam ambigebat partem suam fore victricem) dato æneatorum cantu, solemniter signo ad pugnandum ; utrinque magnis concursus est viribus populi, propilabantur missilia , & properantes cito quàm considerato cursu Germani , telaque dextris explicantes , involavere nostrorum equitum turmas. *Ibidem*, Et cùm cornu sinistrum altius gradiens, urgentium tot agmina Germanorum vinimia propulisset. *Et paulò post*, Proinde Alemanni pulsus disiectisque equitibus nostris (de Germanis id dictum liquet, quos in principio initi

certaminis, equitum turmas Romanorum aggressos dixerat) sicque promiscuè istis nominibus, pro eadem re eodemque populo utitur. Aliter de Francis, quorum aliquos in comitatu fuisse Imperatoris dicit, & ideo populum fuisse à Germanis, sive Alemannis, separatum, nemo posthac ibit inficias. Quibus libet addere testimonium *Flavii Vopisci* in vita *Proculi*. *Ibi*: Nam Alemannos, qui tunc adhuc Germani dicebantur. Extat aliud *eiusdem Marcellini*, eodem lib. 16. circa principium, his verbis: Igitur Agrippinam ingressus, non antè motus est exinde, quàm Francorum regibus, furore mitescente, perterritis, pacem reipub. firmaret: Francos autem à Germanis sive Alemannis fuisse, ut nunc sunt, omnino distinctos & discretos, docet *idem author* l. 17. circa principium. *Ibi*: Severus magister equitum, per Agrippinam petens & Iuliacum, Francorum validissimos cuneos in sexcentis velitibus, ut postea claruit, vacua præsidii loca vastantes offendit: hac
oppor-

opportunitate in scelus audaciam erigente, quod Cæsare in Alemannorum secessibus occupato, nulloque vetante
Mox : Ad quos eximendos periculo, multitudo Francorum egressa, cum captos comperisset & asportatos, nihil amplius ausa, repedavit ad sua castra. Ex quibus verbis verum esse quod diximus constat. Nempe, cum *Marcellinus* dicat Francos bellum Cæsari movisse, occupato in Alemannorum secessibus: Si Franci germani aut Alemanni erant, non ita loquutus fuisset Cæsarem occupatum in Alemannorum secessibus. Distinguit ergo author & separat eo loco Francos à germanis aut Alemanis, non facturus, si unus esset populus. Hæc opinio, clarius probatur *eadem lib. 17.* At Cæsar, *inquit ille*, hyemem apud Parisios agens, Alemannos prævenire studio maturabat ingenti, paratisque quæ necessaria videbantur, petit primum omnium Francos: Eos videlicet, quos consuetudo Salios appellavit, ausos olim in Romano solo apud Toxandriam
b 4 locum,

locum , habitacula sibi figere præli-
center: quos dedetes se, cum opibus
& liberis, suscepit: mox debellatis
Chamavis eorum vicinis, sedato tu-
multu militari ob comēatus inopiam
in castris exorto. *Subdit*: Navali ponte
Rhenō transito, terris Alemanniorum
calcatis, & quæ sequuntur. Hic disertè
author Francos à Germanis nomine,
situ & re non minus separat, quàm Gal-
los ipsos; ad Rhenum enim usque
Gallias protendi ipse *Ammianus* post
Casarem & *Strabonem* fatetur. Itaque,
ut eò revertatur oratio unde digressa
est, & multis quæ ad hanc rem faciunt
prætermisissis: cum inde non magis sci-
ri possit, unde orti sunt Franci (quod
tamen disputat *Hotomanus* (quàm ex
iis quæ ab eo dicta sunt, non erit ab-
surdum, eos Gallos dicere. Si Galliam
ad Rhenum termines & Oceanum, ut
Strabo, *Casar*, ipseque *Marcel.* faciunt, qui
lic. 17. ait: Pace cum Francis composi-
ta, debellatisque Chamavis eorum vi-
cinis, navali ponte Rheno transito. Et
21. lib. gloriatur *Julianus*, quòd Fran-
corum

eorum populandi jugem licentiam fregisset, Rhenumque pervium fecisset. Nolo tamen negare, fuisse quosdam authores, & inter eos *Procopium lib. de bello Goth. 1.* qui non dubitarunt asserere, Francos Germanos fuisse, Galliasque invasisse: Sed nullis testimoniis aut repetita altius origine nisi eos dicas Germanos, quemadmodum Belgæ Gallifese fatebantur, ut *Cæsar refert lib. 2. suorum Commentariorum.* tantum quisque sibi aliquando placet, ut dixi, in mentienda origine, Itaque viderit lector, quid in re tam dubia & incerta sequendum existimabit: Non enim contradicendi studio hæc à me dicta sunt, sed veritatis quærendæ causa. Quæ de Chaucis asserit Hottomanus, quos Francis vicinos esse retur, non improbo; & eos dici à *Marcel. Chamavos*, locus ille *17. lib. ejusdem* annuere videtur. Romanam autem linguam usitatam in ea Galliæ parte quam à Francis occupatam dicit. Inde natum proverbium, Loqui Romanum, non inficior, licet satis *cap. 3. demon-*

b s

monstratum fuerit, Francogallis proprium fuisse idioma quo nunc utimur, corruptius & fortassis rudius quàm nunc, sed tamen ejusdem ferme prolationis & significationis. Cæterùm certum esse nemo negabit, ut jam à me dictum est, Galliam in provinciæ formam redactam, & vectigalem à Romanis factam, in judiciis & contractibus lingua Romana usam. Extant adhuc hujus opinionis magna & indubitata indicia, non tamen ex eo probatur, Francogallos Germanos fuisse, ut vult Hotomanus: licet enim id admitteremus, nihilominus non sequeretur, idioma nostrum esse vetus Germanorum, quod perfacile cum sedibus solet mutari: migrantes enim propriis sedibus assumunt facilè idioma ejus nationis, aut provinciæ ab eis occupatæ, vel in qua sedes constituunt, ut ex Turcis ipsis discere possumus, qui licet Arabicam linguam habeant propriam, & ea in suis prophanis sacris utantur, attamen Ilirica & Græca vulgari uti solent: nam
ut

ut *Livius* bello Asiatico ait de Gallo-
græcis, Planta facilè vertitur in id so-
lum in quo feritur: quod fit cùm in-
digenis exteri miscentur: ut de pro-
fugis Trojanis, Ænea duce, cum Re-
ge Latino, refert *Livius lib. primo ur-
bis condita*: & *Diogenes Laërtius* in So-
lonis vita ait: Solonē occupata Athe-
nienſium Repub. à Piſiſtrato profe-
ctum ad Cræſum Regem, à Cræſo
verò in Ciliciam: ibique urbem con-
didiffe, eamque ex ſuo nomine Solos
appellaffe, & in ea aliquot Athenien-
ſium collocaffe, quos tractu temporis,
cùm patriam vocem corrupiſſent
σολοικίζεν dictos aſſerit. Cæterum quod
poſtrema capitis parte Hotomanus
ait, Francorum exiguas copias Sici-
liam invaſiſſe, Syracuſas cepiſſe, ve-
rum eſt: innata enim illis fortitudo à
majoribus Gallis, indigenæ quorum
Franci ſunt, hoc effecit: quibus (ut
ſuprà diximus) familiare fuit, parua
manu magnum fugare exercitum. De
quorum etiam virtute *Saluſtius* ſic lo-
quitur, Facundia Græcos, gloria belli
gal-

Gallos ante Romanos fuisse. Plura ad hanc rem adduci possent; Sed aliò me revocat instituti ratio.

IN CAP. V.

Quæ proximo superiori capite dicta sunt, ad quintum sequens referri & aptari possunt. De ortu enim Francorum, nisi nomen cognoris, dicere non possis: & superius disputavit Hotomanus an esset nomen populi & nationis, an verò factionis, quod etiam hoc cap. disserit. Itaque quæ à me ad hanc rem dicta sunt, quæ cum ipsius authoris dictis consentiunt, lubens prætereo: nec ab hac opinione divellor, nempe Francos partem illam Galliæ habitasse, Gallosque re vera fuisse, nomen verò Francorum obscurum aliquando fuisse, non est incognitum: eorum enim nemo antiquorum meminit ante *Trebellium Pollionem*, & *Vopiscum* in vita Gallieni, & Aureliani, dicique de eis potest quòd *Tacitus circa finem lib. 2. Ignoti Gæcorum annalibus*,

bus, qui sua tantum mirantur, Romanis haud perinde celebres, dum sua extollunt, externorum incuriosi: Francis etenim, ut diximus, nunquam copia scriptorum fuit. Sic videmus magnum & formidabile toti orbi Ottomanorum nomen, licet parvis & obscurissimis initiis: sic Tammerlani, cujus origo adhuc ignoratur, qui totam Asiam uno momento subegit. Fuisse tamen in Germania, aut Alemannia, provinciam Franciam nuncupatam, quæ etiam hodie Franconia dicitur, nolo inficiari, vel eo *Marcel. lib. 20. loco*: fortassis quòd à Francis olim occupata armis fuerit, ut nunc tota Gallia Francia dicitur. Sed quàm obscurum fuerit tempore Constantis nomen Francorum, ex *Socratis ecclesiastici historiographi lib. 10.* patet, qui Francos gentem quandam vocat, his verbis: Nam gens quædam, quam Francos appellant, cum Romanis in Gallia constitutis, bellando confligit: & *cap. 13. ait*, Consulatu duorum Augustorum Constantii iij, & Constantis ij. Con-

Constantem Francorum gentem superasse, confederatamque reddidisse. Hoc Hieronymus presbyter ad Chronicon Eusebii ait accidisse circa annum Domini, 340. Eorum etiam meminit *Sidonius Apollinaris*, qui vixit temporibus Majoriani Anthemii & Aviti Imperatorum. Itaque non possum satis mirari, cum sæpius à Romanis pugnatum adversus Francos sit, dubioque Marte, originem tam validæ & pugnacis gentis, quæ postea imperium orbis, saltem occidentis, sibi paravit, prætermisisse: cum tamen magnum eo tempore fuerit nomen Francorum in Gallia, ut ex epistola ipsius Justiniani ad Francos patet; cuius meminit *Procopius lib. I. de bello Gothorum*, in hanc, ut ille asserit, sententiam, Nostræ ditionis Italiam per vim Gothi ceperunt, nec solum restituere nobis haudquaquam decernunt, sed injuria insuper nos afficere, nec toleranda quidem, nec mediocri: quocirca exercitus adversus mittere cogimur. Vos verò par fuerit,
nobis

nobis hoc bello ut auxilio sitis, quod utique utrique nostrum commune, rectior illa ac vera de Deo opinio facit, in Gothosque odium, ut Arianorum errores reiicientibus detestandos. Non tamen placet opinio eorum, quæ vult Francos dictos esse à ferocitate, quòd Valentiniano Imperatori stipendium recusarint: nomen enim illud multis ante Valentinianum temporibus fuisse, Regesque habuisse Francos, *Marcellinus* testis est. Quo autem tempore Regnum in Gallia constituerint, profligatis aut ejectis Imperatoribus Romanis, id longiore sermone & indagatione eger: institutumque nostrum excederet, si singula tractanda forent. Extant enim non pauci & contempnendi aucthores, ex quorum labore ista petenda sunt. Itaque ad cætera pergo.



IN CAP. VI.

Disserit Sexto Capite Hotomanus, utrum Regnum Francogalliæ hæreditate, an suffragiis deferretur, & de Regum creandorum more: quam quæstionem movet ille, non ut historiam nobis aperiat, sed ut Francogalliam satis seditionibus agitatum funditus evertat. Cùm enim populi iudicio & suffragiis Regnum nostrum deferri vult, ut de Regibus Germanis ex Tacito, & quem adhuc morem retinere Germanos, Danos, Suenos, & Polonos, ait, qui Reges in Concilio eligunt, ita tamen ut filii Regum præferantur cæteris: Quid, inquam, aliud vult, cùm tantopere electionem istam probet, ut ex sua sententia nihil sapientius, aut reipublicæ salutarius excogitari dicat, quam, formam illam, neque nobis, neque nostris tritaris cognitam, & quæ est memoria nostra tanquam quæ de lapetodicuntur, penitus exciderit, imò quæ nunquam fuit,

in-

inducere, nostrumque Regnum tam bene stabilitum & fundatum, ad illam terribilissimam, immanem, & sanguinolentam bestiam electionis reducere? Quod ille tamen sanctum & salutare vocat, & ex testamento Caroli Magni apud *Nacler. generat. 28.* confirmare nititur. Cum tamen ex illo testamento nihil, quod ad hanc rem pertineat, elicere possit. Continet enim divisionem totius Regni & Imperii ejusdem inter liberos, Ludovicum, Pipinum, & Carolum, idque per modum institutionis: tantum abest ut iudicio populi, aut concilii id permiserit. Sciebat enim nihil esse inconstantius, nihil mutabilius & periculosius, quam ab imperitæ multitudinis iudicio pendere, quæ (*ut inquit Livius Decad. 3. lib. 4.*) servit humiliter, aut superbè dominatur. Docet enim Imperium Romanæ urbis (quam æternam *Marcel.* vocat) quid inter successionem & electionem intersit, tot tyrannos, tot monstra passum, in tot partes divisum, ut tandem nullum sit relictum vestigium,

c

præ-

præter umbram quandam Imperii in Germania, quod tamen seditionibus & furiis agitatum extitit quandiu populi iudicio subnixum fuit ut tandem, mortuo Federico secundo, qui obiit anno salutis 1250. jus eligendi Imperatoris ad septem Principes Germanos delatum fuerit, tres Ecclesiasticos, quatuor Laicos, ut vocant. Quare ergo vocas sanctum & salutare bellorum seminarium, & quod consensu omnium explosum fuit. De electione autem Pharamundi ex *Aimoino*, non est cur tantoperè Hotomanus sibi placeat, neque locus ille *Aimoini* plurimum facit, qui magis intelligi & referri debet ad formam inaugurationis quàm electionis, vel ut verius dicatur, in Regem Francorum illum electum fuisse, fortassis propter sublatam veterum Regum stirpem. Multos enim Reges Francorum præcessisse Pharamundum ex ipso *Marcel. lib. 30.* patet. Meminit enim ille Mellobaudis cuiusdam Francorum Regis, quem domesticorum comitem vocat. Tandem
con-

constat, mortuo Pharamundo Clodius Crinitum ejus filium illi successisse, cui successit, ex *ejusdem Aimoini* sententia *cap. 6.* Meroveus ejus affinis, non electione, licet constet absque prole mascula Crinitum decessisse, sed successione: *Ait enim ille*, Regni Francorum gubernacula Meroveum accepisse: cui Childericus successit: Childerico ex *ejusdem Aimoini c. 12.* Clodoveus filius hæreditario jure, non electione. Quid plura? mortuo Clodoveo primo Francorum Rege Christiano, quatuor illius filii Theodoricus, Clodomirus, Childebertus, & Clotarius, regnum inter se æquali lance dividunt, ut verbis *Aimoini* utat, qui te jam, Hotomæ, quater mendacii arguit: in qua divisione, quæ aliter facta non judicabitur, quàm hæreditario jure, nullum consensum cōcilij accessisse satis constat. Atqui si ista non sufficiunt, series ipsa Regū post istos te etiā mendacem probat. Childeberto mortuo sine liberis, solus ex Clodoveo regnavit Clotarius, cæteris fratribus mortuis, qui etiā

ut idem author est, cap. ultimo lib. 2. reli-
quit filios regni hæredes: quorum hæc
sunt nomina, primus Cherebertus,
sequens Gunthranus, tertius Chilpe-
ricus, quartus Sigebertus, & sic de
cæteris Merovingis usque ad Carlo-
vingos. Ita enim Hotomanus proge-
niem Merovei & Caroli Magni appel-
lat. Sed ait *ex eodem Aimoino li. 4. cap. 51.*
mortuo Dagoberto Franci, Daniele
quendam clericum cæsarie capitis
crescente, in regnum stabiliunt, atque
Chilpericum nuncupant. At proh do-
lor, quantum sudoris impendit in
mendacio struendo! Debebat Juris-
consultus animadvertere, jura ad eas
res aut negotia aptari, quæ frequen-
ter accidunt, non quæ perraro. Sic
ille meminisse illius non debebat: à
Pharamundo enim, quem ille pri-
mum Francorum Regem nominat, ad
Danielem Chilpericum, trecenti anni
elapsi sunt, & sic jure hæreditario, &
non electione, per trecentos annos re-
gnum Francorum delatum extitit.
Pharamundus enim regnum adeptus
est anno Christi 420. *ex Tilio & aliis:*

ex

ex ipso Aimoino Daniel Chilpericus ann. 722. eo scilicet tempore, quo successio illa (quam tu Merovingorum vocas) defecit. Atqui non animadvertis, non successionem istis exemplis damnatam, sed successores. Nescis bonos principes, malos habuisse successores & hæredes, hæreditatem tamen bonam, justam & legitimam dici. Hic virus ostendit Hotomanus, hic quamente, quòve animo scripserit, docet, nempe unico exemplo regni successionem auferendam: imò quoties Hotomano & aliis seditiosis libuerit, Regem creandum. Sic Tyranni in Romano Imperio prætexentes Imperatorum quorundam ignaviam, Imperium Romanum arripuerunt. Occisis enim duobus Gallienis AA. xxx. tyranni Imperium Romanum lacerarunt, totumque vastarunt. Probo imperante, quem verè probum testatur *Vopiscus in ejus vita*, quatuor tyrannos Imperium Romanum sustinuit, Firmum scilicet, Saturninum, Proculum & Bonosum, quos tamen electio & favor

militaris provexerat, & fortasse non sine causa, saltem probabili. Vide quid sibi vult cantatissima tua electio, vide quo tendat: nempe ut suffragiis vilissimorum seditiosorum & factiosorum hominum Francogallia Reges habeat, posthabita propagine regia, eaque cælitus donata: imò, ut liceat Hotomano, quemadmodum Didio Juliano Jureconsulto, regnum empris suffragiis arripere: Eò enim tendunt illa exempla aut mendicata: eò tendit tota Hotomani oratio, eò spectat libellus. Sic Catilina statum reipub. Romanæ bene constitutum non ferens, bellum patriæ indixit, ascitis secum (*ut ait Sallustius*) quibus opes nullæ erant, qui semper bonis invident, malos extollunt, vetera odere, nova exoptant, odio suarum rerum mutari omnia student: turba atque seditionibus sine cura aluntur, quoniam egestas habetur sine damno. *Item*, Qui ubique probro, atque petulantia maximè præstabant: alii per dedecora patrimonii amissis; postremò omnes, quos flagitium

gitium & facinus domo expulerat. Præterea multi memores Syllanæ Victoriæ quod ex gregariis militibus alios Senatores videbant, alios ita divites, ut regio victu atque cultu ætatem agerent, sibi quisque, si victoria in armis foret, talia sperabat: Ascitis præterea tibi & tuis similibus, quorum parentes proscripti, bona erepta, jus libertatis imminutum erat: qui, *ut inquit ille*, haud sanè alio animo eventū belli expectabant: & quicunque aliarum atque Senatus partium erant, conturbari rempub. quàm nimis valere, ipsi malebant: & ut uno verbo dicam, quibus ille artibus rempub. Romanam, perdere cogitabat, Hotomanus cum suis nostrum Regnum à Deo constitutum, ope illius auctum & conservatum, evertere conatur: idem illi animus, eadem voluntas, idem præmium. Vide quàm bene *Salustius* de vobis in persona Catilinæ vaticinatus est: vide quàm benè tibi conveniunt, quæ de eo dicta sunt: restat & manet similis exitus: hoc enim seditiosorum

præmium est, ut tandem pœnas impietatis suæ persoluant. Nam, *ut inquit Marcellinus lib. 14. post Platonem,* hæc & hujusmodi quædam innumera-
 bilia, ultrix facinorum, impiorum bo-
 norumque præmiatrix operatur Ad-
 rastia, quam Nemesis & angelum ju-
 dicii, omnium malorum considera-
 tricem, *Plato lib. 4. de legibus* vocat: plu-
 ra, veraque, ad hanc rem dici possent,
 quæ prætermissa volui: non enim con-
 viciis cum istis ago, quos superiores
 hac parte scio. Sed veritate mendacia
 tollo. Proinde quod Hotomanus ex
eodem Aimoino lib. 4. cap. 67. ait, mortuo
 Rege Pipino, filio ejus Carolum &
 Carolomanum, consensu omnium
 Francorum Reges creatos fuisse, non
 magis probat suam electionem, quam
 locus Pharamundi. Sed quia Hotoma-
 nus per centones argumenta petit: e-
 go rem repetam, quam tamen silentio
 perpetuo non regendam, sed obruen-
 dam existimarem, quia exemplis tali-
 bus non territi mali, sed magis docti
 videntur. *Qua ratione Plato lib. 1. de le-*
 gibus

gibus culpat Cretensium fabulam de Ganymede, quod adversus Jovem ficta sit, ut cum ab eo (*ut ille inquit*) leges ipsorum originem habuisse credantur, cum Deum imitantes qui leges tradidit, hac etiam voluptate fruuntur. Et Terentianus ille Chærea exemplo fuci facti mulieri per Jovem, vim puellæ infert lubens. Benè igitur *Lampridius* protestatur in *vita Heliogabali*, ad Constantinum nunquam se vitam illius in literas missurum, ne quis fuisse Romanum principem sciret, imò magis ne imitaretur. Scio ego Regnum Francorum multos eosque probos, pios & Christianissimos habuisse principes: & ignavos quosdam, ut sunt res humanæ. Sic Romanum Imperium: sic denique regnum Judæorum: sic monarchia Assyriorum & Persarum. Nullum enim fuit regnum, nullus principatus, nulla denique respub. quæ bonos semper tulerit Principes, aut magistratus: eadem enim terra, ut ibidem *Lampridius*, & venenum fert, & frumentum: alia salutaria, alia con-

traria: eadem serpentes, & ciconias. Hoc tamen interesse inter bonos principes & malos, quod ij diu imperarunt, & exitu naturali ut plurimum functi sunt: alij amisso regno, vita denique miserè privati. Ii memoriam sui præclaram & optabilem reliquerunt: alij interfecti, tracti, tyranni meritò appellati: & cum vita, damnata eorum fuit memoria. E quorum numero, scilicet ignavorum, in regno Francorum, & è Merovingis fuere ultimi Chilpericus, antea Daniel dictus, Theodoricus Cala, & Childebertus stupidus: qui nudum nomen Regis habentes, summa rerum penes Carolum illum Malleum Austrasii Pipini filium erat. Cui facilè fuit, licet nomē Regium dicatur repudiasse, in suos regnum traducere: quod quia per successionem facere non poterat, tanquam alienus à Meroveo, alia via aggreditur, nempe partim vi, partim consensu eorū quos beneficiis sibi conciliarat & devinxerat. Itaque tribus filiis relictis, Pipino, Grifone, & Carolomano, duobus sub-

latis,

latis, Pipinus, consulto prius Zacharia Romano Pontifice, Rex Francorum appellatus est, & in Regem inunctus & inauguratus Bonifacii Moguntini episcopi manu, ut *idem Aimoinus* testatur *eodem lib. cap. 61.* mox ab Stephano summo pontifice, tunc in Gallia profugo, filii ejus Carolus, qui Magnus postea dictus est, & Carolomanus, Reges uncti fuerunt, ut *eodem cap.* quod Hotomanus silentio tegit, & solius consensus populi facta mentione, suam electionem ex illo *Aimoini* loco probare contendit, cum tamen locus ille, nihil ad illius mendacium & commentum faciat, ut cæcutienti patere potest. Quem etiam non juvat testamentum Caroli Magni, quo constat. Magnum, Ludovicum Pium scripsisse heredem Regni Francogalliæ, Bernardo nepote creato rege Italiæ, ut ex *Naucleri* loco supra citato liquet. Quod etiam *Aimoinus lib. 4. cap. 102.* testatur his verbis: Cujus rei nuntium (loquitur de Caroli Magni obitu) cum

cùm Ludovicus filius ejus in Aquitania apud Theoduadum villam, ubi ipse tunchybernabat, plurimis deferentibus accepisset, tricesimo postquam id acciderat die Aquasgrani venit, summoque omnium Francorum consensu ac favore patri successit. & quæ sequuntur. Quod autem consensus mentionem facit, ad electionem referri nullo modo potest. Sed intelligendum est omnium consensu, id est omnium votis, omnium expectatione & desiderio, quod clarum efficitur *lib. 5. cap. 10. Appendicis ad Aimoinum* his verbis: Venit ergo Imperator (loquens de Ludovico, quem à patre Diadema accepisse, *cap. 9.* dixerat) Aquisgrani in palatium, & à propinquis atque multis Francorum millibus cum multo favore est receptus, Imperatorque secundò declaratus. Quid plura? sedato tumultu, qui inter Pium & filios exortus erat, cum maximo Franco-galliæ incommodo, & horrendo tacendoque exemplo, à Pio regnum inter filios divisum testatur *idem Aimoinus lib.*

nus lib. 5. cap. 18. non electione populi: ut verum sit, non solum Merovingorum temporibus, sed & Carlovingorum filios in regno patribus successisse. Sed quia res humanæ instabiles & mutabiles sunt, & nihil est quod perpetuò stare possit, quemadmodum Merovingis perperam & per ludibriū administrantibus, ut superius docuimus summa rerum illis adempta est, & ad progeniem Pipini translata: Sic vicissitudine quadam, & occulto Dei iudicio ex Carlovingis, non minus luxuriosè agentibus, & administrantibus, transiit ad Capetum, sive in iustitiam prioris perfidiæ, sive quòd progenies Pii ita erga parentem sese impie gesserit: vindicat enim Deus & ulciscitur filiorum delicta erga parentes, etiam si fera sit vindicta. Cum enim, *ut sacra docet scriptura*, secundus à Deo honos parentibus debeat: Et, *ut Plato lib. 4. de legibus inquit*, putare quisque debet, omnia quæ possidet eorum esse qui genuerunt, & educarunt, ita ut illis omnia pro viribus ministrare debeat:

beat: Primùm quidem externa bona, deinde etiam corporis, postremò quæ ad animum pertinent: hæc omnia videlicet mutuo data, persolvens, & pro curis doloribusque priscis parentum, in senectâ recentes reddens, quando maximè indigent: in verbis quinetiam per totam vitam parentes venerari maximè deceat, adeò ut levium ac volatilium verborum gravissima immineat pœna: & ut ille ait, omnibus proposita sit Nemesis judicii angelus, hujusmodi omnium consideratrix: adeò ut oporteat iratis animûque explentibus cedere, seu verbis si ve rebus id faciant, non ignorantes patrem jure admodum filio valde succensere, si quando injuriam sibi fieri arbitretur. *Hæc ille.* Itaq; non mirum si parentum nequissimorum proles paternas luerit pœnas: quæ tamen quia Dei judicio summittenda sunt (qui ut dicebat Chilo ille Lacedæmonius, unus ex Septem sapientibus, excelsa deprimat & humilia extollit) latiùs proferre, nec pium nec æquum existimo.

Re-

Regna enim & potestates à Deo constitutas docet sacra scriptura, & Reges in manu illius esse: nec mirum si illi maximæ curæ sint, quos Pythagoricus Ecphantes vocat unicum & excellens quoddam opus, quia sit Imago superni illius Regis, creatori suo semper familiaris. Quod verò de Childerico Clodovei patre à suis expulso citat Hotomanus ex *Gregorio Turonensi, lib. 4. cap. 51.* non probat ille locus, electione in Francia Reges fieri: Aliud est enim Regem ob facinora pellere, Regno deturbare & deiicere, aliud Regem eligere. Prætereà non debebat vir ille ~~verus~~ illud exemplum proponere, utpote Regis idololatræ, & non Christiani: sed non veretur belluina illa exempla nobis adducere, dum modò mendacium suum illis juvare possit. Itaque aliud de Sigeberto ad Chilpericum è regno Franciæ deturbandum, evocatum à Francis quibusdam, magis tacendum quàm vulgandum. profert exemplum. Nam
cer-

certum est Sigebertum à quibusdam flagitiosis tui similibus evocatum: nec mirum, si spreto sancti Germani Episcopi consilio tragicè Sigebertus objerit, pœnasque infidelitatis luerit, ut ex eo *Turonensi* loco vidit Hotomanus, nec tamē erubuit proferre. Vide quomodo per scelera sit iter ad scelus: vide quomodo te prodis factiose: vide quam Rempub. probas, imò funestam tyrannidem. Quod ait Hotomanus, Sigebertū consentientē Francis Regē constitutum, ac Regnum Chilperici fratris sui adeptum, repugnat iis quæ à *Turonensi*, loco *suprà citato* dicta sunt. *Sic enim habet.* Spreto per Sigebertum sancti Germani consilio, eoque veniente ad villam (cui nomen est *Victoriacum*) collectus est ad eum omnis exercitus, à quo impositus clypeo Rex est salutatus: tunc duo pueri cum cultris validis utraque ei latera feriunt: at ille vociferans, atque corruens, non post multò emisit spiritum, & cum eo Charegillus cubicularius ejus. Habes præmium perfidiæ & proditionis: habes.

electionem certum est. Quibus addam externorum testimonium: sic enim *Georgius Cedrenus græcus historiographus*, in compendio sua historia (scripsit ille ab exordio mundi usque ad *Isaacium Comnenum Imperatorem Constantinopolitanum 1057*) memorix proditum est, Regem Franciæ consuetudine sic obtinente, Regnum per stirpem à majoribus suis ad se delatum gerere.

IN CAP. VII.

Eodem artificio Hotomanus quaerit, cap. 7. pluribus extantibus Regis demortui liberis, quid juris in hæreditate observaretur: nempe dum talia in dubium vocat, nihil aliud vult, quàm toties nostræ Reipub. incommodis expertas seditiones, & sopitas, adhuc redivivas facere & renovare: ut si qui audaciores sint, aut Hotomanicæ factionis, & novandarum rerum cupidi, non desint exempla partiti Regni contra jus fasque, Sed quia errores nō aliter

aliter tueri possumus, nisi exemplis,
 & qui exemplo peccat, non tam pec-
 casse quàm aliorum peccata imitatum
 esse, sæpè judicamus: Ista oratione
 Hotomanus longè ab arte boni & æ-
 qui quam profitetur, nostrum Re-
 gnum, quod priùs suffragiis & electio-
 ne populi deferri dixerat, divisum
 vult: & quærit, pluribus extantibus
 liberis, quid juris in hæreditate Re-
 gni observaretur. At non te pudet, ho-
 mo levissime, nunc hæreditarium fa-
 cere, quod prius arbitrio alieno, & li-
 beralitate Polonica, Dacica, Suetica,
 & Germanica pendere dicebas. Vide
 quàm parum tibi constes. Hæreditas
 est ea quæ in nostro jure dicitur suc-
 cessio in universum jus, quod defun-
 ctus habuit. Itaque cùm hæreditatis
 mentionem facis, te propriis pennis
 configis, & fateri cogeris, non ele-
 ctione, sed successionem Regnum hoc
 nostrum delatum semper fuisse. Ad
 tuam tamen quæstionem, imò potius
 schisma, ecce, Classice, quid sentiam.
 Nemo est qui nesciat Regnum Fran-
 d 2 corum,

corum, primis temporibus inter liberos masculos fuisse divisū. Locus enim ille filiorum Clodovei primi hoc abundè docet. Sed quanta ex hujusmodi divisione nata & orta dissidia sint, cum alter alterius imperio grassaretur, & portioni hæreditariæ inhiaret, debebas docere, ut saltem illorum exemplo alii discerent. sed vide fructum. Bellum inter filios Clodovei ex divisione ortum, *Aimoinus lib. 11. testatur, & apud eundem, cap. 21.* Theodoricus fratri Clotario parat insidias ob Regnum, Childebertus & Clotarius, nepotes ex fratre Clodomiro, insonites de medio tollunt, mox pugnant invicem. Chramnus adversus Clotarium parentem bellum parat. Præterea filii Clotarii propter Regni paterni successionem, movent inter se controversiam, *ex eodem lib. 3. cap. 1.* & sic de cæteris, quos recensere longum & miserum esset: Nec enim ista literis commisissem, tanquam obruenda perpetuo silentio, ni coëgisset Hotomani, qui plurimū hujusmodi
exem-

exemplis delectatur. Ad rem redeo. Hanc quæstionem non esse otiosam Hotomanus multis ait: Nam, inquit ille, cùm penes populi comitia, & publicum gentis concilium, non modò deferendi, verum etiam adimendi Regni summa potestas esset: Illud necessario consequitur, in ejusdem arbitrio fuisse, utrum omnibus æqualiter, an uni tantum, Regni successionem deferret. Sed cùm utranque propositionem falsam docuerim & consequens falsum esse necesse est. Itaque otiosa erit, imò planè anilis secunda quæstio, Si populus filio repudiato alium eligeret, ecquid tamen ad dignitatem suam tuendam reliqueretur. Quasi id acciderit unquam superstiti eo cui ademptum Regnum extitit. Vis ut ego externorum exempla proferam? nam ad Reges nostros id non pertinet, nec unquam pertinuit, ut testatur *Procopius*. Nerone occiso, Galba, Otto, & Vitellius Imperium arripuerunt, mox pugnando invicem conciderunt: ut ipsi Vitellio saluti

non fuerit, velle deponere Imperium, qui, *ut ait Suetonius*, soluto à latere pugione, Consuli primùm, deinde illo recusante, Magistratibus, ac mox Senatoribus singulis porrigens, quod signum erat depositi imperij. Sic Caracalla Bassianus Getam sustulit: & multi alii, quos recensere longum esset, ut præteream Germanicum doli Tiberii occisum, Diocletianum & Maximianum: hunc hausto veneno, alterum immisso percussore à filio. Non insulsè igitur Periander Corinthiorum tyrannus respondit roganti, cur in tyrannide peristeret: Quia, inquit, sponte & invitum cedere æquè periculosum est. Plura dicerem, nec deficeret oratio: sed tam horrida, tragica, & tetra electionis tuæ exempla, tibi (qui libens amplecteris) relinquo. Vide tamen quàm paruo momento tua labascunt fundamenta. At utinam hæsissem iis, quæ isto capite à te dicta sunt, de quadrifaria rerum, quæ in ditione principis sunt, divisione, ex Romana prudentia. Certè le-
ctio

Atio illa, in qua te multum versatum
& excellere nemo est qui nesciat, di-
gna esset tanto artifice. Sed cum bel-
la tonas, non facis ex tuæ disciplinæ
præscripto & instituto. Quod autem
subdis, Ergo Rege demortuo (si ad
extraneum) non probo quandiu pro-
les extat mascula, sive directo, sive
ex transverso. Si verò sint filia tan-
rùm, hoc locum habere, quod ait
Hotomanus, nempe aliquid filiabus
largiendum, tuendæ dignitatis Regiæ
causa: non tamen patrimonii, quod
domanium ex *Chopino* vocamus, vel
ex *Iust.* rem dominicam. Cujus illæ
moribus nostris incapaces sunt, sem-
perque fuere, ut satis liquet ex illo Ca-
roli Magni testamento apud *Naucle-*
rum: de filiabus enim sic statuit, Quæ
autem justè & rationabiliter à condi-
gno viro ad conjugium quæsitæ fuerit,
eique conjugalit vita placuerit, non
denegetur à fratribus suis, si & viri po-
stulantis, & fœminæ consentientis
honestæ & rationabilis fuerit volun-
tas. Ex quo apparet, nihil de dote

filiarum cavisse, imò totum hoc fratrum arbitrio reliquisse, cùm prius inter filios Regnum divisisset. Locum verò *Aimoini lib. 4. cap. 17.* de Dagoberto & Ariberto, quem alii Heribertum vocant, depravatum ab Hotomano esse, legenti patere poterit. Non enim (*ut ille vult*,) urbes & pagos prope Ligerim Ariberto fruendos dedisse Dagobertum, neque pepigisse cùm eo, ut privato contentus habitu, nihil amplius de paterno regno speraret. Imò verò (*ut inquit ille*) amicorum consilio, fratrem ex parte Regni consortem fecit, collata ei pròvincia, quæ à ripa Ligeris Vasconiam versus, extenditur, usque ad Pyrenei juga montis, qui Galliam ab Hispania determinat, & ea portione contentum, nihil amplius de paterno speraret Regno. *Addit postea*, adeptum portionē cum dignitate Regia, *his verbis*: Qui ubi partē adeptus est, sedem Regni Tholosam eligens, *& quæ sequuntur.* Quem *eodem lib. cap. 24.* Regem Aquitanix vocat: tantum abest ut tuendæ solùm dignitatis causa,

sa, portionem Dagobertus Ariberto largitus sit, ut vult Hotomanus. Nec magis verum est quod ille eodem cap. dicit, successionem regnî non hæreditariam esse, quod falsissimum suprà monstravimus. Et ille locus Dagoberti cum Ariberto ita convincit, & sua postrema narratio id probat: quod etiam ex *Agathio* (quem nominasse satis illi visum fuit) abundè testatum extitit. Vixit ille temporibus Justiniani, nostrosque Francos, & eorum instituta cum maximè laudavit, ut Græcis ipsis anteponat *lib. 1. circa principum, sic ait*: Franci igitur cum optimum degant id vitæ genus, seipsos imprimis, & proximos quosque pervinciunt: & ex parentibus filii Regna suscipiunt. Constat sanè Childebertum, Clotarium, Clodomirum, ac Theodoricum, germanos fratres fuisse: hi patre defuncto in quatuor partes divisum Imperium, quantum cognitione capere potui, æquam singuli partem civitatum & gentium acceperunt. *Idem Aimoinus ut suprà.* Ex quo saltem loco pote-

rat Hotomanus videre, regnum hoc ex parentibus filios accipere non electione, sed hæreditario jure. Sed quia locus ille *Agathii* multum detrahit de Hotomani concepta opinione, noluit libro suo inferere, ea scilicet ratione quod ille, ut dixi, instituta nostra plurimum probet, ac laudet. Non est ergò cur Hotomanus errores suos ignoratione tegat, cum ait certum hac de re jus Francogalliæ nullum reperisse. Cum tamen veterem consuetudinem pro lege esse, ipse ex discipline, quam profitetur, satis sciat: & in divisione non Regni, sed illustris cujusdam domus tantum, maximè si ducatus aut comitatus honore dignetur, morem veterem, destinationem & legem familiarem domus, sæpissimè jus facere, ut ille novit, & tamen malo animo ignorare fatetur: & ad populum, cujus judicium tam magnificat, vel, ut ipsius verbis utar, ad arbitrium publici concilii semper relatum falsò adseveret. Quod ille subjungit de Rege Philippo tertio, id ad jus appannagii,

nagii, vel, ut vult *doctissimus Burdinus* *Regius generalis cognitor*, ad portionem quæ ex Diademate vel Canone Regio delibatur, & fratribus masculis, & eorum masculis tantum addicitur, ex veteribus nostris institutis pertinet. De quo alibi, parcè tamen, nam extat liber hac de re *Chopini Andii Iureconsulti*, & *patroni causarum in Curia Parlamenti disertissimi*, nuper in lucem editus.

IN CAP. VIII.

DE lege Salica, & jure mulierum in Regum parentum hæreditatibus, hoc octavo cap. Hotomanus tractat: & certè hic locus planè difficilis est, quippe versatur in maxima caligine: nam hætenus satis incertum est, quo tempore lata fuerit hujusmodi lex, cujus tamen fragmenta extant: tandem constat, idque in dubiū non vocatur, Legem fuisse sive scriptā, sive non scriptam, quam tamen usus frequentissimus, receptissimus, & omnium antiquissimus approbavit: non enim leges
ob

ob hoc sunt, quòd scriptæ, sed quia receptæ. Sic Romæ Regibus extantibus, quemadmodum Lacedæmoniis nulum erat jus scriptum, donec ejectis regibus, repub. constituta, leges à duobus populis mendicatæ, in tabulas redactæ fuerunt, ut testatur *Livius*, & *Tacitus libro Annalium 3.* non tamen minus dicemus, Romanos sine lege, quòd scriptas non haberent. Sed quòd Francis leges fuerint, audi *Agathium eodem lib. 1.* De Francis nostris sic ille: Nam primo illo rejecto, & prisco vivendi modo, imperantium utitur institutis, tametsi tempore videatur non admodum dignitate defectior: nimirum cum Germani haudquaquam sint, ut plurimi Barbarorum, pastores: sed Romanorum politia & aliis institutis & multis utuntur: iisdemque legibus vivunt, & cæteris. Idem, ut in conventibus faciendis, & nuptiis medelisque eadem statuunt: sunt quippe omnes hi Christiani, & rectissimæ inter cæteros omnes opinionis: habent præterea per civitates antistites, sacer-

cerdotesque : festos insuper haud secus ac ipsi nos peragunt dies: & sanè hi mihi, & si cætera Barbari, moribus tamen videntur quàm optimis præditi, & maximum in modum civiles, nec habere quod à nobis faciat alienos, præter vestitus barbariem, & vocis innatæ sonum, linguæque. Quos equidem cùm ob eorum virtutes, tum ob in cæteros æquitatem, inter seque concordiam, mirum in modum admiratione ac laudibus prosequor, & magnifacio. Nam & si antehac sæpè, & nostris his quidem temporibus, in principes tres, pluresue eorum sit partitum Imperium, nunquam tamen in invicem bella suscepisse hos constat, nec civili patriam sanguine inquinasse. Quum alioquin ubi magna esse videntur, & non impares aut dubii potentatus, ibidem & necessarium sit omnino, & multis de causis inflatos animos fieri, honorumque exoriri & primatus cupiditates, & infinitos alios animorum affectus, ut perturbationis ita & seditionum plenissimos: apud hos

hos tamen, & si divisa Imperia sint, nihil prorsus offertur hujusmodi. *& quæ sequuntur.* Ex quo loco satis infertur, Francos non ex leges fuisse, imò optimis legibus & institutis semper usos, in Regni & Imperii successione: quod, *ut mox dicit*, filii ex parentibus suscipiunt, ut clarius sit ex altero *ejusdem authoris lib. primi loco.* *Ait ille.* Theodoberto mortuo (is erat filius Theodorici filii Clodovei) Theodobaldus filius Regnum suscepit, quem, & si juvenis admodum esset, & sub pædago adhuc nutriretur, lex tamen patria ad paternum Regnum vocabat. Habes, Hotomane, quod te tantopere torfit, nempe legem patriam filios vocare ad Regnum. Lex ergo apud Francos de Regno semper fuit, quam Saliorum fuisse, id est Francorum, ita enim eos *Marcellinus* vocat, non erit absurdum dicere, indeque etymon traxisse, dictamque Salicam. Torquebit te etiam locus hic, ex quo non electione sed lege patria, & hereditario jure, Regnum deferri dicit: quòd cum tibi ignotum
non

non extitisset (citasti enim *Agathium*) de industria omisisti: &, ut conjectari possum, expunxisses & detraxisses de authoris libro, ut tuum de electione Regnum nostrorum commentum veritatis umbram prætexeret. Non male igitur *Gaguinus*, & cæteri nostri scriptores, & inter eos *Chopinus*, & *Guillelmus Postellus* post *Sesselium*, hanc legem Pharamundo tribuunt, quibus assentiri videtur locus ille *Agathii*, qui hanc quæstione claram reddit. Tandem nemini dubium esse potest, nisi his qui omnia vocare in dubium solent, quæ sibi non probantur, legem fuisse: & illius extant plurima manuscripta exemplaria. Ex quibus falsum esse ostenditur, imò falsissimum & notæ imposturæ, quod *Hotomão* placet, legis illius capita, non de publico Regni jure, sed de privato fuisse, ut legis illius verba clare sonant, nec egent cavillatoris, aut Sophistæ cujusdam interpretatione quæ sic habent: De terra Salica nulla portio hæreditatis mulieri veniat, sed ad virilem sexum tota ter-

terræ hæreditas perveniat: quod de
sacro principis patrimonio & regno
dictum esse quis dubitabit? cùm ex-
clusis fœminis, solos virilis sexus vo-
cet: neque nisi assertor mendacii, aut
tui similis, ausit negare, exclusa filia
portione terræ Salicæ, regno justè pos-
se inhiare: furentis enim vesaniæ ei set,
& omnino desipientis, cui portio
quantulacunque negatur, totum pe-
tere velle: & tamen aliter sentit Ho-
tomanus, & audet ille legum nostra-
rum horrendus corruptor & depra-
vator contra morem majorum nullo
exemplo, nullo authore, fœminas ad
regni successionem vocare: quum in-
ter omnes authores conveniat, nul-
lam fuisse gentem quæ minus passa sit
mulieres regnare, quàm Francogal-
los quos vocas: dico vocare: quid e-
nim aliud vult ille pseudo-francogal-
lus, cum ait, nullum nec Salicæ, nec
Francicę extate statutum, quo mulie-
res à regni hæreditate arceantur? id-
que tantum more gentis tanto secu-
lorum consensu confirmato, quod
legis

legis scriptæ vim obtinet, quasi velit dicere, legem non esse : cum tamen *Vlp. l. 1. de off. proconsul. & Hermogenianus lib. 1. Iuris epitomarum* doceant, quæ longa consuetudine comprobata sunt non minus quàm ea quæ scripta sunt jura, servanda : & *Paul. lib. 7. ad Sabinum* tantum huic juri tribuit, & in tantum probatum esse asserit, ut non necesse fuerit scripto id comprehendere : notum enim est scripturam magis legem continere, quàm facere, quemadmodum de nostris statutis municipalibus dicere possumus. Nullum enim in tota Gallia antiquitus jus municipale scriptum fuisse nemo nescit, & quod in scriptis redactum extitit non est antiquius centum annis : cum tamen omnibus notum sit, Galliam aut Francogalliam suis legibus municipalibus & consuetudinibus perpetuò usam, ut *Agathius loco supra citato, & Caesar Commentariorum lib. 6.* testantur. Illius enim consuetudinis aut legis, quæ de re uxoria & societate inter virum & uxorem est, penè in tota

e Fran-

Francogallia, meminit Cæsar his verbis: viri quantas pecunias ab uxoribus dotis nomine acceperunt, tantas ex suis bonis, æstimatione facta, cum dotibus communicant: hujus omnis pecuniæ conjunctim ratio habetur fructusque servantur: uter eorum vita superarit, ad eum pars utriusque cum fructibus superiorum temporum pervenit. Cæterum, communi lege Francogallorum, fœminas à regni hæreditate arceri, tum usus omnium antiquissimus, & hætenus observatissimus, tum caput legis Salicæ id manifestum faciunt. Qui autem legem hanc Philippo Longo tribuunt, hi planè cæcutiunt: Nam sexcentis amplius ante eum annis, nempe à Pharamundo usque ad tempora Longi, legem illam sive scriptam sive non, semper viguisse manifestum fit ex supradictis. Nec solum apud Francos lex illa viguit, sed eodem fermè tempore in Africa apud Vandalos: Narrat enim *Procopius lib. 3. de bello Vandalico*, Gyericum Regem testamento cavisse, ut soli qui pro-

proximi essent virilis sexus, atque inter eos, soli majores natu, sibi & posteris Vandalicis Regibus succederent. Ad di multa possent: sed quia locus ille eget altiore indagatione & observatione, & sunt qui nihil intactum hac parte reliquerint, prætermissa volui. Interim sufficiat docuisse, legem Salicam non esse commentum, ut vult Hotomanus, & antè eum Gallicus quidam scriptor hujus temporis, plus superciliorum gerens, quàm doctrinæ. Sed jus antiquissimum fuisse Franco-gallorum, quo soli masculi vocantur ad regni successionem, idque gradatim, & secundum ordinem divinæ naturæ, secundum quàm omnia quæ rectè facta dicuntur, ordine & successionem facta sunt, ut eventus probat, qui omnia solet probare. Nullum enim est in toto orbe, fuit, aut erit, diuturnius Regnum, & Imperium, quàm Francorum: istis scilicet duobus fundamentis: primo, quòd filii Regnum à patre accipiunt, nō electione, sed successionem: secundo, quòd mulieres à re-

gno arcentur : Regna enim longiora
& firmitiora successione, quam electione
semper fuisse, Imperium illud, ut
dixi, Romanum, discerptum & è me-
dio sublatum exemplo nobis esse po-
test. Itaque bene vocat *Plato* Regnum
optimæ gubernationis statum, illud-
que bifariam scindens, aliud ait esse
secundum legem ut Carthaginien-
sium: aliud secundum genus, ut Lacedæ-
moniorum, Macedonum, & simi-
lium. Per genus autem Lacedæmonio-
rum Reges dominantur, *ut inquit ille*:
nam ex genere Regnum sortiuntur.
Eodem modo & apud Macedones,
Reges imperant: quippe & illic Re-
gnum ex genere institutum est, quam
formam ille magis probare videtur.
Qui autem legem illam Salicam feu-
dis tantum tribuunt, Ducatibus scili-
cet, Comitatibus & huiusmodi, hi
majore errore ducuntur. Ducatus e-
nim, Comitatus & huius generis, offi-
cia tantum & dignitates virorum tem-
porales olim erant & non heredita-
riæ, in quibus non magis filiis quam filia-

filiabus portio debebatur , nisi Regis beneficium filii meruissent, ut notum est : unde ad Regni successionem latam, ex supradictis dicendum est.

IN CAP. IX.

NOnum Caput quod de jure Regalis capillitii est, non eget majore observatione. Ipse enim Hotomanus, & ante eum *Beatus Rhenanus*, à quo orationem fere totam sumpsit: & ante *Rhenanum Agathius, Turonensis, Aimoinus*, id docent. Miror tandem tam fœdè lapsus Hotomanus, ut existimet Clotildem Reginam, ex *Turonensi lib. 3. cap. 18.* maluisse caput, potius quàm comam nepotibus ex filio Clodomiro abscindi ; non enim illam ob comæ amputationem, tam asperam, cruentamque mortem filiis optasse credendum est : quod coma paucis emensis diebus renasci, crescere & reviviscere poterat, ut de Gundobaldo, qui se Clotharii Regis filium assererat, cui licet à Clothario Clotharii primi filio

coma fuisset amputata, mox à Sigeber-
to Clotharii fratre non destitit Re-
gno inhiare, Ennii cognomento Mum-
moli duois opera, & factione, crescen-
te cæsarie, *ut idem refert lib. 6. cap. 24.*
Sed videbat Regina, ista amputatione
comæ nepotes Regno paterno deje-
ctos, & in monasterium trufos, vel cle-
ricos factos, quod apertè indicant ver-
ba Reginae apud eundem: Satiùs e-
nim mihi est (inquit illa) si ad Re-
gnum non eriguntur paternum mor-
tuos eos videre, quàm tonsos, id est
fieri clericos, aut monachos. Sic enim
vocat *Turonensis* capillos incidere *eo-*
dem lib. 3. cap. 18. ubi ait Clodovaldum,
postpòsito Regno terreno ad Domi-
num transisse, & sibi manu propria,
capillos incidisse, clericumque fa-
ctum, bonisque operibus insistentem,
presbyterum ab hoc mundo migrasse:
& *lib. 2. cap. 41. ait*, Clodoveum pri-
mum Chararicum Regem circumven-
tum dolis cepisse cum filio, victosque
totondisse, & Chararicum presbyte-
rum, filium verò ejus diaconum ordi-
nari

nari iussisse, filiumque patri ægrè admodum ferenti & flenti respondisse, In viridi ligno hæ frondes succisæ sunt, nec omnino arescunt, sed velociter emergent, ut crescere queant, Hæc ille. Itaque non est credendum Clothildem, solius comæ amputatione adeò territam extitisse, tamque efferam, ut potius caput, quàm capillitium nepotibus abscindi optasset, quam *idem Turonensis lib. 4. c. 1.* bonis operibus præditam dicit: Nolo tamen negare, Reges primos Francorum, & qui Regii erant stemmatis, comam aluisse, ex *eodem Turro. l. 6. c. 24.* Sic enim ille de Gundobaldo: Cùm natus esset in Galliis, & diligenti cura nutritus, ut Regum istorum mos est, crinium flagellis per terga demissis. & *quæ sequuntur.* Quod etiam probatur ex illo *Agathii loco lib. 1.* ab Hotomano citato: quem quia Hotomanus mutilum omisit, subiicere non erit otiosum, tum in gratiam eorum qui authore carent, tum ad docendum verum *Agathium*, neque Clodomirum pro Clodoveo, ut ille

ait,

c 4

ait, accepisse, sed de Clodomiro Clodovei primi filio, qui bello adversus Burgundiones quod susceperat hortatu matris Clothildis occidit. *sic habet.* Clodamirus verò, nostri Clodomirum vocant, haud longè post adversus Burgundiones, qui & Gothicæ sunt nationis, ductavit exercitum, qui cùm suapte natura, & insolitè esset ad res bellicas promptior, pectus telo transuerberatus occiditur: eo cadente mox Burgundiones coma animadversa profusiore, quæ illi ad tergum protendebatur, sensere se hostium Ducem occidisse: Neque enim faserat Francorum Imperatoribus, comam tondere, sed à pueris intonsi manent: atque adeò ut à tergo eis defluant crines, nam à fronte discriminati utrinque feruntur: nec sanè Turcarum more, Barbarorumque, impexi & squallidi, sordidioresque capilli his sunt, vel aliàs calami trati & indecenter perplexi: sed varia his superinfundunt unguenta, & diligenter plectendo expoliunt: idque perinde præcipuum,

puum, & regium decus constitutum est, solis ut Regibus permittatur: nam subditi circumtonsi sunt omnes, nec prolixior eis coma conceditur. Loqui autem *Agathium* de Clodomiro & non de Clodoveo, ut perperam & nullo authore vult Hotomanus, manifestum fit ex *eodem*, paulò antè. Constat, *inquit ille*, Childebertum, Clotharium, Clodomirum, ac Theodoricum germanos fratres fuisse, quos fuisse filios Clodovei primi *Aimoinus* 1. cap. lib. 2. testatur. *Sic enim ille*: Quatuor filii Clodovei, Theodoricus, Clodomirus Childebertus, atq; Clotharius, Regnum inter se (æqua lance) dividunt. Certum etenim est, nec unquam in dubium ab aliquo hætenus vocatum, nisi ab ipso oscitante Hotomano, tum ex ipso *Turonensi*, tum ex *Aimoino*, Clodoveum primum non in bello, sed in lecto diem obiisse, bello adversus Alaricum Gothorum Regem confecto. Præterea tantum abest ut male pugnarit adversus Burgundiones, & in eo prælio occiderit, ut vult Hotoma-

nus: imò verò ut *idem Aimoinus c. 19 l. 1.* afferit, gessit bellum Clodoveus contra Gundobaldum Regem Burgundionum, exercitumque ejus ad inter necionem delevit. De Gallia verò comata, & quæ ad hanc rem ab Hotomano dicta sunt, ex *Beato Rhenano* (ex quo ille majorem partem libelli sui, ut dixi, excepit) & *Cedreno*, lubens prætereo, ne actum agam.

IN CAP. X.

CApite Decimo Hotomanus quærit, qualis Regni Francogallici constituendi forma fuerit & tanquam sui immemor, hanc quæstionem iterum movet, quasi illa non ex priore oratione pendeat. Videamus ergò quorsum, qua mente, quove animo iterum insurgit. Et sanè hîc monuisse lectorem non erit otiosum & inutile, ut ille secum expendat, cogitetque quantum sudoris Hotomanus impenderit, in fallacia sua struenda: cùm enim veritas nullo indigeat fuce, nulloque artificio,

cio , contrà verò mendacium sine iis
latere diu non possit: Hotomanus, cui
falsò persuasum est, populum (ut ille
ait) non modò creandi, sed etiam abdi-
candi Regis potestatem sibi omnem
reservasse, isto solo fundamento falsis-
simo, & satis jam exploso, non cessat
classicum canere, ut novandarum re-
rum cupidis (quorum, proh dolor, non
exigua & contemnenda est talibus
præceptis copia) non desint exempla
majorum. Sic Insuber Fanianus (*ut re-
fert Iovius*) audito didascalo, & decla-
matore quodam de fortitudine in oc-
cidendo tyranno differente, hoc im-
pulsore aggressum in ecclesia Insubrie
ducem, sic conatus est occidere: oc-
cidissetque, ni ducis satellites, adpre-
henso Faniano, coërcuissent tantum
facinus, eiq; obstitissent. vide quæ sint,
nō inturbanda, sed evertenda tam be-
ne constituta nostra Monarchia, tua
artificia, quo tendant dogmata tua,
quis orationis & lectionis tuæ fructus:
quid n. aliud vis, cum Reges nostros ju-
dicio populi ita subiicis, & permittis, ut
non

non solum facere, sed & deponere pro arbitrio, populo liceat? Profer auctorem, profer hujus rei legem scriptam, ut tu de lege Salica dicis, profer exemplum: imò verò profer nobis Regnum, sive antiquum sive recens, ita constitutum, ut solo nutu populi, qui modò Rex erat, modò sit Aulædus, Citharædus, aut Ludi magister, ut tu. At Poloni, inquis, ita solent Reges creare: utinam tu cum tuis vel ad Scythicas pruinas ab hinc viginti annis amandatus fuisses, ut dignus es. Dic, recita, profer nobis Regnum (intelligo bene constitutum) tam malis hærens fundamentis? fortassis propones nobis Persarum, quibus Arsacidæ tantis intervallis imperarunt. Judeorumne? an Ægyptiorum, quibus Ptolomei, & ipsa Cleopatra, ad Augustum usque? Macedonum, Lacedæmoniorumve? quos ab Ephoris pendere falsò dicis, quibus nullam unquam fuisse potestatem Regum creandorum, modicè versatus in historiis te irridebit: & ipse *Plato* ait, Regnum Lacedæmoniorum esse

esse secundum genus. Quid de Libyco post Massinissam, de ipso Romano, post Romulum? Vis ipsos Æmilios, Numitores, Hetruscos: imò vis me excitare Priamos, Prometheos, Iapetos, Titanas, aut Tyndaridas, Britannos, & quicquid Regum fuit & est in toto penè orbe? certe istorum exemplis, tuam non poteris tueri impudentiam: neque enim Reges ij populorum suorum suffragiis creati sunt, imò verum est, ut de nostris refert *Agathius*, filios Regnum à parentibus accipere. Quid vetera & jam planè oblitterata recenseo? habes unum Polonicum Regnum, quod electione & successionem paratur: & tamen certum est, Reges Poloniæ semper filios habuisse successores, si eis proles mascula supervixerit, ut testatur *Crœerus*, qui nobis Regis sui Pyasti propaginem adducens, aut amplius, annos extendit: & ex ista stirpe Reges recto tramite traxisse originem, juraque dixisse Polonis asserit. Bohemicum verò, nonne successionem defertur? Quò de Pan-

noni-

nonico ante ejus à Turca everfionem
idem juris efle , qui norunt Corvi-
norum & aliorum Regum ftemmata
non negabunt. De Hispanicis, ubi
feptem fcepra numerantur , ipsis à
Gothis occupatis, nonne Reges filios
fucceffores femper habuerunt ? nifi
nobis bella Henrici Nothi cum Pe-
tro, de Regno Toletano, obftare huic
opinioni dicas. Et tuum Tarraconen-
fem, quo jure, quibus legibus, electio-
ne an fucceffione ? quid moraris ? pro-
fer. Habeo in meam partem quæ te,
& fingularem gentis illius in frænando
Rege fortitudinem, ridere poffint.
Nos qui valemus, &c. hîc multilinguem
fefe Hotomanus oftendit, vide ne
bilinguis, aut quid pejus, dicaris : non
enim poteft bene audire, qui ut tu lo-
quitur. Poffem ego majora ad hanc
rem : fed quia notiffima funt, & fi nar-
randa, egerent narratore majoris otii,
prætereo. Interim fat fit monuiſſe
Lectorem, & docuiſſe, nihil in Hoto-
manicis aſſertionibus dictum, quod
non ſeditionem ſapiat, & fit alieniſſi-
mum

mun à veritate: nam quod ille ait de Regibus Gallorum, imò Regulis, ante Dictatorem, mera sunt somnia, nec majore observatione digna, quàm quæ ab Homero de bello Trojano, aut de Titanis dicuntur. Nec possum satis mirari impudentiam hominis, quem non pudet dicere, Francos à Germanis reipub. constituendæ formam sumpsisse, quod alienum à veritate ex supradictis monstravimus, ut hîc repetere non solum inutile, sed etiam otiosum sit: & ipse *Agathius* aliter sentit, loco sæpius citato: nec ego adducar unquam, Francos à Germanis, quos sæpius bello superarunt, & quibus leges dederunt (ut fatetur *Beatus Rhenanus*) leges à victis accepisse. Non enim sine impudentia negare potest Hotomanus, in id enim Historiæ nostræ & Germanorum conveniunt, Germanos Francis Imperatoribus paruisse per multos annos, usque ad Carolum Crassum ex Carlovingis: tantum abest ut Francis leges sint Germanicæ. Itaq; non est cur Hotomanus for-

formam, & jam recepta instituta nostri Regni conetur non reprehendere, sed cavillari, cum nullum fuerit aut sit in toto orbe Regnum justioribus legibus munitum: testes sunt ipse *Agathius, Itali historici, & alii* quotquot sunt, quos pro nobis sponsores idoneos non recusabit Hotomanus, qui non tantum leges nostras & instituta, tum in jure dicundo, tum de religione probaverunt, sed Romanis ipsis prætulērunt. Ceterum delirat Hotomanus dum nos esse consequutos fatetur, ne Regibus nostris, ut de Germanis ait ex *Tacito*, esset infinita, aut libera potestas: quam formam à Tyrannica remotiorem esse dicit, abesseque longè à tribus tyrannidis notis, quas Philosophi veteres judicarunt, quòd Rex invitis non dominetur. Docuimus enim, inquit ille, summam populi tum in eligendis, tum in abdicandis Regibus potestatem. O magna vis veritatis! ut *Tullius* ait. Etenim Hotomanus Reges nostros non invitis dominari coactus fatetur. Totus enim orbis in hoc consentit, nul-

kum

lum esse populum qui maiore amore, benevolentia, obsequio, aut fide, suos Reges prosequatur, quàm solebant multis seculis Franci: quibus ut nostri & extranei historici testantur, gloriosum & decorum erat, pro Rege mori: quod adeò verum est, ut falsum, quæ iterum Hotomanus de eligendi & abdicandi potestate nugatur. Sed cùm ætas patrum pejor sit avis, tuleritque nos nequiores: postquam Hotomanus, inquam, & similes doctores, orbem ipsum talibus doctrinis infecerunt, macularunt, & conspurcaverunt, tunc plebs secessit, magnates fide rupta ad internecionem bellum Regibus intulerunt, & patriæ: quid, intulerunt? prohi dolor! imò adhuc infecerunt: habent enim doctorem & magistrum, qui Regum abdicandorum potestatem illis tribuat, idem Imperatorum, idem Ducum, idem Palatinorum, Marchionum, Pontificum, imò quicquid est in toto orbe potestatis. Et tamen impunè Hotomanus fabulas istas egregio Principi Palatino audet

f

nar.

narrare. Vide quàm clementer erga te se gerat illustris ille Princeps, qui te & tuas nugas patitur & fover, cùm tamen voces suos, quoties libuerit, ad pileum. Si enim Reges iudicio populi permittis, ecquid de Palatinis, Marchionibus, Ducibus Germanicis & similibus iudicas? cùm certum sit, olim dignitates & officia tantum fuisse ex mera dominantis potestate pendentes, nec ad hæredes & successores transeuntes. De secunda tyrannidis nota ita vocas nostrorum Regum prædiciariam cohortem, paucorum hominum ex Scotis & fidissimis Heluetiis, hîc etiam ostendis quid de te iudicandum sit, cùm tamen Reges nostri in eo nihil habeant aut faciant, quod non sit illis commune cum cæteris principibus & ipso etiam Imperatore, Consulibus, Dictatoribus Romanis, imò minoribus magistratibus, quibus fasces & lictores erant prævi. Nemo enim adeo perfriçtæ frontis esse potest, qui audeat negare, proprium hoc semper Regibus omnibus non fuisse ab eo tempore, quo

quo Regna constituta fuerunt, siue ad dignitatem siue ad custodiam: ut semper habuerint excubantes milites, quos satellites antiqui vocabant. Quod cum omnibus notum sit, testimonium aliquod hac de re proferre ridiculum esset: unum tamen exemplum Trajani Imperatoris ex *Dione in vita illius* lubet proponere, quo convincitur, etiam pios Imperatores satellitio usos, non ut modica illa custodia se tutos ab insidiis existimarent, ab iis enim constat multos Imperatores caesos: nam, ut inquit *Vopiscus in vita Saturnini*, Malum est imperare, ipsi custodes timentur, ipsi comites formidantur: non cibus pro voluptate, non iter pro autoritate, non bella pro iudicio, non arma pro studio. Sed ad maiestatem & dignitatem, ait *Dion*, in quorum domos saepius vix quatuor comitantibus, etiam sine satellite, divertebat Trajanus. Et alibi, Fortè insidiarum adversus Imperatorem Sura accusabatur: æmuli subinde instare, remque urgere: tunc Trajanus, vel invocatus, in domum illius

f 2 cœna-

cœnaturus accessit, dimissisque stipatoribus atque satellitibus, medico Suræ oculos inspiciendos: denique accersito illiustonsore, mentum radendum commisit. Sed habet Hotomanus *Turonensem*, qui lib. 7. cap. 18. refert, renunciatum fuisse Gunthranno Regi à quodam paupere, insidias ei à Faratillo cubiculario parari: eo nuntio territum Regem, armis & custodibus semunivisse, & sepsisse, neque ad loca sancta progressum vacuum custode. Ex quo loco nititur docere, Reges nostros non habuisse satellites. Sed huiusmodi argumentum non juvat Hotomani mendacia, non enim sequitur: Ascivit Gunthrannus (hoc accepto nuntio) satellitium: ergo ex consuetudine nullum Regibus erat: negaret quivis conclusionem, tanquam nullo modo necessariam. Imò verò magis credendum est semper habuisse, ut mos erat Regum omnium, circumstantes & observantes milites, sive laidos, quos vocabant, sive pueros, sive servos: tunc enim servos Francogalli habebant,

bebant , quemadmodum Romani
& fere totus orbis , ut ex *Turonensi*, *Ai-*
moino & multis aliis clarum efficitur.
Sed quòd Regibus Francorum fuisset
satellitium , audi *Turonensem lib. 2. cap.*
37. Ibi: Quod audientes , & Domino
gratias agentes , & vota beato confes-
sori promittentes , læti nuntiaverunt
Regi: loquitur de Clodoveo , quem
ait misisse nuntios ad basilicam divi
Martini , cùm bellum adversus Alari-
cum Gothorum Regem pararet , quos
satellites vocat. Extat aliud *Reginonis*
Chronicorum lib. 2. exemplum: ait enim
Carolomanum Ludovici Balbi filium ,
obiisse ex vulnere ab apro in venatio-
ne illato , vel à quodam , *inquit ille* , suo
satellite improvidè arma ferente. Pro-
fert præterea Hotomanus beati Ludo-
vici Regis historiam à *Iomulleo* , in qua
nullam præter janitorum aut atri-
ensium , quos huissarios vocat , mentionē
hujusmodi satellitii facit , & sic stultè
concludit , nullum illi nec præteritis
Regibus fuisse. Hæc sunt illius tam
præclara argumenta , quæ pueris ipsis

ridenda, tanquam pugnantia adversus totis seculis ab omnibus Regibus & Imperatoribus morem receptissimum. Sed habes *Turonensem*, qui jam te liberavit isto errore, habes *Reginõem*, quibus addere non erit extra rem neque otiosum, nostros primos Reges à Childeberto patre Clodovei primi, Regibus Gothorum, qui nunc Regnum suum in Vasconia aut Aquitania constituerant, inferiores non fuisse, imò superiores, ut pote quod non solum Aquitania, imò tota Gallia & Italia à Francogallis Gothi prohibiti fuerunt & expulsi. Atqui certum est, Reges Gothorum usos satellitio: quod si negas, audi *Sidonium epistola 2 lib. I.* de Theodorico Rege Gothorum, qui Tholosæ regnabat: Circumsistit, *inquit ille*, sellam comes, armiger pellitorum turba satellitum, ne obstit, admittitur. De tertia verò tyrannidis nota, id nostris Regibus tam male convenit, quàm bene Hotomano seditiosissimi nomen: quis enim nescit, Reges nostros non ad suum com-

commodum atque arbitrium, sed Regni & subditorum semper respicere, & salutem illius semper suæ præponere, nisi qui omnia, ut tu cavillari conatur, quantumvis bene constituta? Non est certè, quod respub. & regna Græcorum inanibus verborum illecebris nobis obiicias, & nostræ compares: ij enim, verbis tantum & somniis quorundam otiosorum senum & invicem disceptantiũ suas instituebant & componebant respub. ad cò incertè, ut statim ad legislatorum arbitrium, quæ modò justa erant, injusta fierent, quasi justis & æqui non sit constans & perpetuum iudicium, imò idem bonum, idem malum dici debeat. Certè non est, quòd nostris oculis pulverem iniicias: nostræ quippe leges, meliore iudicio melioribus auspiciis, imò sanctiore & meliore legislatore sancitæ sunt, melioribusque fundamentis nituntur, ut doctè & graviter *Sesselius Massiliensis episcopus lib. I. de repub.* Galliæ docet, quem librum à *Sleidano* Germano

Latinum ex Gallico factum ob eius elegantiam constat. Unum enim, *inquit ille*, Regem habent, quemadmodum homini unum caput est, ad quod ordine naturæ cætera mēbra solent respicere, ita n. comparatū est à natura, ut in omnibus rebus ad unum aliquē veluti ad caput respiciamus & confugiamus: quantum enim multorum imperium incommodi & periculi adferat, multis id doceri posset, & nobis casus Imperii illius Romani satis exemplo esse potest: quod corruisse non externa, sed propria vi, nemo nescit. Nec mirum, si monarchiam laudarunt viri gravissimi *Plato, Aristoteles, & Plutarchus* ipse. Sic enim *Plutarchus* disserit in lib. in quo de unius in repub. dominatione, populari statu & paucorum imperio tractat, quod si ei detur optio (scilicet viro civili & legislatori) formam reipub. tanquam musicum instrumentum suo arbitrato capeffendi, nullam profectò delegerit aliam, quàm Monarchiam, *Platonis* fidem secutus: ea enim sola potest perfectum istum

istum & rectum tonum & contentio-
nem sustinere & utilitatem, neque ne-
cessitatis, neque gratiæ causa inflecte-
re: reliquæ, nempe Aristocratia &
Democratia (de quibus in cap. lib.)
hoc fere habent, quòd is qui imperat,
sub imperio & potestate est: & qui gerit
eas, ipse geritur, ferturq;, quòd nō ha-
bet vim solidam & stabilem qualis in
Monarchia. Sed sæpè cogitur *Æschyli*
illud declamare, quo usus est Deme-
trius Poliorcetes amisso Imperio, Tu
me creasti, tu ters exitium mihi. Qui-
bus addere lubet ex *Sesellio*, Monar-
chiæ, etiamsi interitu principum, vel
alio quopiam humano casu sunt im-
mutatæ, diuturniores tamen semper
fuerunt & tranquilliores, quàm opti-
matū vel popularis status, ut in Assy-
riis, Ægyptiis, Parthis, Macedonibus,
Gallia, Britannia, & Hispania, quibus
nullæ alię respublicæ temporis longin-
quitate conferri possunt. Itaque *Plato*
in libro qui Civilis dicitur, vel de Regno,
laudat & probat Monarchiam: ete-
nim, ut ille inquit, unius dominatio bo-

nis conjuncta constitutionibus, quas
leges vacavimus, sex illarum omnium
optima est, intelligit gubernationum.
Denique Regna quæ successionis aut
hæreditario jure, & secundum genus,
ut ille ait, deferuntur, potentiora sunt,
ac multo magis florent, iis quæ suf-
fragiis & electione vocantur, hac sci-
licet excellenti ratione: electione e-
nim malis fere artibus ad illud fasti-
gium pervenitur, quia bonus & igna-
vus æquè sibi imperium exoptant: ille
vera via: hic, quia bonæ artes desunt
dolis ac fallaciis. Sic videmus Marios,
Syllas, Cæsares, Antonios, & hujusmo-
di, per vim erepta populi & Senatus li-
bertate, Imperium sibi parasse: multos
etiam emptis suffragiis, imò auctiona-
to Imperio, Imperatores per milites
factos, mox ab eisdem occisos & lania-
tos: quod regnis quæ successionem defe-
runtur nunquam accidit. Alia ratio est
singularis cur regnum nostrum hujus-
modi incommodis non subiiciatur, ni-
mirum quia solis masculis defertur, si-
ve lege Salica, siue instituto vetustissi-
mo,

mo, sanctissimo, & hætenus permille
ducentos annos observato: totidem
enim Francis justum fuit Imperium,
partim cis, partim trans Rhenum. Cur
autem fœminæ eo excludantur, ratio-
nem singularem ipse *Sesellius* adfert,
quæ (licet plures adduci possent) suffi-
ciet: nempe, Si fœminæ ad successio-
nem vocarentur, fieret facile, ut in ex-
terni alicujus potestatem rerum summa
perveniret, à quo ascitis patriis contri-
bulibus & regionis suæ aut populi ho-
minibus, hisque honoribus, præfectu-
ris, magistratibus, dignitatibus & hu-
jusmodi donatis, indigenis exclusis in-
de graves oriuntur offensiones, con-
flatur invidia, tum nobilitatis, tum
multitudinis. Cùm verò soli masculi
vocantur, certus ac perpetuus est hæ-
res: is n. qui genere proximus est, sine
controversia succedit: eumque popu-
lus, ut legitimum magistratum, & Re-
gem, tanquam à Deo complectitur, illi
paret, hunc colit, observatque: nullæ
inde oriuntur controversiæ sedition-
es, nulli motus, nulla empta suffragia
nemo

nemo obstreperit, dissidet, aut secedit
plebs à nobilitate omnia ita pacata
sunt, ut in successione privati alicujus,
quæ venienti ab intestato & proximior
deferretur. Itaque mortuo Rege si filii
masculi & legitimi illi supervixerint,
primus absque comitiis, aut longiori
ambage Rex est: sin autem nulli ex-
tent libri masculi, qui proximior est
vocatur, etiam in linea transversali,
quam collateralem vocant, dummo-
do mas sit. Inde tantum tributum huic
legi & consuetudini fuit, ut etiam re-
motissimi & quasi nulla consanguini-
tate conjuncti, intelligo extra gradus
successorii edicti, dum modo de stirpe
sint Regia, ad Regnum vocati sunt,
spretis & exclusis omnibus ex prole
fœminea, quantumvis proximioribus
Regis demortui, ut in Philippo Vale-
sio, Ludovico 12. & eo mortuo, Fran-
cisco Valesio hujus nominis primo vi-
sum fuit: ne altiùs exempla petantur.
Non mirum ergo, si hoc Regnum tam
bonis fultum & talibus subnixum fun-
damentis, tot seculis floruerit, atque
dura-

duraverit : ut illud nulla externa potestas , quantacunque fuerit , quantumvis domi foret , seditionibus quibusdam agitatum (ut nunc est) lædere potuerit. Est & aliud fundamentum hujus Regni, quod Regia potestas cum tribus Regni ordinibus, Ecclesiastico, videlicet, Nobili, & Plebejo, ita commodis & æquis rationibus devincta & copulata est, ut vix inter ipsos magnum & implacabile possit oriri dissidium. Rex enim tanquam medius & arbiter, nullam alteri per alterum patitur fieri injuriam : adeò ut vel infimo cuique liceat de accepta injuria conqueri, & amplissimo cuique facere & movere controversiam sive civilem sive criminalem , imò adversus ipsum Regem litigare cuilibet permissum sit, apud judices suos , cum Regio Procuratore , ne nomen Regis terrori esse possit judicibus & litigantibus. Alia tria semper in nostra repub. extiterunt remedia, quibus Rex, & ejus qui per ætatem regere non potest, nutritii & procuratores contineri possunt salva digni.

cantatissima, tibi satis nota, qua populus in principem omnem potestatem contulit, quem *Vlp.* solutum legibus, nec eis teneri dicit, ut etiam vult *Plato* in eodem libro qui *Civilis* dicitur, vel de Regno, dum ait: legum lationem ad potestatem Regiam pertinere. Vide Hotomane, quam male de nostris Regibus sentis & iudicas, quibus auferre conaris, quod vilissimis mancipiis, & ex fæce, Senatus populusque Romanus sæpius concessit: quid vilissimis & imò crudelissimis & immanissimis bestis & tyrannis, qui nihil quam incendia, vastationes, direptiones urbium & provinciarum, cædes bonorum virorum, stupra, adulteria, & veritas libidines, lætius habebant: quod semper alienissimum à Regibus nostris fuit: nullus enim in tanto numero præsertim ex Capevingis numerari potest, qui citra jus fasque, & proprio, ut ajunt, mandaverit, cum ostendere possim, hoc familiare fuisse non solum externis Regibus, sed Romanis Imperatoribus. Itaque non est, quod nos doceas,

ceas, nihil est quod *Ciceronis* dictum tantopere commendes. Ille & cæteri philosophi verbis tantum suas actiones & instituta probabant, nos verò factis, quæ verbis potiora sunt: nobis non voces nudæ, sed virtutes placuerunt: quarum vis (*ut inquit ille*) in actione consistit. De cæteris nostræ reipub. institutis cum disserere longius possem, me institutæ brevitatis revocat ratio, & extat Libellus *Sesellii* hac de re, qui inanes Philosophorum istorum incertos & nunquam probatos errores, tanto superat, quanto veritas mendaciis superior est. Dicam tamen quod ipse *Hotomanus* de industria prætermisit, Reges nostros non omnia ex arbitrio facere. Miser enim ille, *ut inquit Cicero*, qui omnia sibi licere existimat: imò verò satis illis familiare semper fuit, quoties necessitas Regni id exposulabat, conventum indicere, & quædam decernere & statuere ex opinione & consilio trium statuum aut ordinum totius Regni, Ecclesiastici scilicet, Optimatum vel Nobilitatis,

g & Po-

ridenda, tanquam pugnancia adversus totis seculis ab omnibus Regibus & Imperatoribus morem receptissimum. Sed habes *Turonensem*, qui jam te liberavit isto errore, habes *Reginõem*, quibus addere non erit extra rem neque otiosum, nostros primos Reges à Childeberto patre Clodovei primi, Regibus Gothorum, qui nunc Regnum suum in Vasconia aut Aquitania constituerant, inferiores non fuisse, imò superiores, ut pote quod non solum Atquitania, imò tota Gallia & Italia à Francogallis Gothi prohibiti fuerunt & expulsi. Atqui certum est, Reges Gothorum usos satellitio: quod si negas, audi *Sidonium epistola 2 lib. I.* de Theodorico Rege Gothorum, qui Tholosæ regnabat: Circumsistit, *inquit ille*, sellam comes, armiger pellitorum turba satellitum, ne obsit, admittitur. De tertia verò tyrannidis nota, id nostris Regibus tam male convenit, quàm bene Hotomano seditiosissimi nomen: quis enim nescit, Reges nostros non ad suum com-

commodum atque arbitrium, sed Regni & subditorum semper respicere, & salutem illius semper suæ præponere, nisi qui omnia, ut tu cavillari conatur, quantumvis bene constituta? Non est certè, quod respub. & regna Græcorum inanibus verborum illecebris nobis obiicias, & nostræ compares: ij enim, verbis tantum & somniis quorundam otiosorum senum & invicem disceptantiū suas instituebant & componebant respub. adeò incertè, ut statim ad legislatorum arbitrium, quæ modò justa erant, injusta fierent, quasi justis & æqui non sit constans & perpetuum iudicium, imò idem bonum, idem malum dici debeat. Certè non est, quòd nostris oculis pulverem iniicias: nostræ quippe leges, meliore iudicio melioribus auspiciis, imò sanctiore & meliore legislatore sancitæ sunt, melioribusque fundamentis nituntur, ut doctè & graviter *Sesselius Massiliensis episcopus lib. I. de repub.* Gallia docet, quem librum à *Sleidano* Germano

Latinum ex Gallico factum ob eius elegantiam constat. Unum enim, *inquit ille*, Regem habent, quemadmodum homini unum caput est, ad quod ordine naturæ cætera mēbra solent respicere, ita n. comparatū est à natura, ut in omnibus rebus ad unum aliquē velut ad caput respiciamus & confugiamus: quantum enim multorum imperium incommodi & periculi adferat, multis id doceri posset, & nobis casus Imperii illius Romani satis exemplo esse potest: quod corruisse non externa, sed propria vi, nemo nescit. Nec mirum, si monarchiam laudarunt viri gravissimi *Plato, Aristoteles, & Plutarchus ipse*. Sic enim *Plutarchus* disserit in lib. in quo de unius in repub. dominatione, populari statu & paucorum imperio tractat, quod si ei detur optio (scilicet viro civili & legislatori) formam reipub. tanquam musicum instrumentum suo arbitrato capeffendi, nullam profectò delegerit aliam, quàm Monarchiam, *Platonis* fidem secutus: ea enim sola potest perfectum istum

Istum & rectum tonum & contentio-
 nem sustinere & utilitatem, neque ne-
 cessitatis, neque gratiæ causa inflecte-
 re: reliquæ, nempe Aristocratia &
 Democratia (de quibus in cap. lib.)
 hoc fere habent, quòd is qui imperat,
 sub imperio & potestate est: & qui gerit
 eas, ipse geritur, ferturq; quòd nō ha-
 bet vim solidam & stabilem qualis in
 Monarchia. Sed sæpè cogitur *Æschyli*
 illud declamare, quo usus est Deme-
 trius Poliorcetes amisso Imperio, Tu
 me creasti, tu fers exitium mihi. Qui-
 bus addere lubet ex *Sesellio*, Monar-
 chiæ, etiam si interitu principum, vel
 alio quopiam humano casu sunt im-
 mutatæ, diuturniores tamen semper
 fuerunt & tranquilliores, quàm opti-
 matū vel popularis status, ut in Assy-
 riis, Ægyptiis, Parthis, Macedonibus,
 Gallia, Britannia, & Hispania, quibus
 nullæ alię res publicæ temporis longin-
 quitate conferri possunt. Itaque *Plato*
in libro qui Civilis dicitur, vel de Regno,
 laudat & probat Monarchiam: ete-
 nim, ut ille inquit, unius dominatio bo-
 nis

nis conjuncta constitutionibus, quas
leges vacavimus, sex illarum omnium
optima est, intelligit gubernationum.
Denique Regna quæ successionis aut
hæreditario jure, & secundum genus,
ut ille ait, deferuntur, potentiora sunt,
ac multo magis florent, iis quæ suf-
fragiis & electione vocantur, hac sci-
licet excellenti ratione: electione e-
nim malis fere artibus ad illud fasti-
gium pervenitur, quia bonus & igna-
vus æquè sibi imperium exoptant: ille
vera via: hic, quia bonæ artes defunt
dolis ac fallaciis. Sic videmus Marios,
Syllas, Cæsares, Antonios, & hujusmo-
di, per vim erepta populi & Senatus li-
bertate, Imperium sibi parasse: multos
etiam emptis suffragiis, imò auctiona-
to Imperio, Imperatores per milites
factos, mox ab eisdem occisos & lania-
tos: quod regnis quæ successionem defe-
runtur nunquam accidit. Alia ratio est
singularis cur regnum nostrum hujus-
modi incommodis non subiiciatur, ni-
mirum quia solis masculis defertur, si-
ve lege Salica, sive instituto vetustissi-
mo,

mo, sanctissimo, & hætenus permille
ducentos annos observato: totidem
enim Francis justum fuit Imperium,
partim cis, partim trans Rhenum. Cur
autem fœminæ eo excludantur, ratio-
nem singularem ipse *Sesellius* adfert,
quæ (licet plures adduci possent) suffi-
ciet: nempe, Si fœminæ ad successio-
nem vocarentur, fieret facile, ut in ex-
terni alicujus potestatem rerum summa
perveniret, à quo ascitis patriis contri-
bulibus & regionis suæ aut populi ho-
minibus, hisque honoribus, præfectu-
ris, magistratibus, dignitatibus & hu-
jusmodi donatis, indigenis exclusis in-
de graves oriuntur offensiones, con-
flatur invidia, tum nobilitatis, tum
multitudinis. Cùm verò soli masculi
vocantur, certus ac perpetuus est hæ-
res: is n. qui genere proximus est, sine
controversia succedit: eumque popu-
lus, ut legitimum magistratum, & Re-
gem, tanquam à Deo complectitur, illi
paret, hunc colit, observatque: nullæ
inde oriuntur controversiæ seditio-
nes, nulli motus, nulla emptæ suffragia
nemo

nemo obstreperit, dissidet, aut secedit
plebs à nobilitate omnia ita pacata
sunt, ut in successione privati alicujus,
quæ venienti ab intestato & proximior
ridefertur. Itaque mortuo Rege si filii
masculi & legitimi illi supervixerint,
primus absque comitiis, aut longiori
ambage Rex est: sin autem nulli ex-
tent libri masculi, qui proximior est
vocatur, etiam in linea transversali,
quam collateralem vocant, dummo-
do mas sit. Inde tantum tributum huic
legi & consuetudini fuit, ut etiam re-
motissimi & quasi nulla consanguini-
tate conjuncti, intelligo extra gradus
successorii edicti, dum modo de stirpe
sint Regia, ad Regnum vocati sunt,
spreta & exclusis omnibus ex prole
fœminea, quantumvis proximioribus
Regis demortui, ut in Philippo Vale-
sio, Ludovico 12. & eo mortuo, Fran-
cisco Valesio hujus nominis primo vi-
sum fuit: ne altiùs exempla petantur.
Non mirum ergo, si hoc Regnum tam
bonis fultum & talibus subnixum fun-
damentis, tot sæculis floruerit, atque
dura-

duraverit : ut illud nulla externa potestas , quantacunque fuerit , quantumvis domi foret , seditionibus quibusdam agitatum (ut nunc est) lædere potuerit. Est & aliud fundamentum hujus Regni, quod Regia potestas cum tribus Regni ordinibus, Ecclesiastico, videlicet, Nobili, & Plebejo, ita commodis & æquis rationibus devincta & copulata est, ut vix inter ipsos magnum & implacabile possit oriri dissidium. Rex enim tanquam medius & arbiter, nullam alteri per alterum patitur fieri injuriam : adeò ut vel infimo cuique liceat de accepta injuria conqueri, & amplissimo cuique facere & movere controversiam siue civilem siue criminalem , imò adversus ipsum Regem litigare cuilibet permissum sit, apud judices suos, cum Regio Procuratore , ne nomen Regis terrori esse possit judicibus & litigantibus. Alia tria semper in nostra repub. extiterunt remedia, quibus Rex, & ejus qui per ætatem regere non potest, nutritii & procuratores contineri possunt salva digni.

dignitate Regia: ita tamen quod juris
& æquitatis est illi liceat: his enim
tanquam frænis Regum nostrorum,
summa potestas temperatur, religione
videlicet, jurisdictione, & politica, vel
ut uno verbo dicatur, religione & le-
gibus: religione, inquam, Christiana,
orthodoxa & Catholica. Habemus
enim testimonium Justiniani apud
Procopium de bello Gothorum lib. 1. quod
Franci fuerunt semper orthodoxæ fi-
dei, ut superioribus docuimus, ex *A-*
gathii lib. 1. Gallia enim ex *Hieronymi* &
aliorum multorum testimonio, hære-
ses semper vitavit, ut teterrima mon-
stra, easque adeò exhorruit, ut nullas
unquam passa sit: nec mirum si tam fer-
vidè amplexa verum Dei cultum à
quo omnis potestas pendet, omnia illi
prosperè successerunt: non enim legi-
bus & piis constitutionibus carere po-
test, qui totus ab illo pendet, qui verus
legislator & verarum legum sancitor,
& auctor est. Cæterum siquid contra
tam bene constitutas leges peccatum
sit, accidatque Regem aliquando de
illa-

illarum rigore remittere: ut ferunt tempora & necessitas expostulat, hoc princeps facit, consultis tamen illis qui sibi consiliis sunt, ne dum alienum desideratur, aut spectatur arbitrium, detrimenti aliquid respub. patiat. Vt ingruente bello, de delectu faciendo, milite tum patrio, tum auxilario evocando & huiusmodi. Certè si ad concilii publici aut placiti deliberationem omnia referenda essent, ut Hotomanus vult, actum sæpius de nostra repub. foret, fieretque ne nimium deliberando, *ut inquit Terentius* res amitteretur, & hostis interim urbes oppugnaret, agros vastaret, pagos incenderet: quòd ut iis & similib⁹ morbis occurratur, in promptu sint remedia, Populus earum rerum quæ ad pacem & bellum pertinent, omnem potestatem & imperium in principem transtulit: cui non minus permisum iudicabimus, quam menstruo & temporaneo dictatori Romano, cui cum dignitate libera potestas collata semper fuit, ut nec tantulum populus sibi servarit, legem scilicet Regia in nostris libris

canta-

cantatissima, tibi satis nota, qua populus in principem omnem potestatem contulit, quem *Vlp.* solum legibus, nec eis teneri dicit, ut etiam vult *Plato* in eodem libro qui *Civilis* dicitur, vel de Regno, dum ait: legum lationem ad potestatem Regiam pertinere. Vide Hotomane, quam male de nostris Regibus sentis & iudicās, quibus auferre conaris, quod vilissimis mancipiis, & ex face, Senatus populusque Romanus saepius concessit: quid vilissimis? imò crudelissimis & immanissimis bestiis & tyrannis, qui nihil quam incendia, vastationes, direptiones urbium & provinciarum, caedes bonorum virorum, stupra, adulteria, & veritas libidines, latius habebant: quod semper alienissimum à Regibus nostris fuit: nullus enim in tanto numero praesertim ex Capevingis numerari potest, qui citra jus fasque, & proprio, ut ajunt, mandaverit, cum ostendere possem, hoc familiare fuisse non solum externis Regibus, sed Romanis Imperatoribus. Itaque non est, quod nos doceas,

ceas, nihil est quod *Ciceronis* dictum tantopere commendes. Ille & cæteri philosophi verbis tantum suas actiones & instituta probabant, nos verò factis, quæ verbis potiora sunt: nobis non voces nudæ, sed virtutes placuerunt: quarum vis (*ut inquit ille*) in actione consistit. De cæteris nostræ reipub. institutis cum dissetere longiùs possem, me institutæ brevitatis revocat ratio, & extat *Libellus Sefellii* hac de re, qui inanes Philosophorum istorum incertos & nunquam probatos errores, tanto superat, quanto veritas mendaciis superior est. Dicam tamen quod ipse *Hotomanus* de industria prætermisit, Reges nostros non omnia ex arbitrio facere. Miser enim ille, *ut inquit Cicero*, qui omnia sibi licere existimat: imò verò satis illis familiate semper fuit, quoties necessitas Regni id expostulabat, conventum indicere, & quædam decernere & statuere ex opinione & consilio trium statuum aut ordinum totius Regni, Ecclesiastici scilicet, Optimatum vel Nobilitatis,

& Populi : quorum tamen, ut dixi, caput Rex est, & ad quem aliorum suffragia respiciunt : nec Regi quid agendum sit præscribunt, sed magis cōsultunt, & se se paratos ad jussa subeunda profitentur : nam ut *Aristoteles ait lib. 3. Politicon*. hujusmodi enim quasi Deum quendam existimare inter mortales est æquum. Proinde legum lationem inter æquales necesse est esse, & genere & facultate civili. In illos autem hujusmodi nulla est prorsus legislatio, quippe qui ipsi lex sunt : in quo conventu Rex ordinum istorum, & populi querelas libenter audit, & amplectitur maximè si quid de Aulicis & collateralibus principis, & quos vocant sanctioris & secretioris consilii molestias acceperunt, si à Præfectis provinciarum, vel ab ipsis Senatoribus Parlamentariis, quos vocas, injuriis affecti sint : si Judices corrupti ferant sententias, si qui ex potentioribus & nobilitate graves sint populo, aut illum opprimant. Præterea si quid in nostra Repub. præter jus fasque fiat, five

sive siquid ad luxum aulicorum minuendum pertineat, vel ad levandos subditos tributis. Item de publicanorum fastu, & hujusmodi querellis, quibus Rex solet mederi Edictis gravissimis, quædam in melius mutando, movendo Senatu, administratione, potestate & dignitate, adhibita graviore censura si opus sit: quæ omnia fiunt solius Principis, & non populi autoritate, qui magis, ut dictum est, consulit, quàm decernit. Enimverò, quòd ait Hotomanus, quotannis publicum totius Regni Concilium convocari & haberi Cal. Maij, qui historiarum cognitionem quantulancunque Regum nostrorum assequuti sunt, non ignorant: his præsertim temporibus, quibus primi Reges Francorum, quorum in Gallia non planè stabilitum erat Regnum, quique magis in procinctu, quàm in otio vitam agebant, incertis que sedibus vagabantur, fortassis ad controversias popularium & subditorum dirimendas, dona- que & strennas, quæ quotannis Regi-

bus nostris fiebant per subditos, de more accipiendas, aut ut subditis copiam sui tunc facerent, ne per palatii præfectos, aut majores domus omnia gerere viderentur, ut fecere postremi Merovingi & Carlovingi, nihil Regium præter nudum nomen habentes. Sed istorum meminisse quid aliud est quam earum rerum mentionem facere, quæ penitus in desuetudinem abierunt, imò quorum nulla, aut saltem exigua est memoria? Atqui hodierna nostri Regni politia, ut melioribus auspiciis, ita & melioribus legibus gubernatur. Nam jus æqualiter non solum in urbibus & provinciis redditur, sed in pagis ipsis, per præfectos, & subpræfectos provinciarum, aut præsides ipsarum, si ab ipsis provocatum sit, per Judices summi Senatus, quod Parlamentum vocant, à quibus non magis quam ab ipso Principe solet appellari. Hunc enim Senatum aut sacrum ordinem, tanquam quid tertium, & arbitrium inter principem & populum constitutum esse

esse sciunt, qui juris nostri cognitione
quantulacunque tenentur: adeò ut
tæpissimè Cognitor Regius (non enim,
ut dictum est, Regis ipsius nomine, sed
Cognitoris lites moventur) cadat cau-
sa: & quod magis est, nullum justum
mandatum, aut edictum Principis
censetur, nullaque lex vires habet, e-
tiam si consensu totius conventus fe-
ratur, si ab ipso non sit probata Sena-
tu, & in Curia ipsius libris, & exhedra
descripta, & annotata, vel ut ipsi vo-
cant registrata: tantum potestati Cu-
ria Reges nostri tribuunt, ut si tribuni-
tia potestati aut Ephoris Lacedæmo-
niis compares, non aberres. Plura de
Senatus nostri autoritate, sanctitate
& gravitate dicenda, non ex mendi-
catis & ignorantibus juris nostri au-
thoribus, sed gravissimis scriptoribus,
si locus altiore non egeret narratione.
Postremò, quod primos Reges fruga-
lioress posterioribus facit Hotomanus,
verbis tantum agit, nullum enim hu-
jus frugalitatis profert exemplum aut
testimonium, cùm ego luxum osten-
dere

dere possem; habuerunt & illi quod
suis temporibus vitio non carebat &
culpabatur, nihil tamen ista pertinent
ad Regni politiam evertendam ut vult
Hotomanus, quæ semper una est. Sunt
enim, *ut inquit Seneca*, vitia persona-
rum, non temporum: & ut pulchrè *Se-
sellius eodem lib.* Est summa per Galliam
authoritas juris, quæ certè flecti & mu-
tari fortassis gratia imperantis potest,
everti tamen & abrogari tota non po-
test, tametsi sint quæ culpari possint,
egeantque emendatione, ut est rerum
mortalium conditio. At verò quis tam
stupidus est, qui ob quorundam prin-
cipum socordiam aut ignaviam, Re-
gnum ob id tollendum de medio ju-
dicet, tanquam malum magnum nisi
qui omnem societatem humanam tol-
lere nititur? Szpissimè enim bono &
strenuo principi succedit ineptus, vel
etiam juvenis: quod accidere solet
cùm Deus scelera nostra ulcisci decre-
vit, florente, & ad summam foelicitat-
em ac amplitudinem Regno evedto,
vel cùm populus delitiis, & luxuriæ
Regis

Regis ad exemplum, addictus, nihil tale metuit : ambitiosam enim mensam fortuna, parcam virtus apponit: & ut *Cato Censorius* dicebat. Cultus magna cura tibi, magna virtutis curia: vel, ut Solon, satietatem ex divitiis nasci ex satietate contumeliam gigni: quod cum accidit, admonentur Reges ut tandem cladibus istis excitati, sese homines esse agnoscant, & ad Deum Rex, ipseque populus confugiant, à quo salus & intentio rerum omnium pendet: & tamen non desunt nobis remedia, quibus huic malo obviam ire & mederi possumus, salva ut dixi, & incontaminata manente dignitate Regia: ut nihil quod ad hanc rem pertineat, aliunde quàm à nostris institutis & legibus mendicandum & querendum sit. Itaque ad sequens caput undecimum, quod de sacrosancta publici concilii autoritate Hotomanus dicit, transeo.

* *
*

IN CAP. XI.

IN quo Capite non in minori, imò
majori caligine & errore versari Ho-
tomanum, velex initio capitis videre
est, quinon erubuit tot mendacia to-
ties repetita, hinc etiam congerere.
Cum enim conatur institutum sui o-
peris probare, eò magis impegit quòd
veritate deficit, qua sola verum à falso
secernimus. Nam quod ille majorum
nostrorum mirari se dicit sapientiam
in constituenda Repub. nostra, non
injuria, quòd illi certè sapientissimè:
quos si revocare ab Orco possemus,
magis mirarentur progeniem suam
vitiosorem, tot mendaciis, tot seditio-
nibus interitum illi paravisse, parare-
que in dies: mirarentur certè, & tales
se genuisse graviter ferrent, ferunt-
que, si quis inferis sensus est. Videamus
tandem istam sapientiam, & qui-
bus de rebus in concilio ageretur.
Primum de creando vel abdicando
Rege, inquit ille. At non te pudet,
toties

toties mendaciis convicte, tuum adhuc nullis literis monumentisque, siue privatis siue publicis de creando vel abdicando Rege commentum, imò potius monstrum, in medium proferre, mentirique impudentissimè. Proponis Childebertum à suis Regno pulsum, mox pœnitentia revocatum. Tantæne est apud pessimum pessimi Regis exemplum authoritatis, ut unico illo exemplo audeat impium & seditiosissimum illud propositum defendere? Benè Cæsar apud *Salustium*, Omnia mala exempla ex bonis initiis orta esse dicit: trahimur enim & facile ducimur exemplis malis, quæ fortassis bona habebant initia: non quod exempla ista habeant quandam imitationis necessitatem, & ea ratione sint proposita, sed ut posteritas talibus instructa, talia metuenda sibi & vitanda existimet: qua ratione Solon dicitur legem adversus parricidas nullam tulisse, non, ut plerique ajunt, quòd scelus hoc desperasset: sed, ut inquit *Tullius in Orat. pro Roscio Amerino*, ne tam

prohibere quam admonere videretur. Et hoc est quod Cæsar apud eundem *Salustium* videtur significare & intelligere, dum Atheniensium exemplum, occupata eorum Repub. à Lacedæmoniis, recitat. Hi (*inquit ille, de 30. Tyrannis loquens*) cœpere pessimum quenque & omnibus invisum, indemnatum necare: ea populus lætari & meritò dicere fieri: post ubi licentia paulatim crevit, juxta bonos & malos libidinosè interficere, cæteros metu terrere: ita civitas servitute oppressa, stultæ lætitiæ graves pœnas dedit. Sic Victor Sylla Damisippum, & alios hujusmodi, qui malo Reipub. creverant, jugulari jussit: nemo non factum ejus laudavit, sed ea res magnæ initiū cladis fuit. Quod tunc etiam Francogalli experti sunt: nam Ægidio quodam ad Reipub. suæ moderamen ascito, duriora quàm à proprio Childeberto eorum Rege passi sunt, eumque ab exilio ea ratione revocarunt. Vide exemplum tuū quàm bene utentibus profuerit. Sed age profer nobis tuæ abdicationis Regum Fran-

Francorum per populum aliud exemplum. Illud enim, ut suprà demonstratum fuit, non sufficit, nec tua juvat mendacia, quia ad exemplū, ut dicitur, trahi non potest: nam quòd hac parte Childerico accidit, non jure potestatis factum, sed odio in Childericum, ob ejus insolentem luxuriam, accidit. Ait prætereà Hotomanus in eo solenni Concilio agitur de pace & bello, de legibus publicis, de sumis honoribus, præfecturis, procurationibus Reipub. de assignanda patrimonii parte liberis defuncti Regis, vel de dote filiabus constituenda: quod illo verbo Germanico vocat Abannagium, nos verò appanagium vocamus, portionem scilicet quæ masculis filiis Regum defunctorum datur, quod ad dotes filiarum nihil pertinet: filiabus enim, ut suprà dictum fuit, nulla portio terræ Salicæ debetur, & eas semper pecunia dotatas, non portione fundi dominici, certum est. Addit ille deniq; de iis omnibus, quæ vulgus etiam nunc negocia statuum populari verbo appellat. Subdit

dit mendacissimè suo more, quoniam de nulla, ut dixi Reipub. parte, nisi in statuum sive ordinum concilio, agi jus esset, bellè dicit Hotomanus, sed nihil probat: in quo ejus versutiam, imò calumniam, non satis mirari possum. Cùm enim Germano principi & Germanis, Gallus de moribus, institutis, legibus & Reipub. Gallorum differit, facilè ignorantibus imponere potuit: tùm quòd, ut dictum est, Gallus, quo nomine de patriis legibus & institutis dicentem par esse videtur cui credi debeat, tùm quòd apud graves Hotomanus literarum nomine in pretio non exiguo sit, quod illi non parvam auctoritatem tribuit ad mendacia sua tuenda, & ille occultè insidiatur, ut dixi: tacitæ autem & occultæ inimicitæ, *ut inquit Cicero in Verrem*, potius timendæ sunt, quàm indictæ & apertæ. Detrahamus ergo illi præsidia quibus fucum facit, & veritatem mendacio opponamus, certè ridiculosior Hotomanus ipsa evadet Cornice. Ait ex præcedentibus docuisse, tum ex
Caroli

Caroli magni testamento , tum ex aliis, potestatem creandorum & abdicandorum Regum penes populum, aut concilium, ut ille vult, fuisse: ego contrà , illud esse merum commentum & mendacium satis superque docui, non detortis contra proprium & genuinum sensum, depravatis ac corruptis testimoniis, sed ex Nostrorum & Græcorum Annalibus, rerumque serie & ordine, non electione aut suffragiis populi, in concilio, aut alibi, sed successione Regnum nostrum semper fuisse delatum, ut jam nemo hac de re posthac ambigere possit, nisi qui Hottomanicis imbutus est erroribus cujus tamen opinio nullo modo juvatur illo testamento Caroli magni, sæpius ab illo citato, quòd divisionem totius Regni & Imperii inter liberos masculos, continere alibi docuimus. Tantum enim abest ut in eo testamento, concilii autoritas desiderata sit, ut ne ejus quidem ulla mentio facta fuerit. Minus hoc probat, quod tam impudenter asserit Hottomanus

manus ex *Aimoini lib. 5. cap. 17.* ubi Carolum Caluum pro Ludovico Pio ejus patre nominavit: nec mirum si veritatem historiæ non teneat, cui nec nomina satis nota sunt: ut magis credam narranti fidem dedisse, quàm historiam legisse, qua continetur Ludovicum, Carolum filium armis virilibus, id est ense, cinxisse, coronaque regali caput insignivisse, ac partem Regni, Neustriam, attribuisse, eumque in portionem Regni sibi attributam dimissum, proceres provinciæ Calvo manus dedisse, & fidem præstitisse. Ibi etiam nec electionis mentio fit, neq; autoritate concilii quæ gessit Ludovicus gesta fuisse docere potes: eodem enim loco, & paulò antè, docet *Aimoinus*, Ludovicum insistente Augusta, & ministris Palatinis, quandam partem filio suo dilectissimo Carolo Aquisgrani tradidisse, qua, tanquam inofficiosa, ab eo (ut conjectari licet) repudiata, Neustriam postea in conventu dedisse. Sed aliud est in concilio & conventu aliquid agere, aliud autoritate

con-

conventus & concilii: itaque aliunde
quærenda sunt argumenta, si tuam e-
lectionis & abdicationis fabulam tue-
ri vis, alioquin mendacis nomen subire
oportet. Dicis præterea de legibus
publicis, de summis honoribus, præfe-
cturis & procurationibus reipub. in
hoc concilio solenni agi: delegibus ali-
quando actū fuisse, non est cur negan-
dum sit, licet nullū proferat Hotoma-
nus testimonium: hoc tamen sæpius
factum à posterioribus Regibus, scili-
cet Francisco I. cœptum sub Francisco
II. perfectum circa initium Regni Ca-
roli ix. Aureliæ, cum maxima Nobili-
tatis, Episcoporum sive Ecclesiastico-
rum, & ultimi ordinis hominum fre-
quentia, ann. Domini 1560. notum est.
Extat n. liber legum in hoc frequentis-
simo cœtu sancitarum, & eodem anno
promulgatarum, quæ ob id, Statuum
dicuntur. Et hoc quidem ab eodem
Carolo repetitum, scilicet in Molinæ
Bojorum urbe, 1566. & Ambasiæ, 1572.
Cæterum quod omnis potestas in le-
gibus ferendis penes ordines reman-
serit,

ferit, ut Regibus nihil licuerit, non probat Hotomanus, nec posset probare, & experientia ipsa ab hinc mille & ducentis annis, satis testatur: & ex his quæ suprà à me dicta sunt, apparet, Regibus nostris, in legibus novis ferendis, veteribus abrogandis, in deligendis Magistratibus & hujusmodi, semper liberum fuisse arbitrium. De procuratione verò Regni, sive id factum fuerit concilii autoritate, aut propria Regis disponentis voluntate, alibi appositius dicitur, non eorum testimoniis qui nostrarum historiarum ignoratione, audita habent pro compertis, ut Hotomanus Romani juris peritissimus, nostri vero ignorantissimus, aut dissimulator egregius. At verò de appannagio, quod Hotomanus verbo Germanico (ejus enim gentis euphonia, maximè delectatur) vocat abannagium: hunc locum frigidissimè attigit, fortassis ignoratione juris nostri, quod cum nullo sit alio commune, ab eo factum par est credere: exulat enim penè à pueritia.

Dicam

Dicam quæ ex usu & monumentis certissimis comperta habui, ut tamen tempora quæ Robertum ex Capeto præcesserunt, sive Merovingorum sive Carolingorum prætermittam. Carolingis enim Regno pulsus per Capetum, constat non mutatos Reges, sed sublatas seditiones, quibus ob Regni Gallorum divisionem, tum Merovingorum, tum Carolingorum temporibus, Gallias, & Germaniam ipsam totumque ferme occidentis imperium, vexatas, & planè eversas certum est. Sic ergo veritas habet, altius origine petita, ex iis quæ superius diximus, nemini dubium esse potest, sive lege Salica sive communi usu Francorum, in dubium non vocato per mille & ducentos annos, sceminis ad Regnum nullum unquam patuisse aditum, sive Merovingorum, sive Carolingorum, sive Capevingorum temporibus, sed semper maribus delatum & propinquioribus, sceminis exclusis quantum vis gradu proximioribus. Postquam verò ad Capetiorum famili-

h

liam

liam translatum Imperium extitit: nunquam postea inter liberos masculos, sive plures, sive pauciores divisum hoc regnum fuit: sed integrum ordine naturæ, majori natu delatum, ut qui primus vuluam matri aperuisset, illi regnum deberetur. Cùm enim moribus nostris, nulla pars, quantumvis exigua, perpetuo alienari possit, nec ergo dividi & subiici iudicio famil. erescund. cùm dividere alienare sit, & divisio vicem emptionis sustineat, ut nosti. Quòd si partes alienari non possunt, totum minus alienari poterit. Itaque unicus Rex unico Regno semper præfuit: & si qua portio delibata ex illo domanio extitit, jure scilicet appanagii, aliter enim perpetuò alienari non potuit, portio illa obnoxia Regi, & sub illius clientela & fiducia remansit, nec ita alienata est, quin possit ad prius jus tanquam postliminio redire: si illi cui eo titulo portio data fuit, sine liberis masculis, aut masculi sine masculis decesserint. Ita tamen ut eis nunquam licuerit portionem illam ad exteros,

teros, nedum ad filias, titulo aliquo transferre, de qua re extant edicta plurima nostrorum Regum, tum vetera, tum recentia, nempe Philippi VI. 1329, 1360. Ioannis & Caroli V. 1374. & Caroli VI. 1401. quibus alienatio Regij domanii non tantum prohibetur, sed ut alienata in pristinum statum revocarentur, cautum extitit, vetere jure scilicet. Sed quia hæc quæstio jam à *Chopino Andio* graviter disputata fuit in *Commentariis suis de dominio*, ut pauca quæ de ea dicenda sint desiderentur, satis sit docuisse, falli Hotomanum, dum asserit, Regem, non propria sed populi & statuum autoritate & placito, omnia gerere. Nam quod ille merovingorum, item Carlovingorum exempla quædam nobis profert imitanda, nihil aliud vult, quam earum rerum quæ planè extinctæ sunt (ut dixi) memoriam excitare. Sed quia tantum istis exemplis delectatur, quam ille formam rei pub. probat? eam scilicet quæ seditionibus agitata semper fuit, nullis præterquam militaribus

h 2 legi-

legibus instituta & formata, & quæ in perpetua rerum confusione fuit, qualis illa Carlovingorum. Sublato enim de medio Carolo Magno (quem tamen bella ad mortem usque comitata sunt) summa rerum ad Ludovicum Pium pervenit, cui non minor cura cum Regno accessit; adversus enim eum conspirarunt impii filii, & cum eis Episcopi & Proceres Regni, ut illum in ordinem redegerint, & in carcerem detruserint, annuente aut dissimulante Romano Pontifice, dum sui ordinis hominibus plus æquo favet, author est *Aimoinus lib. 5. cap. 12. cum sequent.* Sed age Hotomane, tibi ne satisfactum isto exemplo putas? audi sequentes Principes (de Carlovingis loquor) fortassis cum Pii filiiis, Ludovico scilicet, Carolo Calvo, Lothario & Pipino melius esse actum existimas, certè eadem contagio, imò major filios invasit. Sic *Aimoinus eodem lib. cap. 19.* Vertente autem anno, inquit ille, in die Ascensionis Domini, fit bellum Fontaneum in Burgundia à quatuor filiis
iplius

ipſius Ludovici, Carolo ſcilicet, Lothario, Ludovico & Pipino, ubi multus eſt effuſus ſanguis humanus. *Hæc ille.* Nec mirum ſi ii qui prius inqueſcerant in patris annos, ſeſe mutuïs cædibus lacerarint: quæ peſtis ad eò Carlovingis hæſit, ut ab eis nunquam diſceſſerit, donec tandem iis ſublatis de medio, Regnum hoc ad Capetum pervenit, irato (ut par eſt credere) Numine, propter fortaiſſis, filiorum impietatem erga Ludovicum Pium, ut nepotes vindicta ſecuta ſit. Et tamen Hotomanus huiusmodi ſclerata exempla imitanda audet proponere, & tempora illa noſtris æquare: qua autem mente quove animo id faciat, viderit lector. Cæterum dum ait Hotomanus Scribas Regios inſcientia aut malitia diplomatibus Regiis adiicere illa vulgaria verba, *Car te eſt noſtre plaiſir.* Poſtquam proprio idiomate ſcripta ſunt, ſua ille non aliorum culpare debuit ignorantiam neque illa verba, *Quia tale eſt noſtrum placitum*, ex illo placiti vocabulo, ut ille vult, nata ſunt, ſed

h 3 veterē

veterem more, quo Imperatores Romani & Reges nostri, ipsique Pontifices, usitatissima formula suorum edictorum ultima verba solebant concipere, dubitationis tollendæ causa. Sic *Iustinianus* in fine suarum constitutionum adiicit hæc verba: Quæ igitur placuerunt nobis, tua sublimitas operi effectuique dare festinet, *constitutione 2. & constitutione 5.* Quæ à nobis disposita sunt, operi effectuique tradere festinet. *& constitutione 11.* Quæ igitur nobis placuerunt, & per hanc sacram exponuntur legem, ea studeat excellentia tua ad effectum deducere, certoque fini tradere. *Constitutione 18.* Quæ igitur præclarè nobis & religioni placuerunt. *Idem 19. 20. 21. 32. 39. 57.* & aliis, quas longum esset recensere, quæ tibi cum nota sunt, prætermissa existimabit lector de industria, ne calumniæ tuæ manifestæ fiant; possem ego diplomata retrò Principum, & ipsorum Romanorum Pontificum in medium proferre: sed ille fortassis, tanquam fastuosa, nō probaret: cum tamen non de jure, sed de

de usu & veritate, hîc agatur. Non ergo, Hotomane, verbum hoc à Iustinianno frequentissimè usurpatum (quæ placuerunt) ad placitum, id est ad ordinum conventum audebis referre, cum ejus in historiis Romanorum Imp. nulla mentio sit, qui nunquam ad Concilia & placita sua plebem admiserunt, licet Adrianus apud *Spartianum* dicatur omnes Hispanos Tarraconem vocasse, non ut quid illi ab illis præscriberetur, sed ut ipse præscriberet. Non ergo à placito dices natum, imò à voluntate principum, qui edicta & constitutiones suas placita vocabant. Quòd si perquirere vetera diplomata Regum, privilegia Imperatorum, indulta Pontificum, & hujusmodi, nostri esset propositi, quæ passim Ecclesiis, Monasteriis, Orphanotrophiis, & cæteris ejusdem generis concessa sunt, & in eis asservantur, nō tantum usos fuisse hoc verbo (quæ placuerunt) sed pœnam adjecisse contra temeratores, aliquando pecuniæ, aliquando capitis, docere possem. Sed in re tã manifesta

non opus est pluribus agere. Non ergo
in scitia vel malitia (ut tu vis) nec sine
exemplo, Scribas Regios hac vulgata
formula, *Car tel est nostre plaisir*, usos
hactenus, si non tibi, qui veritati bel-
lum parasti, saltem lectori probabitur;
& quia tibi placent priorum & non
posteriorum Regum exempla, audi
quibus formulis Chilpericus Rex sua
edicta solitus est concipere & sancire:
sic enim *Gregorius Turonensis lib. 6. cap.*
46. de Chilperico loquens. In præce-
ptionibus, quas ad iudices pro suis uti-
litatibus dirigebat, hæc addebat, Si
quis præcepta nostra contempserit,
oculorum evulsione mulctetur. Sed
de iis satis: neque enim quæ vera sunt
carpere, sed quæ falsa, nostrum est in-
stitutum. Ad rem redeo: superius sa-
tis docuimus (& in hoc nemo me in
contrariam sententiam adducet, ut
non fatear) magnam publici in Fran-
cogallia concilii auctoritatem fuisse,
nec tamen tantam, ut ei eligendi & ab-
dicandi Regis unquam fuerit, cum
(ut superius sæpè diximus, & coacti
ob

ob authoris inflexibilem in sua electione pervicaciam, nunc decimus) filii Regnum à parentibus acciperent, ex *Procopio, Agathio, Cedreno, Turonensi, Aimoino, Adone, Reginone, & multis aliis antea allegatis*. Quæ autem author hoc capite de Majoribus domus aut palatii differit, non videtur satis locum istum pervium omnibus & cognitum fecisse; adeò ut titulo narratio non conveniat: qui enim de Præfectis Regis aulae (qui majores domus dicebantur) dicturus erat, de eorum origine dicere illi conveniebat, quòdve eorum erat officium: satis enim, & modicè versato in nostrarum historiarum lectione, intelligo quæ vulgari sermone scriptæ sunt, notum esse potest, majores domus & palatii fuisse, & Merovingis & Carlovingis. Sed fortassis non probabunt omnes eorum potestatem cum Præfectorum Prætorio Romanorum Imperatorum potestate adæquatam. Nam si umbram quandam hujusce dignitatis retineat, qui nunc Magnus magister hospitii

h §

dici-

dicitur, non tamen cum Comite stabuli, aut Connestabuli, potestate est conferendus: cum hic aulicis tantum negotiis, & quæ ad quotidianum aulae usum & æconomiam pertinent, præficiatur, alter exercitui, ut meistro cum magistris equitum, aut Præfectis prætorio Romanis sit comparandus. Itaque horum Connestabulorum, sive Comitum stabuli, prout apud *Turonensem, Aimoinū* aliosve historicos fit mentio, ut antiquitate, ita dignitate majores. Quis tandem hac dignitate Majoris domus aut Palatii primus dignatus sit, non aperit hic Hotomanus, licet ad suum institutum hoc maximè pertineret. *Aimoinus lib. 3. cap. 4.* mentionem facit Chrodini cujusdam, quem Franci in infantia Sigeberti Majorem domus constituerant, virum probum ac timoris plenum, qui (ut inquit ille) oblato honori cessit, & Gogonem in ejus locum suffecit: *eodem lib. cap. 57.* Landerici meminit, quem Comitem & Majorem domus appellat. Cujusdam Vuadonis mentionem facit

facit *Turenens. lib. 6. cap. 45.* quem vocat Majorem domus Chilperici, qui olim Sanctonicum rexerat Comitatum: & *lib. 9. cap. 30.* dicit, Childebertum Regem, invitante Meroveo episcopo, descriptores in Pictavos misisse, Florentianum Majorem domus Regiæ, & Romulum Palatii sui Comitem: ex quo loco satis apparet, majorem domus & comitem palatii non idem esse, ut videtur Hotomanus sentire, cum hîc videre sit Florentianum Majorem domus fuisse, & Romulum Comitem palatii, tanquam diversas dignitates diversis mandatas: & locus ille *Turonensis lib. 5. cap. 18.* de Gurgulione quem Comitem Palatii Sigiberti, non Majorem domus vocat, etiam ostendit. Quemadmodum autem in tantam potentiam creverint Majores domus, ut Regium nomen penes ipsos Reges esset, regia verò dignitas penes majores domus, ut de Pipino Austriæ, qui Regnum sibi & suis, hac via aperuit, id tribuendum ignavia Regum novissimorum Merovingis,
de

de quibus dici potest, quæ à *Trebellio Pollione* de Gallienis dicta sunt, cumque ludibriis & helluationi vacarent, neque aliter rempublicam gererent, quàm cùm pueri fingunt per ludibria potestates, non mirum si Francogalli exemplo Gallorum, quibus, *ut ille inquit*, insitum est luxuriosos principes ferre non posse, alium, & alienum quidem, è familia Merovingorum in Regem sibi sumpserunt, Pipinum, & post eum Carolum Magnum, quibus etiam non diuturnum fuit imperium, ut superius docuimus, sic volente Deo, qui per temporis interualla, & vicissitudines, occulta quadam vi illi soli cognita, delicta parentum filios expiare cogit, ac luere. Hanc Regum illorum ignaviam *Cedrenus* videtur notare his verbis: Memoriae proditum est, Regem Franciæ, consuetudine sic obtinente, Regnum per stirpem è majoribus suis ad se delatum gerere, nulli alii negotio intentum quàm brutæ voracitati, ac poculis: eundem Majorem in conspectu totius gentis præsidere,

fidere, gentemque adorare, & vicissim ab eo adorari, atque ultro tum de more, citroque, dari dona: præfectum domus sive Aulæ Regis, rerumque gentis ejus omnium curam gerere. *Hæc ille*, quæ licet ab inimicissimo Francorum dicta sint, & Græco, non abhorrent ab iis quæ à nostris scriptoribus vulgaribus dicuntur: quæ enim Cedrenus narrat, referenda sunt ad initium imperii Leonis tertii Iconomachi, anno Domini 718. quo tempore Theodoricus Cala, & post eum Chilpericus stupidus, ultimi Merovingorum, Francis imperabant, de quibus sentire *Cedrenus* videtur, quorum alterum à Pipino in monasterium relegatum, monachumque factum, *Aimoinus* docet.

IN CAP. XII. & XIII.

QUÆ XII. & XIII. Cap. Hocotomanus disputat, an Pipinus Papæ aut Francogallici concilii autoritate, Rex factus fuerit, id etiam videtur face-

facere , non aperiendæ historiæ , sed potius commovendæ & excitandæ seditionis causa : quid enim opus est toties tragœdiæ istius mentionem facere ? quidve expedit nosse , an Gentis consensu , an verò Papæ auctoritate Pipinus Rex factus fuerit ? cùm satius sit non meminisse earum rerum , quæ sunt obruendæ perpetuo silentio. Cæterùm Regni nostri adimendi , facultatem summo Pontifici nunquam permissam fuisse , nemo ignorat , etiamsi aliquando Bonifacius VIII. id tentare ausus sit , qui Regna dare & auferre (*teste Platina*) pro arbitrio conabatur : licet enim Reges nostri meritò nomen Christianissimi sint adepti , quòd orthodoxæ & Catholicæ Ecclesiæ doctrinam amplexi , mordicus retinuerint : non tamen ita Pontificis Romani placitis & decretis sese dicto audientes præstitere , ut illis omnia ex arbitrio permiserint , & potestatem suam acceptam illis tulerint. Tandem ad Hotomani quæstionem , vel potius schisma,

schisma, venio. Ex locis ab eo citatis satis liquet, non auctoritate summi pontificis, sed illius assensu & consilio, Pipinum, Caroli Martelli filium, diadema sumpsisse. Hoc etiam *Ado Vienensis* testatur, qui ad hæc accessit tempora: scripsit enim ille usque ad annum Domini 779. Et quæ de consultatione Pipini, cum summo pontifice Zacharia dicuntur, gesta fuere circa annum Domini 749. ut ille, & cum eo *Lambertus & Regino*. Verba autem *Adonis* sic habent: Interim dum copiæ parantur, Pipinus Burhardum Vuisburgensem Episcopum, *Gaguinus* malè Bituricensem vocat, & Fulraldum capellanum suum, ad Zachariam tunc temporis Pontificem Romanum, mittit, ut interrogarent eum, si ita manere deberent Reges Francorum cum penè nullius potestatis essent, jam solo Regio nomine contenti. Quibus Zacharias pontifex responsum dedit, non de jure, sed de facto (ut nostri dicunt) Regem potius illum debere vocari, qui rempub. rege-

regeret: reversis itaque Legatis, abjectoque Childerico, qui tunc regium nomen habebat, Franci, per consilium Legatorum, & Zachariæ Pontificis, electum Pipinum Regem sibi constituunt. Childericus (quem Germani scriptores Hildericum vocant) consuratus in monasterium missus est, *Hacille. Regino, Sigibertus, Lambertus, author qui addit Aimoino*, & cæteri scriptores in eo conveniunt, Regis Pipini inaugurationem per beatum Bonifacium Moguntiensem Archiepiscopum factam. Sed quod Pipinus consuluit Zachariam summum Pontificem, quoddque summus Pontifex, sive consilium, sive consensum, Pipino præstiterit, non est magna observatione dignum. Cum enim Childericus, Theodoricus, Cala, & alii Reges Francorum tam segniter tempus gererent, Gallia autem & Regnum Francorum in maximo versarentur discrimine, agitenturque tot bellis civilibus & externis, ex Vandalis scilicet, Abydaramo Sarraceno, & aliis Barbaris,

baris, qui partem illam Gallia^e Celtica^e populabantur, non mirum si delectus fuit, qui huic malo obviam ire posset: ut fecit Carolus Austrasius & post eum Pipinus, & Carolus Magnus nisi enim hi principes nostram rempub. amplexi fuissent, actum erat non solum de Gallia, sed de ipsa Italia, tot Tyrannis, tot Barbaris exposita, imò de re ipsa Christiana, tunc enim Sarraceni Hispania^e maiorem partem occupant, in Oriente Imperium Romanum fermè labebatur, & ut uno verbo dicam, nulla Europa^e, imò nulla orbis pars: bellis aut seditionibus expers & vacua erat: quæ tamen esse exempli pessimi pius iudicabit, nec subditis potestatem eam tribuer, ut proprio Rege abdicato & expulso, alios sibi principes faciant: Jubeat enim christus ferre malos principes illisque parere: sed cum ita visum fuerit Deo, qui regna dare & auferre solus potest. Eam mutationem maxima & urgentissima necessitate factam, à Franco-gallis, Regibus suis alioquin devotissimis,

firmis, ex eo credendum est, quòd cum per mille & ducentos ferme annos, Regnum hoc constiterit, inventum unum & alterum tantum exemplum ejusdem mutationis: primum, ob ignaviam & luxuriam principum: alterum fortassis, ut à me superius dictum fuit in vindictam prioris, vel majoribus rationibus. Nam, ut ait Marcus Antoninus philosophus apud *Vulcat. Gallican. in vita Avidii Cassii*: Nec quenkum facile bonum Imperatorem vel victum à Tyranno, vel occisum fuisse: meruisse Neionem, debuisse Caligulam. *Idem de Pertinace, & Galba*: denique non Augustum non Trajanum, non Adrianum, non patrem suum, à rebellibus potuisse superari, cum, & multi fuerint, & ipsis vel invitis, vel insciis extinctis. Sed ista sufficiant: ad Hotomanum redeo, qui suo & suorum more ridet, quæ *Regino monachus* de Stephano Papa scripsit, quippe hosti Pontificis nihil probatur, nisi quæ eum præstringunt. Tandem verum est, & ille qui ad *Aimoi-*

inoinum adjecit, ipseque *Ado Vienenfis*, & alii scriptores horum temporum testantur, Papam Stephanum, Pipinum & filios ejus, Carlomanum scilicet, & Carolum Magnum ad Regiæ dignitatis honorem consecrasse, ut auctoris verbis utar: quæ inauguratio, *Reginonis* testimonio, accidit circa annum Domini, 763. Electio verò, 760. Et hoc est, quod certi de hac re dici potest. Quemadmodum autem tantam auctoritatem majores domus sibi arrogarunt, ut tandem proprios Reges deponere, & in ordinem cogere potuerint, hoc, ut dictum est, tribui debet ignaviæ Regum, qui per eos omnia negotia Regni gerebant, nullius interim rei curam gerentes præter luxus, magnum mutationis argumentum & indicium. Enimverò quæ res malos principes faciat, rectè quærit *Vopiscus in vita Aureliani*. Primum (*inquit ille*) nimia licentia, deinde rerum copia, amici improbi satellites detestandi, aulici vel stulti, vel detestabiles: & quod negari non potest,

rerum publicarum ignorantia. Addit ex Diocletiano, nihil difficilius esse, quàm bene imperare: Colligunt, *inquit ille*, sequatuor vel quinque, atque unum consilium ad decipiendum Imperatorem capiunt, dicunt quid probandum sit. Imperator qui domi clausus est, vera non novit: cogitur hoc tantum scire, quod illi loquuntur: facit iudices quos fieri non oporteat, amovet à rep. quos debeat obtinere: denique bonus cautus venditur Imperator, ut nihil difficilius bono principe. *Hac ille*: quæ inferere volui, ut aliquando non tam alieno arbitrio Reges Rempub. curent, quàm ipsi intelligant, quæ eos intelligere & scire non tantum sua, sed Reipub. maximè interest. Verum de iis satis: ad aliud authoris caput progredior.

IN CAP. XIII.

QUod de Connestabulo & Paribus Franciæ est: ego verò ut illū nempe Connestabulum vel Comestabulū, prio-

priorem tempore, sic potiore dignitate judico: certum n. est, Connestabulos præcessisse dignitate & auctoritate majores domus: iis n. ut diximus, cura militum, ut magistris equitum & præfectis prætorio sub Romano Imperio, alteris verò domus cura & œconomia tantum, donec illi torpescentibus Regibus, & per ignaviã administrantibus regni administrationem & curam ad se traxerunt, nudo Regis nomine Regibus relicto: hinc est quòd *Turonensis* ante majores domus, Connestabulorum meminit locis ab *Hotomano citatis lib. hist. 5.* cum postea *lib. 6. cap. 45.* de quodam Vuadone, majore domus Chilperici, qui olim rexerat Santicum Comitatum, mentionem faciat: & ut præcedenti capite dixi, *lib. 10. cap. 30.* refert, Florentianum Majorem domus, & Romulfum Palatii sui Comitem missos à Childeberto Pictavis, ad censum describendum: Ex quo loco subest alia quæstio, quæ erat dignitas illa Romulfi, quem comitem Palatii vocat, cujus etiam dignitatis

alibi mentionem facit, nempe *lib. 5. cap. 15.* ubi Gucillonem (qui quondam Comes palatii Sigiberti Regis fuerat) abscisso capite interfectum dicit. Cum verò *Turonensis lib. 3. cap. 32.* ait, Imperatorem Iustinianum revocato Bellissario, Narsetem in ejus locum statuisse, Bellissarium verò Comitem stabuli pro humilitate creasse, non benè assequitum *Turonensem* existimo dignitatem, quam majorem esse, & loco Magistri equitum, mox præfecti prætorio, qui honos maximus erat post dictatorem, *Livio* admoventi prima labra constare poterit: quod etiam locus *Ammiani, lib. 26.* ab Hotomano citatus docet: ait enim ille, Valentinianum Valentem fratrem stabulo suo cum dignitate tribunatus præfecisse. Calendis Martiis, quem mox Calendis Aprilis, Augustum nominavit: ut verum sit dicere, Valentem prius donatum illa dignitate, tanquam inter aulicas & palatinas majore & clarissima, cui addere lubetalterum *Marcel. lib. 30.* locum, de cæde Valen-

lentis, cum quo ait xxx. opetiisse Tribunos, vacantes, & numerorum Rectores, Valerianum atqui Equitium: quorum alter stabulum, alter curabat Palatium: meminit etiam *idem Marcel. circa initium hujus 26. libri* Dagalaiphi cujusdam, quem magistrum equitum dicit, qui locus cogit me ambigere, num eadem fuerit dignitas Magistri equitum & Comitiss stabuli, & in re obscura licebit tanquam in arena cuilibet sententiam dicere. Majus tamen nomen esse magistri quàm comitis, alter *ejusdem Marcel. locus eodem lib.* annuere videtur: ait ille: Tunc & Equitus Illyriciano præponitur exercitui nondum magister, sed comes. Itaque paulò post adiicit: his cognitis Valentinianus eodem Equitio aucto magisterii dignitate, repedare ad Illyricum destinabat. Quòd autem Romanis vel Constantinopolitanis Imperatoribus, Ducis & Comitiss nomina dignitates fuerint aulicæ, militares & provinciales, vel ex *ipsius Marcel. & aliorum historicorum* Commen-

tariis , qui principum Romanorum
scripsere historias , *postremisque libris
Codicis* sciri potest. Porro non erit alie-
num à vero , existimare Francogallos,
quorum non exigua semper fuit co-
pia in Palatio vel comitatu Romano-
rum Imperatorum : imò authoritas,
ut superius diximus ex *eodem Marcel.
lib. 15. & 31.* hujusmodi dignitates Du-
cis , Comitibus , ex eorum institutis
sumpsisse, veluti Patriciatus, cujus me-
minit *Turonens. lib. 4. cap. 36. his verbis :*
Enium cognomento Mummolum à
Rege Gunthranno patriciatum pro-
meruisse. & *lib. 4. cap. 34. ait: Palladium*
comitatum in urbe Gallicana imper-
tiente Sigiberto promeruisse. Eodem
lib. cap. 38. refert, eundem Rēgem in lo-
cum Jovini rectoris provinciæ subro-
gasse Albinum: & cap. 41. de Lupo du-
ce, & de Nantino duce, Engolismensi,
lib. 5. cap. 36. & cap. ultimo ejusdem libri
de Berulfo duce, & lib. 7. cap. 13. de Ga-
raono duce , eodem capite de quodam
Vuillachario Aurelianensi comite, Est
tamen observatu dignum, nec præte-
reun-

reundum silentio, in comitatu Reginarum Franciæ fuisse hujusmodi dignitates, ut *idem Turonensis* author est, *lib. 7. cap. 27.* qui de Vuadone quodam mentionem facit, quem Majorem domus Reginæ Riguntis dicit. De origine verò Parium Franciæ, nihil ab Hotomano notatu dignum dicitur. Et certè, ut ille ait, nemo antiquorum scriptorum eorum meminit: est tamen locus unicus apud *Aimoinum, lib. 4. cap. 20.* ab Hotomano, ut credo, non animadversus, qui non parum ad hujus rei cognitionem facere videtur. Ubi Aimoinus dissidii vel controversiæ cujusdam inter Clotarium Regem Francorum, & Dagobertum filium, meminit, ad quam sopiendam & terminandam electos fuisse dicit duodecim Francos, quorum salubri consilio pater pacatus cum filio, reddidit quæ postulabat. *Hæc ille;* ut non ineptè fortassis dici possit, illo exemplo & principio XII. Pares à posteris Regibus electos fuisse, ad dissidia & controversias, quæ inter principem & filios, aut inter

i s popu-

populum & principem oriri poterant, dirimendas, tanquam arbitros: quem numerum posteri Reges amplexi sunt, ut perfectissimum, exemplo Servatoris, qui duodecim assumpsit Apostolos. Nemini tamen dubium esse potest, institutum hoc Parium antiquissimum esse, & si ambigi à quo tempore cœperint possit. *Tilius* scriba nostri Juris ad primè doctus, institutum hoc Parium fuisse dicit circa annum **III9.** tempore, scilicet, Ludovici Crassi. Extat Arestum supremæ Curix Parlamenti, anno Domini **1216.** de Clientelari sacramento, vel fide Comitatus Campanici: extant denique plura alia, in quibus crebra mentio horum Parium fit, nempe in Parlamento Nativitatis Deiparæ, **1259.** Pentecostes, **1261.** Omnium Sanctorum, ejusdem anni: Purificationis Virginis, **1262.** Omnium Sanctorum, **1316.** Aliud ultima Aprilis, **1359.** Non placet ea opinio, in quam Hotomanus inclinatio est, hoc institutum fuisse Arturi Regis Britannix, nam fabulæ quæ de Arturo dicun-

dicuntur (teste *Polydoro Virgilio*, *Anglica historia scriptore diligentissimo*, lib. 2.) circa Regnum Clodovei accidère, ut ridiculum sit Francogallos sexcentis & amplius post Arturum annis tanquam postliminio institutum hoc repetiisse, cùm hujus nec minima apud nostros antiquos scriptores mentio fiat, & quæ de institutis Equitum mensæ orbicularis, aut rotundæ, illius Arturi fabulantur, non alio *Polydorus* in pretio habet, quàm aniles fabellas quæ de Rolando, & cæteris Paribus Franciæ, ab Italis dicuntur: cujus instituti apud Britannos Anglos, unde id manasse dicit Hotomanus, nullum extat hodie vestigium, cùm tamen proprium eorum Regum fuisse dicatur. Itaque melius & aptius hoc institutum ex illo Clotharii & Dagoberti loco, qui in duodecim compromiserunt, ut superius dictum fuit, nec absurdum erit inde originem petere, & minus absurdus, quàm ab externis & peregrinis: fuere enim Franci in
con-

condendis legibus non minus industrii & sagaces, quàm in militia strenui, ut ipse *Agathius* testatur. Nisi fortè dicas, postquam Regnum Francogallorum in unius & solius potestate & arbitrio fuit, Carlovingis scilicet sublaris, tunc animum ad leges & politias Reges adjecisse, ut fieri solet quotiescunque ex bellis, quæ omnes politias & leges subvertunt, ad pacem fit transitus, utque fecisse Regem illum Numam, qui secundus à Romulo Romanorum Rex fuit, author est *Livius*, *historiarum lib. i.* Regno, inquit ille, potius, urbem novam conditam, vi & armis, jure eam legibus ac moribus de integro condere paravit, cùm inter bella assuescere videret non posse, quippe efferatis plerunque animis mitigandum ferocem populum armorum desuetudine rarus, Janum ad infimum Argiletum, judicem pacis bellicque fecit. *Et paulò post*, Positis externorum periculorum curis, ne luxuriarent otio animi, quos metus hostium, disciplinaque militaris continuerat, omnium

omnium primum rem ad multitudinem imperitam, & illis seculis rudem, efficacissimam, deorum metum iniiciendum ratus est: quem Augustus imitatus, debellatis Lepido & Antonio, post Actiacum bellum dicitur fecisse, Janiculo tertio clauso, ut author est *Cornelius Tacitus, Annalium lib. I.* Quod tamen institutum, siue Capeto tribuas, siue antiquiori, ex Merovingis vel Carlovingis, præclarum est. Sunt enim tanquam Regni & Regis perpetui consultores, hoc humanæ leges à divinis differunt, quòd divinæ sunt immutabiles, humanæ verò mutabiles, quia, *ut inquit Plato in libro qui Civilis, vel de Regno dicitur, Lex quod optimum omnibus est & justissimum, nequit syncerè comprehendendo, semper ita ut operæpretium est præcipere, quando hominum actionumque dissimilitudo, instabilisque rerum humanarum conditio facit, ut ars nulla simplex quicquam, & in universum de omnibus, perque omne tempus valens, constituere possit. Et alibi: Fieri non*

non potest, ut certus quidam unius modi, semperque ordo valeat in his quæ varia semper sunt, unius modiverò nunquam, sic propter seditiones, quæ in comitiis Imperialibus, quando de novo principe creando agebatur, negotium illud quod omnibus Germaniæ regulis & civitatibus compete-
bat, septem Electoribus mandatur, ex diplomate illo aureo, cujus suprà meminimus, quod institutum Novi Juris ab hinc annis trecentis, vel circà, fuisse testatur *Onuphrius*, antiquitatis exactissimus vestigator, in libro quem de *Comitiis Imperatoriis* scripsit, nempe circa annum Domini 1250. & tamen originem incertam ipse dicit: nec mirum si de Paribus nostris idem dici possit, tanta fuit illis temporibus scriptorum penuria vel incuria. Quæ autem sit illa Parium dignitas, non docet Hotomanus: melius *Chopinus* & fusius libro suo, cui multa addenda etiam sunt: quæ quia egent altiore investigatione, decrevi finem imponere huic narrationi, hoc addito: nullo,
nisi

nisi Parlamenti iudicio, quod cavillo Hotomanus imaginarium concilium vocat, Pares teneri, exauctorari, vel in capitis crimen accersiri posset, ut Arresto Curia, vj, nonas Mart. 1396. pater,

IN CAP. XV.

DEcimoquinto Capite Hotomanus auctoritatem illius sacrosancti Concilij, continuatam sub Carlo. vingis asserit, nescio ad quid, cum hoc nemo haectenus in dubium vocarit. Certum enim est & omnibus cognitum, Regibus Francorum satis familiare & frequens fuisse, quoties de summa totius Reipub. agendum erat, conventum indicere. Sed quod Hotomanus Concilio omnia permittit, tantum abest hoc verum esse, ut ex iis, quæ à me dicta superioribus capitibus sunt, contrarium verum esse patere omnibus possit. Nec magis verum est quod ait Hotomanus, sine authore tamē, Carolomanū, & Carolum Magnum fratres per Frācos, in generali cōventu, Reges con-

constitutos : huic enim opinioni ad-
versantur , quæ superius dicta sunt ex
Adone, Aimoino, Reginone, Sigiberto, &
aliis : nempe Stephanum Pontificem
Romanum in Gallia tunc profugum,
Pipinum in Regem, ejusque filios Ca-
rolum & Carolomanum unxisse. Sub-
jungit *Vienensis*, mortuo Pipino , quem
post diem unctionis suę regnasse XVIII.
annos, aut paulò amplius, asserit: Glo-
riosa filii illius Carolus & Caroloma-
nus in Regnum Francorum elevati.
sunt, Carolomano autem infratrien-
nium mortuo, summa rerum penes
Carolum (qui ob res præclarè gestas
Magnus dictus fuit) pervenit. Nobi-
liores enim Franci, *ut inquit ille*, cum
Episcopis & comitibus glorioso Regi
Carolo se conjunxerunt. *Idem Aimoi-
nus*, aut author ille qui *historiæ illius*
addidit, *lib. 4. cap. 67. & seq.* Sed Hoto-
manus, qui non minus hæret falsæ il-
lius electionis, & ab eo solo inventæ
fabulæ, quàm spongiæ saxi. Iterum ex
Eguinartho existimat impudenter, &
sine exemplo, etiam Carlovingorum
tem-

temporibus Regnum nostrum, ordinum & populi iudicio, ad filios pervenisse. Sed hoc falsum est: & exemplum illud Pipini, qui prole Merovingica de medio sublata, ex maiore domus Regnum sibi & suis paravit, nihil ad hanc rem facit. Quod illi facile fuit, cum penes eum arma & fiscus essent, nudo Regis nomine Chilperico, Danieli & Theodorico Cala relicto. Itaque ne videretur Regnum per vim occupasse, alienus enim erat à Merovingis, consuluit Zachariam summum pontificem: mox procures Regni, ut eorum suffragiis, potius quàm propria auctoritate, Regnum videretur accepisse: nec mirum si Concilii auctoritatem retinuerit, nec insimularetur leges cum Regibus mutasse, ex quo magna solet conflare invidia: quod Romani animadvertentes, devictum ab eis populum suis legibus vivere permittebant, ut non sustulisse leges, sed Reges, insimularentur: populus enim magis pro patriis legibus, & religione pugnat, quàm pro aris & focis, ut testes

k sunt

sunt Iudei, ipsique Franci, & Germani. Sed incassum hæc Hotomanus, cum præcedentibus capitibus satis superque à me probatum fuerit, etiam Capovingis hoc familiare fuisse, quoties ex usu reipub. fuit, conventum omnium ordinum indicere. At ille, qui, ut suprà dictum est, aliud agit, aliud simulat, quique libellum illum, aut monstrum potius, nulla alia ratione in lucem emisit, nisi ut seditiones ciceret, nam eò tendunt & spectant fabulæ electionis illæ sæpius ab eo recantatæ: quæ vera sunt dissimulat mendacia profert. Itaque quod ait iudicium arbitriumque Reipub. usque ad Carolum Simplicem, id est, per quingentos, & quinquaginta amplius annos, penes populi Comititia & ordinum conventum fuisse, nullo authore hoc asserit: etenim certum est, non solum Merovingos, sed post eos Carlovingos, Regno constituto, omnia ex arbitrio ut plurimum fecisse, sive belli, sive pacis tempore: & si aliquando conventum indixerunt, id perfunctoriè factum fuit, vel quando
inter

inter eos contentio aliqua oriebatur,
aut tempore quo Reges per ætatem
Regno & rebus suis præesse non pote-
rant, ut ex ipsis *Turonensi, Aimoino, &
aliis scriptoribus nostris*, videre est. Sic
Clodoveus primus Gundobaldo Bur-
gundo, Clothilde uxore suadente, bel-
lum intulit, nullis prius habitis comi-
tiis, mox contra Alaricum Gothorum
Regem, deinde contra Chariaricum
Regem & filium, quos occidit. Sic
Ragnacharium ducem filii Clodovei,
matre urgente adversus Burgandum
movent bellum. Theodobertus filius
Theodorici Regis expeditionem fecit
in Italiam, & Siciliam: Clotarius ad-
versus Saxones, filii Clotarii Regnum
inter se dividunt. Quid plura? nulla
aut pauca negotia, siue quæ ad bellum,
siue quæ ad pacem pertinent, invenias
aliter gesta, quàm voluntate imperan-
tium. Possem ego proferre cedes man-
datas, & indicta causa factas, tributa
imposita, & huiusmodi Regis solius
verbo & voluntate: sed talia sibi tragi-
cus Hotomanus habeat, quibus tanto-
perè

perè delectatur, quæ ego nunquam
evulgassem, nisi ille provocasset. Ve-
rum est quod ait Hotomanus ex *Egi-
nartho*, Merovingorum temporibus
iustitutum fuisse, ut quotannis Cal.
Maii publicum populi conventum
agerent, ad eumque conventum
carpento bobus tracto veherentur.
Id *Cedrenus*, ut superius docuimus,
dicere videtur, dum ait, convenire so-
litos ad adorandum populum, ab ipso
vicissim adorari, & munera accipere.
Reges enim illi ultimi Merovingi, se-
mel in anno tantum, populo copiam
sui faciebant, negotia belli & pacis
per magistros domus curantes & ge-
rentes, nullam autem, aut saltem mi-
nimam, fuisse penes illud concilium
authoritatem, licet conicere. *Turo-
nensis* enim, qui vulgarium & planè
inanium rerum mentionem facit, il-
lius nusquam meminit, licet historiam
suam prosecutus sit usque ad regnum
Gunthranni & Childeberti Junioris,
id est usque ad annum 630. Itaque
non est, cur tantopere Hotomanus
mire-

miretur illam majorum nostrorum sapientiam, quam tanquam in speculo contemplandam censet, quos ait maximam posuisse differentiam, inter Regnum & Regem. Quis enim nescit aliud Regem, aliud Regnum, aliud Pastorem, aliud oves, aliud tutorem, aliud pupillum? Quis unquam talia in dubium vocavit? Imò, verò quis non existimat, Regem populi causa à Deo creatum & institutum? quis hoc negat aut negavit unquam? Sed non sequitur, Regem nihil velle, neque posse, quod populo non placeat, tutorem quod pupillo, pastorem quod gregi: Non enim ad hoc constituti sunt, non magis quàm medici ut ægris pareant, dictoque audientes sint: id enim præposterum esset, & contra ordinem naturæ, quo minora majoribus cedunt. Itaque, ut à me alibi dictum fuit, quemadmodum in omnibus tum divinis, tum humanis & naturalibus rebus, videmus aliquid altero semper majus, & ideo dici excelsum quod supra cæteros emineat, ut caput altius

cæteris membris est, Sol ipsa Luna clari-
rior, Luna cæteris stellis, quæ invicem
aliæ aliis lucidiores sunt, sic ordinante
rerum omnium opifice: imò quicquid
est in eis luminis, Soli acceptum fe-
runt, ut membra capiti motus suos &
actiones: ita existimandum est à Deo
ordinatam fuisse huiusmodi potesta-
tem Regiam, ad illius ordinis cælestis
dispositionem, & imitationem: ut
quemadmodum unum Deum agnos-
cimus, cujus nutu omnia agi, moveri,
& cuncta gubernari fatemur; ita po-
pulus Regis (qui imago Dei est) auspi-
ciis & legibus regeretur, ad eumque,
tanquam ad certissimam regulam, re-
spiceret. Sed quia accidit, ut qui impe-
rat, solus per se omnia munia Imperiū
exequi non possit, adsumere solet vi-
ros probos, more Antonini philosophi:
qui, *ut refert Capitolinus*, semper cum
optimatibus, non solum bellicas res,
sed etiam civiles, priusquam faceret
aliquid, contulit: cujus fuisse hanc sen-
tentiam præcipuam dicit: *Æquius*
est, ut ego tot & talium amicorum
con-

consilium sequar, quàm ut tot & tales amici meam unius voluntatem sequantur. Quemadmodum Reges nostri semper fecerunt, & faciunt, ut ne hac quidem parte aliquid desiderandum sit, Cæterùm cùm reipublicæ & Regni cura præcipua sit, in delictis puniendis prohibendisque, & arcendis malis hominibus, & æquali juris distributione : &, ut vult *Plato in dialogo de Regno* : Regia majestas, inquit ille, mihi videtur omnibus juxta legum instituta, cæteras imbuentibus educantibusque præsidens, id duntaxat ut exerceant doceantque permittere, quod ad ipsius rationem attinens, mores decoros inducat. Eos autem qui fortitudinis temperantiæve, aut cæterarum virtutum vim assequi non possunt, sed pravitate naturæ ad impietatem, petulantiam, injustitiamque trahuntur, è cœtu civium eiicit, exilioque, morte, & extremo opprobrio damnat: vel, ut ille ait *lib. 9. de legibus*, quos infames legislator senserit, ultimo supplicio hos afficiet, non ignorans, satius

fore his qui insanabiles sunt, mori
quàm vivere, ac si vita privantur, du-
pliciter prodesse cæteris: nam horum
exemplo à peccato cæteri deterren-
tur, & improbis hominibus civitas ipsa
mundatur. Constituti sunt à Rege ma-
gistratus & iudices in singulis provin-
ciis, quibus hoc negotium mandatur;
& si ab illis provocatum sit, sunt ultimi
magistratus & parlamenta, à quibus
non magis quàm à principe, ipsique
præfectis prætorio Romanorum jure
appellare licet. Quod cum planè in-
notuerit Hotomano, quippe sub legi-
bus nostris educato, tamen ille, ut o-
diosum hoc Regnum ignorantibus
morum nostrorum reddere possit, dis-
simulat, politiam accusat, cum tamen
nulla in toto orbe nostræ comparari
possit: non dico Germanorum, in ea
enim quot sunt domini & toparchi,
imò ferme pagi, tot sunt politix, cum
quisque (quod tamen Hotomanus,
proh dolor, non improbat) legibus
quibus vult subditos adstringat. Quid
dico legibus? imò verò religionibus,
quæ

quæ in Germania innumeræ sunt : ibi enim illa religio quæ Domino probatur, pro justa & legitima est. Enimvero quod Hotomanus publici concilij Lutetiæ habiti, Ioanne Rege ab Anglis capto, & in Angliam abducto, mentionem ausus est facere, in quo nonnullos Consiliarios Regis exclusos dicit, imò iussos conventu exire : hîc etiam ostendit quantum illi seditiones probantur & placent. Sed quia *Froissardus*, ipseque *Monstreletus*, quorsum evalerit hoc concilium, satis docent, quos consulere debebat antequam illius mentionem faceret, vidisset verum esse quod ex *Livio* suprâ diximus de plebe : Aut servit humiliter, aut superbè dominatur : cò enim res processerat, ut nisi Caroli quinti, Joannis filii, Normaniæ ducis, tunc Regnum regentis prudentia obviam itum esset, plus mali cœtus ille Regno adlaturus erat, quàm ipsius Regis Joannis captivitas, qui tamen non ita natum dissidium componere potuit, quin multa & magna ex illo incommoda nata sint

huic Regno, ipsique Carolo, qui non semel in vitæ discrimen incidit, plebe laxatis habenis-furente: quæ, ut iterum dicam, aut servit humiliter, aut superbè dominatur: & tamen exempla illa Hotomanus profert, laudat, & imitatione digna judicat, ut mutet quadrata rotundis. Et ea ratione citat *Ciceronem ad Brutum*, ubi *Cicero* fatetur semper sibi placuisse, non Rege solo, sed Regno liberari rempub. Idem animus Hotomano, idem propositum, ea mens, licet dispar sit ratio, nec deesset conatus, si vires sufficerent: sed nihil ille præter inanem latratum habet.

IN CAP. XVI.

Cui non satis fuit ter aut quater eandem lectionem cantare, nisi etiam hoc 16. libelli sui capite, iterum, tanquam *Penelopes* telam texens, suum impudens commentum, toties explosum, toties cæsum, falsi mendacique convictum, inservisset. Ait ille superius demonstratum fuisse, Francogal-

cogallia Regnum per mille ducentos annos in tribus tantum familiarum nominibus versatum, Merovingorum scilicet, Carlovingorum & Capevingorum. Tu quartam moliris & optas: quod te malè habet, & iterum mentiri cogit impudenter, dum ais non hæreditate, sed concilii iudicio, Regni successionem delatam: quod tu planè nostri falsissimum, ut superius satis superque probavimus, & series Regum nostrorum omnibus nota, hoc indicat, quam hîc repetere, tedium & nauseam lectori pararet. Subjungit ille libenter tamen: Franci Germanorum suorum institutum retinebant, ut Reges ex nobilitate, Duces ex virtute sumerent, ac plerumque Reges sibi deligerent, qui Regali sanguine prognati, regaliter instituti educatique fuerant, siue ex propinquorum numero & gradu essent, siue non, Sic, *inquit ille*, circa annum Domini 987. à Ludovico ultimo ex Carlovingis ad Căperum Francorum ducem Regnum delatum extitit. Dii te perdant cum e mentita
tua

tua electione. Sed dic, profer, & recita authorem: tibi enim, tanquam impudenti nugatori, nemo unquam fidem dabit: imò verò profer aliquem, qui turbato ordine successionis, tum ex Merovingis tum ex Capevingis, Regnum adeptus sit, excluso propinquiore: recitarem iterum ego lubenter eo loci seriem Regum nostrorum, ad deridendum Hotomanum, ni superius multa ad hanc rem dicta & probata fuissent, & notæ non essent Regum nostrorum historiæ, quoque ordine, quomodo, quando, & à quibus Regna acceperint: sed ait, Cùm è familia Carlovingorum Carolus Lotharingiæ dux superesset, Hugo Capetus, Imperatoris Ottonis ex sorore nepos, Hugonis illius magni Comitis Parisiensis filius, Regnum adeptus est, alienato à Carolo Francorum animo, quòd Lotharingiam Imperatori cesserat, ut *Appendix ad Aimoinum* docet, l. 5. cap. 44. quam historiam ab Hotomano insertam libello suo ea ratione iudicio, quòd dux illæ Regum mutationes illi
maxi-

maximè placent: &, ut dictum est, non alia ratioe ista proponit, quam ut imitentur. Quomodo autem acciderit hujusmodi mutatio, qua fieri potuerit fide, licet invitus, narrabo, altius re repeta. Superioribus dixi, Merovingis ob ignaviam & socordiã regno pulsas, imò è medio sublatis, per Majorem domus Pipinũ Austrasium: qui sibi & suis Regnũ paraverat, sumã rerum penes Carolum Magnum ejus filiũ, Carolomano altero filio mortuo pervenit, magno successit Ludovicus filius, qui ob morum facilitatem & sanctitatem Pij nomen adeptus est, cui majora bella & deteriora à filiis fuere quàm ab exteris. Notum enim est, Pium à filiis sæpius bello petirum, carceribus mancipatum, Juditha uxore in monasterium acta, mox in exilium: quæ dissidia aliquo modico intervallo sopita, imò potius dissimulata, extiterunt, Ludovico in Regnum & Imperium restituto, & Juditha uxore exilio revocata. Tandem decessit Pius, ut refert *Appendix ad Aimoinum, lib. 5. cap. 20. Cal. Julii*

Julii 840. quo defuncto seditiones
quæ Pium agitarant, cum hæreditate
ad filios transierunt: Carolum, qui
Calvus dictus fuit, scilicet, Lotharium
Ludovicum & Pipinum, inter quos
fit bellum Fontaneum in Burgundia
atrox: ubi, (*ut inquit Appendix, & su-*
perius diximus) multus effusus est san-
guis: Calvo cessit Regnum Franco-
rum, Lothario, pars illa ejusdem Regni
Franciæ, quæ Germaniam respicit, de-
que nomine illius Lotharii, Regnum
appellata Lotharingia, dicitur. Ludo-
vico, Burgundia: Pipino, Aquitania.
Nec mirum si Regnum hoc tot portio-
nibus divisum, tandem lapsum sit, do-
nec ad unius iterum redierit arbitrium.
Ita divisum Imperio, aliquantulum quie-
vere fratres. Lothario extincto in Ita-
lia, quod accidit circa annum Domi-
ni 858. Calvus audito fratris obitu, eo-
dem anno, 5. Idus Septembris, Me-
tis in Ecclesia sancti Stephani cum be-
nedictione sacerdotali coronatus est:
unde inter Calvum, & Ludovicum
fratrem Regem Germaniæ & Bur-
gundiæ,

gundia, magnæ contentiones pro Lotharii successione exortæ sunt, quæ tandem paulò post sopitæ, & successio Lotharii inter fratres divisa, qui tamen quoad vixerunt sibi invicem insidiati sunt, alia superveniente causa: nempe Ludovico Rege Italia mortuo, Calvus, invitante Ioanne Romano Pontifice, Romam profectus est, & ab eo, *ut Appendix refert eodem lib. ca. 32. xvj. Cal. Ianuar. cum magna gloria in Ecclesia sancti Petri susceptus est, anno 876. mox in die Nativitatis Domini ejusdem anni, in Imperatorem est unctus & coronatus, atque Imperator Romanorum declaratus: unde iterum controversiæ inter Calvum, & Regem Germaniæ Ludovicum, quo defuncto non minor inter Calvum & filios Ludovici quæstio, fuitque atrox prælium ad Coloniam inter Calvum & Ludovicum Ludovici fratris filium: quo prælio victus Calvus, exercitu penè deletro, coactus sibi cōsulere: & tandē à Sedechia Iudæo medico suo, hausto veneno, quod illi loco medicamēti propina-*

pinarat Judæus, moritur Calvus: in
cujus locum, Ludovicus filius, quem
nostri Balbum vocant, in Regem Fran-
corum ab Huicmaro Remorum Epif-
copo inungitur, circa annum Domini
877. qui, *teste Reginone lib. 1.* circa an-
num Domini 878. obiit, non sine suspi-
cione veneni, relicto cognomine filio,
& altero Carolomano, quibus Boso
(cujus, ut refert *Appendix ad Aimoinum,*
cap. 32. lib. 5. Calvus sororem uxorem
duxerat, eumque Ducatu Mediola-
nensi donarat) data in matrimonium
Hymengarda Ludovici Imperatoris
filia bellum intulit, seque Regem Bur-
gundiæ dixit, uxore inflata animis Re-
gis ad id impellente. Ludovicus quo-
que, qui Germanis, ut dictum est, im-
perabat, audita Balbi morte, adole-
scentibus filiis bellum etiam intulit, à
quibus portionem Regni Lotharii
quam pater tenuerat, Calvus verò a-
demerat, accepit: addita etiam, ut re-
fert *idem Regino eodem lib. 2. Chronico-
rum* S. Vedasti Attrebatensis abbatia.
Tandem Ludovicus Ludovici filius,
Calvi

Calvi nepos, obiit anno Domini, *secundum Reginonem*, 883. *Appendicem vero Compendii* §82. relicto Carolomano fratre, quem etiam obiisse Regino horum temporum scriptor testatur, anno Domini 894. induciis cum Northmannis pactis: non, *ut asserit Æmilius*, dum in equo ludibundus, refugientem domum puellam insequitur, impetu equi intra humile ostium illatus: sed, *ut idem Regino ait*, ex vulnere in venatione ab apro illato, vel à quodam suo satellite: improvidè arma ferente. Hic versari in maxima caligine incipiunt res Francorum; dicam tamen quod comperi, nempe post eorum obitum; cum Northmanni Gallias vastarent; ut *Regino & Sigibertus* eum secutus referunt; Franci Carolum Ludovici Germani filium, Calvi fratrem, ut *Reginonis* verbis utar, ultro in Regnum evocant; eique advenienti ad Gundolphi villam obviam procedunt; & manibus sacramentisque juxta morem datis, ejus ditioni se subdiderunt: eum recentiores, scriptores Crassum
I vocant;

vocant. A quo etiam (quia *ut ait Regino*, corpore & animo ægrotabat) Franci optimates defecere ad Arnulphum Carolomanni filium eumque, ut *Reginonis* verbis utar, ultro in regnum attrahunt, & subito facta conspiratione ab Imperatore deficientes, ad prædictum virum statim transeunt, ita ut in triduo vix aliquis remanserit, qui ei saltem officia humanitatis impenderet quo defuncto (obiit enim anno Domini 888.) non solum Francorum Regnum, sed Imperium scissum est. Cum enim, *ut Regino inquit*, quem ego cæteris scriptoribus præferendum censeo, ut pote gesta sui temporis scribentem, non deessent Francorum principes qui nobilitate, fortitudine, & sapientia, Regnis imperare possent, quia inter ipsos æqualitas generositatis, dignitatis, ac potentiæ discordiam augebant, nemine cæteros præcedente, ut ejus dominio reliqui se subdere dignarentur, quædam pars Italici populi Berengarium Foroliviensis Comititis filium, Regem sibi statuunt. Franci verò
cum

cum consensu ejusdem Arnulphi, Othonem Ducem Andium Roberti Ducis qui bello Northmanico objekerat, filium extra Carlovīngorum stemma & familiam, virum tamen strenuum, forma & proceritate conspicuum, cui virium sapientiæque magnitudo incretat, Regem super se creant, qui viriliter rempub. rexit. A quo tamen anno Domini 892. Principes Francorum maxima ex parte deficiunt, & Carolo, quem nostri Simplicem vocant, Balbi filio ex Adheleide manus dant, factione Falconis archiepiscopi, & Pipini Comitibus, eumque Remis in Regnum elevant, quos Hoto, nostri Odonem vocant, compositis rebus in Aquitania, cum ipso Carolo fugat, persequiturque. Hoto sive Odo obiit ann. Domini 898. quo defuncto, solus Carolus Simplex ex voluntate Principum regnat: quo tamen in carcere truso per Heribertum Veromandum, Franci ab eo defecerunt, & Rodulphum Burgundū extra progeniem Carlovīngorū sibi in Regē assumunt, Inter quem & Robertum,

tum, Hotonis sive Odonis fratrem, quem superius à *Reginone* Regem Francorum diximus, gravissima extiterunt bella: eo tandem defuncto, Franci Ludovicum Simplicis filium tunc in Hybernia, vel secundum quosdam, in Anglia degebat (nostri ob id vocant transmarinum) Regem assumunt: adversus quem Hugo maximus dux Francorum Hotonis sive Odonis Regis propinquus, qui transmarinum ex Anglia cum matre Headgina Simplicis uxore evocarat, bellum paravit. *Appendix ad Aimoinum, cap. 6.* testatur, Simplicem totum vitæ tempus duxisse plenum angustiarum, ærumnarum & molestiarum, mox diem clausisse, secundum Sigihertum, anno Domini 955. relictis Carolo & Lothario. Lotharius factione Hugonis magni ducis Francorum in Regno præfertur: Carolus privatus vixit: obiit Lotharius anno Domini, 977. reliquit, *secundum Appendicem*, Ludovicum, quem nostri ob ignaviam, inertem vocant, dicuntque anno tantum regnasse, & obiisse,

obiisse anno Domini 985. *Appendix* vero, 9. regnasse dicit: utcunque sit, certum est Carolum, quem *Appendix* filium Lotharii, *Sigebertus* fratrem dicit, ab Hugone filio Hugonis magni Ducis Francorum, Hotonis vel Odonis Regis Francorum nepote captum, Regno privatum, & in perpetua custodia Aureliæ cum uxore & liberis adservatum quoad vixerit, eundemque Hugonem, cum filio Roberto, Regem Franciæ creatum. Sic tandem hoc Regnum ex Carlovingis ad Capetum pervenit, quod ego ordine commemorare volui, non ea ratione qua Hotomanus: sed ut lector secum reputet, quo in statu tunc temporis res Francorum esse poterant: ad quæ tamen temporanos Hotomanus, si posset, revocaret. Prætereà ut omnibus innotescat, nihil esse tam constans, tamque perpetuum, & legibus optimis stabilitum, quin pluribus incommodis obnoxium sit, & vicissitudine quadam mutationes recipiat: quas tamen mutationes, tanquam perniciosissimas,

siſſimas, & in interitum generis humani eſſe *Plato* docet, *lib. 7. de legibus*: ideò vitandas, quatenus humana fragilitas prævidere poteſt, & illis ratione qua à Deo donati ſumus, obviam ire, licet ſæpiſſimè mala iſta nobis procurantibus accidant, propter populi vel Regum peccata, quibus aliter mæderi non poteſt: mutationes enim Regnorum, Imperiorum, Rerumpub. maximè à Deo pendent, in quibus videmus, manum Domini fortiſſimam, & minaces iras. Nam, ut *Attabanus apud Herodotum lib. 7.* prægrandia animalia fulmine Deus ferit, nec ſinit inſoleſcere: parva verò nihil lædit: magna ſemper ædificia, magnasque arbores, huiusmodi fulminum tela percutiunt: gaudet enim Deus, eminentiſſima quæq; deprimere. Vnde & ingens exercitus ab exiguo proſtigatur, quoties Deus, his quibus invidet, aut metum incutit, aut tonitruum: propterea multi ex alto & ſummo faſtigio in maximas calamitates inciderunt, quia Deus neminem alium, quàm ſeipſum, ſinit

finit magnificè de se sentire. Sic impe-
 ria accepimus & potestates omnium
 firmissimas corruisse. *Hec ille.* Corruit
 enim Medorum monarchia, corruit
 Persarum, Macedonumque: & quod
 magis est stupendum, Imperium Ro-
 manum omnium præstantissimum,
 quod æternum omnes existimabant,
 concidit: tanta est rerum humanarum
 inconstantia & varietas. Sic Re-
 gnum Francorum ex Merovingis ad
 Carlovingos, mox ex Carlovingis ad
 Capetum, Dei judicio, translatum
 fuit. Ut tandem his exemplis, Reges
 & iudices terræ sapere discant, ac me-
 tuere, nec omnia pro voluntate & ar-
 bitrio gerere sibi permissum existi-
 ment: reputantes Deum aliquando, li-
 cet serò, tandem misertum populi,
 vindictam de illis sumpturum, & ex il-
 lo summo fastigio eos dejecturum: a-
 gnoscantque quàm gravis casus in ser-
 vitium ex Regno sit, ut inquit *Salustius*.
 Superest quod postrema hujus capitis
 parte Hotomanus, sequutus illius su-
 perciliosi scriptoris gallici somnia, ait,

non esse prætereundum silentio astutum Capeti in novo Regno stabiliendo consilium: Quod ille ad conciliandos retinendosque Procerum animos, quæ temporariæ erant dignitates, veluti Ducatus & Comitatus, fecit perpetuas, constituitque ut qui eas obtinebant, patrimonii jure retinerent, atque ad suos liberos posterosque, cum reliqua à hæreditate, transferrent: quo facinore non minimam, publici Concilii authoritatem immutatam dicit. Certè etiam eo loci Hotomanus detegit qualis vir fiet, calumniator scilicet, & conviciator impudentissimus: calumniator; quòd falsò insimulet hujus, ut ille loquitur, facinoris Capetum: conviciator; qui non veretur talem Regem astutum dicere, & commissi facinoris accusare. Quid enim de veteratore Davo Terentiano pejus diceret? Sed imitatur illum scriptorem Gallicum recenter ortum, qui eadem vel majore insectatione Capetum proscindit. Habet etiam Connanum suæ opinionis assertorem,

torem, virum certè doctissimum, qui tamen allucinari potuit, fallique, cum certum sit longè ante Capetum hoc factum fuisse. Nam in Germania Ducatus, & hujusmodi sunt hæreditarii ab hinc septingentis vel amplius annis, qui tamen Merovingis erant tantum dignitates vel officia. Quis hoc facinus in Germania commisit? quis in Italia? non dices Capetum, qui neque Germanis neque Italis unquam imperavit, ut omnes norunt. Quare Imperatori Germano renuntias, ut ille potestates hujusmodi, quæ in Germania multæ & innumeræ sunt tandem in ordinem cogat, revocetque ad primum statum: si tamen posterioribus Imperatoribus non licuit, ut tu sentire videris, Ducatus & Comitatus & hujusmodi dignitates hæreditarias facere. Vide quomodo te geris erga Principem illustrem, Comitem Palatinum, Electorem, cui tandem ausus es librum tuum dicare, plenum hujusmodi fabulis, cum tamen liber ille, illum, & omnes alios Germaniæ Prin-

cipes

cipes permaximè pungat & urgeat, tanquam sacri Imperii & patrimonii injustos possessores in vafores, vel usurpatores: nam quid aliud vis hujusmodi narratione ridicula, quæ certè multum detrahit de eruditionis tuæ opinionone: sed quia tu me, licet reluctan-tem, in hanc cogis descendere aleam, ut ad te redeam, qui nihil pro tua malè concepta opinione adfers præternugas, locumque illum, qui certè propter illius antiquitatem lubricus est, versaturque in maximis tenebris, pervium & clarū faciam quoad potero, liceatque de hac re meam promere sententiam: Certum est Capetum frustra in jus hac de causa vocari, multis enim ante Capetum temporibus id factum fuit, regnantibus scilicet postremis ex Carlovingis: tanta enim erat tunc rerum omnium confusio, tot bellis Franco Gallia, totque seditionibus agitabatur, ut facile fuerit iis, qui hujusmodi dignitatibus præfecti erant, eas tanquam hæreditarias retinere, siue permittente Rege, siue annuente, vel potius

tius dissimulante, cū aliter tueri, nisi his iuvantibus, Regnum desperasset: ut *Appendix ad Turonensem* videtur significare, etiam id factum Merovingicis temporibus, labente eorum Imperio: sic enim *author illius Appendicis, cap. 108.* procedēte alioquin anno sequente egregius bellator, Carolus princeps (de maleo vel martello loquitur, quem proximo capite occidisse Abydaram Sarracenum dixerat) regionem Burgundiæ sagaciter penetravit, fines Lendibus suis probatissimis viris, industriis ad resistendum, rebellibus & infidelibus, statuit: præterea ut historiæ Carlovingorum ultimorum testantur, tantus erat nobilitatis fastus, ut non solum dignitates illas, sed abbatias hereditarias facerent, *author est Appendix ad Aimoinum, lib. 5. cap. 36. & cap. 42. melius, cap. 43.* ubi mentio fit Rodulphi Ducis Burgundionum Richardi Ducis filii: *Appendix, Regino, & Sigibertus* Rodulphum in albo Regum Francorum numerant: meminit præterea eo loci Gisleberti Ducis Burgun-

gundia, quem ait reliquisse ducatum
 Othoni filio Hugonis Magni genero
 suo: addit *eodem cap.* Othone Duce
 Burgundia defuncto, ei successisse
 Henricum fratrem: & sic à Richardo
 ad Rodulphum: à Rodulpho, ad Gis-
 lebertum: à Gisleberto verò, dotis
 nomine, ad Othonem: ab Othone, ad
 Henricum fratrem, per successionem
 Ducatus ille transivit: quæ omnia
 longè ante Capetum facta ordo tem-
 porum satis docet. Eadem de Andio
 Comitatu, & multis aliis ostendi pos-
 sent, sed locus ille pluribus egeret: ita-
 que sufficiat docuisse falli & errare
 Hotomanum turpissimè, falsoque in-
 simulare hujus facti Capetum, ut ille
 cum magna impudentia, ne dicam
 ignorantia, facit.

IN CAP. XVII. & XVIII.

DUobus Capitibus sequentibus, u-
 num quod est xvij. de continuata
 publici concilii autoritate Capevin-
 gorum familia: alterum xvij. de me-
 mora-

morabili authoritate Concilii in Regem Ludovicum XI. satis fatetur Hottomanus, quod inficiari sine impudentia non posset, leges etiam temporibus Capevingorum viguisse, &, ut uno verbo dicam, non Regnum, sed Reges mutatos. Enimvero si comparationi locus esset, multum differt Capevingorum à Merovingorum & Carlovingorum politia & administratione: siue leges, siue quid aliud in comparisonem venire possit, ut ex iis quæ dicta sunt sciri facile potest, & melius si Reges Regibus, tempora temporibus opponas: quæ quia locus hic non postulat, & res longiore eget narratione, sufficit etiam ore proprio Hottomani, qui aliter factum veller, Reges Capevingos justiores Merovingis & Carlovingis semper fuisse, esseque. Porro de controversia pro Regno Francorum inter Philippum Valesium, & Eduardum Angliæ Regem, Elizabethamque ejus uxorem, Caroli Pulchri Regis Francorum sororem, qui sine prole mascula obierat, cujus
hoc

hoc capite meminit Hotomanus, & in qua Philippum fuisse superiorem nemo nescit: non est verum, solutam fuisse, & terminatam in publico gentis conventu, ut vult Hotomanus, sed Lutetiæ in Parlamento Patrum, sive Parium Curia, judicio Curia, ac duodecim Parium Franciæ, ut ex *Froissardo* satis colligi potest: denique extat Arrestum, recitatione cujus id melius sciri poterit, licet verum esse nolim inficiari, interfuisse actioni & hujusmodi quæstioni, Regni hujus Proceres. Sed an illi suam in hoc cœtu dixerint sententiam nihil *Froissardus*. Itaque dicendum est interfuisse quidem actioni, tanquam Regis Comites, vel spectatores, ut fieri plerumque videmus, quoties Rex jus dicturus, Parlamentum ingreditur (id vulgus vocat, lectum justitiæ tenere.) Cæterum hoc loco paululum divertere, formamque hujusmodi cœtus narrare, quo ve ordine sedeant, qui & quibus jus ferendæ sententiæ in eo competat, non erit otiosum nec inutile posteritati insinuare.

nuare & mandare, cū videamus in talibus vestigandis & quærendis, hodie hominum doctissimorum ingenia valde occupata & intenta: quæ si apertius fuissent enuntiata, clarior esset historiarum, non tantum nostrarum, sed externarum cognitio. Sic ergo habet: Regem Curiam ingredientem (ut dixi) comitantur, & in inferioribus subselliis sedent, qui sunt secretioris illius Consilii, quibus permissum est de re controversa suum promere iudicium: in maioribus autem Principes consanguinei primo ordine à Rege, qui illis est erectior & remotior, & ipsi sententiam dicunt. Ab iis verò principibus, ipsi Pares Franciæ laici ab uno latere, Ecclesiastici verò ordinis ab altero, idque in superioribus subselliis, longiusculè à Rege, quorum etiam explorantur sententiæ: idest Cancellarius sententiarum, opinionum aut suffragiorum Regius narrator, & enuntiator: quiq; prius explorata & quæsitæ Regis sententiæ, illius tamē auctoritate statuit: Ad sunt & Regni Proceres, & qui

qui dignitate egregia præditi sunt, si-
ve ex Comitatu principis, ut magnus
Magister domus, magnus Camera-
rius, summus Dapifer, summus equo-
rum regionum custos, & hujusmodi:
sive Regni dignitatem gerant, ut Con-
nestabulus, Tribuni militum, quos
Mareschallos vulgò vocamus, qui e-
tiam sententiam dicunt. Item Navar-
chorum præfectus vel Thalassiar-
chus, vulgò Amiralium vocamus: & simi-
les, ut puta Præfecti & Præsides pro-
vinciarum, quos vulgus vocat Ballivos
& Seneschallos, quibus tamen jus fe-
rendæ sententiæ non est, nisi cum di-
gnitate à Consilio secretiori Regis
sint: intersunt ipsi Præsides & Senato-
res Parlamenti, purpurati omnes, qui
etiam sententiam dicunt. Tandem ut
ad propositam narrationem redeam,
cùm finem hujusmodi quæstio illo A-
resto celebri acceperit, ex jure, non
manu aut vi; clarum efficitur, legis
Salicæ autoritate fuisse judicatum,
qua fœminæ non solùm Regno, quod
nunquam nisi ab illo perpetuo Fran-
corum

eorum hoste, in dubium vocatum fuit, siue Merovingis, siue Carlovingis, siue Capevingis: sed portione Regni quantulacunque arcentur, ut superioribus docui, & veritas facti, quæ omnes alias probationes superat, satis ostendit. Nulla enim unquam alia inveniri poterit affectati hujus Regni suspicio tantum, ne dicam controversia, ab aliqua fœmina, aut ejus marito quantumvis proximior agnatione, aut sanguine fuerit: ut mirum sit, tam impudenter scriptorem Gallicum, cum supercilio & magna audacia, ab hinc duobus annis scripsisse, in suis narrationibus & commentariis fœminis Regno nostro interdici, non alio jure quam vi & armis (omnium, ut inquit ille, legum fundamentum) quasi velit institutum illud siue legem, siue consuetudinem, siue quid aliud voces, nulla ratione, sed solius imperantium voluntate niti; cum tamen nihil magis consentaneum naturæ sit, quam viros viris imperare: non quòd ego Regna, quorum ex consuetudine fœminæ

m cap.

capaces sunt, improbem: multas enim fuisse, esseque, non contemnendæ authoritatis: quæ etiam melius imperarunt, imperantque viris. Ego ordinem naturæ, & non quod præteream, ne dicam contra sit, sequor: quæ prius ut ortum & generationem ita imperium viris detulit, qua duce nunquam aberrabimus, ut inquit *Tullius*. Nec enim, ut ait *Plato*, bobus boves, nec capris capras præficimus, sed nos ipsis, genus melius, dominamur: hoc tamen illi condonandum censeo, quem, ut alienis inserviret & placeret auribus (ut aliena opera usus est) talia dixisse existimo: neque enim de hujusmodi rebus judicare potest, cum sit tantum organum & instrumentum alterius dogmatis & opinionis. Etenim nemini dubium esse potest, ut enim ait *Plato*, lib. 4. de legibus, vel populum superantem, vel aliam quampiam rempub. vel tyrannum, ad aliud sponte leges laturum, quam ad utilitatem suam, hoc est, sui principatus stabilitatem, quas qui transgreditur, ut iniquus

quas ab eo, qui eas institutiones induxit, justasque appellat, punietur: sed hæ, eo auctore leges non sunt, cum leges dici & censerī ex debeant, quæ ad temperantiam, & virtutem salutemque civium & subditorum respiciunt, Is enim, ut inquit ille, solus, rectè ferre leges existimandus est, qui veluti sagittarius, illuc animum semper intendit, unde continuò aliquid sequatur, eorum quæ bona sunt: reliquit verò quod à virtutibus separatum est. Ad quod lex illa sive Salica, sive, ut vult *Postellus*, & fortassis bona ratione, Gallica, imo naturalis, tendit: quid enim melius, & ad naturam accommodatius, quàm hominem qui caput fœminæ est regnare? Itaque non vi & armis lex illa posita fuit, sed ratiōe naturali, & omni jure divino & humano, ut pluribus docere possem, si hujus esset loci ac temporis, nec longiore opus esset narratio. ne. Quare, ut ad Hotomanum redeam, non est quòd tanto operè sese torqueat, hoc 17. cap. ad authoritatem concilii ostendendam & probandam:

cùm nemo adeò impudens & perfrictæ frons inveniri possit, qui hoc neget. Satis enim superioribus docuimus, multa negotia, eaque gravissima, ordinum vel statuum consilio plerumque terminata & decisa, solius tamen Regis nomine & autoritate. Quorsum autem evaserit Concilium illud habitum Lutetiæ, capto ab Anglis Joanne Rege, cujus meminit Hotomanus, quantumque turbarum & seditionum civerit, legat *Gaguinum*, *Froissardum* & *Monstreletum*: legat inquam, & inveniet nihil verius esse, quàm quod *Livius* ait, & bis à me jam dictum fuit, de plebe: aut servit humiliter, aut superbè dominatur. *Habes* Hotomane, quod te non puduit scribere, nempe ex Regno non tyrannidem, sed oligarchiam omnium malorum maximam, quæ tu maximè delectaris: etenim verum est, Joannis captivitatem, exercitusque illius cladem, & internecionem in agro Pictaviensi, non majus detrimentum Gallix inflixisse, quàm seditiones, quæ ex illo

illo cœtu natæ sunt: nam quicquid malorum ab Anglis, Navarris, Arminiis, Burgundis, & hujusmodi, illatum Franciæ per tot annos extitit, à Joannis captivitate usque ad Carolum VII. inde originem traxisse, nemini in lectione historiarum nostrarum tam modicè versato, incognitum esse potest: ex illo enim seminario, quicquid fuit bellorum in Gallia, sive ob tutelam Caroli sexti, quem pater impuberem reliquerat, sive ob furorem in quem princeps ille alioquin bello strenuus, & viribus corporis nulli secundus, incidisse dicitur, non sine suspicione dati medicamenti, ex illo fonte originem accepit: donec Carolus septimus sapientissimus, fortissimus & piissimus, omnibus prope fortunis spoliatus, tandem ope divina de Anglis, domesticis factionibus, & seditionibus triumphavit, toto Regno Anglis ipsis expulsis, & trans mare amandatis, unica Caete excepta, in memoriam pristinæ eorum rebellionis & tyrannidis, quod nullum genus

sævitæ & crudelitatis in Francigenas
Francis ipsis ductoribus prætermise-
rant: unde meruerint nomen habere
& antiqui & perpetui hostis nominis
Francorum, à qua etiam emensis du-
centis circiter annis, auspiciis Ducis
Guilii Lothareni, Regis Henrici Le-
gati, vi expulsi sunt, anno Domini 1558.
Vide, Hotomane, fructus cætus tui
tantopere celebrati, & cantati. Sed re-
ista oblectant, itaque non mirum si
sæpius in ore habeas. At verò de me-
morabili illius concilii authoritate,
quam memoria patrum nostrorum in-
terpositam rursus Hotomanus cum
magno fastu & procaci oratione dicit
18. capite, censetque narrandam &
non prætermittendam, contra Re-
gem Ludovicum XI. quem superiorum
Regum omnium versutissimum, & cal-
lidissimum habitum esse dicit. Vide-
amus tandem quis fructus, quis ve exi-
tus fuerit hujusmodi cætus, & certè
seditionum amantissimus, & incensor
Hotomanus, narratione sua fateri co-
gitur, nihil præter cædes, rapinas, ur-
bium

bium direptiones, incendia, constuprationes, & libidines execrandas: postremo quicquid malorum bellum inferre solet, ex tam memorabili & non prætermittenda auctoritate manasse, tot defectoribus & conjuratis, coeuntibus adversus Principem suum. Atqui, ait ille, evocatis assiduis plebis querimoniis & postulationibus exercitum comparasse, ea scilicet ratione, ut si Rex consulere bono publico & bonis consiliis parere detrectaret, vi cogere possent: qua de causa bellum illud bono publico susceptum dicebatur, cum tamen in perniciem populi vergeret, ut eventus docuit: hoc certe illi prætexebant, ut solent qui causam secessionis aut dissidia quærunt: qui enim, nisi illo colore quæsito, bellum intulissent? Omnia mala exempla, ut inquit *Salustius*, ex bonis initiis orta sunt: id est, habent velamentum & specimen cujusdam probabilis argumenti: nam ut pulchre *Plato*, l. 3. de legibus, non arduum est videre si exemplo comovearis: qua ratione Gracchi duo ad-

versus rempublicam Romanam conspirarunt, bono, ut inquiebant illi, publico, nempe quod plebs à nobilitate opprimebatur. Marius dictaturam arripuit, non sine prætextu boni publici: Cinna & Sylla non carebant exemplo: & ipse Sylla trucidatis ante ædes concordiae, in quibus senatum coegerat, sex aut septem virorum & civium Romanorum millibus, Senatu ob lachrymas, & ululatus occisorum, quos exaudire poterat, vehementer turbato & commoto, ait se quosdam seditiosos iussisse perimi, ut cæteri securè viverent. Suberat Catilinæ prætextus rempub. invadendi, urbem incendendi: non defuit Cæsari causa velata rempub. occupandi, nec Bruto & Cassio Cæsarem occidendi, Sertorius causas prætexuit: Hannibali non deerat causa movendi bellum adversus Romanos & Saguntinos, nec Romanis adversus Mithridatem & Antiochum, Alexandro adversus Darium. Quid plura? putasne unquam motum bellum sine aliquo inani prætextu? Sed
nihil

nihil periculosius, nec in speciem fallacius, cum bonum aliquod prætenditur sceleribus, veluti factum fuit. Etenim ni Ludovicus, quem tu versutissimum & callidissimum dicis, improbè, partim simulando, partim dissimulando eorum conatus compressisset, actum penitus erat de Regno Francorum, tantum abest ut causa boni publici tunc conjuratis illis curæ fuerit, ut nihil deterius populo contingere potuerit, qui semper alienis delictis & erratis plectitur, ut experientia tunc didicit: & nunc videmus, vidimusq; tribus lustris præteritis, non sine magno, quid dicam damno? imò cum summo malo & penè totius regni interitu. Hæc sunt quæ tu iterum revocare in lucem optas, hæc vota tua, hic scopus tuæ orationis, hic cardo tuæ causæ, nèpe ut omnia terribilissimo bello ardeant, ut Gallia in se ruat, & sese laceret ac laniet, veluti hætenus talibus classicis & furiis, prohi dolor, cum magno omnium bonorum mœrore fecit facitque; neque alienis exemplis aut periculis sit cautior, licet

notum sit, conjuratos illos tandem pœnas dedisse. Quidam enim ferro, veluti Charolensis hujus factionis princeps, alieni appetentissimus, alii violenta morte, alii verò ultimo supplicio. sed hæc terra & tacenda exempla sufficiant, quæ coactus, ut dixi, profecto. Cæterum quæ Hotomanus ex *Cominii lib. historiarum* 5. c. 18. libello suo inservit, de Ludovico XI. nota sunt: & utinam eo animo, quo *Cominius*, inseruisset certè non egeret responsione: non enim *Cominius* id agebat ut turbas cieret, vel classicum caneret, ut Hotomanus: alia pio viro, Regisque sui & Regni amantissimo mens fuit: culpabat ille Aulicorum perfidiam, qui Regi non optima, sed suavissima consulunt, eique omnia licere non verentur affirmare: cum tamen miser sit ille, ut supra ex *Tullio* dixi, qui omnia sibi licere existimat: verùm *Cominius* Regem minimè tollere nitebatur, ut tu conaris. Sunt certè Reges, ut cæteri mortales, quibusdam vitiis obnoxii, & eo deterioris conditionis, quòd

quòd eorum vitia in occulto esse nullo modo possint. Nam, ut inquit *Capitolinus in vita Marci Philosophi*, nemo est principum, quem non gravis fama perstringat. Inerant tamen in eo principe ingentes virtutes, de quo dici potest quod de Severo Pertinace dictum fuisse refert *Lampridius*, nunquam nasci debuisse, aut mori, quod nimis utilis reipub. videtur: illo enim imperante sublatae sunt & omnino extinctae seditiones, quae per centum amplius annos Gallias vexarant, ut supra monstravimus. Et tandem Hotomanus talem principem non erubescit proscindere, cum tanta certè impudentia, ut non Regem, sed infimae fortis hominem notare videatur. Viderit itaque lector, quid de illo iudicandum sit: non enim in animum induxi cum illo conviciis agere: neque enim solum, quid illum audire, verum quid me deceat dicere considero: itaque ad penultimum libri sui caput venio.

IN CAP. XIX.

QUo Hotomanus quærit, an mulieres non ut ab hæreditate Regni, sic ab ejus procuratore Franco-gallico jure arceantur: in qua quæstione non minus seditiosè agit, quàm superioribus: & fortassis non alia ratione libellum istum in lucem emisit, quàm ut Reginarum excellentissimam Reginam Catharinam, Henrici II. uxorem, nunquam satis laudatam, tot Regum Reginarumque matrem, odiosam Francis proponeret: sciebat enim Hotomanus, illa stante, suos conatus & aliorum seditiosorum irritos fore. Itaque nescio quo malo genio videtur divinasse & præsensisse, quæ ab editione libri, in Francia, præter omnium opinionem acciderunt, nempe Henrici III. profectio in Poloniam, & eo absente, obitum Caroli fratris: existimabat enim si oratione illa excitati Franci, Regina negotium facerent, liberius in vacuas ædes grassatu-

saturos perduelles. Sed Hotomane, melior mens, melior Francis animus est: non possunt capi verborum inanum illecebris: norunt quò tendat illa modulatio, quoque illa verba splendida tendant: Regina arcentur à Regno, legibus Francorum, ergo à Regum etiam filiorum tutela & procuratione, quasi eadem sint, ut tu tamen vis, & hæc est juris consulti Hotomani opinio. Audiamus tandem quibus argumentis suam tuctur opinionem. Primum ille vult testatum, se non de Romanorum, neque de aliarum gentium jure sed tantum de hujus nostri Francogallici institutis disserere: calidè certè, & versutè. Ita enim Hotomanus jus Romanorum respuit, non ficta ratione qua utitur, sed propter præjudicium quod ille sibi fieri censet: eo enim jure non solum tutelæ filiorum fœminæ capaces sunt, sed quod magis est, tantis dignatæ sunt Imperatrices honoribus & privilegiis, ut nomen Augustæ meruerint. Meminerat præterea Mameam Alexandri
Seve-

beveri piissimi & optimi Imperatoris
piissimam matrem, curam non Regni,
sed Imperii suscepisse, ejusque consi-
lio semper utum Alexandrum, sciebat
fuisse alias præclaras fœminas, tam
in Romano imperio, quàm in exteris
Regnis, quæ melius viris imperarunt,
& inter eas Agnetem Henrici III.
Germanorum Imperatoris matrem,
quæ curam impuberis filii & Imperii
accepit, recteque gessit, donec Epi-
scopus Coloniensis, & quidam alii
seditioni, è matris gremio Imperato-
rem duodennem sustulerunt, unde
gravissimæ seditiones. Præterea vide-
rat *Platonem* in legibus suis, mulieres
& administrationis & belli capaces
existimasse, omniaque, *ut ille, lib. 6.*
de legibus ait, fœminis cum viris com-
munia, ad civitatis fœlicitatem studia
constituenda esse. Legerat *Plutarchum*
de claris mulieribus disserentem, &
Tacitum in lib. de moribus Germanorum,
Germanos nihil neque in bello ne-
que in pace insciis & inconsultis uxo-
ribus tractasse, quas Cæsar ab antiquis
Gal-

Gallis adhibitas in Concilium dicit, etiam dum majora tractabant. Non ignorabat, multa esse fuisseque Regna bene constituta, in quibus mulieres Regni capaces sunt, ideò externa reiicit, quia præjudicium faciunt falso illi dogmati. atqui de jure, usu & consuetudine Regni nostri agatur, & hoc Hotomano concedatur: ait ille, extare exempla superiorum temporum, quibus constat à Reginis, præsertim viduis, & Regum puerorum matribus, hoc Regnum administratum fuisse: ex usu id fieri tu fateri cogeris. Quid ergo obgannis? Sed ex contrario pugnare dicit rationem disputandi usitatam, ut cui per se Reginam esse jus non est, eidem regendi jus ac potestas non sit: per se autem mulierem Reginam esse non posse, neque Regni hæreditatem ei ex eave prognatis deferri, ut si Reginæ appellentur, per accidens & propter maritos, id fieri superius ex mille cc. annorum monumentis demonstratum dicit: & sic concludit, Reginas matres ut Regno
ita

ſævitix & crudelitatis in Francigenas
Francis ipsis ductoribus prætermiſe-
rant: unde meruerint nomen habere
& antiqui & perpetui hoſtis nominis
Francorum, à qua etiam emenſis du-
centis circiter annis, auſpiciis Ducis
Guiſii Lothareni, Regis Henrici Le-
gati, vi expulſi ſunt, anno Domini 1558.
Vide, Hotomane, fructus cœtus tui
tantopere celebrati, & cantati. Sed te
iſta oblectant, itaque non mirum ſi
ſæpius in ore habeas. At verò de me-
morabili illius concilii authoritate,
quam memoria patrum noſtrorum in-
terpoſitam rurius Hotomanus cum
magno faſtu & procaci oratione dicit
18. capite, cenſerque narrandam &
non prætermittendam, contra Re-
gem Ludovicum XI. quem ſuperiorum
Regum omnium verſutiſſimum, & cal-
lidiffimum habitum eſſe dicit. Vide-
mus tandem quis fructus, quisve exi-
tus fuerit huiusmodi cœtus, & certè
ſeditionum amantiſſimus, & incenſor
Hotomanus, narratione ſua fateri co-
gitur, nihil præter cædes, rapinas, ur-
bium

bium direptiones, incendia, constuprationes, & libidines execrandas: postremo quicquid malorum bellum inferre solet, ex tam memorabili & non prætermittenda auctoritate manasse, tot defectoribus & conjuratis, coeuntibus adversus Principem suum. Atqui, ait ille, evocatis assiduis plebis querimoniis & postulationibus exercitum comparasse, ea scilicet ratione, ut si Rex consulere bono publico & bonis consiliis parere detrectaret, vi cogere possent: qua de causa bellum illud bono publico susceptum dicebatur, cum tamen in perniciem populi vergeret, ut eventus docuit: hoc certe illi prætexebant, ut solent qui causam secessionis aut dissidia quærunt: qui enim, nisi illo colore quæsito, bellum intulissent? Omnia mala exempla, ut inquit *Salustius*, ex bonis initiis orta sunt: id est, habent velamentum & specimen cujusdam probabilis argumenti: nam ut pulchre *Plato, l. 3. de legibus*, non arduum est videre si exemplo comovearis: qua ratione Gracchi duo ad-

versus rempublicam Romanam conspirarunt, bono, ut inquebant illi, publico, nempe quòd plebs à nobilitate opprimebatur. Marius dictaturam arripuit, non sine prætextu boni publici: Cinna & Sylla non carebant exemplo: & ipse Sylla trucidatis ante ædes concordia, in quibus senatum coegerat, sex aut septem virorum & civium Romanorum millibus, Senatu ob lachrymas, & ululatus occisorum, quos exaudire poterat, vehementer turbato & commoto, ait se quosdam seditiosos iussisse perimi, ut cæteri securè viverent. Suberat Catiline prætextus rempub. invadendi, urbem incendendi: non defuit Cæsari causa velata rempub. occupandi, nec Bruto & Cassio Cæsarem occidendi. Sertorius causas prætexuit. Hannibali non deerat causa movendi bellum adversus Romanos & Saguntinos, nec Romanis adversus Mithridatem & Antiochum, Alexandro adversus Darium. Quid plura? putasne unquam motum bellum sine aliquo inani prætextu? Sed nihil

nihil periculosius, nec in speciem fallacius, cum bonum aliquod prætenditur sceleribus, veluti factum fuit. Etenim ni Ludovicus, quem tu versutissimum & callidissimum dicis, improbè, partim simulando, partim dissimulando eorum conatus compressisset, actum penitus erat de Regno Francorum, tantum abest ut causa boni publici tunc conjuratis illis curæ fuerit, ut nihil deterius populo contingere potuerit, qui semper alienis delictis & erratis plectitur, ut experientia tunc didicit: & nunc videmus, vidimusq; tribus lustris præteritis, non sine magno, quid dicam damno? imò cum summo malo & penè totius regni interitu. Hæc sunt quæ tu iterum revocare in lucem optas, hæc vota tua, hic scopus tuæ orationis, hic cardo tuæ causæ, nèpe ut omnia terribilissimo bello ardeant, ut Gallia in se ruat, & sese laceret ac laniet, veluti hætenus talibus classicis & furiis, proli dolor, cum magno omnium bonorum mœrore fecit facitque; neque alienis exemplis aut periculis sit cautior, licet

notum sit, conjuratos illos tandem pœnas dedisse. Quidam enim ferro, veluti Charolensis hujus factionis princeps, alieni appetentissimus, alii violenta morte, alii verò ultimo supplicio. sed hæc terra & tacenda exempla sufficiant, quæ coactus, ut dixi, profero. Cæterum quæ Hotomanus ex *Cominii lib. historiarum* §. c. 18. libello suo inservit, de Ludovico XI. nota sunt: & utinam eo animo, quo *Cominius*, inferuisset certè non egeret responsione: non enim *Cominius* id agebat ut turbas cieret, vel classicum caneret, ut Hotomanus: alia pio viro, Regisque sui & Regni amantissimo mens fuit: culpabat ille Aulicorum perfidiam, qui Regi non optima, sed suavissima consulunt, eique omnia licere non verentur affirmare: cum tamen miser sit ille, ut supra ex *Tullio* dixi, qui omnia sibi licere existimat: verùm *Cominius* Regem minimè tollere nitebatur, ut tu conaris. Sunt certè Reges, ut cæteri mortales, quibusdam vitiis obnoxii, & eo deterioris conditionis, quòd

quòd eorum vitia in occulto esse nullo modo possint. Nam, ut inquit *Capitolinus in vita Marci Philosophi*, nemo est principum, quem non gravis fama perstringat. Inerant tamen in eo principe ingentes virtutes, de quo dici potest quod de Severo Pertinace dictum fuisse refert *Lampridius*, nunquam nasci debuisse, aut mori, quod nimis utilis reipub. videtur: illo enim imperante sublatae sunt & omnino extinctae seditiones, quae per centum amplius annos Gallias vexarant, ut supra monstravimus. Et tandem *Hotomanus* talem principem non erubescit proscindere, cum tanta certè impudentia, ut non Regem, sed infimae fortis hominem notare videatur. Viderit itaque lector, quid de illo iudicandum sit; non enim in animum induxi cum illo conviciis agere: neque enim solum, quid illum audire, verum quid me deceat dicere considero: itaque ad penultimum libri sui caput venio.

IN

IN CAP. XIX.

QUo Hotomanus quærit, an mulieres non ut ab hæreditate Regni, sic ab ejus procuratore Franco-gallico jure arceantur: in qua quæstione non minus seditiosè agit, quàm superioribus: & fortassis non alia ratione libellum istum in lucem emisit, quàm ut Reginarum excellentissimam Reginam Catharinam, Henrici II. uxorem, nunquam satis laudatam, tot Regum Reginarumque matrem, odiosam Francis proponeret: sciebat enim Hotomanus, illa stante, suos conatus & aliorum seditiosorum irritos fore. Itaque nescio quo malo genio videtur divinasse & præsensisse, quæ ab editione libri, in Francia, præter omnium opinionem acciderunt, nempe Henrici III. profectio in Poloniam, & eo absente, obitum Caroli fratris: existimabat enim si oratione illa excitati Franci, Regina negotium facerent, liberius in vacuas ædes grassatu-

saturos perduelles. Sed Hotomane, melior mens, melior Francis animus est: non possunt capi verborum inanum illecebris: norunt quò tendat illa modulatio, quoque illa verba splendida tendant: Regina arcentur à Regno, legibus Francorum, ergo à Regum etiam filiorum tutela & procuratione, quasi eadem sint, ut tu tamen vis, & hæc est juris consulti Hotomani opinio. Audiamus tandem quibus argumentis suam tuetur opinionem. Primum ille vult testatum, se non de Romanorum, neque de aliarum gentium jure sed tantum de hujus nostri Francogallici institutis disserere: calidè certè, & versutè. Ita enim Hotomanus jus Romanorum respuit, non ficta ratione qua utitur, sed propter præjudicium quod ille sibi fieri censet: eo enim jure non solum tutelæ filiorum fœminæ capaces sunt, sed quod magis est, tantis dignatæ sunt Imperatrices honoribus & privilegiis, ut nomen Augustæ meruerint. Meminerat præterea Mameam Alexandri Seve-

beveri piissimi & optimi Imperatoris
piissimam matrem, curam non Regni,
sed Imperii suscepisse, ejusque consi-
lio semper utum Alexandrum, sciebat
fuisse alias præclaras fœminas, tam
in Romano imperio, quàm in exteris
Regnis, quæ melius viris imperarunt,
& inter eas Agnetem Henrici III.
Germanorum Imperatoris matrem,
quæ curam impuberis filii & Imperii
accepit, recteque gessit, donec Epi-
scopus Coloniensis, & quidam alii
leditiosi, è matris gremio Imperato-
rem duodennem sustulerunt, unde
gravissimæ seditiones. Præterea vide-
rat *Platonem* in legibus suis, mulieres
& administrationis & belli capaces
existimasse, omniaque, *ut ille, lib. 6.*
de legibus ait, fœminis cum viris com-
munia, ad civitatis fœlicitatem studia
constituenda esse. Legerat *Plutarchum*
de claris mulieribus disserentem, &
Tacitum in lib. de moribus Germanorum,
Germanos nihil neque in bello ne-
que in pace insciis & inconsultis uxo-
ribus tractasse, quas Cæsar ab antiquis
Gal-

Gallis adhibitas in Concilium dicit, etiam dum majora tractabant. Non ignorabat, multa esse fuisseque Regna bene constituta, in quibus mulieres Regni capaces sunt, ideò externa reiicit, quia præjudicium faciunt falso illi dogmati. atqui de jure, usu & consuetudine Regni nostri agatur, & hoc Hotomano concedatur: ait ille, extare exempla superiorum temporum, quibus constat à Reginis, præsertim viduis, & Regum puerorum matribus, hoc Regnum administratum fuisse: ex usu id fieri tu fateri cogeris. Quid ergo obgannis? Sed ex contrario pugnare dicit rationem disputandi usitatam, ut cui per se Reginam esse jus non est, eidem regendi jus ac potestas non sit: per se autem mulierem Reginam esse non posse, neque Regni hæreditatem ei ex eave prognatis deferri, ut si Reginæ appellentur, per accidens & propter maritos, id fieri superius ex mille cc. annorum monumentis demonstratum dicit: & sic concludit, Reginas matres ut Regno
ita

ita Regni procuratione arcendas & prohibendas, licet ex consuetudine & usu antiquissimo, & multis seculis probato aliter fuisse factum sciat: cum tamen ut alibi dixi, Consuetudo in hujusmodi negotiis attendi debeat, tanquam lex certissima & optima legum interpret. Sed age, quis tam absurdam consequentiam ex tam malis initiis & propositis, tamque malè coherrentibus, & omnino ineptissimam, ferat? Nec enim magis sequeretur, mulier Connestabuli, Præsidis, Senatoris, aut Majoris domus, esse non potest Connestabulus, Major domus, Præses vel Senator: & si eo nomine dignetur, mariti causa, & non per se dignatur, sed per accidens: ergo tutela filiorum munere fungi non potest. Vis aliud? Dux Lotharena, eo nomine per accidens dicitur, ergo tutela filiorum accetetur. Vide quàm ineptè concludis: non te pudet tam inania, & pueris ipsis ridenda in lucem proferre, tu qui fama nominis Germaniam impleveris? Vide quòd te adducat necessitas, cum
men-

mendacium conaris defendere. Virges
secundò, & ais, Quemadmodum om-
nis, & creandorum & abdicando-
rum Regum potestas, penes publicum
concilium erat, ita curatoris reipub.
sive moderatoris deligendi jus sum-
mum penes idem concilium fuit. Ita
certè, nam si nullum jus fuit populo
aut concilio creandorum aut abdi-
candorum Regum, ut nullum planè
fuisse satis docuimus, necesse erit di-
cere, nec curatoris dandi jus fuisse: &
sic tuo te jugulas & configis gladio,
cùm absurda proponis, & mendacia
ex mendacis eruis. Videamus ergo
quid ex usu frequentissimo & omnium
antiquissimo, & consuetudine factum
fuerit, cùm Hotomanus nihil præter
mendacia adferat, & fortassis præscri-
ptio non tantùm centenaria, qua omnes
etiam injusti possesores tuti sunt, sed
millenaria jurisconsulto sufficere po-
terit: sed antequam quæstioni illius
respondeam, certum est Reges no-
stros utriusque stemmatis, Reginae
uxoribus multa detulisse, ut nihil
n præter

præter Regium nomen desiderari posset: docuimus enim superioribus, Reginas quemadmodum & Reges habuisse Majores domus: habuerunt etiam scriniorum magistros sub Merovingis, Carlovingis, & Capevingis, sed à Capevingis plura illis indulta fuere, quæ hoc loco recensere non erit otiosum & inutile, ut tandem Hotomanus agnoscere possit, quàm malè injusteque majorum nostrorum instituta damnet, cum magna arrogantia, quæ cum semper odiosa sit, tum illa ingenii atque eloquentiæ multò molestissima. Proinde ut Reginarum privilegia enumerem, Primum est, ut à sententiis suorum judicum alibi quàm Curiam appellare nemini liceat, sic judicatum Aresto anni Domini 1382. Secundum, ut nullo alio judicio tenerentur, quàm Patrum sive Patrium curia, Aresto anni Domini 1340. & 1360. Tertium, ut nullis vectigalibus, angariis, parangariis, & hujusmodi, illæ, & qui in Comitatu illarum sunt, teneantur: cautum est Aresto 1281.

ſto 1281. Habent præterea litibus ſuis in Parlamento, ſuos dies, litiumque peculiare volumen, ut Pares Franciæ, idque primo ordine. ſic Areſto 1412. deinde ut litigare poſſint, veluti ipſe Rex, Procuratoris generalis, vel cognitoris nomine, ſic Areſto ejusdem Curix anni Domini 1387. 1401. & 1405. plura cùm ſint, prætermiſſa volui iſta ſufficiant: cæterùm ad Hotomani quæſtionem, ex fide dignis annalibus, veteribus & recentioribus, tum ex hedra Curixque regiſtris, monumentiſve publicis, & aliis qui hanc materiam attigerunt. Nemini dubium eſſe poteſt, Regibus noſtris, nondum adultis, ſive Merovingis, ſive Carolovingis, ſive Capevingis, tutores & Regni adminiſtros datos fuiſſe: non enim natura magis adminiſtrationi Regni, impuberes Reges capaces ſunt, quàm aliorum hominum liberi impuberes, quibus lege probatiſſima, & recepta ab omnibus populis (quantumvis barbaris) rerum ſuarum adminiſtratio non eſt credita, imò verò illis

dantur tutores & curatores, sed quia Regibus (ut dictum ab aliquo est) iudicium & prudentia antè tempus contingunt, legibus & moribus nostris, imò omnium gentium, tempus minus indultum est, quo elapso libera Regni Regibus est administratio. Primum tutorem video Gunthrannum Regem Burgundiæ, quem accersitum à Regina Fredegunde uxore Chilperici Regis Francorum mortuo marito, testatur *Turohens. lib. 7. cap. 5.* in hæc verba: Fredegundis igitur Regina, accepto consilio, legatos ad Gunthrannum Regem Burgundiæ mittit, dicens, Veniat Dominus meus, & suscipiat Regnum fratris sui. Est mihi infans parvulus, quem in ejus ulnis ponere desiderans, me ipsam humilio ejus ditioni. & *cap. 7.* Priores quoque de Regno Chilperici, ut erat Ausovaldus & reliqui, ad filium ejus, qui erat quatuor mensium, se collegerunt, quem Clotarium vocitaverunt, exigentes sacramenta per civitates, quæ ad Chilpericum prius aspexerant, ut

ut scilicet fideles esse debeant Gunthranno Regi, & ejus nepoti Clotario. Aliud & secundum exemplum apud *Appendicem ad Turonensem, lib. 2. cap. 79. ubi sic Appendix*: Post Dagoberti excessum, Clodoveus filius sub tenera ætate Regnum patris adscivit, omnesque Leudes de Austria & Burgundia, eum Masolaco villa sublimant in regnum. Aega verò cùm Regina Nanthilde quam Dagobertus reliquerat, regebat Palatium. & *cap. sequenti* de eadem Nanthilde, condignè Palatium gubernabat & regnum. De Aega verò plura *hoc capite, & cap. 89. sic ille*: Nanthildis Regina cum filio suo Clodoveo Rege, post decessum Aeganz, Aureliam venit, ibique convocatis senioribus, pontificibus, ducibus & primatibus de Regno Burgundiæ, ad se venire præcepit, Floachatum genere Francum, Majorem domus à Nanthilde Regina stabiliunt: Nam quod de Brunichildis procuratione ait Hotomanus, certum est, neque illi delatam Childeberti filii ex Sigeberto procura-

curationem, imò verò constat ex *Turonensi*, lib. 5. cap. 1. occiso Sigeberto Brunchildis marito, qui Regnum Chilperici occupare tentarat, ut alibi dictum fuit, Gundobaldus Dux Childebertum filium parvulum furtim abstulit, mox Chilpericus Parisios venit, apprehensamque Brunichildem, apud Rothomagensem civitatem in exilium trahit, & cap. 2. refert Meroveum Chilperici filium Rhotomagum petisse, ibique Brunichildem uxorem duxisse: quod matrimonium multarum ærumnarum, ac tandem, mortis Chilperici, Meroveique causa fuit, ut apud eundem, nulla mentione habita hujusmodi tutelæ aut procurationis mortuo Childeberto *Aimoinus* lib. 3. c. 84. ait, ei successisse filios Theodobertum, & Theodoricum, qui, ut inquit ille, adhuc puerili sub tutela aviæ Brunichildis constituti erant, sed ejus tutelæ nullam mentionem *Appendix ad Turonensem* facit, quæ antiquior videtur: sic enim *Appendix*: Postquam Childebertus Regnum acceperat

rat Guntthranni, defunctus est, regnumque ejus filii sui Theodobertus & Theodoricus accipiunt, nulla Brunichildis habita mentione. Est aliud exemplum tutelæ Merovingicis temporibus, eadem *Appendice*, cap. 91. & *sequenti*, ubi refert *author hujus appendicis* (quis autem sit ignoratur, & cum pressit iniqua dies) Clodoveum Dagoberti magni filium, uxorem duxisse ex genere alienigenarum, nomine Bathildem, prudentem atque elegantem, ex ea suscepisse tres filios, Clotarium tertium, Childericum, & Theodoricum qui Cala dictus est mox decessisse, cum amens effectus fuisset. Subjungit *sequenti cap.* Franci Clotarium filium ejus majorem natu in Regno statuunt, cum præfata Regina matre. Hic locus certè torquet & pungit gravissimè Hotomanum, etenim indubitatum continet testimonium procurationis Regni delatæ Regnæ matri. Hæc sunt quæ de tutela impuberum regum, Merovingicis temporibus dici possunt: nam quod Ho-

romanus bonorum insectator blaterat de illustri Regina Clothilde, Clodovei primi Christiani Regis uxore, quam inter sanctas & beatas animas locatam asserunt nostri, & credere par est non pertinet ad Regni procurationem: & superius ille, tanquam maximam voluptatem hujusmodi exemplis capiens, ejus nefandi facinoris avunculorum, erga Clodomiri fratris filios mentionem fecerat: non ergo facinus hoc Clothildi imputandum, imò nequitiae & immanitati avunculorum erga nepotes, quibus sublatam portionem Regni Clodomiri fratris exemplo sanguinario & horrendo diviserunt. Tu tamen, cui frænos, imò compedes, dare oportet, in innocentes culpam reicis, & alieni facti poenam luere facis, quod jus civile etiam Ethnicorum, in quo versaris, vetat. Sed nobis Theodorici Gothi Regis filiam, quæ servi amoris ultra quam dici potest addicta, matrem necavit, obicis: at tu memor esse debuisti eorum, quæ initio capitis à te, tanquam à
Præ-

Prætor, imò tyranno, præscripta sunt, nempe, aliorum Regnorum & Imperiorum exempla non recepturum, sed ex jure nostro proposita tua probaturum: & tamen immemor edicti tui, profers exemplum externe & impudicæ fœminæ: ego contrà Amalassuntam, ejusdem Theodorici uxorem, in exemplum & honorem sexus tibi oppono, ut filiæ impudicitia, matris pudicitia & virtutibus excellentibus tegatur. Habuit Vespasianus Domitianum, Marcus philosophus Commodum, Severus Bassianum. Cicero loquens & disertus, Ciceronem mutum & stupidum; in summa, tales habemus liberos quales Deus vult. Sed Fredegundem in medium adducit, nequissimam certè fœminam, quæ alio genere mortis, quàm quo Brunichildis interiit, non erat digna: illa fortassis ad perpetuas pœnas, altera ad temporales tantum: nam si *Gregorio Turonensi* credimus, erat Brunichildis alioquin egregia fœmina, & solita multa ecclesiis & pauperibus erogare. Atqui

Fredegundis nullam habuit filii tutelam & procurationem, saltem minimam, & nisi auctoritate Gunthramni, ut supra dictum fuit. Enimvero quod de Plectrude ait Hotomanus *ex lib.* cui titulus est, *Status Regni Francie*, nihil ad procurationem Regni pertinet: Regina enim non fuit Plectrudis, sed uxor Pipini Austrii majoris domus tantum. Iterum insurgit Hotomanus, conjuratione quadam, adversus foeminas, sine discrimine aliquo, quasi una damnata, de aliis idem sit ferendum judicium. Misera illa quæ te matrigem sui sexus genuit, & lactavit! ait enim, Dominata est Regina mater Caroli Calvi, nomine Juditha, Ludovici cognomento Pii Imperatoris & Francorum Regis uxor: Sed hæc neque tutrix filiorum Ludovici, neque procurationem Regni accepit: quorsum ergo hujus infelicis & perpetuò tacendæ historiæ, & parricidii filiorum adversus pientissimum Imperatorem eorum patrem mentionem facis? quia, ut inquit *Regino lib. 2.* fuit dejectio aut rebel-

rebellio hæc, pro maxima parte, facta propter multimodam fornicationem Judithæ uxoris ejus : sed *Ado Vienens. Archiepiscopus*, non ita sentit : sic enim ille : Cum igitur omnis potestas Francorum sub moderato otio studeret, & regimen vicinis gentibus imposeret, quidam tantam spem boni non ferentes (erant hi Horomanicæ factionis) uxorem nomine Iudic. dilectam Imperatori, factione sua abripiunt : eamque ex latere viri in Aquitaniam sub custodia transponunt. Quæ licet ad viri thorum redierit, ebullienstamen quorundam malitia, non quievit, quæ usque adeò crevit, ut una cum pontifice Romano non solum procures Regni, sed etiam natos ejus, adversus Imperatorem promoverit. Nam ab eo universus populus deficiens, ad filios ejus se transtulit, ipse tentus sub custodia, indecenter recluditur, ac arma ei auferuntur : uxor ipsius in Italia servanda committitur : sed nuntio divino post tot adversa, secunda succedunt : populi versi ad pœnitentiam, causam facti in melius

melius commutant, & eundem ipsum Imperatorem in honore pristino reponunt, & pristina dignitate revestunt. & quæ sequuntur: quem majore fide dignum judico, quàm *Reginonem*, de cujus fide tu etiam ambigis: potuit enim Ado tam impium bellum videre. Nec enim credibile est, Imperatorem tam sanctum, fuisse passum uxorem impudicam, qui, ut refert *Aimoinus lib. 5. cap. 10.* omnem cœtum (qui permaximus erat) fœmineum palatio excludi judicavit, præter paucissimas quas famulatui regali congruas existimavit, sororesque in sua cum his quæ à patre acceperant dimisit. Hæc sunt *Aimoini* verba: ex quibus, & his quæ paulò antè dicit, facile est judicare, Imperatori pio nihil magis exosum fuisse, ipsa impudicitia, quam nunquam in thoro jugali aluisset: sed aliunde natas fuisse causas, ob quas filii impias manus in patrem intulerint, manifestum est, nempe quòd pïssimus Imperator sordes, & vitia quibus Ecclesiastici scatebant, ferre non poterat,

rat, eorum fastum illis obiiiciens, unde iræ, ut *idem* author est *eodem cap. & sequenti*: ex quo apparet à perditis hominibus, bellum illi per filios illatum fuisse, dissimulante Gregorio pontifice: falsa autem & conficta esse quæ à *Reginone* de Juditha dicuntur ab episcopis, & aliis qui censuram Pii ferre non poterant, *Aimoinus eodem lib. cap. 12.* testis est: sic ait enim ille: Factionis iniquæ principes, ultra ferre non valentes, occultatum diu vulnus detegunt, deinde sibi minores aggregant, quorum pars mutationis semper avida, more canum, aviumque rapacium, alienum detrimentum suum quærunt fieri suppletionis augmentum: freti ergo multitudine & assensu plurimorum, filium Imperatoris Pipinum addeunt, prætendentes abjectionem sui, Benardi insolentiam, (hic nepos Pii erat) horum despectionem, & cæterorum, asserentes etiam eum, quod dictu nefas est, thori incestatorem paterni: porro patrem adeò quibusdam elusum præstigiis, ut hæc non modo
vin-

vindicare, sed nec avertere posset. & quæ sequuntur. Habes quibus rationibus bellum hoc indictum sit, nempe factione seditiosorum quorundam, velato prætextu probabili, licet falso: credo non defuisse tunc classicum harum seditionum, qui eas propositis libellis excitaret & foveret. Vide tandem quorsum exempla tua tragica tendunt, sed tamen adhuc manca remanet tua prima conclusio. Quæ autem acciderunt cæteris Carlovingis, jam præcedētib; capitibus à me satis dicta sunt: de procuratione verò Regni, & Regum tutela illorum temporibus, extat apud *Aimoinum*, *saltem in additionibus ad eundem lib. 5. cap. 12.* exemplum: sic ille Ludovico inerte, vel ut ille ait, nihil faciente mortuo, Carolus filius ejus qui Simplex dictus est, in cunis evum agens, patre orbatus remansit: cujus ætatem Franciæ primores incongruam (ut erat) exercendæ dominationi arbitrati, maximè cum jam residui Northmanorum nuntiarentur motus, consilium de sumis rebus

bus incunt. Supererant autem duo filii Roberti comitis Andegavorum (qui fuit Saxonici generis vir) senior ex his Odo dicebatur, Robertus alter patrē nomine referens: ex his majorem natu Odonem, Franci, Burgundiones, & Aquitaniæ proceres congregati in unum, licet reluctantem tutorem Caroli pueri, Regni que elegēre gubernatorem, quem unxit Galtherus Archiepiscopus Senonum. Regino & Germani scriptores eum Hotonem vocant, & Regem non tutorem faciunt: à quo Hugonem Capetum, hujus nominis & stemmatis primum Regem: traxisse genus, superioribus diximus: sed quia Capevingorum Regnum, quod in hodiernum diē durat, & durabit Deo favente multis seculis, fuit cæteris duobus diuturnius; nec solum superat diuturnitate & tēpore Merovingos & Carolingos simul, sed fœlicitate, quod illis regnantibus, Regnum hoc nostrum optimis legibus munitum fuit, quibus Regna conservantur & tuentur. Hujus procurationis & tutelæ majora sunt exempla.

exempla. Primum est Balduini Flan-
driæ comitis, qui Adelasiam, Henrici
primi Regis sororem, uxorem habe-
bat, & designatus ab Henrico Rege,
Philippo hujus nominis primo, noven-
nii puero, est tutor, idque uxoris cau-
sa, ut par est credere: quam tutelam
& procurationem nullo reluctante
gessit. Sed & monumenta nostra te-
stantur, Ludovicum juniorem Crassi
filium, cum ad bellam sacrum profe-
ctionem parasset, Regni procuratio-
nem commisisse Suggestio divi Diony-
sii Cœnobiarchæ, tutelam verò Phi-
lippi filii, qui Augustus dictus est, ma-
tri Adelæ & Archiepiscopo Rhemen-
si Cardinali & legato à latere, Adelæ
fratre. Blancha Regina divi Ludovici
mater testamento mariti Regens &
tutrix filii designata est, excellens &
pientissima fœmina, quam tamen Ho-
tomanus suo more insectatur, fretus
cujusdam *Ionvillei* historia clientis Co-
mitis Campaniæ, quem bello supera-
tum, saltem coactum, Regem agno-
scere opera Regentis, historiæ nostræ
testan-

testantur, non mirum, si de ea quædam *Ionvillens* scripsit, dum Domini gratiam captare vult, cujus fidem ob id suspectissimam lector æquus existimabit constat. enim magnæ fuisse sanctitatis Blancham, nam extant hodie ampla testimonia largitionum, quas illa Ecclesiis & pauperibus contulit, quæ & *Ionuilleum* & sequacem Hoto-manum bonos proscindentes, mendacii arguunt: ea iterum procuratorem accepit, mandante Divo filio, ad bellum sacrum prodeunte. Blancha defuncta, Divo iterum ad bellum sacrum prodeunte, & adversus Africanos, Regni & liberorum cura mandata est Matthæo beati Dionysii archimandritæ, Nesleo comiti, & Simoni Claramotano, substitutis Philippo episcopo Eburonensi, & Joanne Pictaviensi comite. Philippus rex Divi filius, qui ex duabus uxoribus liberos habebat, ex prima filium, ex altera filias Isabellam & Mariam, novercæ procuratorem non detulit, sed Petro fratri Alenconto, donec filius xiiij. ætatis

o annum

virtutem miratur & horret Hotomanus cum suis: illius enim fœlicibus auspiciis, illius, inquam, consiliis & prudentia miranda, Regnum hoc è Lutorum & Leonum faucibus ereptum, divinaque providentia servatum, stat incolume & floret, stabitque, licet super sint quædam seditionum & seditionorum reliquæ, ab hujusmodi furis ortæ & excitæ: ad quas augendas libellus iste ab Hotomano non alia ratione divulgatus extat, quod lector facilè deprehendet, cum viderit in illo Hotomanum nihil nisi cædes, dissidia, altercationes, bella, parricidia, & hujusmodi mala proponere: ut illis exemplis furore agitati Galli, se primum, Reges suos, mox istam rempub. & Regnum perdant: fieri enim non poterat, si aliò tenderet illius oratio, ut ille libellum suum tarsisset tot inanibus quæstionibus, tot falsis & mendacibus assertionibus, tot sycophantiis & nugis, quas ille texuit umbra quadam veritatis, ut lectorem ille-ctum narrationibus hujusmodi ad co-tius

rius libelli lectionem duceret : sic enim solent qui falsa pro veris obtinent, exemplo eorum qui corruptas merces vendunt, quibus bonas solent miscere, ut facilius emptorem capiant. Tandem, ut etiam huic questioni ultimam manum imponam, ex his quæ dicta sunt, luce ipsa clarius esse verum, nemo posthac ibit inficias, veteri laudato & receptissimo more in regno Francogalliæ per mille amplius annos, Reginas matres, & non solum matres, sed Regum consanguineas, procurationem Regni suscepisse, eisque quoties occasio sese obtulit, tutelam filiorum mandatam : ut nihil Hotomanus in contrarium adducere potuerit, obstante veritate, quæ semper potentior est. Itaque indomito animali & immani bestię non frænos, sed restim, qua suspendatur, addamus.

IN CAP. XX.

Supereſt ultimum caput, quod de
Parlamentis Juridicialibus Hoto-
manus

Fredegundis nullam habuit filii tutelam & procurationem, saltem minimam, & nisi auctoritate Gunthramni, ut supra dictum fuit. Enimuero quod de Plectrude ait Hotomanus *ex lib.* cui titulus est, *Status Regni Francie*, nihil ad procurationem Regni pertinet: Regina enim non fuit Plectrudis, sed uxor Pipini Austrii majoris domus tantum. Iterum insurgit Hotomanus, conjuratione quadam, adversus foeminas, sine discrimine aliquo, quasi una damnata, de aliis idem sit ferendum judicium. Misera illa quæ te matrigem sui sexus genuit, & lactavit! ait enim, Dominata est Regina mater Caroli Calvi, nomine Juditha, Ludovici cognomento Pii Imperatoris & Francorum Regis uxor: Sed hæc neque tutrix filiorum Ludovici, neque procurationem Regni accepit: quorsum ergo hujus infelicitis & perpetuò tacendæ historiæ, & parricidii filiorum adversus pientissimum Imperatorem eorum patrem mentionem facis? quia, ut inquit *Regino lib. 2.* fuit dejectio aut rebel-

rebellio hæc, pro maxima parte, facta
 propter multimodam fornicationem
 Judithæ uxoris ejus : sed *Ado Vienenf.*
Archiepiscopus, non ita sentit : sic enim
 ille : Cum igitur omnis potestas Fran-
 corum sub moderato otio studeret, &
 regimen vicinis gentibus imposeret,
 quidam tantam spem boni non feren-
 tes (erant hi Hotomanicæ factionis)
 uxorem nomine Iudic. dilectam Impe-
 ratori, factione sua abripiunt : eamque
 ex latere viri in Aquitaniam sub cu-
 stodia transponunt. Quæ licet ad viri
 thorum redierit, ebullienstamen quo-
 rundam malitia, non quievit, quæ us-
 que adeò crevit, ut una cum pontifice
 Romano non solum procures Regni,
 sed etiam natos ejus, adversus Impera-
 torem promoverit. Nam ab eo univer-
 sus populus deficiens, ad filios ejus se
 transtulit, ipse tentus sub custodia, in-
 decenter recluditur, ac arma ei aufe-
 runtur : uxor ipsius in Italia servanda
 committitur : sed nutu divino post tot
 adversa, secunda succedunt : populi
 versi ad pœnitentiam, causam facti in
 melius

melius commutant, & eundem ipsum Imperatorem in honore pristino reponunt, & pristina dignitate re vestiunt. & quæ sequuntur: quem majore fide dignum judico, quàm *Reginonem*, de cujus fide tu etiam ambigis: potuit enim Ado tam impium bellum videre. Nec enim credibile est, Imperatorem tam sanctum, fuisse passum uxorem impudicam, qui, ut refert *Aimoinus lib. 5. cap. 10.* omnem cœtum (qui permaximus erat) fœmineum palatio excludi judicavit, præter paucissimas quas famulatui regali congruas existimavit, sororesque in sua cum his quæ à patre acceperant dimisit. Hæc sunt *Aimoini* verba: ex quibus, & his quæ paulò antè dicit, facile est judicare, Imperatori pio nihil magis exosum fuisse, ipsa impudicitia, quam nunquam in thoro jugali aluisset: sed aliunde natas fuisse causas, ob quas filii impias manus in patrem intulerint, manifestum est, nempe quòd piissimus Imperator sordes, & vitia quibus Ecclesiastici scatebant, ferre non poterat,

rat, eorum fastum illis obiiciens, unde iræ, ut *idem* author est *eodem cap. & sequenti*: ex quo apparet à perditis hominibus, bellum illi per filios illatum fuisse, dissimulante Gregorio pontifice: falsa autem & conficta esse quæ à *Reginone* de Juditha dicuntur ab episcopis, & aliis qui censuram Pii ferre non poterant, *Aimoinus eodem lib. cap. 12.* testis est: sic ait enim ille: Factionis iniquæ principes, ultra ferre non valentes, occultatum diu vulnus detegunt, deinde sibi minores aggregant, quorum pars mutationis semper avida, more canum, aviumque rapacium, alienum detrimentum suum quærunt fieri suppletionis augmentum: freti ergo multitudine & assensu plurimorum, filium Imperatoris Pipinum addeunt, prætendentes abjectionem sui, Benardi insolentiam, (hic nepos Pii erat) horum despectionem, & cæterorum, asserentes etiam eum, quod dictu nefas est, thori incestatorem paterni: potro patrem adeò quibusdam elusum præstigiis, ut hæc non modo
vin-

vindicare, sed nec avertere posset. & quæ sequuntur. Habes quibus rationibus bellum hoc indictum sit, nempe factione seditiosorum quorundam, velato prætextu probabili, licet falso: credo non defuisse tunc classicum harum seditionum, qui eas propositis libellis excitaret & foveret. Vide tandem quorsum exempla tuatragica tendunt, sed tamen adhuc manca remanet tua prima conclusio. Quæ autem acciderunt cæteris Carlovingis, jam præcedētibz capitibus à me satis dicta sunt: de procuratione verò Regni, & Regum tutela illorum temporibus, extat apud *Aimoinum*, saltem in *additionibus ad eundem lib. 5. cap. 12.* exemplum: sic ille Ludovico inerte, vel ut ille ait, nihil faciente mortuo, Carolus filius ejus qui Simplex dictus est, in cunis evum agens, patre orbatus remansit: cujus ætatem Franciæ primores incongruam (ut erat) exercendæ dominationi arbitrati, maxime cum jam residui Northmanorum nuntiarentur motus, consilium de sumis rebus

bus ineunt. Supererant autem duo filii Roberti comitis Andegavorum (qui fuit Saxonici generis vir) senior ex his Odo dicebatur, Robertus alter patrē nomine referens: ex his majorem natu Odonem, Franci, Burgundiones, & Aquitanix proceres congregati in unum, licet reluctantem tutorem Caroli pueri, Regnique elegēre gubernatorem, quem unxit Galtherus Archiepiscopus Senonum. Regino & Germani scriptores eum Hotonem vocant, & Regem non tutorem faciunt: à quo Hugonem Capetum, hujus nominis & stemmatis primum Regem: traxisse genus, superioribus diximus: sed quia Capevingorum Regnum, quod in hodiernum diē durat, & durabit Deo favente multis seculis, fuit cæteris duobus diuturnius: nec solum superat diuturnitate & tēpore Merovingos & Carolingos simul, sed fœlicitate, quòd illis regnantibus, Regnum hoc nostrum optimis legibus munitum fuit, quibus Regna conservantur & tuentur. Hujus procurationis & tutelæ majora sunt exempla.

exempla. Primum est Balduini Flan-
driæ comitis, qui Adelasiam, Henrici
primi Regis sororem, uxorem habe-
bat, & designatus ab Henrico Rege,
Philippo hujus nominis primo, noven-
nii puero, est tutor, idque uxoris cau-
sa, ut par est credere: quam tutelam
& procurationem nullo reluctante
gessit. Sed & monumenta nostra te-
stantur, Ludovicum juniorem Crassi
filium, cum ad bellam sacrum profe-
ctionem parasset, Regni procuratio-
nem commisisse Suggestio divi Diony-
sii Cœnobiarchæ, tutelam verò Phi-
lippi filii, qui Augustus dictus est, ma-
tri Adelæ & Archiepiscopo Rhemen-
si Cardinali & legato à latere, Adelæ
fratre. Blancha Regina divi Ludovici
mater testamento mariti Regens &
tutrix filii designata est, excellens &
pientissima fœmina, quam tamen Ho-
tomanus suo more insectatur, fretus
cujusdam *Jonvillei* historia clientis Co-
mitis Campaniæ, quem bello supera-
tum, saltem coactum, Regem agno-
scere opera Regentis, historiæ nostræ
testan-

testantur, non mirum, si de ea quædam *Ionvillens* scripsit, dum Domini gratiam captare vult, cuius fidem ob id suspectissimam lector æquus existimabit constat enim magnæ fuisse sanctitatis Blancham, nam extant hodie ampla testimonia largitionum, quas illa Ecclesiis & pauperibus contulit, quæ & *Ionvilleum* & sequacem Hoto-manum bonos proscindentem, mendacii arguunt: ea iterum procurationem accepit, mandante Divo filio, ad bellum sacrum prodeunte. Blancha defuncta, Divo iterum ad bellum sacrum prodeunte, & adversus Africanos, Regni & liberorum cura mandata est Matthæo beati Dionysii archimandritæ, Nesleo comiti, & Simoni Claramotano, substitutis Philippo episcopo Eburonensi, & Joanne Pictaviensi comite. Philippus III. Divi filius, qui ex duabus uxoribus liberos habebat, ex prima filium, ex altera filias Isabellam & Mariam, novercæ procurationem non detulit, sed Petro fratri Alenconio, donec filius xiiij. ætatis annum

antium attigisset: qua ætate solutis nostris Regibus tutela, per se licere Regnum gerere, illo exemplo ætas posterior, & Caroli V. constitutio, probaverunt. Substituit Alenconio Joannem Blesensem Comitem, datis consiliariis Episcopo Lingonensi & Bajocensi, Dinensi archidiacono, Aerio Pincerna, Erardo Valeriani Domino, Camerario & Campaniæ Connestabulo, Ymberto Bellovaco Franciæ Connestabulo, & Simone Neslo Comite, & quibusdam aliis. Philippus Pulcher Joannæ uxori procurationem Regni & tutelam liberorum mandavit testamento, substituto Carolo Valesio fratre, cujus posteritas invicta, & excellens hodie floret, Regnumq; moderatur, Ludovico Hutino mortuo, qui reliquit Clementiam Regis Hungariæ filiam prægnantem, quia incertum matremne an fœminam pareret. Philippus Longus ex prole mascula Regis proximior adgnatus, tanquam Regni successor, Tutor posthumo designatur, Regniq; procurationem suscepit:

pit: qui Rex postea fuit, defuncto scilicet Joanne Hutini ex Clementia filio, Octo tantum dierum Carolus Pulcher Blancham uxorem gravidam reliquit, Philippus Valesius trium superiorum Regum patrnelis tutelam futuri parvus, & Regni procurationem accepit, propter partus incertitudinem, qui postea tanquam proximior è prole mascula (Blancha foeminam edente) diadema accepit. Carolus V. ultimo elogio Ioannam uxorem tutricem, & Regni Regentē scripsit, dato coadiutore Burgundio fratre, & Ludovico Borbonio sororio: ille tutelam ad xiiij. tantum annum protulit, ut supra dictum fuit. Carolus 6. anno 1413. procurationē Regni, & curam filiorum uxori mandavit. sed hæc parum prosperè cessit: quòd Hotomanus, quem mala exempla delectant, non prætermisit. Possem ego procurationes mandatas à Frâncisco Valesio primo Aloisia Sebusiæ matri nō semel, sed bis, & ab Hērico Regina Catharina uxori, quæ marito absente bis Regens declarata est, cujus

virtutem miratur & horret Hotomanus cum suis: illius enim felicibus auspiciis, illius, inquam, consiliis & prudentia miranda, Regnum hoc è Luporum & Leonum faucibus ereptum, divinaque providentia servatum, stat incolume & floret, stabitque, licet super sint quædam seditionum & seditionum reliquæ, ab huiusmodi furis ortæ & excitæ: ad quas augendas libellus iste ab Hotomano non alia ratione evulgatus extat, quod lector facile deprehendet, cum viderit in illo Hotomanum nihil nisi cædes, dissidia, altercationes, bella, parricidia, & huiusmodi mala proponere: ut illis exemplis furore agitati Galli, se primum, Reges suos, mox istam rempub. & Regnum perdant: fieri enim non poterat, si aliò tenderet illius oratio, ut ille libellum suum falsisset tot inanibus quæstionibus, tot falsis & mendacibus assertionibus, tot sycophantiis & nugis, quas ille texuit umbra quadam veritatis, ut lectorem illectum narrationibus huiusmodi ad totius

rius libelli lectionem duceret: sic enim solent qui falsa pro veris obtinent, exemplo eorum qui corruptas merces vendunt, quibus bonas solent miscere, ut facilius emptorem capiant. Tandem, ut etiam huic questioni ultimam manum imponam, ex his quæ dicta sunt, luce ipsa clarius esse verum, nemo posthac ibit inficias, veteri laudato & receptissimo more in regno Francogalliæ per mille amplius annos, Reginas matres, & non solum matres, sed Regum consanguineas, procurationem Regni suscepisse, eisque quoties occasio sese obtulit, tutelam filiorum mandatam; ut nihil Hotomanus in contrarium adducere potuerit, obstante veritate, quæ semper potentior est. Itaque indomito animali & immani bestię non frenos, sed restim, qua suspendatur, addamus.

IN CAP. XX.

Superest ultimum caput, quod de
Parlamentis Juridicialibus Hoto-
manus

tomanus dicit: & quia isto capite colophonem imposuit suis conviciis, injuriis, & famoso libello, qui Regibus, Reginis, Pontificibus, Ducibus, & hujusmodi non pepercit, noluit cæteris parcere. Et certè tam spurcæ lectioni finis spurcior addi debuit: & qui tam male cœperat, pejus ut finiret æquum erat. Itaque plurimum afficior, cùm videam egregium lurisconsultum unico libello nominis & famæ jacturam, & naufragium fecisse: sed antequam ad eum veniam, hoc loco lectorem iterum monere volui, ut secum expendat, verum esse quod dixi, aliud agere, aliud simulare Hotomanum: non enim, quicquid dicat, nostrum ille *Parlamentum infestat*, ut facile est judicare, toto opere pensato & cognito: in quo conatus illius satis sese ostendere legenti non obscurum est: Reges enim nostros, & Regni nostri politiam subvertere conatur: eò enim licentiæ processit, eoque tendit tota illius oratio. Nam quid aliud possumus ex tam contumeliosa & procaci oratione elicere,

cere, in qua nihil præter injurias, & mendacia adfert, nihil quod ad salutem, nullumque morbi, si quis sit, remedium? Itaque existimavi frustra de Parlamenti nostri augusta & sacrosancta authoritate disserere, quam ego omnibus notam scio. Quare, ut ad Hotomanum redeam: ait ille, sub Capavingorum familia in Francogallia exortum esse Regnum judiciale, de quo propter incredibilem artificum industriam, & inauditam omnibus solertiam, illi dicendum videtur. At non tepudet, homo levissime, damnare artem, quam tu accepto pretio doces? Vocasne artificium, juris civilis cognitionem? Quare ergo si de discipulis tuis tam malè sentis & arte & disciplina illa, illos ad te audiendum allicis inde stipendia, victum, quotidianosque sumptus paras? cur tuis discipulis imponis? vide ne tibi inuras maculam nullis seculis delendam. Magnæ enim levitatis signum est, quæ doceas reprehendere & improbare. Sed fortassis artifices, non artem, damnat.

Audiamus ergo, quid culpandum censeat. Quòd, inquit ille, ab hinc trecentis fere annis, eorum solertia non modò publici concilii auctoritas propè oppressa sit, verùm etiam omnes Regni principes, atque Regia maiestas amplitudini suæ parere cogatur. Atqui superioribus à te dictum fuit, etiam Capevingis concilium hoc auctoritatem suam retinuisse, suamque vim maximam tempore Ludovici xj. ostendisse. Bene itaque dictum, Mendacem esse memorem oportere. Non ergo à tanto tempore Regnum hoc iudiciale, quod tu, imitatus *Rabelasium*, vocas, vires suas perdidit, at numerum ille damnat: nam ut ille ait, in oppidis in quibus illius Regni sedes positæ sunt, in iis tertia fere civium & incolarum pars, tantis excitata præmiis, ad illius se artis rabulariæ studium ac disciplinam applicavit, ut Lutetiæ cuivis licet animadvertere, cuius tertiam partem dicit esse eorum, qui artem illam pragmaticam & litigatoriam facit. At utinam nullæ essent lites: ita enim
iniri

iniri posset ratio, ut qui in iis dirimen-
dis sese & vitam addicunt & manci-
pant, pauciores essent, cum necesse sit
in civitate in qua morbi non sint, pau-
cos esse medicos. Sed Francogalli avi-
dè lites amant, & hoc à majoribus suis
Gallis, per manus acceperunt. *Cesar* &
ipse *Marcellinus* eos vocant gentem a-
vidam litium, inde natum existimo
quod dicitur, *Gallia causidicos docuit fa-
cunda Britannos*. Hoc Francogallorum
sit vitium, non laudandum per se, sed si
cum exteris compares, certè levior
noxa erit. *Vnicuique dedit vitium natura
creato*. Habet unusquisque populus
quod culpandum sit, Græci menda-
ces, Hispani elati & vani, Germani
epulones & ebrii, & sic de cæteris. Sed
audi *Hotomane*, fateor certè nume-
rum majorem, quàm fortassis necesse
esset, non tantum reipub. sed iis etiam
qui nomine tenus artem istam profi-
tentes, nec sibi nec patriæ prosunt: eos
ego cum *Catone* vocarem libenter,
desides toto die, otiosos & oscitantes.
Quòd si artem litigatoriam, sive, ut

Plato, disceptationem judiciale[m] reprehendis, erras toto cælo: prius ex-
plodendę erat lites, ut hujusmodi fun-
ctionibus amplius locus non esset: id
enim est, ac si censeas medicos expel-
lendos, quasi illi morbos hominibus
ingerant, profer nobis prius artem
quæ lites arceat, intelligo earum in-
gressum, certè legislatoris permagni
nomen tibi jure vendicabis, & hujus-
modi rabulis (ita magnam discipulo-
rum tutorum partē vocas) os obstrues:
sed si hoc in tua potestate non magis
sit, quàm perturbationum minimam
tollere, quid ergo habes quod te tor-
queat? quare tãto opere adversus patro-
nos causarum, & advocatos, mox ad-
versus judices insurgis? audi *Platonem*
quite melius novit ferre leges: ait ille
l. ii. de legibus: Verùm cùm multa in vi-
ta hominum bona sint, pluribus eorū,
quasi quædam dirę calamitates infi-
dent, quæ maculant illa atque coin-
quant: judicialis autem disceptatio,
judiciumque cur homini bonum non
est, quod omnia humana mansue-
fecit?

fecit? Atqui cùm disceptatio talis bonum sit, cur & adesse in lite alicui, & causæ justæ favere, bonum non sit? æquius certè ille, qui cùm viderit, nulla lege calumniis hominum obviam iri posse, remedia illa posuit, nempe disceptationē & judicium, quibus adversus homines, hominum patrocinia adjecit, tanquam necessaria, ne, ut dicitur, parvi pisces majoribus essent esca. Nō ergo improbanda sunt judicia, nec judices sine quibus ea exerceri nō possunt, nec juridici, practici, pragmatici, patroni, & similes, qui pars magna judicii sunt, & ut à jurisprudentia Romana probè nosti, sine illis nō constat. Adiicit Hotomanus: Itaque summus in ea pragmaticorum conventus, qui purpuratus Senatus dicitur, tantarum opum tantæq; dignitatis est, ut quemadmodū Iugurtha de Senatu Romano dixisse fertur, Non jam Consiliariorū, sed Regum ac Satraparum confessus videatur, quippe cùm in illum allekti, quantumvis abjecto loco nati, tamen paucorū annorū spatio regales prope opes

opes sibi concilient. hîc etiam impudenter Hotomanus impegit, dum Jugurtham pro Cynca nominat. At Hotomane, rogo deponas bilem; ubi illæ opes? nudarem ego Senatorum multorum, non fastum, sed tenuissimas opes, quorum tamen tenuitas victus, probitas, & supercilia humum spectantia, illos commendant, ut pios ac verecundos: proferrem ego, ni odiosum omnibus esset in alienas facultates & opes inquirere, multos collecta stipe, aut alieno sumptu funeratos, ut de illis veteribus Romanis, quibus virtus non divitiæ in pretio erant, refert *Livius*: & tamen nunquam vidi, nisi ab his quibus, ut inquit *Salustius*, opes nullæ sunt, qui bonis solent invidere, divitias vitio dari. Sunt certè divitiæ, ut ad malum, ita ad bonum maximum instrumentum, quemadmodum in *dialogo de divitiis*, quem *Platoni* tribuunt, Socrates differit. Non est ergo quod divitias nostris Senatoribus obiicias, quæ solent, ut multi volunt, à forde iudices avocare: neque paupertatem, quæ,

quæ, ut *Seneca* vult, maximum sapissime bonum est. Nam quod tu nugaris de coacervatione opum, ab abjectis illis, postquam allekti in illum Senat-um sunt, ista propria delatoris cuius-
dam, & calumniatoris sunt. Dicerem quod Gallum Asinium dixisse refert *Tacitus lib. 2.* auctu Imperii, adolevisse etiam privatas opes: sed audi, hoc ha-
bet Francogallia, habuit, & habebit perpetuum, ut etiam infimo loco nati, virtute possint clari evadere, & hono-
res majores in hac nostra bene consti-
tuta repub. assequi, & obtinere. Sed quis est Horomanus ille tam superci-
liosus, qui omnibus, nisi solis natalium splendore gloriancibus, denegat ad rempub. aditum? & debebas meminisse hoc in omni repub. bene constituta semper servatum, maximè in illa Ro-
mana, iis præsertim temporibus qui-
bus virtus in pretio erat, nec algebat probitas. Sic M. Scaurus carbonariam dicitur exercuisse: Marius satis obscu-
ro loco natus, Consul vij. fuit, cui ali-
quando à Lucullo, cùm missionem pe-
teret,

teret, responsum fuit, satis superesse
temporis ad consulatum sibi & filio pe-
tendū. Ciceroni suorum obscuritas à
Salustio obiicitur, hoc ille gloriæ ducit.
Themistocles ille magnus, civis qui-
dem Atheniensis, sed obscuris paren-
tibus, & ut refert *Plutarchus* in ejus
vita, mediæ ex matre generis. Quid ex-
terna? quæ tam frequentia sunt, ut co-
rum commemoratio aliud Theatrum
vitæ humanæ posset superare? Nostra
verò nota sunt, & fortassis narratio co-
rum odium pareret, quod qui tollere
de repub. nititur, virtutem è medio
tollere vult, quæ istis fovetur & ali-
turalimentis: Honos enim, ut dici-
tur, alit artes. Numerat Hotomanus
Parlamenta nostra, ipsumque ma-
gnum Consilium, mox Judices præsi-
diales in singulis Provinciis, pugnas,
controversiasque urbium invicem,
dum quælibet hujusmodi confessus
ad se trahere tentat. Non ergo tam
magnum malum est, ut tu falsò dicis:
alioquin, quis tam avidè illi inhiaret?
quis malum quærit? quis sibi perni-
ciem

ciem parat? quis interitum? Quod tu ergo malum vocas? At ille patriæ amantissimus dolet quòd, ut inquit, maximus gentis Gallicæ numerus in litibus & calumniis exercendis, & forensibus scriptitationibus operam consummat: fortassis velles illos locare operas suas ad trucidandos & jugulandos homines, ut solent quos tu probè nosti. Rogo dicas mihi, si malum hoc litigare sit, ut malum esse negare (ne me adeò impudentem existimes) nolim, nonne pejus est hominem occidere, idque mercede, urbes alienas diripere modò pro Rege, modò contra, arma capere, ut faciunt quos tu lubèter amplecteris, laudas, & illis adularis? Dices fortassis, in delictis non faciendâ compensationem. Sed tu qui tam gravis es censor, aufer ex tuis malum illud majus, facile festucam excutiemus. Ceterum quod de nomine Parlamenti Hotomanus disserit, de re nota lippis & tonsoribus disserit: quod verò ait, cum auctoritatem concilij Capevingi minuire molirentur, augustum illud nomen

nomen Parlamenti in illum Senatum
transtulisse, ad suum sus ille redit cœ-
num. Ego existimo dictum Parlamen-
tum per metonymiam, ut jus dicitur
locus in quo jus redditur. At utinam
Augustissimi illius Senatus autoritas,
tam illibata & inconcussa foret, ut fuit
antiquis temporibus, certè melius
nobiscum ageretur. Sed inquit Hoto-
manus, modò harum, modò illarum
partium quicquid potestatis, imperii,
authoritatis, penes publicum conci-
lium erat, id totum Senatus ille subdi-
titiis sibi usurpavit. Quod si verum
est, non ergo labefactata est à Cape-
vingis hujus tam à te cantati & prædi-
cati concilii autoritas, imò verò vi-
res suas adhuc retinet: ex quibus col-
ligere possumus, falsum esse quod à te
superius dictum fuit, Reges nostros
Capevingos sustulisse omnem disci-
plinam, & omnia pro arbitrio gessisse,
si sint qui leges Regias probare & im-
probare possint, ut verum est, & tu fa-
teris: ais enim cum de autoritate no-
stri Senatus obgannis, primam esse,
quod

quod nulla lex Regia, nulla constitutio rata est, nisi cujus illi Consilarii sunt: hæc sunt verba tua, authores comprobatoresque sunt. Vide Hottomane quam male tibi constes. Sed admittamus ita esse, potes ne ex eo aliquid notare & reprehendere? nonne vides hujus Senatus auctoritatem necessariam, tanquam, ut ex *Sesellio* diximus, aliquid tertium inter Regem & populum? non te pudet, omnium levissimè, improbare, quod omnes probant? ecquis est mortalium qui non miretur hujusmodi politias, quæ ita sunt constitutæ, ut jure liceat & de principibus, regulis, magistratibus & optimatibus, infimo cuique questum iri, cum Rege æquo jure litigare, & jus suum exequi? esse ne potest aliquid sanctius in toto orbe? Audi, licetne subdito Germano adversus Principem suum Germanum, ubi non jure, sed manu plerunque agitur, litigare, ubi voluntas Domini pro lege habetur? quid de Regnis exteris, in quibus quod Principi placuit, lex semper fuit?

Cessa, per Deum, ridicula ista & inepta proferre, dignaque potius *Rabelaisio* Epicuro, quàm viro gravi & alicujus judicii. Melius Itali, melius ipse *Machiavellus*, qui diuturnitatem nostri Regni (superat enim ætate, duplo, omnia quæ in toto orbe fuerunt, sunt, eruntque.) Senatui huic tribuit: nec mirum, si tanquam ad sedem *Astreae* illius virginis, quæ è cælo ad nos solos devolavit, Reges nostri piissimi, & illius cultores diligentissimi, Basilicam illam regiam opere magnifico extruxerint, illique, quod majus est, sese summisserint, ut *Leo* ille *Atrienfis* restatur: in quo majorem gloriam illos consequutos existimo, quàm si armis Imperium totius orbis sibi afferuissent: quid enim est vincere, si justitiam tollas? nam leges eas esse veras, non quæ ad bellum, sed quæ ad justitiam respiciunt, *Plato* lib. I. de legibus docet: Legislator, inquit ille, ita leges condere debet, ut non aliud, quàm ad amplissimam semper virtutem respiciant: is enim, ut *idem* inquit lib. 3.

Beatus

Beatus non est, sed miser, qui injustus & contumeliosus est, etiam si sanitatem habeat, & divitias, perpetuamque tyrannidem, invictasque præterea corporis vires, & animositatem immortalitatemque possideat, nihilque ex iis perpetiatur, quæ vulgo mala dicuntur; multos enim, ut ait ille eodem lib. 1. mercenarios inveniri, qui externo in bello intrepidè pugnant, quorum plurimi feroces, injurii, contumeliosi, paucissimisque exceptis, omnium amentissimi. Itaque consultissimè Reges nostri, quibus hoc Salomonis semper curæ fuit, Per me Reges regnant: tam amplam sedem delegerunt, qui etiam in templis fuerunt semper magnifici, Religionem, pietatem ac justitiam equaliter colentes, tanquam duo fundamenta certissima & firmissima, sine quibus nullum Regnum, nullaque respub. diu stare possunt: sciebant & noverāt quid prioribus principibus acciderat, de Merovingis & Carlovingis loquor, dum multa per contumeliam subditis in-

ferunt, quibus familiare fuit, ut coactus dixi, edicta sua, quamvis injusta, membri amissione & oculorum evulsione sancire. At proh dolor, quæ causa est, cur inideas amplissimas istas ædes & augustissimas nostris Senatoribus, Magistratibus & Judicibus? Quid de te *Plato lib. 6. de legibus*, qui juxta templa, Magistratum, Judiciumque palatia struere jubet? Partium, *ut inquit ille*, tanquam judicantium Deorum ibi sint delubra. Non erubescis damnare, quod omnes, etiam barbari, probant? Quare ergo nobis proponis *Ægyptias Herodoti fabulas*, & similia, quæ propria sunt, ut jam dixi, cujusdam Epicuri, cum de re seria sermo sit? At verò quæ de hujus Parlamenti origine ait Hotomanus, & an illius mentio aliqua sit in legibus Caroli Magni, & similia, magis suam detegit impudentiam, quam doctrinam: quid enim opus est hujusmodi legibus, quæ an fuerint Caroli Magni, aut alterius legislatoris, ambigitur? Et si fuerint, penitus exolverunt (ne de earum æquitate aut ini-

iniquitate differam) quæ certè magis erant leges hominum agrestium & ferocium, aut militum, quàm Philosophorum; tantum abest, ut nostris æquari possint, quemadmodum lector judicare poterit earum lectione: ab hinc enim duobus aut tribus lustris typis mandatæ sunt, à quædam antiquitatis studioso, non tamen ad eruditionem. Itaque sufficit monuisse lectorem, nil sanctius justiusve inveniri posse in toto orbe ista nostra politia, & institutis, ut res ipsa indicat, & si locus hic postularet, & res longiore non egeret oratione, comparatione cum externis politiis facta, certè Horomanus cogeretur discedere à tam mala & perperam concepta opinione. Nulla enim melior nostra, bonorum omnium judicio, inveniri poterit, licet adducas innumeras Germanas: ibi enim multæ sunt toparchiæ, & dynastiæ, ut dixi, & totidem politiæ: & si quid ætas nostra immutavit, ut res humanæ se habent, vel si in hoc cœtu videamus quosdam assumptos, & in dies
p. 3 assumi,

assumi, contra morem majorum, & fortassis malis artibus, ut veritati locus sit, nihil hoc ad institutum tam pii & sancti Senatus pertinet: & si quid hac parte, licentia temporum peccatum sit, id uno momento, repub. nostra seditionibus vacua, purgari poterit, Rege nostro piissimo & iustissimo, non ad bellum, quo omnia humana & divina pessum eunt, sed ad pacem & iustitiæ cultum animum adiciente, ut breve, Deo propitio, speramus. Nō est ergo, cur *Budaum* virum omnium doctissimum vitia sui temporis culpante in ius voces: ille nec tibi nec tuis suffragari poterit: dolebat vir pius & ægreferebat ignorationem & ignaviam suorum temporum: & certè ne videatur velum veritati iniicere, non sine causa execrabatur, ut omnes boni execrantur, litium multitudinem, earum propagationem illis tribuens, quorū fortassis magna pars lites ex litibus ferebat: id ad probos non pertinet, nec institutum vitiatur, quod iterum cum *Seseliæ* & omnibus bonis pium & sanctum assero.

afsero. Sed audi Hotomane, qui originem litium & sycophantrarum semen (quo certè Gallia scatet) Papæ Clementi V. & juris Civilis & Canonici interpretibus tribuis, propone nobis aliquod remedium huic morbo, in toto orbe Christiano frequenti, & in Gallia frequentissimo: propone, inquam, & te audiemus: alioquin quid juvat tantopere ululare adversus lites, & clamore superare Therfitè? Certè infanientis hoc est, non medentis. Ne quæso detegamus pudenda patrum: illi certè scierunt, & ut ferebāt tempora, litibus mederi nitebantur. Atqui litigare, ut dixi ex *Cæsare & Marcellino*, nobis adeò frequens & dulce est, ut Barbaris ad occidendum, trucidandū, & rapiendum aliena bona, accepto argento operas suas & industriam locare: cogis me pandere & posteritati mādare quæ subticenda semper duxi. Dicit prætereā Hotomanus: At tempore Caroli Magni nō erant parlamenta, ergo nullę lites, aut saltem paucę nempe jus erat in armis, tantus n. illis temporibus

p. 4

ribus fuit nobilitatis fastus, ut ceteri mortales, quos Romani paganos vocabant, illi servire cogerentur, essent nullius pretii, ut nullius olim erant, *Cesare* authore, *lib. Commentariorum* *forum* 6, ubi ille ait; In omni Gallia eorum hominum qui aliquo sunt numero atque honore, genera esse duo: nam plebs penè servorum habetur loco, quæ nihil audet per se, nulli adhibetur consilio: quæ in servitute & Merovingis & Carlovingis plebs detinebatur, ut ex *Turonensi* & *Aimoino* satis constat; non ergo licebat illis adversus tam graves Dominos lites movere; in his enim, ut inquit *Cesar*, eadem omnia erant jura, quæ Dominus in servos: à qua tandem servitute liberati sunt beneficio Capevingorum, quibus semper peculiare fuit, Justitiam colere, nulla personarum habita ratione: non est ergo, quòd paucitatem illam litium moderationi horum principum tribuas, quos fuisse pios & justos nemo negabit, Sed rursus ait Hotomanus ex *Jonvilleo*: Tempore divi Ludovici paucæ erant lites: fateor; tunc nulli aut pauci

paucierant seditiosi: jus princeps ille
pius dicebat , & cæteris mandabat.
Sed postea litibus crescentibus , au-
ctus fuit numerus judicantium , &
quod Reges per se non potuerunt exe-
qui, iudicibus mandarunt, quos statori-
os ob id fecerunt, ne tam gravibus
sumptibus litigantes premerentur, si
coram Rege & in ipso comitatu Prin-
cipis lites persequi coacti fuissent. Sic
historiæ Romanæ ajunt Romulum,
primum Romanorum Regem, iudica-
re solitum, quædam aliorum iudicio
permittere: ejectis Regibus, Consules
eorum loco suffecti iudicabant, ut re-
fert *Livius lib. 2.* quorum Imperium
imminutum postea fuit, creatis xvj,
Tribunjs plebis; adeò, quantum ad po-
litias attinet, res humanæ mutabiles
sunt & inconstantes. Sed cum viderent
etiam opus esse magistratu, qui
absque provocatione necis & vitæ po-
testatem haberet, Dictator creatus
est: inventi præterea multi alii Magi-
stratus, nempe Prætores urbani & pe-
regrini, quorum nunquam fuit certus

numerus: erant *Ædiles*: mox *auctares* pub. & *auctis* negotiis, alii minores magistratus additi sunt, *Triumviri nocturni*, *monetales*, *agrarii*, *capitales*: & in nostris libris mentio fit *judicii centum viralis*, imò ipsum *Senatum Romanum* jus aliquando dixisse testatur *Tacitus*. Sed longius vagari me cogit *Hotomanus*, quàm decreveram: itaque, ut ad eum redeam, Nihil tempore *Ludovici* factum quod *posteriores Reges* non *factitarint*, quotiens bellorum fuit *vacatio*: id faciebant *Carolus v.* & *vii.* *Lud. xi.* & *xii.* & post eos *Franciscus ille i.* *literarum parens*, *Henricus filius*: fecitque *Carolus ultimus* tanta *dexteritate* & *acumine ingenii*, ut nihil *suprà*. Ait præterea *Hotomanus*, hujus *Parlamenti Regem* *authorem* esse, ad eumque *cogendum rescripta* quotannis 2. *Idus Novembris* mitti à *Principe*: quod verum est: quem enim alium *authorem* habere posset, nisi eum qui *lex est*? ut ait *Aristoteles*: non tamen illa *ratione* qua utitur *Hotomanus*, *rescriptum illud annuum*
de

de cogendo Senatu mittitur, alia est ratio mihi nota. De constitutione Pulchri, qua cautum fuisse ait Hotomanus, ut in Parlamento trifarii generis federent Prælati, Barones, & mixti Clerici cum laicis, & laici partim ex Equitibus, partim ex promiscuo genere hominum deligerentur: non planè observavit Hotomanus usum loquendi istorum temporum, non enim Clerici dicebantur, quemadmodum jure pontificio vocantur: sed Clerici, id est juris periti, ut ex ipso *Fraissardo* manifestum sit, qui sæpissimè refert, Regem misisse unum Clericum Parlamenti, unum Clericum eorum qui rationibus expungendis præficiuntur: sed hæc logomachia curiosis relinquatur: fuisse autem vicissitudine temporum formam illam mutatam, & cautum ut non assumantur & aptentur ad cœtum illum, nisi qui eruditione & virtute pollerent, sine aliquo discrimine, id non sine ratione factum fuisse, nemo est qui nesciat: & utinam quæ hac de re instituta & sancita pro-

probè sunt, Aulicorum quorundam nequitia non fierent irrita, certè staret Respub. nec fortassis tot seditionum procellis agitata fluctuaret. At res humanæ ita sunt comparatæ, & ita rerum omnium inest quædam vicissitudo, ut quemadmodum temporum vices, ita & morum vertuntur, ut inquit *Tacitus*. Itaque, ut finem faciam, plura infinitaque præteream quæ dici possent: Nolo negare multa esse immutanda, quæ iniquitate temporum irrepserunt in nostram rempub. vitia enim virtutibus immixta sunt, & illas secum trahunt: nolo inquam negare, majorem eorum artificum qui lites sectantur numerum esse, quàm sit è republica, quos vivere aliena substantia & ditari non inficior, sed emendare non est facile: nam, ut est apud eundem *Tacitum*, lib. 3. Corporis morbos veteres, & diu auctos, nisi per dura & aspera coerceas; corruptus simul & corruptor æger & flagrans animus, haud levioribus remediis restringendus est, quàm libidinibus ardescit: & si velis quod non-

nondum vetitum est, timeas ne vetere. Olim parsimonia pollebat, quia sibi quisque moderabatur: itaque nos pudor, pauperes necessitas, divites satias in melius mutet. Non est novum, nec Hotomanus primus est, qui adversus causarum patronos invecus est. Silius Romæ Consul Tiberio imperante multa ad hanc rem & graviora dicit, ut idem *Tacitus lib. II.* Ab istis enim, *inquit ille*, inimicitias, odia, & injurias foveri, ut quomodo vis morborum pretia medentibus, sic fori tabes pecuniam advocatis ferat: sed illi responsum fuit, neque Eloquentiam gratuito contingere: omitti curas familiares, ut quis se alienis negotiis intendat: multos militia, quosdam exercendo agros tolerare vitam: nihil à quoquam expeti, nisi cujus fructus antè providerit. Plura etiam *Marcellinus*: majora *Plato*. Sed ut à me suprà dictum est, quia lites sunt in Gallia frequentissimæ, & Hotomanus nullum remedium earum dirimendatum profert, istis carere non possumus, quorum
usum

usum pernecessarium norunt qui experiuntur : ne quis , ut dicit *Tacitus*, inopia advocatorum potentioribus obnoxius sit. Plura ego, sed quia non est nostri instituti, hæc sufficiant. Ex quibus manifestum esse omnibus existimo, ut superius diximus, totam Hotomani orationem plenam esse seditionis , sycophantiæ , mendacii , rebellionis : nihil in eapium , nihil homine Christiano dignum, nihil denique præter verborum fucum. Nostra verò fortassis minus elegans videbitur : quia, ut inquit *Plato*, *lib. i. de legibus*, hoc non agimus, ut elegantiam vel ruditatem verborum observemus, quod multi facere solent : sed ut recta ratione errorem detegamus, eumque collamus : veritate tamen nititur, qua superior futura est : nam ea oratio quæ veritati dat operam, incomposita debet esse & simplex. Proinde ut tandem finis nostræ Responsioni imponatur, licet non desint, quibus aliena carpere quàm sua edere sit facilius, ut impiis multa ad conviciandum

dum & calumniandum in promptu
esse non dubito: ita piis (iis enim li-
bellum meum dicatum volo) non pau-
ciora ad cavendum superesse scio.
Quibus si hunc laborem meum (quem
reipublicæ causa suscepi) placere
sensero, abundè mihi satis-
factum esse, omnibus
testatum volo.





IN HOTOMANUM ET EJUS
FRANCOGALLIAM, JO.
Combellei apud Arver-
nos Præsidis,

SUPPOSUISSE nothos partus,
atque impia mentis
Semina cum spargas, non, Ho-
tomane, pudet?

En tibi qui fucos aperit Matharellus, & ipse

Te patrem, ille tuus filius ore refert:

Francogallorum mentito nomine, motus

Augere (exorta seditione) paras.

Sic Catilina suos voluit suadere Quirites,

Dum strueret patriæ tristia damna sua.

At Reges coluisse suos, non ultima laus est

Gallorum, atque illis insita certa fides.

Hosce tuos mores, Gallos? Quis denique Gallum

Te putet? Atque utinam mens tibi Galla
foret.

Vos igitur Galli, externum ne admittite li-
brum,

Sed nec & authorem, cum sit uterque
nothus:

Sic

(o)

*Sic nec Hoto posthac dicaris, sed Nothoma-
nus:*

Tuque liber, Falso gallia, nomen habe.

AVGVSTINI PREVOTII,
Regis senatusque amanuensis & à li-
bellis, Carmen in laudem Responso-
nis ANT. MATH. Arverni ad
Franc. Hotomani Fran-
cogalliam.

Postquam civilis temeraria praelia motus,
Et cumulata novis sunt nova fata
malis,

Alternatandem sperabat pace potiri

Gallia; natorum cade cruenta parens:

*Cum passim dirum effundens, Hotomane,
venenum*

*Horrissonam reparas rursus ad arma tu-
bam.*

*Historia specie tragicum mentite furorem,
Gallica in extinctas spargis in arva faces.*

Vilia ventosi populi suffragia laudans,

Regali heredem deicis è solio.

Et modo supremos audaci Voce Senatus

Sordibus immersos divitisque fremis.

q

Deni-

Deniq, pro veris vanissima somnia miscens,
 Grande nefas mira calliditate tegis.
 Ingrati contra crudelia vulnera alumni
 Poscebat medicam patria laesa manum:
 Ocyus exurgens Alcides Gallicus alter,
 Divini vires exerit ingenij.
 Doctaque facundus Matharellius ora resol-
 vens,
 Conficit artifici noxia scripta stylo:
 Inclyta magnanima melius primordia
 gentis,
 Et veteres ritus juraque a vita docens.
 Qualiter oppositas Titan pulcherrimus um-
 bras,
 Densaue flammivomis nubila pellit e-
 quis.
 Turpia veridica retegunt mendacia chartae,
 Candida fucatum pagina vincit opus.
 Dii facite ut positis concordia fœdere bellis,
 Induat antiquum Gallia nostra decus:
 Auctorisque pii longum celebretur in ævum
 Nomen, & aeterno dignus honore liber.

LEONICUS POEMENIUS

I. C. in commendationem

Scriptoris.

Hujus

Hujus in Authoris meritas erumpere
laudes

Qui volet, exiguum non meditetur opus:
Nam sibi propositum sic vulnerat eminus
hostem,

Sanet ut appositis absque cruore notis.
Dum patrios ritus, leges, ac jura tuetur,
Militia sequitur tutius arte genus.
Pro patria pugnans, patria plus proderit
unus,

Quàm ferro hostiles qui populantur opes.
Arma toga cedant igitur, jam palma Mi-
nerua

Detur, & ex calamo lecta corona juvet.

G. CASTELLOCLARI IN
senatu causarum patroni.

Bella manu, lethumque gerens, furialis
Erynnis

Per populos latè primùm bacchata feroces,
Carula Danubii ac Rheni qui flumina po-
tant,

Subsedit nostris, eheu, infælicibus oris.
Hinc contempta jacet Regum veneranda
potestas,

*Qua stetit incolumis multis res Gallica seclis.
 Hinc conjurati patriam rescindere cives,
 Infidas armant fraterna in funera dextras:
 Aut passim latos vastant cultoribus agros,
 Aut miseros cingunt, obsidione, penates.*

*Pro scelus indignum, cur impia vertitis
 arma*

In Patriam & se vomiscetis cuncta tumultu?

*Vos mater, gravida hic primum gestavit
 in alvo,*

*Hic primum dulces hausistis luminis auras,
 Quem furis agitati funditis ecce cruorem,
 Cognato vobis cruor est de corpore ductus.
 Parcite, per, si qua est pietas, immanibus
 ausis,*

*Nec patrias verbis leges temerate nefandis,
 Vellite nec priscum decus inviolabile Regum,
 In terris aliud quo non augustius ullum:*

*Ab Iove sunt Reges, regni ducuntur ab illo
 Patribus à primis ad seros sceptrum nepotes:
 Spem licet ex tam multis una aut altera forte
 Degener antiquis soboles mentita fefellit.*

*Sed tam, ô Reges, antiqua ab origine gentis
 Tradita sceptrum quibus longo sunt ordine
 avorum,*

Nec

*Nec sanctam violate fidem, nec libera jura:
 Nam pulchrum vitam pro libertate pacisci
 Tunc populus ducens, furit, & fera fertur ad
 arma,*

*Præceps, hybernis tumefactus ut imbribus,
 amnis*

*Oppositas sternens, violento gurgite, moles,
 Funditur, & noto jam non se continet al-
 veo.*

*Denique debentur pænis ultricibus omnes,
 Qui se vos populis sese exhibuere tyrannos:
 Et fas, atque nefas, vertere ut cuique libido.*

*Hac tua mens, scriptis hac est sententia
 doctis,*

*Rara fori, Matharelle, & sæcli gloria nostri,
 Quæis patria temerè, non jura movenda
 tueris.*

*Ex quo tu merito æterna celebrabere fama,
 Donec sanctus honos Regum laudesque ma-
 nebunt.*

*Dij tibi dent, HENRICE, feros compe-
 scere motus,*

*Et comitata tuos fælix Concordia gressus,
 Dum nova nunc solio figis vestigia avito,
 Dulcia restituat pacatis ocia bellis:*

Sic quando denja caligine nubila calo

(6)

*Ventus agit, vastum & Neptunus concutit
aquor,*

*Exoriente Helena tranquillio sidere fra-
trum,*

*Aequora mota silent lato, fluctusque recum-
bunt:*

*Pallidus extemplo nautis de pectore terror
Pulsus abit, lata volitant pelagoque carina.*

JOAN. PISSEV. YSSIODOR.

ad Ant. Matharellum,

V. C. Carmen,

Q*uod solus solers Augusta munera tra-
ctas,*

Quando opus arguto reddere jura foro:
Hic tibi conspicui primus sit fructus honoris,

*Sunt tamen hac meritis cuncta minora
tuis.*

Sanctarum siquidem calles anigmata legum

Quin & cauta fori retia, decipulas.

*Non pia te fugiunt priscorum dogmata pa-
trum,*

Nec veterum sacri Pontificum canones.

Restat, quae tanto studio multoque labore

Parturis, hac nobis jam latitare domi.

Ergo

*Ergo age rumpe moras, vanumque omitte
timorem,*

Ingenii pereant ne monumenta tui.

Tu specimen nobis isto, Matharelle, libello

Edis praeclarum, quid valeant humeri:

Dum conjuratum, prostratas feliciter hostem,

Indixit bellum qui patria & superis.

IN RESPONSIONEM AN-

tonii Matharellii arverni, Reginae Ma-

tris à rebus procurandis Prima-

rii, Joannis Bonefonii Ar-

verni Carmen.

Nescio qui gelidum Rheni projectus ad
amnem

Exul, in angustos Reges sacrumque Senatum,

Mille venenata vibravit sibila lingua:

*His populum aucupis mulcens, cum indigna
profanum*

*Audiat in Proceres vulgus maledicta li-
benter.*

Cui tamen incauto obtrudit mendacia mille,

Historia specie, nugas commentus aniles.

*Impius, immeritos qui sic Regesque Pa-
tresque*

*Vulneret, an demens ficto qui tegmine frau-
des*

*Posse latere suas & inania somnia credat?
Qua subito advertens noster Matharellius,
arte,*

*Ingenioque sagax, animum sub vulpe laten-
tem*

*Detexit, vanus ne quem seduceret error.
Non indigna tamen maledicta refundere in
illam.*

*Nec placuit dentem mordaci rodere dente.
Illa decent animosque leves, rabiemque ca-
ninam.*

*Sat fuit arcanas in vulgus promere fraudes,
Majorum melius ritus & jura docentem.
Quantum nostra tibi, Matharelli, Gallia
debet,*

*Qui confers omnes in publica commoda cu-
ras?*

*Cui non ulla dies, nec vita deperit ulla
Portio: das studiis, causis quodcunque rece-
dit.*

*Nec tibi sola tuis ut consultoribus adsis,
Et caveas, cura est: populis quoque cura do-
cendis*

Est tibi victuris aeterna in secula libellis.

IN



IN ANTONII MATHA-
relli responsionem ad Franc. Oro-
mani non Francogalliam, sed
Francocalumniam.

Qualis Aloiadas fratres furor impius
egit,

In sua conari mittere vincla Iovem;

*Mercurius vinctum vafra quem solvit, ab
arte;*

At sceleris vindex factus uterque sui est.

Nam mutata Deam ceruâ Diana fugaci,

Illorum ante oculos dum nova cerua fugit:

Ambo coniectis per mutua vulnera, telis,

Errore errorem ritè luere suum.

*Talis & ecce novos, hinc Oros, hinc Ephial-
tas,*

Fert furor in Reges à Iove progenitos.

Nam quis Aloiadas Gracorum voce vocatos

Nesciat errantis nomen habere Patris?

At vi regnando dicta quis ab Iphimedia

Non videat vitium matris habere sua?

*Nam quòd & in superos hastas jacerent, E-
phialtas*

(o)

*Fabula non ficto nomine ficta vocat.
Vulnera quòd facerent Oti de vulnere
dicti,
A quibus Otomanus nomen & omen ha-
bet.*

*Otomanus nomen vesania cui dedit Oti
In Regem ausuro stringere tela suum.
Scilicet ut vinclis (si Deus placet) alliget
illum,
Cuius regnandi Lexque, Deusque dedit.
Lex in regna mares succedere qua jubet o-
lim,
Quam Deus & signis comprobat usque
novis.*

*Nam quoties sacro Rex purgat ab ulcere,
Regem
Legitimum toties hunc Deus esse probat.
Sed qui vera negant miracula, posse negare
Non mirum est Regem, posse negare Deum.
Et quia vincla Iovem non in sua mittere
possunt,
Pro Iove nunc Regem velle ligare suum.
Nunc quoque Mercurius, Matharellus, cal-
lidus alter,*

Ex Oti vinclis eripit ecce Iovem:

Oto-

(6)

Otomani vero mendacia teste refutans,
Assertor patrii juris, & Imperii.
Et bona semper avis, (si quid credatur Ho-
mero)

Tutari patriæ jura decusque sua.
Quod probat HENRICUS Rex fœlicissimus
unus,

Dum pia pro patria Dux gerit arma sua.
Regis & exemplum tu nunc, Matharelle,
Sequitus,
Per tua quod facies clara trophæa ra-
tum.

Auspice præsertim Regina Pallade bellum,
Huraldoque, iniens, auspice palladio.
Ut fuerat Martis qua laurea, fiat & Artis:
Nam decet intonsum ramus uterque
Deum.

Restat ut Otomano, pariterque novis E-
phialtis,

Idem qui priscis, exitus eveniat:
Ut sese alterna perimant errore sagitta,
Fabula quod fuerat, fiat ut historia.

JO. AURATUS POETA REGIUS.

LUDO.

(o)
LUDOVICI AURELIANI IN,
Senatu caufarum Patroni.

Afflicta sat erat patria, miseraque pa-
renti,

Natorum rabiem, totiesque in crimina ver-
sas

Crudeles sensisse manus, sat vulnera mille

Visceribus subisse suis, & robore multo

Prostratam propriis velut interiisse sub ar-
mis.

Expletum post omne scelus, postque omne
nefandum

Quod potuit peperisse manus post omnia dira,

Post flammās, variasque neces, nihil insuper
armis

Esse putabamus reliqui, nisi pectore toto

Viribus exhaustis optata insistere paci.

Proventu scelerum verum nova praelia sur-
gunt,

Dumque silet ferrum, lassataque dextera
ferro,

Dum galca horrendo cristarum vertice pen-
dent,

Atq; ensis, toties male fusi sanguinis author.

Ipsē animus fera bella movet, martemque
capeffit

Mens

(o)

Mens hominum, nostrasque petunt (miserabile dictu)

Imperii justas armata volumina leges.

*Fit calamus, fit charta nocens, fit perfida
Gallis*

*Gallica desertrix Pallas, mentemque rebellē
Phæbus habet, pariterque suo cum fratre
Camæna*

*Hostibus his nihil intactum, quod tempore
longo*

*Sanxerunt leges, usus firmavit & ætas,
Quodque patres habuere ratum, & sapien-
tia prima*

*Majorum, evertisse placet: non parcitur uni
Augusto capiti Regis, quærenda potestas
Est alia, arcendique procul qui jura mini-
strant:*

*Vtque fuit patriis laribus crudeliter acta
Gallorum Pietas, sic disturbanda vicissim
Iustitia est veneranda soror, quo cuique
fruiſci*

Ingenio liceat, nullamq; agnoscere legem.

*Heu! scelus indignum, quæ ferrea charta
cruentas*

*Tam potuit perferre notas? quo vindice
tandem*

Illa manumissa est, nostrumque erupit in orbem?

Authorem dixisse nefas, sine vulnere nomen

Esse nequit patria, licet hunc studiosa Trebati

Commendet, Paulique domus, legumque Senatus,

Sed quorsum placuit veteres in publica damna

Authores armasse viros? quorsumve libellis

Quod fidei restabat adhuc subducere Regi? Pontificem certè juris jura ipsa prementem

Inviti aspicimus, moniti præclarius esse, Vix respirantis patriæ misererier, atque

Amplecti lassam bellis, mæstamque solari, Quàm Musa hostili, funesta & Pallade, totam

Fædare, & regni assuetos invertere vultus. Non bene curatur morbi medicamine morbus,

Nec nisi damna potest damnosa inversio rerum

Confusumque Chaos miseris infundere Gallis.

Tunc putas nostros etati reddere prisca

Posse

Posse viros? lapsam & regni reparare rui-
nam?

Imperiis certos fines, exordia certa

Fixit & atates, qui Iuppiter imperat unus.

Sceptraque purpurea modo qua viguere in-
venta

Debile nunc perimit senium, labuntur &
annis.

Fiunt regna senes, & proxima funera lento

Fune trahunt, agroque suo vix corpore si-
stunt.

Quaque semel fluxit nō est revocabilis atas.

Gallica sic senuit virtus, liquefecit & ille

Consilii armorumque vigor, quo stante, tre-
mentem

(dum.

Conspexere patres nostro sub nomine mun-

Nunc casso fractoque seni quod fortè reman-
sit

Imperio, est alia penitus ratione regendum,

Quàm dum substiterant juvenili in pectore
vires.

Sic patriæ extremas tabulas & naufragavela

Se regere afflictis quondam memorabat
Achivis

Demades, Argivæ non ultima gloria lingua.

Sic quoque Romulæ facundia maxima gen-
tis,)

Sepe

*Sepè suum fertur dictis monuisse Catonem,
Quòd patria labente, suo nihil ille Quiriti
Parceret, austerus nimium, rigidusque satel-*
les

*Prisca uirtutis, jam iam per tempora lapsa.
Sed quò transversum me carminis arripit
ardor ?*

*Mè ne tuam falce indocta succidere messem ?
Non ita si sapiam, nec adhuc mihi tanta pu-*
sillo


Indoctoque homini, MATHARELLE, au-
dacia surgit :

Hoc opus esse tuum agnosco hæc præcepta do-
cere,

*Cui Titan meliore luto præcordia finxit.
Aude igitur dignum Brutis, patriaque, tuo-*
que

*Munere, quod nostri laudent, relegant que
nepotes,*

F I N I S.



6A
72.3
1700
Eic/200



